



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

A

858,005

BIBLIOTHECA  
SCRIPTORUM GRÆCORUM  
ET ROMANORUM  
THEBNERIANA

PLINIUS

EPISTULÆ


ROMÆ

C. P. W. MÜLLER



LITTEL

IN OMNIBUS A. C. THEBNERIANIS



föhrung seit 1899 gewachsen. In demselben Jahre wurde auch ein neues Museum an die Universität zu geben, kann der Berichterstatter, der das Buch, ersten Band der Naturstudien unterstellt als Prämie gegeben hat, vollumfänglich bestätigen. Diese Naturstudien eignen sich vortrefflich zu Geschenken seitens der Schule, bei deren Beschlag der Bibliothek wegen der nicht zu hohen Kosten wirklich brauchbarer Werke leicht zu Berlangen ist. (Naturwissenschaft, XIII, S. 15.)

## Naturstudien in Wald und Feld.

### Spaziergangs-Fländereien.

Ein Buch für die Jugend von Dr. H. Kraepelin. Mit Zeichnungen von D. Schwindrazheim. 1901. In geschmackvollen Original-Leinwandband M 3.60.

Gleich den „Naturstudien im Hause“ und „Im Garten“ desselben Verfassers wendet sich das vorliegende Werkchen an die heranwachsende Jugend, deren Interesse für die mannigfachen Erscheinungen und Geschehnisse da draußen „in Wald und Feld“ es erwecken möchte, um so zu eigener Beobachtung, zu eigener geistiger Arbeit hinzuleiten. In seiner ganzen Anlage schließt es sich eng an die früheren, das Haus und den Garten behandelnden Jugendbüchlein des Verfassers an, zu denen es also gewissermaßen den dritten, abschließenden Teil bildet, der aber auch für sich allein sehr wohl verständlich ist. Die Form des Dialogs ist gewählt, da sie allein die Phantasie zur vollen, lebendigen Anschauung fortzureißen vermag. Von dem Bilderhändler, der auch diesmal von D. Schwindrazheim mit großer Liebe entworfen wurde, steht zu hoffen, daß er zur Veranschaulichung des Vorgelesenen nicht unvorteilhaft beitragen wird.



## Zum Aufsatz-Unterricht

ist im Verlage von H. W. Teubner in Leipzig, Poststraße 3, erschienen und durch alle Buchhandlungen zu beziehen:

**Sindel, Carl**, Dispositionen zu deutschen Aufsätzen für die Tertia der höheren Lehranstalten. 2 Bändchen 8. gr. jedes Bändchen M. 2.—

I. Bändchen. (XVI u. 228 S.) 1894. II. Bändchen. (XX u. 220 S.) 1895.

**Thelenius, Dr. L.**, Professor am Rheinisch-Westfälischen Gymnasium zu Königsberg i. Pr., Dispositionen und Materialien zu deutschen Aufsätzen über Themata für die beiden ersten Klassen höherer Lehranstalten. Vier Hefte in zwei Bändchen. Poths'sche Verlagsbuchh. 8. 1899. Jedes Heft geb. M. 1.—

I. Bändchen. 1. Heft. 12. Aufl. (XXI u. 160 S.) | II. Bändchen. 1. Heft 2. Aufl. (XIII u. 216 S.)  
2. — — — — — II. Heft. (V u. 234 S.) — — — — — 2. — — — — — 2. Aufl. (VI u. 213—200 S.)

——— praktische Anleitung zur Abfassung deutscher Aufsätze in Versen an einen jungen Freund. 6. Aufl. (VI u. 194 S.) 8. 1898. geb. M. 2.40.

**Müller, Dr. Adolf**, Gymnasiallehrer, praktische Anleitung zur Vermeidung der hauptsächlichsten Fehler in Anlage und Ausführung deutscher Aufsätze für die Schüler der mittleren und oberen Klassen der Gymnasien, Realschulen und anderer höherer Lehranstalten, sowie zum Selbststudium bei der Vorbereitung auf schriftliche Prüfungen im Deutschen. 8. Auflage. Neu bearbeitet von Dr. Otto Böhm. (88 S.) gr. 8. 1901. kart. M. 1.—

**Meyer, Dr. Carl**, Rektor des Progymnasiums zu Wuppertal, anderjährige Dispositionen und Musterentwürfe zu deutschen Aufsätzen für obere Klassen höherer Lehranstalten. (XX u. 235 S.) 8. 1899. geb. M. 2.—

**Musengel, Dr. Georg**, Professor am Realgymnasium zu Elberfeld, deutsche Aufsätze für die Mittelsstufe höherer Lehranstalten im Anschluß an den deutschen Lesesch. (VII u. 116 S.) gr. 8. 1901. geb. M. 1.40.

**Musmann, Dr. Julius**, Direktor des Realgymnasiums zu Osnabrück a/H., theoretisch-praktische Anleitung zur Abfassung deutscher Aufsätze in Regeln, Musterbeispielen und Dispositionen besonders im Hinblick an die bestmögliche Forderung der Schüler nebst Aufgaben zu Klassenarbeiten für die mittlere und obere Klassen höherer Schulen. 6. Auflage. (XVI u. 546 S.) 8. 1897. geb. M. 3.60.

**Müller, Dr. Hermann**, Oberlehrer in Chemnitz, deutsche Musterentwürfe für alle Arten höherer Schulen. (X u. 268 S.) gr. 8. 1899. Dauerhaft geb. M. 2.40.

**Nurberg, Dr. J.**, Gymnasiallehrer in Berlin, hundert Themata für deutsche Aufsätze. Ein Hilfsbuch für den deutschen Unterricht auf der Sekundarstufe. (64 S.) 8. 1891. kart. M. —.60.

*Plinius Caecilius Secundus, C.*

**C. PLINI CAECILI SECUNDI**

**EPISTULARUM LIBRI NOVEN**

**EPISTULARUM AD TRAIANUM LIBER**

**PANEGYRICUS**

**RECOGNOVIT**

**C. F. W. MUELLER**

TEUBNER



**LIPSIAE**

**IN AEDIBUS B. G. TEUBNERI**

**MCMIII**

8  
7  
19



LIPSIÆ: TYPIS B. G. TEUBNERI

Salin  
Sulloch  
11-2 r. 41  
44376

## PRAEFATIO.

De Plini codicibus non est quod nos post Henr. Keilium pluribus disputemus. Triplex esse genus librorum docuit ille et in editione minore stereotypa primum anno 1853 vulgata, postea saepius repetita et in maiore anni 1870, unum novem libros membranarum aliquot casu interceptis complectens, alterum 'octavo libro omissa, nono pro octavo posito octo libros' continens, tertium centum epistularum, I—V 6 praeter IV 27. 'Integrum novem librorum numerum unus omnium librorum manu scriptorum tenet cod. Mediceus vel Laurentianus plutei XLV 36', tenuerunt ii, ex quibus editiones Romana a. 1474 et Aldina a. 1508 promptae sunt. Octo libros, I—VII et IX, continet 'magnus numerus codicum quinto decimo saeculo scriptorum', ex quo numero unum potissimum, Dresdensum D 166, Keilius adhibuit, et ed. princeps a. 1471. Tertii 'generis codicum unum testem nunc habemus codicem Florentinum olim bibliothecae S. Marci 284', nunc Laurentianae, simillimum ei, quo Aldus usus est. Accedunt codices Vaticanus 3864, in quo sunt IV primi libri, cuius 'scriptura cum Mediceo codice tam accurate consentit, ut utrumque librum ex uno exemplari descriptum esse plane appareat', et Riccardianus, nunc Ashburnhamiensis 'Marciano aetate fere par', continens 'quatuor libros completos et initium quinti'.

Hoc apparatu Keilius ita usus est, ut principem locum daret Mediceo et Vaticano. At A. Otto in Herma XXI 1886 p. 287sq. accurate demonstravit foede corruptos esse vel negligentia vel inscitia librariorum omnes Plini codices, Mediceo non tantum socordiam scribae nocuisse quantum libidinem eius, qui quamvis bono fonte usus, quae ipsi displicerent, corrigenda putaret.



Epistularum Plini ad Traianum et Traiani ad Plinium (quibus nos in adnotatione et in indice brevitatis causa nomen X libri ab Aldo datum reliquimus) nullum iam librum manu scriptum habuimus, quoniam periit is, ex quo Avantius a. 1502 epistulas 41—121, Aldus a. 1508 etiam primas quadraginta ediderunt. Nunc Oxonii codicem inventum esse audio.

Ad panegyrici recensionem praeter parvas reliquias palimpsesti Ambrosiani (de quibus v. Keil ind. Hal. hib. 1869) multo meliores libros quam Keilius adhibuit Aem. Baehrens in panegyricorum editione a. 1874, optimum omnium Upsaliensem A praef. p. XXI—XXV, postquam 'Plinii panegyricus iam impressus erat'.

Ego hoc mihi proposui, ut neglecta plurima codicum et ceterorum editorum discrepantia ea notarem, in quibus a Keilio et Baehrensis haec editio discreparet.

Postquam sex primae huius editionis plagulae typis expressae sunt, cognovi iam anno 1895 Riccardianum codicem Florentiae ab E. T. Merrillo diligentissime excussum eiusque operae rationem redditam esse in 'The American Journal of Philology' vol. XVI p. 468—490. Inde repeto haec: p. 1. 6 si *om.* — paulo accuratius — 18 ante — 2. 28 triclinia illa popine? quid euripus? quid cubicula — 3. 4 excute — 4. 7 aut — 19 tum — 20 quid sentiam — 24 quaero *om.* — 5. 2 inquit *habent Fpr, K.I, Otto p. 295 sq., om. etiam R, K.II* — 29 inquit *ante* interrogavi *Fpr, om. etiam R* — 6. 18 plinius — 8. 9 notasse — 26 optinere — 9. 35 gloriam non — 10. 7 quod — 8 culpatur — 11. 32 mihi tamen — 12. 21 quando, *non* quandoque — contigit — 31 bonum — 13. 18 acersita — 25 pignora, *non* pignera — 14. 2 incredibiles — 32 ego — fortissimi morte — 15. 18 tum (*bis ?*) — 16. 16 milicius aemilianus acilianus — 17. 25 perit — 27 comoedo — 18. 13 audii — 16 aptae — 24 idem qui in orationibus suis est — 19. 1 quas *om.* — 3 dignus

est — 13 & hoc — 20. 18 patria *post* mihi *om.*, *sed habet post carius, ubi non recte om. cum K.I* — 21. 9 facturum, *non te fact.* — 18 alioquū — 20 sint — 27 demosthen—hyperidem — 22. 21 autem *om.* — 23. 7 amplectitur — 13 sq. genuisset aut talus — 23 et incerta — 32 contigisset, *corr., ut vid., ex* contigissent — 24. 21 illam *dupl.* — 30 tuae debeam — 25. 1 confirmaris — 10 decentis — 26. 6 quis — 27 vel *om.* — 27. 13 me esse aliquid, *eras. litt. post* esse — 28. 2 est — 5 oportunitas — 12 ille esset, mihi *superscr.*, tibi *in ras.* — 23 et perinde — 29. 3—5 atque—optimum *add. m. multo poster.* — 14 hunc, *non haec* — 30 adcurrit — 30. 13 aliquos cines, *corr. ex* ciuis — 26 dii — 31. 3 partis — 7 prohoemiatur — 19 nolumus — auditorum, *corr., ut vid., ex* audetorum — 32. 2 uoltus — 42. 30 quam *om.* — 32 et *om.* — 43. 20 conuertere — 23 plini *pro* ei — 25 huius quoque nomine &pi&ati — 26 primis ipse citerioris — 31 enim aut illoş — 44. 1 uoltuque *corr. ex* uultuque — 17 in intimam — 21 efficacissime *corr. ex* — ime — 29 in (*in ras.*) pauci — iuuat — 45. 17 heri — 19 sumpser — 46. 6 ubi sibi silentium — 30 hoc allui — 47. 17 cui *om.* — 23 oport. — 48. 3 que *om.* — 8 sq. egregium eaduersū — 16 cauendum — 49. 8 balinei — 10 sin (*in corr.*) mare — 14 mirifice — 18 amoenissimas uillas — 28 circuitu — 50. 9 uentus — 15 a latere — 27 qua mare — 51. 7 hypocaustum — 12 recipi *corr. ex* recipio, *sed* ipi *in ras.* — 29 ipso mari — 52. 4 eū *pro* iam — 17 iocabantur — 22 quid de quoque — 53. 5 recitentur — 7 quasol& — 20 quasi *om.* — 26 aliud auditores *om.* — 27 alloquiis — 54. 3 esse, *non* inesse — 12 exigitur — 24 uoltum — 32 ante hominem *erasa litt.* — 55. 1 peierass& — 17 inquit *ut saepius* — 30 duplicata — 56. 15 qui &iam — 16 si non, *non* si non eo — 57. 3 residit — 5 doctissima — 7 balnei — 16 & adficitur — 21 que *om.* — 59. 20 dis — 26 comprobasse — 32 caecilii — 60. 12 compulit — 18 priore — 28 computabam — 29 iam *om.* — 61. 14 adstitit (*m. II corr.*

*ex ast* —) *ei* — 19 *perfecit* — 62. 21 *fremitum* — 22 *in-*  
*secessum solum* — *balinei*, in *in ras.* — 30 *inquit* —  
 32 *inpertiretur* — 63. 4 *larcio* — 10 *impedire* — 73.  
 31 *Adcatilinum seuer. ind.* — 74. 26 *adtollere* — 31  
*Adpatilium* (p *in ras.* ?) *ind.* — 75. 8 *se om.* — 9 *in-*  
*pleuit* — 15 *comprehensa* — 76. 9 *iis* — 12 *delini-*  
*mentis corr. m. II ex delen. (K. II delen.)* — 13 *pau-*  
*lulum* — 14 *reuelli* — 77. 8 *inmortalem* — 10 *ista om.*  
 — 17 *et* 23 *et* 32 *inquit* — 20 *nauculam* — 32 *ut*  
*non* — 33 *exiliuit cathedram* — 78. 11 *Recte omnia*  
*ind.* — 16 *mihi om.* — 21 *Aduirium seuerum ind.* —  
 79. 32 *accersita* — 80. 19 *uidetur corr. ex uideretur* —  
 30 *eo plures* — 81. 32 *competitoris* — 82. 15 *uolgaria*  
*et* 84. 25 *uolgo* — 30 *antiquis corr. m. II ex antiqui* —  
 83. 1 *desiimus* — 84. 7 *tifernium tiberinum, item F.* —  
 14 *quem & vī celebrare, v m. II in ras.* — 17 *hila-*  
*res certum ē* — 30 *omnis* — 85. 4 *immensis* — 10 *inmaturum*  
 — 21 *te om.* — 29 *refectus* — 86. 6 *hoc, non in hoc* —  
 15 *auonculo m. I* — 24 *contigisse scriptis* — 29 *rhodi*  
*RF ut D* — 30 *conparationis* — 87. 25 sq. *de uita pueri*  
*recitauit om.* — 26 *librum* — 27 *transscriptum mille*  
 — 88. 8 *plurimis* — 28 *cetera* — 30 *mihi uero etiam*  
*illud gratulatione m. II in ras.* — 89. 5 *in* — 6 *alter. ut*  
*om.* — 8 *possim* — 11 *diis* — 18 *tandemq., em in ras.*  
 — *uindicatusque est* — 20 *redit* — 90. 3 *in pro-*  
*uincia eadem* — 4 *ac* — 27 *ut frigus ui deposita et*  
*taedium aut risum pateretur* — 91. 5 *polio* — 9 *nocte*  
*om. RF.* — 14 sq. *ut uterque recte om.* — 15 *quum tam*  
*diuersa censuerint* — 92. 11 *exspectabis* — 20 *pruden-*  
*tibus* — 93. 16 *dicens* — 20 *in* — 23 *exemplo* — 94. 5  
*in om.* — *cubiculum* — 7 *carnifex manum* — *resiliuit*  
*corr. ex resiliuit* — 16 *his* — 21 *recessit licinianus* —  
 95. 4 *nunties* — 11 *recens eius* — 18 *aerario populo*  
*m. I, q; add. m. II* — 96. 7 *in finem laxauero* — 11  
*deinde ipsum quod p&o* — 18 *opportune m. II* — 25  
*omnia—emuntur om.* — P. 103. 6 *quidem, non tamen.*

## INDEX NOTARUM.

- M* cod. Mediceus cont. I—IX 26. 8.  
*R* cod. Riccardianus.  
*V* cod. Vaticanus.  
*F* cod. Florentinus.  
*D* cod. Dresdensis.  
*p* ed. princeps.  
*r* ed. Romana.  
*a* Aldina.  
*ε* exempla ante Aldum expressa, Pomponii Laeti a. 1490,  
 Beroaldi Bonon. a. 1498, Catanaei Mediolan. a. 1506.

*K*(eili) disp. I = H. Keilii de Plinii epistulis emendandis disputatio Erlang. 1865, disp. II Erlang. 1866.

Otto 'Die Überlieferung der Briefe des jüng. Plin.' *Hermes* 1886 p. 287—306.

Stangl 'Zur Kritik der Briefe des jüng. Plin.' *Phil.* 1886 p. 642—679.

In panegyrico Baehrens his usus est notis:

*M* = liber Maguntinus sive librorum aut omnium aut potissimum (*ABC*, *ABV* obstante *C*) consensus.

*A* = cod. Upsalensis.

*B* = Venetus Marcianus 436.

*C* = consensus librorum *mru*.

*m* = Monac. 756.

*r* = Reginensis 1475.

*u* = Vindobon. 48.

*V* = Vaticanus 1776.

*W* = Vatic. 1775.

*R* = schedae Ambrosianae.

*K. ind.* = Keilii de schedis Ambrosianis rescriptis panegyrici Plinii commentatio. *Ind. schol. Halens. hib.* 1869.

Schnelle 'Kritisches zum paneg. des Plin.' progr. Meissen 1879.

Burkhard 'observ. crit. ad panegyricos Lat.' in *actis semin. Erlang.* 1884 p. 162—179.



C. PLINI CAECILI SECUNDI  
E P I S T U L A R U M  
LIBER PRIMUS.

I.

5 C. PLINIUS SEPTICIO SUO S.

Frequenter hortatus es, ut epistulas, si quas paulo 1  
cura maiore scripsissem, colligerem publicaremque.  
Collegi non servato temporis ordine (neque enim histo-  
riam componebam), sed ut quaeque in manus venerat.  
10 Superest, ut nec te consilii nec me paeniteat obsequii. 2  
Ita enim fiet, ut eas, quae adhuc neglectae iacent, re-  
quiram et, si quas addidero, non supprimam. Vale.

II.

C. PLINIUS ARRIANO SUO S.

15 Quia tardiozem adventum tuum prospicio, librum, 1  
quem prioribus epistulis promiseram, exhibeo. Hunc  
rogo ex consuetudine tua et legas et emendes, eo magis,  
quod nihil ante peraeque eodem  $\xi\eta\lambda\omega$  scripsisse videor.  
Temptavi enim imitari Demosthenen semper tuum, 2  
20 Calvum nuper meum dumtaxat figuris orationis; nam  
vim tantorum virorum 'pauci, quos aequus amavit',  
adsequi possunt. Nec materia ipsa huic (vereor, ne 3

7 cura (curam) maiore *MV*ς, curatius *D, K* (*disp. I 10*),  
accuratius *Fpr*, *Otto 289*. Cf. *III 7. 5, Maurenbr. Sall. frg. II*  
*72 p. 90*. 18 ante *FDpa, K. I, Otto 295*, umquam *MV*ς, *K. II*.  
—  $\xi\eta\lambda\omega$  *a, K. II, Otto 289*, zelo *Dp*, stilo *F, K. I (disp. I 10)*.  
21 tantam *MV*ς. — pauci — amavit *Verg. A. VI 129*.

inprobe dicam) aemulationi repugnavit; erat enim prope  
 tota in contentione dicendi, quod me longae desidia  
 indormientem excitavit, si modo is sum ego, qui exci-  
 4 tari possim. Non tamen omnino Marci nostri *ἀγκύ-  
 θους* fugimus, quotiens paulum itinere decedere non 5  
 intempestivis amoenitatibus admonebamur; acres enim  
 5 esse, non tristes volebamus. Nec est, quod putes me  
 sub hac exceptione veniam postulare. Nam, quo magis  
 intendam limam tuam, confitebor et ipsum me et con-  
 tubernales ab editione non abhorreere, si modo tu for- 10  
 6 tasse errori nostro album calculum adieceris. Est enim  
 plane aliquid edendum, atque utinam hoc potissimum,  
 quod paratum est! (audis desidia votum?) edendum  
 autem ex pluribus causis, maxime quod libelli, quos  
 emisimus, dicuntur in manibus esse, quamvis iam 15  
 gratiam novitatis exuerint; nisi tamen auribus nostris  
 bibliopolae blandiuntur. Sed sane blandiantur, dum  
 per hoc mendacium nobis studia nostra commendent.  
 Vale.

## III.

20

## C. PLINIUS CANINIO RUFO SUO S.

- 1 Quid agit Comum, tuæ meaeque deliciae? quid sub-  
 urbanum amoenissimum? quid illa porticus verna sem-  
 per? quid platanon opacissimus? quid euripus viridis  
 et gemmeus? quid subiectus et serviens lacus? quid 25  
 illa mollis et tamen solida gestatio? quid balineum  
 illud, quod plurimus sol implet et circumit? quid tri-  
 clinia illa popularia, illa paucorum? quid cubicula di-  
 urna, nocturna? Possident te et per vices partiuntur?  
 2 an, ut solebas, intentione rei familiaris obeundae crebris so  
 excursionibus avocaris? Si possident, felix beatusque  
 3 es, si minus, unus ex multis. Quin tu (tempus est  
 enim) humiles et sordidas curas aliis mandas et ipse

3 ut exc. *MV*ς. 4 nostri *om. DM.* 10 modo non  
 fort. *MV.* 13 audias *MV.* 29 nocturnaue *Dpra ut*  
*ep. 5. 1* humilioremque *τς.* 31 te possid. *MVr, K; v. Stangl 668.*

te in alto isto pinguique secessu studiis adseris? Hoc sit negotium tuum, hoc otium, hic labor, haec quies, in his vigilia, in his etiam somnus reponatur. Effinge 4 aliquid et excude, quod sit perpetuo tuum. Nam reliqua rerum tuarum post te alium atque alium dominum sortientur, hoc numquam desinet esse, si semel coeperit, tuum. Scio, quem animum, quod horter ingenium; tu 5 modo enitere, ut tibi ipse sis tanti, quanti videberis aliis, si tibi fueris. Vale.

10

## IV.

C. PLINIUS POMPEIAE CELERINAE SOCRUI S.

Quantum copiarum in Oriculano, in Narniensi, in 1 Carsulano, in Perusino tuo! in Narniensi vero etiam balineum. Ex epistulis meis (nam iam tuis opus non 15 est) una illa brevis et vetus sufficit. Non mehercule 2 tam mea sunt, quae mea sunt, quam quae tua, hoc tamen differunt, quod sollicitius et intentius tui me quam mei excipiunt. Idem fortasse eveniet tibi, si 3 quando in nostra deverteris. Quod velim facias, primum 20 ut perinde nostris rebus ac nos tuis perfruaris, deinde ut mei expergiscantur aliquando, qui me secure ac prope neglegenter expectant. Nam mitium dominorum apud 4 servos ipsa consuetudine metus exolescit; novitatibus excitantur probarique dominis per alios magis quam 25 per ipsos laborant. Vale.

## V.

C. PLINIUS VOCONIO ROMANO SUO S.

Vidistine quemquam M. Regulo timidiorem, humiliorem post Domitiani mortem? sub quo non minora 15 flagitia commiserat quam sub Nerone, sed tectiora. Coepit vereri, ne sibi irascerer; nec fallebatur, irascebar.

4 excude *psa*, *K. I*, *Otto* 295, *Stangl* 669, excute *Fr.*, exclude *MVD*, *K. II*. 6 numq. des. esse, si s. coep., tuum *MV* 5, *Stangl* 662, numq. tuum des. esse, si s. coep. *F D a*, *K.*



- 2 Rustici Aruleni periculum foverat, exultaverat morte, adeo ut librum recitaret publicaretque, in quo Rusticum insectatur atque etiam Stoicorum simiam appellat; adicit
- 3 Vitelliana cicatrice stigmosum. Agnoscis eloquentiam Reguli. Lacerarat Herennium Senecionem tam intem- 5 peranter quidem, ut dixerit ei Mettius Carus: 'Quid tibi cum meis mortuis? numquid ego aut Crasso aut Camerino molestus sum?' quos ille sub Nerone accu-
- 4 saverat. Haec me Regulus dolenter tulisse credebat ideoque, etiam cum recitaret librum, non adhibuerat. 10 Praeterea reminiscebatur, quam capitaliter ipsum me
- 5 apud centumviros lacessisset. Aderam Arrionillae, Timonis uxori, rogatu Aruleni Rustici; Regulus contra. Nitebamur nos in parte causae sententia Metti Modesti, optimi viri. Is tunc in exilio erat, a Domitiano rele- 15 gatus. Ecce tibi Regulus: 'Quaero' inquit, 'Secunde, quid de Modesto sentias'. Vides, quod periculum, si respondissem 'bene', quod flagitium, si 'male'. Non possum dicere aliud tunc mihi quam deos adfuisse. 'Respondebo' inquam, 'quid sentiam, si de hoc centum- 20 viri iudicaturi sunt'. Rursus ille: 'Quaero, quid de Modesto sentias'. Iterum ego: 'Solebant testes in reos, non in damnatos interrogari'. Tertio ille: 'Non iam, quid de Modesto, sed quid de pietate Modesti sentias, quaero'.
- 7 'Quaeris' inquam, 'quid sentiam; at ego ne interrogare 25 quidem fas puto, de quo pronuntiatum est'. Conticuit; me laus et gratulatio secuta est, quod nec famam meam aliquo responso utili fortasse, inhonesto tamen, laeseram nec me laqueis tam insidiosae interrogationis invol-
- 8 veram. Nunc ergo conscientia exterritus adprehendit 30 Caecilium Celerem, mox Fabium Iustum, rogat, ut me sibi reconcilient, nec contentus pervenit ad Spurinnam;

5 Lacerarat *Madv. adv. III 215*, Lacerat *codd. et edd.*

6. Mettius *K. II*, Metius *D $\epsilon$ p, K. I.* 7. aut Cr. *Fpra, Otto 295, Stangl 669sq.*, aut *om. MVD $\epsilon$ , K.* 20 quid sentiam *Fp $\epsilon$ a, Otto 295, om. MVD $r$ , K.* 24 quaero *MV $\epsilon$ s, K. II, om. FDpra, K. I.*

huic suppliciter, ut est, cum timet, abiectissimus: 'Rogo' inquit, 'mane videas Plinium domi, sed plane mane (neque enim diutius ferre sollicitudinem possum), et quoquo modo efficias, ne mihi irascatur'. Evigilaveram; 9  
 5 nuntius a Spurinna: 'Venio ad te'. 'Immo ego ad te'. Coimus in porticum Liviae, cum alter ad alterum tenderemus. Exponit Reguli mandata, addit preces suas, ut decebat optimum virum pro dissimillimo, parce. Cui ego: 'Dispicies ipse, quid renuntiandum Regulo putes. 10  
 10 Te decipi a me non oportet. Expecto Mauricum' (nondum ab exilio venerat); 'ideo nihil alterutram in partem respondere tibi possum facturus, quidquid ille decreverit; illum enim esse huius consilii ducem, me comitem decet'. Paucos post dies ipse me Regulus con- 11  
 15 venit in praetoris officio; illuc persecutus secretum petit; ait timere se, ne animo meo penitus haereret, quod in centumvirali iudicio aliquando dixisset, cum responderet mihi et Satrio Rufo: 'Satrius Rufus, cui non est cum Cicerone aemulatio, et qui contentus est 20  
 eloquentia saeculi nostri'. Respondi nunc me intellegere 12 maligne dictum, quia ipse confiteretur; ceterum potuisse honorificum existimari. 'Est enim' inquam 'mihi cum Cicerone aemulatio, nec sum contentus eloquentia saeculi nostri; nam stultissimum credo ad imitandum non op- 13  
 25 tima quaeque proponere. Sed tu, qui huius iudicii meministi, cur illius oblitus es, in quo me interrogasti, quid de Metti Modesti pietate sentirem?' Expalluit notabiliter, quamvis palleat semper, et haesitabundus: 'Interrogavi' inquit, 'non ut tibi nocerem, sed ut Modesto.' 30  
 Vide hominis crudelitatem, qui se non dissimulet exuli nocere voluisse. Subiunxit egregiam causam: 'Scripsit' 14  
 inquit 'in epistula quadam, quae apud Domitianum recitata est: 'Regulus, omnium bipedum nequissimus'';

5 ait Spur. *Fpr*, it a *coni.* Otto 296. 6 porticum *FDp*  
*Catan. a, K.II*, porticu *MVrs, K.I.* 29 inquit *Fpr*, Otto  
 296, *om. rel.*

15 quod quidem Modestus verissime scripserat. Hic fere nobis sermonis terminus; neque enim volui progredi longius, ut mihi omnia libera servarem, dum Mauricus venit, nec me praeterit esse Regulum *δυσχεδαιστρον*; est enim locuples, factiosus, curatur a multis, timetur 5 a pluribus, quod plerumque fortius amore est. Potest tamen fieri, ut haec concussa labantur; nam gratia 16 malorum tam infida est quam ipsi. Verum, ut idem saepius dicam, expecto Mauricum. Vir est gravis, prudens, multis experimentis eruditus, et qui futura possit 10 ex praeteritis providere. Mihi et temptandi aliquid 17 et quiescendi illo auctore ratio constabit. Haec tibi scripsi, quia aequum erat te pro amore mutuo non solum omnia mea facta dictaque, verum etiam consilia cognoscere. Vale. 15

## VI.

C. PLINIUS CORNELIO TACITO SUO S.

1 Ridebis, et licet rideas. Ego Plinius ille, quem nosti, apros tres et quidem pulcherrimos cepi. 'Ipse?' inquis. Ipse; non tamen ut omnino ab inertia mea 20 et quiete discederem. Ad retia sedebam; erat in proximo non venabulum aut lancea, sed stilus et pugillares; meditabar aliquid enotabamque, ut, si manus 2 vacuas, plenas tamen ceras reportarem. Non est, quod contempnas hoc studendi genus; mirum est, ut animus 25 agitatione motuque corporis excitetur; iam undique silvae et solitudo ipsumque illud silentium, quod venationi datur, magna cogitationis incitamenta sunt. 3 Proinde, cum venabere, licebit auctore me ut panarium et lagunculam sic etiam pugillares feras; experieris 30 non Dianam magis montibus quam Minervam inerrare. Vale.

---

13 aecum *K.I.*, qui mecum *M.V.* *Ad I 24. 2.* 18 Plinius *Fpra*, *Otto 296*, *om. rell.*

## VII.

C. PLINIUS OCTAVIO RUFO SUO S.

Vide, in quo me fastigio collocaris, cum mihi idem 1  
potestatis idemque regni dederis quod Homerus Iovi  
5 Optimo Maximo:

‘τῷ δ’ ἔτερον μὲν ἔδωκε πατήρ, ἔτερον δ’  
ἀνένευσεν.’

Nam ego quoque simili nutu ac renutu respondere 2  
voto tuo possum. Etenim, sicut fas est mihi, praeser-  
10 tim te exigente, excusare Baeticis contra unum hominem  
advocationem, ita nec fidei nostrae nec constantiae,  
quam diligis, convenit adesse contra provinciam, quam  
tot officiis, tot laboribus, tot etiam periculis meis ali-  
quando devinxerim. Tenebo ergo hoc temperamentum, 3  
15 ut ex duobus, quorum alterutrum petis, eligam id po-  
tius, in quo non solum studio tuo, verum etiam iudicio  
satisfaciam. Neque enim tantopere mihi considerandum  
est, quid vir optimus in praesentia velis, quam quid  
semper sis probaturus. Me circa Idus Octobris spero 4  
20 Romae futurum eademque haec praesentem quoque tua  
meaque fide Gallo confirmaturum; cui tamen iam nunc  
licet spondeas de animo meo ‘ἢ καὶ κτανέησιν ἐπ’  
ὀφρύσι νεῦσε’. Cur enim non usquequaque Home- 5  
ricis versibus agam tecum? quatenus tu me tuis agere  
25 non pateris, quorum tanta cupiditate ardeo, ut videar  
mihi hac sola mercede posse corrumpi, ut vel contra  
Baeticos adsim. Paene praeterii, quod minime prae- 6  
tereundum fuit, accepisse me careotas optimas, quae  
nunc cum ficis et boletis certandum habent. Vale.

30

## VIII.

C. PLINIUS POMPEIO SATURNINO SUO S.

Peropportune mihi redditae sunt litterae tuae, qui- 1  
bus flagitabas, ut tibi aliquid ex scriptis meis mitterem,

6 *Hom. II 250.* 17 tantopere *MFpra*, tanto opere *et* quanto  
opere *K. constanter. V. ep. 14. 1, II 17. 1, IV 26. 2, V 17. 1.*

22 *Hom. A 528.*

- cum ego id ipsum destinassem. Addidisti ergo calcaria sponte currenti pariterque et tibi veniam recusandi laboris et mihi exigendi verecundiam sustulisti.
- 2 Nam nec me timide uti decet eo, quod oblatum est, nec te gravari, quod depoposcisti. Non est tamen, 5 quod ab homine desidioso aliquid novi operis expectes. Petiturus sum enim, ut rursus vaces sermoni, quem apud municipes meos habui bibliothecam dedicaturus.
- 3 Memini quidem te iam quaedam adnotasse, sed generaliter; ideo nunc rogo, ut non tantum universitati 10 eius attendas, verum etiam particulas, qua soles lima, persequaris. Erit enim et post emendationem liberum
- 4 nobis vel publicare vel continere. Quin immo fortasse hanc ipsam cunctationem nostram in alterutram sententiam emendationis ratio deducet, quae aut indignum 15 editione, dum saepius retractat, inveniet aut dignum,
- 5 dum id ipsum experitur, efficiet. Quamquam huius cunctationis meae causae non tam in scriptis quam in ipso materiae genere consistunt; est enim paulo quasi gloriosius et elatius; onerabit hoc modestiam nostram, 20 etiamsi stilus ipse pressus demissusque fuerit, propterea quod cogimur cum de munificentia parentum
- 6 nostrorum tum de nostra disputare. Anceps hic et lubricus locus est, etiam cum illi necessitas lenocinatur. Etenim, si alienae quoque laudes parum aequis 25 auribus accipi solent, quam difficile est obtinere, ne molesta videatur oratio de se aut de suis disserentis! nam cum ipsi honestati tum aliquanto magis gloriae eius praedicationique invidemus atque ea demum recte facta minus detorquemus et carpinus, quae in obscu- 30
- 7 ritate et silentio reponuntur. Qua ex causa saepe ipse mecum, nobisne tantum, quicquid est istud, composuisse an et aliis debeamus. Ut nobis, admonet illud, quod pleraque, quae sunt agenda rei necessaria, eadem peracta nec utilitatem parem nec gratiam retinent. 35

26 optin. *MVF, K.I ut VI 2. 7, VIII 24. 6, IX 13. 22 ex.*  
*Cf. ad VII 18. 1.*

Ac, ne longius exempla repetamus, quid utilius fuit 8  
 quam munificentiae rationem etiam stilo prosequi? Per  
 hoc enim adsequebamus, primum ut honestis cogita-  
 tionibus inmoraremur, deinde ut pulchritudinem illarum  
 5 longiore tractatu pervideremus, postremo ut subitae  
 largitionis comitem paenitentiam caveremus. Nasce-  
 batur ex his exercitatio quaedam contemnendae pe-  
 cuniae. Nam, cum omnes homines ad custodiam eius 9  
 natura restrinxerit, nos contra multum ac diu pen-  
 10 sitatus amor liberalitatis communibus avaritiae vin-  
 culis eximebat, tantoque laudabilior munificencia nostra  
 fore videbatur, quod ad illam non impetu quodam,  
 sed consilio trahebamur. Accedebat his causis, quod 10  
 non ludos aut gladiatores, sed annuos sumptus in ali-  
 15 menta ingenuorum pollicebamur. Oculorum porro et  
 aurium voluptates adeo non egent commendatione, ut  
 non tam incitari debeant oratione quam reprimi; ut 11  
 vero aliquis libenter educationis taedium laboremque  
 suscipiat, non praemiis modo, verum etiam exquisitis  
 20 adhortationibus inpetrandum est. Nam, si medici sa- 12  
 lubres, sed voluptate carentes cibos blandioribus ad-  
 loquiis prosecuntur, quanto magis decuit publice con-  
 sulentem utilissimum munus, sed non perinde populare  
 comitate orationis inducere? praesertim cum enitendum  
 25 haberemus, ut, quod parentibus dabatur, et orbis pro-  
 baretur, honoremque paucorum ceteri patienter et ex-  
 pectarent et mererentur. Sed, ut tunc communibus 13  
 magis commodis quam privatae iactantiae studebamus,  
 cum intentionem effectumque muneris nostri vellemus  
 30 intellegi, ita nunc in ratione edendi veremur, ne forte  
 non aliorum utilitatibus, sed propriae laudi servisse  
 videamur. Praeterea meminimus, quanto maiore animo 14  
 honestatis fructus in conscientia quam in fama repo-  
 natur. Sequi enim gloria, non adpeti debet, nec, si  
 35 casu aliquo non sequatur, idcirco quod gloriam non

- 15 meruit, minus pulchrum est. Ii vero, qui benefacta  
sua verbis adornant, non ideo praedicare, quia fecerint,  
sed ut praedicarent, fecisse creduntur. Sic, quod ma-  
gnificum referente alio fuisset, ipso, qui gesserat, recen-  
sente vanescit. Homines enim, cum rem destruere non  
possunt, iactationem eius incessunt. Ita, si silenda fe-  
ceris, factum ipsum, si laudanda, quod non sileas, ipse  
16 culparis. Me vero peculiaris quaedam inedit ratio.  
Etenim hunc ipsum sermonem non apud populum, sed  
apud decuriones habui nec in propatulo, sed in curia. 10  
17 Vereor ergo, ut sit satis congruens, cum in dicendo  
adsentationem vulgi adclamationemque defugerim, nunc  
eadem illa editione sectari, cumque plebem ipsam, cui  
consulebatur, limine curiae parietibusque discreverim,  
ne quam in speciem ambitionis inciderem, nunc eos 15  
etiam, ad quos ex munere nostro nihil pertinet praeter  
18 exemplum, velut obvia ostentatione conquirere. Habes  
cunctationis meae causas; obsequar tamen consilio  
tuo, cuius mihi auctoritas pro ratione sufficit. Vale.

## IX.

20

## C. PLINIUS MINICIO FUNDANO SUO S.

- 1 Mirum est, quam singulis diebus in urbe ratio aut  
constet aut constare videatur, pluribus iunctisque non  
2 constet. Nam, si quem interrogas: 'Hodie quid egisti?',  
respondeat: 'Officio togae virilis interfui, sponsalia aut  
nuptias frequentavi, ille me ad signandum testamentum,  
3 ille in advocationem, ille in consilium rogavit.' Haec  
quo die feceris, necessaria, eadem, si cotidie fecisse te  
reputes, inania videntur, multo magis cum secesseris.  
Tunc enim subit recordatio: 'Quot dies quam frigidis 30

7 quod *Fpra*, om. *rell. codd.*, *K*. 17 ostentatione *F Ricc.*  
*pa*, *K.I*, *Otto* 296, adsentatione *V corr. ex* adsentatione (*M*),  
*K.II* (*dis. I* 12), assentatione *rs*. 19 sufficit *F Ricc. pra*,  
*Otto* 296, sufficit *MV*, *K*. 21 Minicio *Momms. ind. p. 419*,  
*MINUTIO codd.*, *edd.* (*MINUC.*) 23 iunctisque *F Ricc. a*,  
*K.II* (*dis. I* 12), cunctisque *Dpr*, cunctaque *MV*, *K.I*.

rebus absumpsi!’ Quod evenit mihi, postquam in 4  
 Laurentino meo aut lego aliquid aut scribo aut etiam  
 corpori vaco, cuius fulturis animus sustinetur. Nihil 5  
 audio, quod audisse, nihil dico, quod dixisse paeniteat;  
 6 nemo apud me quemquam sinistris sermonibus carpit,  
 neminem ipse reprehendo, nisi tamen me, cum parum  
 commode scribo; nulla spe, nullo timore sollicitor,  
 nullis rumoribus inquietor, mecum tantum et cum  
 libellis loquor. O rectam sinceramque vitam, o dulce 6  
 10 otium honestumque ac paene omni negotio pulchrius!  
 O mare, o litus, verum secretumque *μυστήριον*, quam  
 multa invenitis, quam multa dictatis! Proinde tu quo- 7  
 que strepitum istum inanemque discursum et multum  
 ineptos labores, ut primum fuerit occasio, relinque  
 15 teque studiis vel otio trade. Satiус est enim, ut Ati- 8  
 lius noster eruditissime simul et facetissime dixit,  
 otiosum esse quam nihil agere. Vale.

## X.

C. PLINIUS ATTIO CLEMENTI SUO 8.

30 Si quando urbs nostra liberalibus studiis floruit, 1  
 nunc maxime floret. Multa claraque exempla sunt; 2  
 sufficeret unum, Euphrates philosophus. Hunc ego in  
 Syria, cum adulescentulus militarem, penitus et domi  
 inspexi amarique ab eo laboravi; etsi non erat labo-  
 35 randum. Est enim obviuѕ et expositus plenusque hu-  
 manitate, quam praecipit. Atque utinam sic ipse, 3  
 quam spem tunc ille de me concepit, impleverim, ut  
 ille multum virtutibus suis addidit! aut ego nunc illas  
 magis miror, quia magis intellego. Quamquam ne nunc  
 40 quidem satis intellego. Ut enim de pictore, sculptore, 4  
 fictore nisi artifex iudicare, ita nisi sapiens non potest  
 perspicere sapientem. Quantum tamen mihi cernere 5  
 datur, multa in Euphrate sic eminent et elucēt, ut  
 mediocriter quoque doctos advertant et adficient. Dis-  
 45 putat subtiliter, graviter, ornate, frequenter etiam Pla-  
 tonicam illam sublimitatem et latitudinem effingit.



Sermo est copiosus et varius, dulcis in primis, et qui  
 6 repugnantis quoque ducat, inpellat. Ad hoc proceritas  
 corporis, decora facies, demissus capillus, ingens et  
 cana barba; quae licet fortuita et inania putentur, illi  
 7 tamen plurimum venerationis adquirunt. Nullus horror 5  
 in cultu, nulla tristitia, multum severitatis; reverearis  
 occursum, non reformides. Vitae sanctitas summa,  
 comitas par; insectatur vitia, non homines nec castigat  
 errantes, sed emendat. Sequaris monentem attentus et  
 pendens et persuaderi tibi, etiam cum persuaserit, cu- 10  
 8 pias. Iam vero liberi tres, duo mares, quos diligen-  
 tissime instituit. Socer Pompeius Iulianus cum cetera  
 vita tum vel hoc uno magnus et clarus, quod ipse  
 provinciae princeps inter altissimas condiciones generum  
 9 non honoribus principem, sed sapientia elegit. Quam- 15  
 quam quid ego plura de viro, quo mihi frui non licet?  
 an ut magis angar, quod non licet? Nam distringor  
 officio ut maximo sic molestissimo; sedeo pro tribu-  
 nali, subnoto libellos, conficio tabulas, scribo plurimas,  
 10 sed inlitteratissimas litteras. Soleo non numquam (nam 20  
 id ipsum quando contingit!) de his occupationibus apud  
 Euphraten queri. Ille me consolatur, adfirmat etiam  
 esse hanc philosophiae et quidem pulcherrimam par-  
 tem, agere negotium publicum, cognoscere, iudicare,  
 promere et exercere iustitiam, quaeque ipsi doceant, 25  
 11 in usu habere. Mihi tamen hoc unum non persuadet,  
 satius esse ista facere quam cum illo dies totos audiendo  
 discendoque consumere. Quo magis te, cui vacat, hor-  
 tor, cum in urbem proxime veneris (venias autem ob  
 hoc maturius), illi te expoliendum limandumque per- 30  
 12 mittas. Neque enim ego ut multi invideo aliis bono,  
 quo ipse careo, sed contra sensum quendam volupta-  
 temque percipio, si ea, quae mihi denegantur, amicis  
 video superesse. Vale.

14 condition. *K.I* constanter usque ad IX 26. 8 ex *M(V)*,  
*lib. X tac.*

## XI.

C. PLINIUS FABIO IUSTO SUO S.

Olim mihi nullas epistulas mittis. Nihil est, inquis, 1  
quod scribam. At hoc ipsum scribe, nihil esse, quod  
scribas, vel solum illud, unde incipere priores solebant:  
‘Si vales, bene est; ego valeo.’ Hoc mihi sufficit; est  
enim maximum. Ludere me putas? serio peto. Fac 2  
sciam, quid agas, quod sine sollicitudine summa nescire  
non possum. Vale.

## XII.

C. PLINIUS CALESTRIO TIRONI SUO S.

Iacturam gravissimam feci, si iactura dicenda est 1  
tanti viri amissio. Decessit Corellius Rufus et quidem  
sponte, quod dolorem meum exulcerat. Est enim luc-  
tuosissimum genus mortis, quae non ex natura nec  
fatalis videtur. Nam utcumque in illis, qui morbo 2  
finiuntur, magnum ex ipsa necessitate solacium est, in  
iis vero, quos accersita mors aufert, hic insanabilis  
dolor est, quod creduntur potuisse diu vivere. Corel- 3  
lium quidem summa ratio, quae sapientibus pro ne-  
cessitate est, ad hoc consilium compulit, quamquam  
plurimas vivendi causas habentem, optimam conscien-  
tiam, optimam famam, maximam auctoritatem, prae-  
terea filiam, uxorem, nepotem, sorores interque tot  
pignora veros amicos. Sed tam longa, tam iniqua 4  
valetudine conflictabatur, ut haec tanta pretia vivendi  
mortis rationibus vincerentur. Tertio et tricensimo  
anno, ut ipsum audiebam, pedum dolore correptus est.  
Patrius hic illi; nam plerumque morbi quoque per  
successiones quasdam ut alia traduntur. Hunc absti- 5  
nentia, sanctitate, quoad viridis aetas, vicit et fregit;

18 accersita *VFpra*, arcess. *M*, *K*.; cf. *III* 18.10 m.,  
*V* 6.42 ex., 45, *VI* 25.4. 26 valit. *K*. *I* ex *VF*, item *infra* bis  
et *I* 22.1, 7, 8, *II* 1.4, ex *MVF* *II* 20.7, ex *MVI* 4.1, *VII* 24.1,  
30.1, *VIII* 1.1, 24.5, *IX* 22.1, sua sponte *X* 5.1, 8.3, valet.  
*III* 7.1, *IV* 24.3, *V* 16.3 ex. et 5, 19.9, *VII* 1.1, 3, 5, 19.1,  
*pan.* 22.2, 25.4.

novissime cum senectute ingravescentem viribus animi  
 6 sustinebat, cum quidem incredibilis cruciatus et indi-  
 gnissima tormenta pateretur. Iam enim dolor non pe-  
 dibus solis ut prius insidebat, sed omnia membra per-  
 vagabatur. Veni ad eum Domitiani temporibus in sub- 5  
 7 urbano iacentem. Servi e cubiculo recesserunt; habebat  
 enim hoc moris, quotiens intrasset fidelior amicus;  
 quin etiam uxor quamquam omnis secreti capacissima  
 8 digrediebatur. Circumtulit oculos et 'cur' inquit 'me  
 putas hos tantos dolores tam diu sustinere? ut scilicet 10  
 isti latroni vel uno die supersim.' Dedisses huic animo  
 par corpus, fecisset, quod optabat. Aduit tamen deus  
 voto, cuius ille compos ut iam securus liberque mori-  
 turus multa illa vitae, sed minora retinacula abruptit.  
 9 Increverat valetudo, quam temperantia mitigare temp- 15  
 tavit; perseverantem constantia fugit. Iam dies alter,  
 tertius, quartus; abstinebat cibo. Misit ad me uxor  
 eius Hispulla communem amicum C. Geminium cum  
 tristissimo nuntio destinasse Corellium mori nec aut  
 suis aut filiae precibus flecti, solum superesse me, 20  
 10 a quo revocari posset ad vitam. Cucurri. Perveneram  
 in proximum, cum mihi ab eadem Hispulla Iulius  
 Atticus nuntiat nihil iam ne me quidem inpetraturum;  
 tam obstinate magis ac magis induruisse. Dixerat  
 sane medico admoventi cibum: 'Κένκιχα', quae vox 25  
 quantum admirationis in animo meo tantum desiderii  
 11 reliquit. Cogito, quo amico, quo viro caream. Imple-  
 vit quidem annum septimum et sexagensimum, quae  
 aetas etiam robustissimis satis longa est; scio. Evasit  
 perpetuam valetudinem; scio. Decessit superstitibus suis, 30  
 florente re publica, quae illi omnibus suis carior erat;  
 12 et hoc scio. Ego tamen tamquam et iuvenis et fir-  
 missimi mortem doleo, doleo autem (licet me inbecillum  
 putes) meo nomine. Amisi enim, amisi vitae meae  
 testem, rectorem, magistrum. In summa dicam, quod 35

<sup>7</sup> enim *Fpr̄s*, *Catan.*, *Otto* 296, *om. MV Ricc.*, *K.*  
<sup>22</sup> ego *Fpr̄s*, *K. II* (*disp. I 12 sq.*), *om. MV, K. I.*

recenti dolore contubernali meo Calvisio dixi: 'Vereor, ne neglegentius vivam.' Proinde adhibe solacia mihi, 13 non haec: 'Senex erat, infirmus erat' (haec enim novi), sed nova aliqua, sed magna, quae audierim numquam, legerim numquam. Nam, quae audiui, quae legi, sponte succurrunt, sed tanto dolore superantur. Vale.

## XIII.

C. PLINIUS SOSIO SENECONI SUO S.

10 Magnum proventum poëtarum annus hic attulit; 1  
toto mense Aprili nullus fere dies, quo non recitaret aliquis. Iuvat me, quod vigent studia, proferunt se ingenia hominum et ostentant, tametsi ad audiendum pigre coitur. Plerique in stationibus sedent tempus- 2  
15 que audiendi fabulis conterunt ac subinde sibi nuntuari iubent, an iam recitator intraverit, an dixerit praefationem, an ex magna parte evolverit librum; tunc demum ac tunc quoque lente cunctanterque veniunt nec tamen permanent, sed ante finem recedunt  
20 alii dissimulanter et furtim, alii simpliciter et libere. At hercule memoria parentum Claudium Caesarem ferunt, cum in palatio spatiaretur audissetque clamorem, causam requisisse, cumque dictum esset recitare Nonianum, subitum recitanti inopinatumque venisse. Nunc 4  
25 otiosissimus quisque multo ante rogatus et identidem admonitus aut non venit aut, si venit, queritur se diem, quia non perdiderit, perdidisse. Sed tanto magis laudandi probandique sunt, quos a scribendi recitandique studio haec auditorum vel desidia vel superbia non  
30 retardat. Equidem prope nemini defui. Erant sane plerique amici; neque enim est fere quisquam, qui studia, ut non simul et nos amet. His ex causis longius, quam destinaveram, tempus in urbe consumpsi. Possum iam repetere secessum et scribere aliquid, quod

21 ad et adque *K. I paene constanter ex M (IX 37.4 ex Dpra) ut inquit.*

non recitem, ne videar, quorum recitationibus adfui, non auditor fuisse, sed creditor. Nam ut in ceteris rebus ita in audiendi officio perit gratia, si reposcatur. Vale.

## XIV.

5

C. PLINIUS IUNIO MAURICO SUO S.

1 Petis, ut fratris tui filiae prospiciam maritum; quod  
merito mihi potissimum iniungis. Scis enim, quanto-  
pere summum illum virum suspexerim dilexerimque,  
quibus ille adulescentiam meam exhortationibus fove- 10  
rit, quibus etiam laudibus, ut laudandus viderer, effe-  
2 cerit. Nihil est, quod a te mandari mihi aut maius  
aut gratius, nihil, quod honestius a me suscipi possit,  
quam ut eligam iuvenem, ex quo nasci nepotes Aru-  
3 leno Rustico deceat. Qui quidem diu quaerendus fu- 15  
isset, nisi paratus et quasi provisus esset Minicius  
Acilianus, qui me ut iuvenis iuvenem (est enim minor  
pauculis annis) familiarissime diligit, reveretur ut se-  
nem. Nam ita formari a me et institui cupit, ut ego  
4 a vobis solebam. Patria est ei Brixia ex illa nostra 20  
Italia, quae multum adhuc verecundiae, frugalitatis at-  
5 que etiam rusticitatis antiquae retinet ac servat. Pater  
Minicius Macrinus, equestris ordinis princeps, quia nihil  
altius voluit; adlectus enim a divo Vespasiano inter  
praetorios honestam quietem huic nostrae ambitioni 25  
6 dicam an dignitati constantissime praetulit. Habet  
aviam maternam Serranam Proculam e municipio Pa-  
tavino. Nosti loci mores; Serrana tamen Patavinis  
quoque severitatis exemplum est. Contigit et avun-  
culus ei P. Acilius gravitate, prudentia, fide prope sin- 30  
gulari. In summa nihil erit in domo tota, quod non  
7 tibi tamquam in tua placeat. Aciliano vero ipsi plu-  
rimum vigoris, industriae, quamquam in maxima vere-  
cundia. Quaesturam, tribunatum, praetoram honestis-  
sime percurrit ac iam pro se tibi necessitatem am- 35

biendi remisit. Est illi facies liberalis multo sanguine, 8  
 multo rubore suffusa, est ingenua totius corporis pul-  
 chritudo et quidam senatorius decor. Quae ego ne-  
 quaquam arbitror negligenda; debet enim hoc castitati  
 5 puellarum quasi praemium dari. Nescio, an adiciam 9  
 esse patri eius amplas facultates. Nam, cum imaginor  
 vos, quibus quaerimus generum, silendum de faculta-  
 tibus puto; cum publicos mores atque etiam leges ci-  
 vitatis intueor, quae vel in primis census hominum  
 10 spectandos arbitrantur, ne id quidem praetereundum  
 videtur. Et sane de posteris et his pluribus cogitanti  
 hic quoque in condicionibus deligendis ponendus est  
 calculus. Tu fortasse me putes indulsisse amoris meo 10  
 supraque ista, quam res patitur, sustulisse. At ego  
 15 fide mea spondeo futurum ut omnia longe ampliora,  
 quam a me praedicantur, invenias. Diligo quidem  
 adolescentem ardentissime, sicut meretur; sed hoc ip-  
 sum amantis est, non onerare eum laudibus. Vale.

## XV.

20

C. PLINIUS SEPTICIO CLARO SUO S.

Heus tu! promittis ad cenam nec venis. Dicitur 1  
 ius; ad assem pendium reddes nec id modicum.  
 Paratae erant lactucae singulae, cochleae ternae, ova 2  
 bina, alica cum mulso et nive (nam hanc quoque  
 25 computabis, immo hanc in primis, quae periit in fer-  
 culo), olivae, betacei, cucurbitae, bulbi, alia mille non  
 minus lauta. Audisses comoedum vel lectorem vel  
 lyristen vel, quae mea liberalitas, omnis. At tu apud 3  
 nescio quem ostrea, vulvas, echinos, Gaditanas malu-

21 dicetur *K.I.* 27 comoedos *M, K*, comoedes *D*;  
*v. Otto 296 cf. IX 17. 3, 36. 4 (ubi comoedia pra, comediam*  
*D, comoedi ε), 40. 2.* 28 omnis *F*, sic *K. alibi saepius tac.,*  
*FDV 6. 40, DVI 17. 5, acris IX 37. 4 rs, acreis a, aeris Dp,*  
*sapientis V 8. 5 Mpr, abeuntis VI 20. 7 K. tac., peregrin-*  
*antis D VI 19. 4, pertinentis VI 29. 2 K.I ex MD, sedentis*  
*VI 20. 5 D, ignis VI 16. 13 pra, partis VI 20. 8 D, voluptatis*  
*VI 4. 2 M.*

isti. Dabis poenas, non dico quas. Dure fecisti; invidisti, nescio an tibi, certe mihi, sed tamen et tibi. Quantum nos lussissemus, risissemus, studuissemus! 4 Potes apparatusius cenare apud multos, nusquam hilarius, simplicius, incautius. In summa experire et, nisi 5 postea te aliis potius excusaveris, mihi semper excusa. Vale.

## XVI.

## C. PLINIUS ERUCIO SUO S.

1 Amabam Pompeium Saturninum, hunc dico nostrum, 10 laudabamque eius ingenium, etiam antequam scirem, quam varium, quam flexibile, quam multiplex esset; 2 nunc vero totum me tenet, habet, possidet. Audivi causas agentem acriter et ardentem nec minus polite et ornate, sive meditata sive subita proferret. Adsunt 15 aptae crebraeque sententiae, gravis et decora constructio, sonantia verba et antiqua. Omnia haec mire placent, cum impetu quodam et flumine pervehuntur, placent, si retractentur. Senties quod ego, cum orationes 3 eius in manus sumpseris, quas facile cuilibet veterum, 20 4 quorum est aemulus, comparabis. Idem tamen in historia magis satisfaciet vel brevitate vel luce vel suavitate vel splendore etiam et sublimitate narrandi. Nam in contionibus eadem quae in orationibus vis est, pressior tamen et circumscriptior et adductior. 25 5 Praeterea facit versus, quales Catullus aut Calvus, re vera quales Catullus et Calvus. Quantum illis leporis, dulcedinis, amaritudinis, amoris! inserit sane, sed data opera, mollibus levibusque duriusculos quosdam, et hoc 6 quasi Catullus aut Calvus. Legit mihi nuper epistulas, 30

13 audii *F*, *K.I* ut 12. 13 *Ricc.*, audi *D* ut *V* 16. 7 et *VI* 11. 1, *MDp* *VI* 21. 2, *pr VII* 24. 5, a *IX* 13. 25. *Cf. II* 14. 10. 16 aptae *Fpra*, *K.II*, acutae *D5*, *K.I*. 24 eadem quae in or. vis *Dr5a*, *K.I* (v. v. 14), idem qui in or. *Ricc. p*, *K.II*, idem qui in or. suis *F*, *Otto* 296. 25 tamen *Dpra*, *K*, tantum *F Ricc.*, *Otto*. 26 revera quales Catullus aut Calvus *add. post* Calvus *D*, *K.II* *cf. II* 17. 20, *III* 9. 37; *disp. I p.* 14 sq.

quas uxoris esse dicebat. Plautum vel Terentium metro solutum legi credidi. Quae sive uxoris sunt, ut adfirmat, sive ipsius, ut negat, pari gloria dignus, qui aut illa componat aut uxorem, quam virginem accepit, 5 tam doctam politamque reddiderit. Est ergo mecum 7 per diem totum; eundem, antequam scribam, eundem, cum scripsi, eundem, etiam cum remittor, non tamquam eundem lego. Quod te quoque ut facias et hortor et moneo. Neque enim debet operibus eius 8 10 obesse, quod vivit. An, si inter eos, quos numquam vidimus, floruisset, non solum libros eius, verum etiam imagines requireremus; eiusdem nunc honor praesentis et gratia quasi satietate languescit? At hoc pravam 9 malignumque est, non admirari hominem admiratione 15 dignissimum, quia videre, adloqui, audire, complecti nec laudare tantum, verum etiam amare contigit. Vale.

## XVII.

C. PLINIUS CORNELIO TITIANO SUO S.

Est adhuc curae hominibus fides et officium, sunt, 1 20 qui defunctorum quoque amicos agant. Titinius Capito ab imperatore nostro impetravit, ut sibi liceret statuam L. Silani in foro ponere. Pulchrum et magna 2 laude dignum amicitia principis in hoc uti, quantumque gratia valeas, aliorum honoribus experiri. Est omnino 3 25 Capitoni in usu claros viros colere; mirum est, qua religione, quo studio imagines Brutorum, Cassiorum, Catonum domi, ubi potest, habeat. Idem clarissimi cuiusque vitam egregiis carminibus exornat. Scias 4 ipsum plurimis virtutibus abundare, qui alienas sic 30 amat. Redditus est L. Silano debitus honor, cuius immortalitati Capito prospexit pariter et suae. Neque enim magis decorum et insigne est statuam in foro populi Romani habere quam ponere. Vale.

1 quas *F Ricc. pr.*, Otto 296, om. *Da, K.* 3 dignus est  
*Fp, dubitat Otto 296.* 10 at si *Fp* 5, dub. Otto.



## XVIII.

C. PLINIUS SUETONIO TRANQUILLO SUO S.

- 1 Scribis te perterritum somnio vereri, ne quid ad-  
 versi in actione patiaris, rogas, ut dilationem petam  
 et pauculos dies, certe proximum, excuse. Difficile  
 est, sed experiar: *‘καὶ γάρ τ’ ὄναρ ἐκ Διός ἐστιν.’*  
 2 Refert tamen, eventura soleas an contraria somniare.  
 Mihi reputanti somnium meum istud, quod times tu,  
 3 egregiam actionem portendere videtur. Susceperam  
 causam Iuni Pastoris, cum mihi quiescenti visa est 10  
 socrus mea advoluta genibus, ne agerem, obsecrare.  
 Et eram acturus adulescentulus adhuc, eram in qua-  
 druplici iudicio, eram contra potentissimos civitatis  
 atque etiam Caesaris amicos; quae singula excutere  
 4 mentem mihi post tam triste somnium poterant. Egi 15  
 tamen *λογισάμενος* illud:

*‘Εἰς οἰωνὸς ἄριστος ἀμύνασθαι περὶ πατρὸς.’*

- Nam mihi patria, et si quid carius, fides videbatur.  
 Prospere cessit, atque adeo illa actio mihi aures ho-  
 5 minum, illa ianuam famae patefecit. Proinde dispice, 20  
 an tu quoque sub hoc exemplo somnium istud in bo-  
 num vertas, aut, si tutius putas illud cautissimi cuius-  
 que praeceptum: ‘Quod dubites, ne feceris’, id ipsum  
 6 rescribe. Ego aliquam stropham inveniam agamque  
 causam tuam, ut ipsam agere tu, cum voles, possis. 25  
 Est enim sane alia ratio tua, alia mea fuit. Nam iu-  
 dicio centumvirale differri nullo modo, istud aegre  
 quidem, sed tamen potest. Vale.

## XIX.

C. PLINIUS ROMATIO FIRMO SUO S.

30

- 1 Municeps tu meus et condiscipulus et ab ineunte  
 aetate contubernalis, pater tuus et matri et avunculo  
 meo, mihi etiam, quantum aetatis diversitas passa est,

6 *Hom. A* 63. 17 *Hom. M* 243. 25 ipsam *Dyra, K. I*,  
 istam *K. II*, ista *F. Rice*.

familiaris; magnae et graves causae, cur suscipere, augere dignitatem tuam debeam. Esse autem tibi 2 centum milium censum satis indicat, quod apud nos decurio es. Igitur, ut te non decurione solum, verum  
 5 etiam equite Romano perfruamur, offero tibi ad implendas equestres facultates trecenta milia nummum. Te memorem huius muneris amicitiae nostrae diuturnitas spondet; ego ne illud quidem admoneo, quod  
 admonere deberem, nisi scirem sponte facturum, ut  
 10 dignitate a me data quam modestissime ut a me data utare. Nam sollicitius custodiendus est honor, in quo 4 etiam beneficium amici tuendum est. Vale.

## XX.

C. PLINIUS CORNELIO TACITO SUO S.

15 Frequens mihi disputatio est cum quodam docto 1 homine et perito, cui nihil aequè in causis agendis ut brevitatis placet. Quam ego custodiendam esse confiteor, si causa permittat; alioqui praevaricatio est transire dicenda, praevaricatio etiam cursim et breviter  
 20 attingere, quae sint inculcanda, infigenda, repetenda. Nam plerisque longiore tractatu vis quaedam et pondus accedit, utque corpori ferrum sic oratio animo non ictu magis quam mora inprimitur. Hic ille mecum auctoritatibus agit ac mihi ex Graecis orationes  
 25 Lysiae ostentat, ex nostris Gracchorum Catonisque, quorum sane plurimae sunt circumcisae et breves; ego Lysiae Demosthenen, Aeschinen, Hyperiden multosque praeterea, Gracchis et Catoni Pollionem, Caesarem, Caelium, in primis M. Tullium oppono, cuius oratio  
 30 optima fertur esse quae maxima. Et hercule ut aliae bonae res ita bonus liber melior est quisque quo maior. Vides, ut statuas, signa, picturas, hominum 5 denique multorumque animalium formas, arborum

20 sint *Fpa*, *K.I*, *Otto* 296, sunt *Dr* 5, *K.II*. 28 Pollionem *K.I*, ex *M V* 3. 5, *VI* 29. 5, *VII* 31. 1.

etiam, si modo sint decorae, nihil magis quam ampli-  
tudo commendet. Idem orationibus evenit, quin etiam  
voluminibus ipsis auctoritatem quandam et pulchri-  
tudinem adicit magnitudo. Haec ille multaque alia,  
quae a me in eandem sententiam solent dici, ut est  
in disputando inconprehensibilis et lubricus, ita eludit,  
ut contendat hos ipsos, quorum orationibus nitar, pau-  
ciora dixisse, quam ediderint. Ego contra puto. Testes  
sunt multae multorum orationes et Ciceronis pro Mu-  
rena, pro Vareno, in quibus brevis et nuda quasi sub-  
scriptio quorundam criminum solis titulis indicatur.  
Ex his apparet illum permulta dixisse, cum ederet,  
omisisse. Idem pro Cluentio ait se totam causam  
vetere instituto solum perorasse et pro C. Cornelio  
quadriduo egisse, ne dubitare possimus, quae per plu-  
res dies, ut necesse erat, latius dixerit, postea recisa  
ac repurgata in unum librum grandem quidem, unum  
tamen coartasse. At aliud est actio bona, aliud oratio.  
Scio non nullis ita videri, sed ego (forsitan fallar)  
persuasum habeo posse fieri, ut sit actio bona, quae  
non sit bona oratio, non posse autem non bonam ac-  
tionem esse, quae sit bona oratio. Est enim oratio  
actionis exemplar et quasi ἀρχέτυπον. Ideo in optima  
quaque mille figuras extemporales invenimus, in iis  
etiam, quas tantum editas scimus, ut in Verrem: 'ar-  
tificem quem? quemnam? recte admones; Polyclitum  
esse dicebant.' Sequitur ergo, ut actio sit absolutissima,  
quae maxime orationis similitudinem expresserit, si  
modo iustum et debitum tempus accipiat; quod si  
negetur, nulla oratoris, maxima iudicis culpa est. Ad-  
sunt huic opinioni meae leges, quae longissima tempora  
largiuntur nec brevitatem dicentibus, sed copiam, hoc  
est diligentiam, suadent; quam praestare nisi in angu-  
stissimis causis non potest brevis. Adiciam, quod  
me docuit usus, magister egregius. Frequenter egi,

---

21 autem *Fpr*, *Otto* 296, *om. MVsa, K.*

frequenter iudicavi, frequenter in consilio fui. Aliud alios movet, ac plerumque parvae res maxime trahunt. Varia sunt hominum iudicia, variae voluntates. Inde, qui eandem causam simul audierunt, saepe diversum, 5 interdum idem, sed ex diversis animi motibus sentiunt. Praeterea suae quisque inventioni favet et quasi fortissimum complectitur, cum ab alio dictum est, quod ipse praevidit. Omnibus ergo dandum est aliquid, quod teneant, quod agnoscant. Dixit aliquando mihi 14  
 10 Regulus, cum simul adessemus: 'Tu omnia, quae sunt in causa, putas exequenda, ego iugulum statim video, hunc premo'. Premit sane, quod elegit, sed in eligendo frequenter errat. Respondi posse fieri, ut genu esset 15 aut tibia aut talus, ubi ille iugulum putaret. 'At ego' 15 inquam, 'qui iugulum perspicere non possum, omnia perempto, omnia experior, πάντα denique λίθον κινῶ,' ut 16 que in cultura agri non vineas tantum, verum etiam arbusta, nec arbusta tantum, verum etiam campos curo et exerceo, utque in ipsis campis non far aut siliginem 20 solam, sed hordeum, fabam ceteraque legumina sero, sic in actione plura quasi semina latius spargo, ut, quae provenerint, colligam. Neque enim minus inper- 17 spicua, incerta, fallacia sunt iudicum ingenia quam tempestatum terrarumque. Nec me praeterit summum 25 oratorem Periclen sic a comico Eupolide laudari:

Ἐπὶ δὲ γ' αὐτοῦ τῷ τάχει  
 πειθῶ τις ἐπεκάρητο τοῖσι χείλεσιν.  
 οὕτως ἐκῆλει, καὶ μόνος τῶν ῥητόρων  
 τὸ κέντρον ἐγκατέλειπε τοῖς ἀκροαμένοις.'

30 Verum huic ipsi Pericli nec illa 'πειθῶ' nec illud 18 'ἐκῆλει' brevitate vel velocitate vel utraque (differunt enim) sine facultate summa contigisset. Nam delec-

2 maxime p, maxime trahuntur F Ricc. a, maximas M V D r s, K, vel maxime trahunt vel parvis rebus maxime trahuntur Otto 296 sq. 7 compl. F p r a, Otto 296, ampl. M V D s, K. 14 tibia aut r, Beroald., Otto 297, sibi aut F p, om. M V D s a, K.

tare, persuadere copiam dicendi spatiumque desiderat, relinquere vero aculeum in audientium animis is de-  
 19 mum potest, qui non pungit, sed infigit. Adde, quae de eodem Pericle comicus alter:

‘ἤστραπν’, ἐβρόντα, συνελύκα τήν ‘Ελλάδα.’ 5

Non enim amputata oratio et abscisa, sed lata et magnifica et excelsa tonat, fulgurat, omnia denique  
 20 perturbat ac miscet. Optimus tamen modus est; quis negat? sed non minus non servat modum, qui infra rem quam qui supra, qui adstrictius quam qui effusius 10  
 21 dicit. Itaque audis frequenter ut illud: ‘immodice et redundanter’ ita hoc: ‘ieiune et infirme’. Alius excessisse materiam, alius dicitur non inplesse. Aequae uterque, sed ille inbecillitate, hic viribus peccat; quod certe, etsi non limatioris, maioris tamen ingenii vitium 15  
 22 est. Nec vero, cum haec dico, illum Homericum ἀμετροεπῇ probo, sed hunc:

‘καὶ ἔπεα νιφάδεσσιν ἐοικότα χειμερῶν σιν’,

non quia non et ille mihi validissime placeat:

‘παῦρα μὲν, ἀλλὰ μάλα λιγέως’, 20

si tamen detur electio, illam orationem similem nivibus hibernis, id est crebram et adsiduam et largam,  
 23 postremo divinam et caelestem, volo. At est gratior multis oratio brevis. Est, sed inertibus, quorum delicias desidiamque quasi iudicium respicere ridiculum 25  
 est. Nam, si hos in consilio habeas, non solum satius  
 24 est breviter dicere, sed omnino non dicere. Haec est adhuc sententia mea, quam mutabo, si dissenseris tu, sed plane, cur dissentias, explices rogo. Quamvis enim  
 25 in tanta re ratione quam auctoritate superari. Proinde, si non errare videor, id ipsum quam voles brevi epi-

4 *Arist. Ach.* 531. 18 *Hom. Γ* 222. 20 *Hom. Γ* 214.  
 30 debeam tuae *MV*ς, *K. II.*

stula, sed tamen scribe (confirmaveris enim iudicium meum); si erravero, longissimam para. Num corrupti te, qui tibi, si mihi accederes, brevis epistolae necessitatem, si dissentires, longissimae inposui? Vale.

5

## XXI.

C. PLINIUS PLINIO PATERNO SUO S.

Ut animi tui iudicio sic oculorum plurimum tribuo, 1  
non quia multum, ne tibi placeas, sed quia tantum  
quantum ego sapis; quamquam hoc quoque multum  
10 est. Omissis iocis credo decentes esse servos, qui sunt  
empti mihi ex consilio tuo. Superest, ut frugi sint,  
quod de venalibus melius auribus quam oculis iudi-  
catur. Vale.

## XXII.

15

C. PLINIUS CATILIO SEVERO SUO S.

Diu iam in urbe haereo et quidem attonitus. Per 1  
turbat me longa et pertinax valetudo Titi Aristonis,  
quem singulariter et miror et diligo. Nihil est enim  
illo gravius, sanctius, doctius, ut mihi non unus homo,  
20 sed litterae ipsae omnesque bonae artes in uno ho-  
mine summum periculum adire videantur. Quam pe- 2  
ritus ille et privati iuris et publici! quantum rerum,  
quantum exemplorum, quantum antiquitatis tenet! Ni-  
hil est, quod doceri velis, quod ille docere non possit;  
25 mihi certe, quotiens aliquid abditum quaero, ille the-  
saurus est. Iam quanta sermonibus eius fides, quanta 3  
auctoritas, quam pressa et decora cunctatio! quid est,  
quod non statim sciat? Et tamen plerumque haesitat,  
dubitatur diversitate rationum, quas acri magnoque iu-  
30 dicio ab origine causisque primis repetit, discernit,  
expendit. Ad hoc quam parvus in victu, quam modi- 4

1 confirmaveris *Fpr*, *Otto* 297, confirmaris *a*, confirma *D*,  
confirmabis *MV Ricc.* 5, *K*.    2 erravero *F Ricc. pra*, *Otto*,  
erraro *D*, errare *MV* 5, *K*.    24 doceri *F Ricc. p*, *Otto* 297,  
*Stangl* 670sq., discere *MVDr* 5, *a*, *K*.

cus in cultu! Soleo ipsum cubiculum illius ipsum-  
 que lectum ut imaginem quandam priscæ frugalitatis  
 5 aspicere. Ornat hæc magnitudo animi, quæ nihil ad  
 ostentationem, omnia ad conscientiam refert recteque  
 facti non ex populi sermone mercedem, sed ex facto 5  
 6 petit. In summa non facile quis quemquam ex istis,  
 qui sapientiae studium habitu corporis praeferunt, huic  
 viro comparabit. Non quidem gymnasia sectatur aut  
 porticus nec disputationibus longis aliorum otium su-  
 umque delectat, sed in toga negotiisque versatur, mul- 10  
 7 tos advocatione, plures consilio iuvat. Nemini tamen  
 istorum castitate, pietate, iustitia, fortitudine etiam  
 primo loco cesserit. Mirareris, si interesses, qua pa-  
 tientia hanc ipsam valetudinem toleret, ut dolori resi-  
 stat, ut sitim differat, ut incredibilem febrium ardorem 15  
 8 inmotus opertusque transmittat. Nuper me paucosque  
 mecum, quos maxime diligit, advocavit rogavitque, ut  
 medicos consuleremus de summa valetudinis, ut, si es-  
 set insuperabilis, sponte exiret e vita, si tantum diffi-  
 9 cilis et longa, resisteret maneretque; dandum enim 20  
 precibus uxoris, dandum filiae lacrimis, dandum etiam  
 nobis amicis, ne spes nostras, si modo non essent  
 10 inanes, voluntaria morte desereret. Id ego arduum in  
 primis et praecipua laude dignum puto. Nam impetu  
 quodam et instinctu procurrere ad mortem commune 25  
 cum multis, deliberare vero et causas eius expendere,  
 utque suaserit ratio, vitae mortisque consilium vel sus-  
 11 cipere vel ponere ingentis est animi. Et medici qui-  
 dem secunda nobis pollicentur; superest, ut promissis  
 deus adnuat tandemque me hac sollicitudine exsolvat; 30  
 qua liberatus Laurentinum meum, hoc est libellos et  
 pugillares studiosumque otium, repetam. Nunc enim  
 nihil legere, nihil scribere aut adsidenti vacat aut anxio

1 illius *F Ricc. pra, Otto 297, om. D, eius M V 5, K.*  
 6 quis *F pa, Otto 297, om. M V D r 5, K.* 8 comparabit *Otto,*  
*comparavit F Ricc., comperabit p, compararit a, comparabis*  
*M V D r 5, K.*

libet. Habes, quid timeam, quid optem, quid etiam in 12  
 posterum destinem; tu quid egeris, quid agas, quid  
 velis agere, invicem nobis, sed laetioribus epistulis  
 scribe. Erit confusioni meae non mediocre solacium,  
 5 si tu nihil quereris. Vale.

## XXIII.

C. PLINIUS POMPEIO FALCONI SUO S.

Consulis, an existimem te in tribunatu causas agere 1  
 debere. Plurimum refert, quid esse tribunatum putes,  
 10 inanem umbram et sine honore nomen an potestatem  
 sacrosanctam, et quam in ordinem cogi ut a nullo ita  
 ne a se quidem deceat. Ipse cum tribunus essem, 2  
 erraverim fortasse, qui me aliquid putavi, sed, tam-  
 quam essem, abstinui causis agendis, primum quod  
 15 deforme arbitrabar, cui adsurgere, cui loco cedere om-  
 nis oporteret, hunc omnibus sedentibus stare, et, qui  
 iubere posset tacere quemcumque, huic silentium  
 clepsydra indici, et, quem interfari nefas esset, hunc  
 etiam convicia audire et, si inulta pateretur, inertem,  
 20 si ulcisceretur, insolentem videri. Erat hic quoque 3  
 aestus ante oculos, si forte me appellasset vel ille, cui  
 adessem, vel ille, quem contra, intercederem et auxilium  
 ferrem an quiescerem sileremque et quasi eiurato ma-  
 gistratu privatum ipse me facerem. His rationibus 4  
 25 motus malui me tribunum omnibus exhibere quam  
 paucis advocatum. Sed tu (iterum dicam) plurimum 5  
 interest quid esse tribunatum putes, quam personam  
 tibi inponas; quae sapienti viro ita aptanda est, ut  
 perferatur. Vale.

30

## XXIV.

C. PLINIUS BAEBIO HISPANO SUO S.

Tranquillus, contubernalis meus, vult emere agellum, 1  
 quem venditare amicus tuus dicitur. Rogo, cures, 2

---

4 scripseris. Confusioni *F Ricc.*, Otto p. 297.



quanti aequum est, emat; ita enim delectabit emisse.  
 Nam mala emptio semper ingrata est eo maxime, quod  
 3 exprobrare stultitiam domino videtur. In hoc autem  
 agello, si modo adriserit pretium, Tranquilli mei sto-  
 machum multa sollicitant, vicinitas urbis, opportunitas 5  
 viae, mediocritas villae, modus ruris, qui avocet magis  
 4 quam dstringat. Scholasticis porro dominis, ut hic  
 est, sufficit abunde tantum soli, ut relevare caput, re-  
 ficere oculos, reptare per limitem unamque semitam  
 terere omnisque viticulas suas nosse et numerare ar- 10  
 busculas possint. Haec tibi exposui, quo magis scires,  
 quantum ille esset mihi, ego tibi debiturus, si prae-  
 diolum istud, quod commendatur his dotibus, tam  
 salubriter emerit, ut paenitentiae locum non relinquat.  
 Vale.

15

## C. PLINI CAECILI SECUNDI EPISTULARUM

### LIBER SECUNDUS.

#### I.

C. PLINIUS ROMANO SUO S.

20

1 Post aliquot annos insigne atque etiam memorabile  
 populi Romani oculis spectaculum exhibuit publicum  
 funus Vergini Rufi, maximi et clarissimi civis et per-  
 inde felicitis. Triginta annis gloriae suae supervixit;  
 2 legit scripta de se carmina, legit historias et posteri- 25

1 aequom ex *M K. I.*, item *V 10. 3* et *VI 5. 1* (*superscr. v.*),  
 iniquom *V 9. 7* et *VI 5. 1* ex eodem (*superscr. v.*). Aecum *5. 16*;  
 relicum *III 5. 9.* 2 est *Fpra*, *Otto 297*, om. *MV* 5, *K.*  
 10 vitec. *MV*, *K. I.* 12 ille esset *Fpra*, *Stangl 662*, esset  
 ille *MV*, *K.* 23 alter. et *Fpra*, *Otto 292*, om. *rell.*

tati suae interfuit. Perfunctus est tertio consulatu, ut  
 summum fastigium privati hominis inpleret, cum prin-  
 cipis noluisse. Caesares, quibus suspectus atque etiam 3  
 invisus virtutibus fuerat, evasit, reliquit incolumem  
 5 optimum atque amicissimum tamquam ad hunc ipsum  
 honorem publici funeris reservatus. Annum tertium 4  
 et octogensimum excessit in altissima tranquillitate,  
 pari veneratione. Usus est firma valetudine, nisi quod  
 solebant ei manus tremere, citra dolorem tamen. Aditus  
 10 tantum mortis durior longiorque, sed hic ipse lauda-  
 bilis. Nam, cum vocem praepararet acturus in con- 5  
 sulatu principi gratias, liber, quem forte acceperat  
 grandiore, et seni et stanti ipso pondere elapsus est.  
 Hunc dum sequitur colligitque, per leve et lubricum  
 15 pavementum fallente vestigio cecidit coxamque fregit,  
 quae parum apte collocata reluctantae aetate male coit.  
 Huius viri exequiae magnum ornamentum principi, 6  
 magnum saeculo, magnum etiam foro et rostris attu-  
 lerunt. Laudatus est a consule Cornelio Tacito; nam  
 20 hic supremus felicitati eius cumulus accessit, laudator  
 eloquentissimus. Et ille quidem plenus annis abiit, 7  
 plenus honoribus, illis etiam, quos recusavit; nobis  
 tamen quaerendus ac desiderandus est ut exemplar  
 aevi prioris, mihi vero praecipue, qui illum non solum  
 25 publice quantum admirabar tantum diligebam; primum  
 quod utrique eadem regio, municipia finitima, agri 8  
 etiam possessionesque coniunctae, praeterea quod ille  
 mihi tutor relictus adfectum parentis exhibuit. Sic  
 candidatum me suffragio ornavit, sic ad omnes hono-  
 30 res meos ex secessibus accucurrit, cum iam pridem  
 eiusmodi officiis renuntiasset, sic illo die, quo sacer-  
 dotes solent nominare, quos dignissimos sacerdotio  
 iudicant, me semper nominabat. Quin etiam in hac 9  
 novissima valetudine veritus, ne forte inter quinque-  
 35 viros crearetur, qui minuendis publicis sumptibus iu-  
 dicio senatus constituebantur, cum illi tot amici senes  
 consularesque superessent, me huius aetatis, per quem

- excusaretur, elegit his quidem verbis: 'Etiam si filium  
 10 haberem, tibi mandarem.' Quibus ex causis necesse est  
 tamquam immaturam mortem eius in sinu tuo defleam,  
 si tamen fas est aut flere aut omnino mortem vocare,  
 qua tanti viri mortalitas magis finita quam vita est. 5  
 11 Vivit enim vivetque semper atque etiam latius in me-  
 moria hominum et sermone versabitur, postquam ab  
 oculis recessit.  
 12 Volui tibi multa alia scribere, sed totus animus  
 in hac una contemplatione defixus est. Verginium 10  
 cogito, Verginium video, Verginium iam vanis imagi-  
 nibus, recentibus tamen, audio, adloquor, teneo; cui  
 fortasse aliquos cives virtutibus pares et habemus et  
 habebimus, gloria neminem. Vale.

## II.

15

C. PLINIUS PAULINO SUO S.

- 1 Irascor, nec liquet mihi, an debeam, sed irascor.  
 Scis, quam sit amor iniquus interdum, inpotens saepe,  
*μικαλτιος* semper. Haec tamen causa magna est, ne-  
 scio an iusta; sed ego, tamquam non minus iusta quam 20  
 magna sit, graviter irascor, quod a te tam diu litterae  
 2 nullae. Exorare me potes uno modo, si nunc saltem  
 plurimas et longissimas miseris. Haec mihi sola excu-  
 satio vera, ceterae falsae videbuntur. Non sum audi-  
 3 turus: 'Non eram Romae' vel: 'Occupatior eram.' Illud 25  
 enim nec di sinant, ut 'infirmior.' Ipse ad villam  
 partim studiis, partim desidia fruor, quorum utrumque  
 ex otio nascitur. Vale.

## III.

C. PLINIUS NEPOTI SUO S.

30

- 1 Magna Isaëum fama praecesserat, maior inventus  
 est. Summa est facultas, copia, ubertas; dicit semper  
 ex tempore, sed tamquam diu scripserit. Sermo Grae-

cus, immo Atticus, praeftationes tersae, graciles, dulces, graves interdum et erectae. Poscit controversias plures, 2 electionem auditoribus permittit, saepe etiam partes, surgit, amicitur, incipit; statim omnia ac paene pariter  
 5 ad manum, sensus reconditi occurrant, verba, sed qualia! quaesita et exulta. Multa lectio in subitis, multa scriptio elucet. Prohoemiatur apte, narrat aperte, pugnatur acriter, colligit fortiter, ornat excelsè, postremo docet, delectat, adficit, quid maxime, dubites, crebra  
 10 ἐνθυμήματα, crebri syllogismi, circumscripti et effecti, quod stilo quoque adsequi magnum est, incredibilis memoria, repetit altius, quae dixit ex tempore, ne verbo quidem labitur. Ad tantam εἴην studio et exercitatione pervenit; nam diebus et noctibus nihil aliud  
 15 agit, nihil audit, nihil loquitur. Annum sexagesimum excessit et adhuc scholasticus tantum est; quo genere hominum nihil aut sincerius aut simplicius aut melius. Nos enim, qui in foro verisque litibus terimur, multum malitiae, quamvis nolumus, addiscimus. Schola et auditorium et ficta causa res inermis, innoxia est nec minus felix, senibus praesertim. Nam quid in senectute felicius quam quod dulcissimum est in iuventa? Quare  
 7 ego Isaeum non disertissimum tantum, verum etiam beatissimum iudico; quem tu nisi cognoscere concupiscis, saxeus ferreusque es. Proinde, si non ob alia nosque ipsos, at certe ut hunc audias, veni. Numquamne legisti Gaditanum quendam Titi Livi nomine gloriaque commotum ad visendum eum ab ultimo terrarum orbe venisse statimque, ut viderat, abisse?  
 10 Ἀφιλόκαλον, inlitteratum, iners ac paene etiam turpe est non putare tanti cognitionem, qua nulla est iucundior, nulla pulchrior, nulla denique humanior. Dices: 9 'Habeo hic, quos legam, non minus disertos.' Etiam; sed legendi semper occasio est, audiendi non semper.  
 15 Praeterea multo magis, ut vulgo dicitur, viva vox ad-

---

7 prohoem. *M V*, *K. I*, prooem. *rell.*

ficat. Nam, licet acriora sint, quae legas, altius tamen  
 in animo sedent, quae pronuntiatio, vultus, habitus,  
 10 gestus etiam dicentis adfigit; nisi vero falsum putamus  
 illud Aeschinis, qui cum legisset Rhodiis orationem  
 Demosthenis admirantibus cunctis, adiecisse fertur: 'τί  
 δέ, εἰ αὐτοῦ τοῦ θηρίου ἠκούσατε;' et erat Aeschines,  
 si Demostheni credimus, λαμπροφωνότατος. Fatebatur  
 tamen longe melius eadem illa pronuntiasse ipsum,  
 11 qui pepererat. Quae omnia huc tendunt, ut audias  
 Isaeum, vel ideo tantum, ut audieris. Vale. 10

## IV.

## C. PLINIUS CALVINAE SUAE S.

1 Si pluribus pater tuus vel uni cuilibet alii quam  
 mihi debuisset, fuisset fortasse dubitandum, an adires  
 2 hereditatem etiam viro gravem. Cum vero ego ductus 15  
 adfinitatis officio dimissis omnibus, qui, non dico mo-  
 lestiores, sed diligentiores erant, creditor solus exsti-  
 terim, cumque ego nubenti tibi in dotem centum milia  
 contulerim praeter eam summam, quam pater tuus  
 quasi de meo dixit (erat enim solvenda de meo), ma- 20  
 gnum habes facilitatis meae pignus, cuius fiducia debes  
 famam defuncti pudoremque suscipere; ad quod te ne  
 verbis magis quam rebus hortor, quidquid mihi pater  
 3 tuus debuit, acceptum tibi fieri iubebo. Nec est, quod  
 verearis, ne sit mihi onerosa ista donatio. Sunt qui- 25  
 dem omnino nobis modicae facultates, dignitas sum-  
 ptuosa, reditus propter condicionem agellorum nescio  
 minor an incertior; sed, quod cessat ex reditu, fruga-  
 litate suppletur, ex qua velut e fonte liberalitas nostra  
 4 decurrit; quae tamen ita temperanda est, ne nimia 30  
 profusione inarescat, sed temperanda in aliis, in te  
 vero facile ratio constabit, etiamsi modum excesserit.  
 Vale.

22 ne te *pr.* *K.I.* 29 e (ex) *Fpr.* *Otto 297, om. vell.,*  
 ex quo velut fonte *coni. K.* 32 facile ei *K.II,* facile et *FD.*  
*Innumerabilibus locis et vel add. vel. om.*

## V.

C. PLINIUS LUPERCO SUO S.

Actionem et a te frequenter efflagitatam et a me 1  
 saepe promissam exhibui tibi, nondum tamen totam;  
 5 adhuc enim pars eius perpolitur. Interim, quae abso- 2  
 lutiora mihi videbantur, non fuit alienum iudicio tuo  
 tradi. His tu rogo intentionem scribentis accommodes.  
 Nihil enim adhuc inter manus habui, cui maiorem  
 sollicitudinem praestare deberem. Nam in ceteris actio- 3  
 10 nibus existimationi hominum diligentia tantum et fides  
 nostra, in hac etiam pietas subicietur. Inde et liber  
 crevit, dum ornare patriam et amplificare gaudemus  
 pariterque et defensionem eius servimus et gloriae. Tu 4  
 tamen haec ipsa, quantum ratio exegerit, reseca. Quo-  
 15 tiens enim ad fastidium legentium deliciasque respicio,  
 intellego nobis commendationem et ex ipsa mediocri-  
 tate libri petendam. Idem tamen, qui a te hanc au- 5  
 steritatem exigo, cogor id, quod diversum est, postu-  
 lare, ut in plerisque frontem remittas. Sunt enim  
 20 quaedam adolescentium auribus danda, praesertim si  
 materia non refragetur; nam descriptiones locorum,  
 quae in hoc libro frequentiores erunt, non historice  
 tantum, sed prope poëtice prosequi fas est. Quod ta- 6  
 men si quis extiterit qui putet nos laetius fecisse,  
 25 quam orationis severitas exigat, huius, ut ita dixerim,  
 tristicum reliquae partes actionis exorare debebunt.  
 Adnisi certe sumus, ut quamlibet diversa genera lecto-  
 rum per plures dicendi species teneremus, ac, sicut 7  
 veremur, ne quibusdam pars aliqua secundum suam  
 30 cuiusque naturam non probetur, ita videmur posse con-  
 fidere, ut universitatem omnibus varietas ipsa commen-  
 det. Nam et in ratione conviviorum, quamvis a ple- 8  
 risque cibis singuli temperemus, totam tamen cenam  
 laudare omnes solemus, nec ea, quae stomachus noster  
 35 recusat, adimunt gratiam illis, quibus capitur. Atque 9

- haec ego sic accipi volo, non tamquam adsecutum me esse credam, sed tamquam adsequi laboraverim, fortasse non frustra, si modo tu curam tuam admoveris
- 10 interim istis, mox iis, quae secuntur. Dices te non posse satis diligenter id facere, nisi prius totam actionem 5 cognoveris. Fateor; in praesentia tamen et ista tibi familiariora fient, et quaedam ex his talia erunt, ut
- 11 per partes emendari possint. Etenim, si avolsum statuae caput aut membrum aliquod inspiceres, non tu quidem ex illo posses congruentiam aequalitatemque 10 deprendere, posses tamen iudicare, an id ipsum satis
- 12 elegans esset; nec alia ex causa principiorum libri circumferuntur, quam quia existimatur pars aliqua etiam sine ceteris esse perfecta.
- 13 Longius me provexit dulcedo quaedam tecum lo- 15 quendi; sed iam finem faciam, ne modum, quem etiam orationi adhibendum puto, in epistula excedam. Vale.

## VI.

## C. PLINIUS AVITO SUO S.

- 1 Longum est altius repetere, nec refert, quemadmo- 20 dum acciderit, ut homo minime familiaris cenarem apud quendam, ut sibi videbatur, lautum et diligen-
- 2 tem, ut mihi, sordidum simul et sumptuosum. Nam sibi et paucis opima quaedam, ceteris vilia et minuta ponebat. Vinum etiam parvulis lagunculis in tria ge- 25 nera discripserat, non ut potestas eligendi, sed ne ius esset recusandi, aliud sibi et nobis, aliud minoribus amicis (nam gradatim amicos habet), aliud suis no-
- 3 strisque libertis. Animadvertit, qui mihi proximus recumbebat, et, an probarem, interrogavit. Negavi. 'Tu 30 ergo' inquit 'quam consuetudinem sequeris?' 'Eadem omnibus pono; ad cenam enim, non ad notam invito

4 sequentur *Fp* 5, *Otto* 297 *prob.* 8 avolsum *MVF*, *K.I.*, avuls. *vulg.* 25 parvulis *MV*, *K.I.*, parvulis *vulg.* 26 discr. *DMr*, *K.II* (*disp.* I 23), descr. *VFP* 5a, *K.I* (discr. p. 33. 21 *MV*, etiam dilic. *ib.* 15 *V*); cf. *V* 6. 35.

cunctisque rebus exaequo, quos mensa et toro aequavi.  
 'Etiamne libertos?' 'Etiam; convictores enim tunc, non 4  
 libertos puto.' Et ille: 'Magno tibi constat.' 'Minime.'  
 5 'Qui fieri potest?' 'Quia scilicet liberti mei non idem  
 quod ego bibunt, sed idem ego quod liberti.' Et hercule, 5  
 si gulae temperes, non est onerosum, quo utaris, ipse  
 communicare cum pluribus. Illa ergo reprimenda, illa  
 quasi in ordinem redigenda est, si sumptibus parcas,  
 10 quibus aliquanto rectius tua continentia quam aliena  
 contumelia consulas.

Quorsus haec? ne tibi, optimae indolis iuveni, quo- 6  
 rundam in mensa luxuria specie frugalitatis inponat.  
 Convenit autem amor in te meo, quotiens tale aliquid  
 15 inciderit, sub exemplo praemonere, quid debeas fugere.  
 Igitur memento nihil magis esse vitandum quam istam 7  
 luxuriae et sordium novam societatem; quae cum sint  
 turpissima discreta ac separata, turpius iunguntur. Vale.

## VII.

20

C. PLINIUS MACRINO SUO S.

Here a senatu Vestricio Spurinnae principe auctore 1  
 triumphalis statua decreta est, non ita ut multis, qui  
 numquam in acie steterunt, numquam castra viderunt,  
 numquam denique tubarum sonum nisi in spectaculis  
 25 audierunt, verum ut illis, qui decus istud sudore et  
 sanguine et factis adsequebantur. Nam Spurinna Bru- 2  
 cterum regem vi et armis induxit in regnum osten-  
 tatoque bello ferocissimam gentem, quod est pulcher-  
 rimum victoriae genus, terrore perdomuit. Et hoc 3  
 30 quidem virtutis praemium, illud solacium doloris ac-  
 cepit, quod filio eius Cottio, quem amisit absens, ha-  
 bitus est honor statuae. Rarum id in iuvene; sed  
 pater hoc quoque merebatur, cuius gravissimo vulnere  
 magno aliquo fomento medendum fuit. Praeterea Cot- 4  
 35 Q ipse tam clarum specimen indolis dederat, ut vita  
 — brevis et angusta debuerit hac velut immortalitate  
 ti. Nam tanta ei sanctitas, gravitas, auctoritas



etiam, ut posset senes illos provocare virtute, quibus  
 5 nunc honore adaequatus est. Quo quidem honore,  
 quantum ego interpretor, non modo defuncti memo-  
 riae, dolori patris, verum etiam exemplo prospectum  
 est. Acuent ad bonas artes iuventutem adolescentibus 5  
 quoque, ut digni sint modo, tanta praemia constituta,  
 acuent principes viros ad liberos suscipiendos et gau-  
 dia ex superstitibus et ex amissis tam gloriosa solacia.  
 6 His ex causis statua Cotti publice laetor nec privatim  
 minus. Amavi consummatissimum iuvenem tam ar- 10  
 denter, quam nunc inpatienter requiro. Erit ergo per-  
 gratum mihi hanc effigiem eius subinde intueri, sub-  
 inde respicere, sub hac consistere, praeter hanc com-  
 7 meare. Etenim, si defunctorum imagines domi positae  
 dolorem nostrum levant, quanto magis hae, quibus in 15  
 celeberrimo loco non modo species et vultus illorum,  
 sed honor etiam et gloria refertur? Vale.

## VIII.

C. PLINIUS CANINIO SUO S.

1 Studes an piscaris an venaris an simul omnia? 20  
 Possunt enim omnia simul fieri ad Larium nostrum.  
 Nam lacus piscem, feras silvae, quibus lacus cingitur,  
 2 studia altissimus iste secessus adfatim suggerunt. Sed,  
 sive omnia simul sive aliquid facis, non possum dicere  
 'invideo'; angor tamen non et mihi licere, quae sic 25  
 concupisco ut aegri vinum, balinea, fontes. Num-  
 quamne hos artissimos laqueos, si solvere negatur,  
 3 abrumpam? Numquam, puto. Nam veteribus negotiis  
 nova ad crescent, nec tamen priora peraguntur; tot  
 nexibus, tot quasi catenis maius in dies occupationum 30  
 agmen extenditur. Vale.

---

6 ut *Frsp*, om. *rell.*, utinam *coni.* Otto p. 292.

## IX.

C. PLINIUS APOLLINARI SUO S.

Anxium me et inquietum habet petitio Sexti Eruci 1  
 mei. Adficior cura et, quam pro me sollicitudinem  
 5 non adii, quasi pro me altero patior; et alioqui meus  
 pudor, mea existimatio, mea dignitas in discrimen ad-  
 ducitur. Ego Sexto latum clavum a Caesare nostro, 2  
 ego quaesturam inpetravi, meo suffragio pervenit ad  
 ius tribunatum petendi, quem nisi obtinet in senatu,  
 10 vereor, ne decepisse Caesarem videar. Proinde adni-  
 tendum est mihi, ut talem eum iudicent omnes, qua-  
 lem esse princeps mihi credidit. Quae causa si studium  
 meum non incitaret, adiutum tamen cuperem iuvenem  
 probissimum, gravissimum, eruditissimum, omni deni-  
 15 que laude dignissimum et quidem cum tota domo.  
 Nam pater ei Erucius Clarus, vir sanctus, antiquus, 4  
 disertus atque in agendis causis exercitatus, quas summa  
 fide, pari constantia nec verecundia minore defendit.  
 Habet avunculum C. Septicium, quo nihil verius, nihil  
 20 simplicius, nihil candidius, nihil fidelius novi. Omnes 5  
 me certatim et tamen aequaliter amant, omnibus nunc  
 ego in uno referre gratiam possum. Itaque preno  
 amicos, supplico, ambio, domos stationesque circumeo,  
 quantumque vel auctoritate vel gratia valeam, precibus  
 25 exuperior. Te quoque obsecro, ut aliquam oneris mei 6  
 partem suscipere tanti putes. Reddam vicem, si re-  
 posces, reddam, et si non reposces. Diligeris, coleris,  
 frequentaris; ostende modo velle te, nec deerunt, qui,  
 quod tu velis, cupiant. Vale.

30

## X.

C. PLINIUS OCTAVIO SUO S.

Hominem te patientem vel potius durum ac paene 1  
 crudelem, qui tam insignes libros tam diu teneas!  
 Quousque et tibi et nobis invidabis, tibi maxima 2

---

25 quoque p *Catan.*, K. I, que K. II.

laude, nobis voluptate? Sine per ora hominum ferantur isdemque quibus lingua Romana spatiis pervagantur. Magna et iam longa expectatio est, quam frustrari  
 3 adhuc et differre non debes. Enotuerunt quidam tui versus et invito te claustra sua refregerunt. Hos nisi 5 retrahes in corpus, quandoque ut erroneos aliquem, cuius dicantur, invenient. Habe ante oculos mortalitatem, a qua adserere te hoc uno monumento potes; nam cetera fragilia et caduca non minus quam ipsi homines occidunt desinuntque. Dices, ut soles: 'amici 10 mei viderint'. Opto equidem amicos tibi tam fideles, tam eruditos, tam laboriosos, ut tantum curae intentionisque suscipere et possint et velint, sed dispice, ne sit parum providum sperare ex aliis, quod tibi ipse  
 6 non praestes. Et de editione quidem interim, ut volens; recita saltem, quo magis libeat emittere, utque tandem percipias gaudium, quod ego olim pro te non  
 7 temere praesumo. Imaginor enim, qui concursus, quae admiratio te, qui clamor, quod etiam silentium maneat; quo ego, cum dico vel recito, non minus quam clamore delector, sit modo silentium acre et intentum  
 8 et cupidum ulteriora audiendi. Hoc fructu tanto, tam parato desine studia tua infinita ista cunctatione fraudare; quae cum modum excedit, verendum est, ne inertiae et desidiae vel etiam timiditatis nomen accipiat. Vale.

## XI.

C. PLINIUS ARRIANO SUO S.

1 Solet esse gaudio tibi, si quid actum est in senatu dignum ordine illo. Quamvis enim quietis amore secesseris, insidet tamen animo tuo maiestatis publicae cura. Accipe ergo, quod per hos dies actum est personae claritate famosum, severitate exempli salubre,  
 2 rei magnitudine aeternum. Marius Priscus accusantibus Afris, quibus pro consule praefuit, omissa defen- 35

6 retrahes *Fa*, *Otto* 297, retrahas *r*, retrahis *MVDp* 5, *K*.

sione iudices petiit. Ego et Cornelius Tacitus adesse provincialibus iussi existimavimus fidei nostrae convenire notum senatui facere excessisse Priscum inmanitate et saevitia crimina, quibus dari iudices possent, cum ob innocentes condemnandos, interficiendos etiam pecunias accepisset. Respondit Fronto Catius deprecatusque est, ne quid ultra repetundarum legem quaereretur, omniaque actionis suae vela vir movendarum lacrimarum peritissimus quodam velut vento miserationis inplevit. Magna contentio, magni utrimque clamores aliis cognitionem senatus lege conclusam, aliis liberam solutamque dicentibus, quantumque admisisset reus, tantum vindicandum. Novissime consul designatus Iulius Ferox, vir rectus et sanctus, Mario quidem iudices interim censuit dando, evocandos autem, quibus diceretur innocentium poenas vendidisse. Quae sententia non praevaluit modo, sed omnino post tantas dissensiones fuit sola frequens, adnotatumque experimentis, quod favor et misericordia acres et vehementes primos impetus habent, paulatim consilio et ratione quasi restincta considunt. Unde evenit, ut, quod multi clamore permixto tuentur, nemo tacentibus ceteris dicere velit; patescit enim, cum separaris a turba, contemplatio rerum, quae turba teguntur. Venerunt, qui adesse erant iussi, Vitellius Honoratus et Flavius Marcianus; ex quibus Honoratus trecentis milibus exilium equitis Romani septemque amicorum eius ultimam poenam, Marcianus unius equitis Romani septingentis milibus plura supplicia arguebatur emissee; erat enim fustibus caesus, damnatus in metallum, strangulatus in carcere. Sed Honoratum cognitioni senatus mors opportuna subtrahit, Marcianus inductus est absente Prisco. Itaque Tuccius Cerialis consularis iure senatorio postulavit, ut Priscus certior fieret, sive quia miserabiliorem, sive quia invidiosorem fore arbitrabatur, si praesens fuisset, sive, quod maxime credo, quia aequissimum erat commune crimen ab utroque defendi

10 et, si dilui non potuisset, in utroque puniri. Dilata  
 res est in proximum senatum; cuius ipse conspectus  
 augustissimus fuit. Princeps praesidebat; erat enim  
 consul; ad hoc Ianuarius mensis cum cetera tum prae-  
 cipue senatorum frequentia celeberrimus; praeterea 5  
 causae amplitudo auctaque dilatione expectatio et fama  
 insitumque mortalibus studium magna et inusitata no-  
 11 scendi omnes undique exciverat. Imaginare, quae sol-  
 licitudo nobis, qui metus, quibus super tanta re in  
 illo coetu praesente Caesare dicendum erat. Equidem 10  
 in senatu non semel egi, quin immo nusquam audiri  
 benignius soleo, tunc me tamen ut nova omnia novo  
 12 metu permovebant. Obversabatur praeter illa, quae  
 supra dixi, causae difficultas; stabat modo consularis,  
 13 modo septemvir epulorum, iam neutrum. Erat igitur 15  
 perquam onerosum accusare damnatum, quem ut pre-  
 mebat atrocitas criminis, ita quasi peractae damnationis  
 14 miseratio tuebatur. Utcumque tamen animum cogita-  
 tionemque collegi, coepi dicere non minore audientium  
 adsensu quam sollicitudine mea; dixi horis paene quin- 20  
 que. Nam duodecim clepsydris, quas spatiosissimas  
 acceperam, sunt additae quattuor. Adeo illa ipsa, quae  
 dura et adversa dicturo videbantur, secunda dicenti  
 15 fuerunt. Caesar quidem tantum mihi studium, tantam  
 etiam curam (nimium est enim dicere sollicitudinem) 25  
 praestitit, ut libertum meum post me stantem saepius  
 admoneret, voci laterique consulerem, cum me vehe-  
 mentius putaret intendi, quam gracilitas mea perpeti  
 posset. Respondit mihi pro Marciano Claudius Mar-  
 16 cellinus. Missus deinde senatus et revocatus in poste- 30  
 rum; neque enim iam inchoari poterat actio, nisi ut  
 17 noctis intervntu scinderetur. Postero die dixit pro  
 Mario Salvius Liberalis, vir subtilis, dispositus, acer,  
 disertus; in illa vero causa omnes artes suas protulit.  
 Respondit Cornelius Tacitus eloquentissime et, quod 35

eximium orationi eius inest, *σεμνῶς*. Dixit pro Mario 18  
 rursus Fronto Catus insigniter, utque iam locus ille  
 poscebat, plus in precibus temporis quam in defensione  
 consumpsit. Huius actionem vespera inclusit, non  
 5 tamen sic, ut abrumperet. Itaque in tertium diem  
 probationes exierunt. Iam hoc ipsum pulchrum et  
 antiquum, senatum nocte dirimi, triduo vocari, triduo  
 contineri. Cornutus Tertullus, consul designatus, vir 19  
 egregius et pro veritate firmissimus, censuit septin-  
 10 genta milia, quae acceperat Marius, aerario inferenda,  
 Mario urbe Italiaque interdicendum, Marciano hoc am-  
 plius Africa. In fine sententiae adiecit, quod ego et  
 Tacitus iniuncta advocacione diligenter et fortiter functi  
 essemus, arbitrari senatum ita nos fecisse, ut dignum  
 15 mandatis partibus fuerit. Adsenserunt consules desi-  
 gnati, omnes etiam consulares usque ad Pompeium  
 Collegam; ille et septingenta milia aerario inferenda  
 et Marcianum in quinquennium relegandum, Marium  
 repetundarum poenae, quam iam passus esset, censuit  
 20 relinquendum. Erant in utraque sententia multi, for-  
 tasse etiam plures in hac vel solutiore vel molliore.  
 Nam quidam ex illis quoque, qui Cornuto videbantur  
 adsensi, hunc, qui post ipsos censuerat, sequebantur.  
 Sed, cum fieret discessio, qui sellis consulum adstite- 22  
 25 rant, in Cornuti sententiam ire coeperunt. Tum illi,  
 qui se Collegae adnumerari patiebantur, in diversum  
 transierunt, Collega cum paucis relictus. Multum po-  
 stea de impulsoribus suis, praecipue de Regulo questus  
 est, qui se in sententia, quam ipse dictaverat, dese-  
 30 ruisset. Est alioqui Regulo tam mobile ingenium, ut  
 plurimum audeat, plurimum timeat.

Hic finis cognitionis amplissimae. Superest tamen 23  
*λειτούργιον* non leve, Hostilius Firminus, legatus Mari  
 Prisci, qui permixtus causae graviter vehementerque  
 35 vexatus est. Nam et rationibus Marciani et sermone,

7 dirimi *MDp*, *Pomp. Laet.*, *K.*, dirimit *V*, dimittit *Fro.*,  
*Otto* 297 sq. cf. § 16, *Cic. Att. I* 14. 5 m., melius Gierig.

nam de pecunia in ordine Lepidum. item  
 non fecit, et turpissimum missum commisisse  
 in praetore de Marciano quinquaginta milia dena-  
 riorum praeterea, ipse praeterea accepisse sestertia  
 tota milia huiusmodi quidem titulo nomine tingen-  
 tes, qui totius a vita hominis compiti semper et pu-  
 blicae non solentur. Placuit consente Cornuto re-  
 latus de eo proximo senatu; tunc enim, casu incertum  
 de consuetudine, adierat.

10 *Hae res urbanas; invicem rusticas scribe. Quid  
 vineae tuae, quid vineae, quid segetes agunt, quid  
 vineae delicatissimae? In summa, nisi aequae longam  
 epistolam reddis, non est, quod postea nisi brevissi-  
 mam expectes. Vale.*

## XII.

15

C. PLINIO ARRIANO SUO S.

1 *Acutoquon illud, quod superesse Mari Prisci cau-  
 sae proxime scripseram, nescio an satis, circumcisum  
 2 tamen et ultimum est. Firminus inductus in senatum  
 respondit crimini noto. Secutae sunt diversae senten-  
 tiae consulium designatorum. Cornutus Tertullus cen-  
 suit ordine movendum, Acutius Nerva in sortitione  
 provinciae rationem eius non habendam. Quae sen-  
 tentia tanquam mitior vicit, cum sit alioqui durior  
 3 tristiorque. Quid enim miserius quam exectum et  
 exemplum honoribus senatoriis labore et molestia non  
 curare? quid gravius quam tanta ignominia adfectum  
 non in solitudine latere, sed in hac altissima specula  
 4 compiciendum se monstrandumque praebere? praeterea  
 quid publico minus aut congruens aut decorum quam  
 notatum a senatu in senatu sedere ipsisque illis, a  
 quibus sit notatus, aequari, summotum a proconsulatu,  
 quia se in legatione turpiter gesserat, de proconsulibus*

8 incertum *Fpr*, Otto 298, om. *rell.*, *K.* 30 quam *Sichard.*,  
*K. II* (disp. I p. 16), om. *MVFDPra*, *K. I.* 32 et ante sum-  
 mot. add. codd. praeter *Fa*, *K.*, del. *Stangl* p. 671.

iudicare damnatumque sordium vel damnare alios vel absolvere? Sed hoc pluribus visum est. Numerantur 5 enim sententiae, non ponderantur; nec aliud in publico consilio potest fieri, in quo nihil est tam inaequale quam aequalitas ipsa. Nam, cum sit impar prudentia, par omnium ius est. Inplevi promissum 6 priorisque epistolae fidem exsolvi, quam ex spatio temporis iam recepisse te colligo; nam et festinanti et diligenti tabellario dedi; nisi quid impedimenti in 10 via passus est. Tuae nunc partes, ut primum illam, 7 deinde hanc remunereris litteris, quales istinc redire uberrimae possunt. Vale.

## XIII.

C. PLINIUS PRISCO SUO S.

15 Et tu occasiones obligandi me avidissime amplecteris, et ego nemini libentius debeo. Duabus ergo 2 de causis a te potissimum petere constitui, quod inpetratum maxime cupio. Regis exercitum amplissimum; hinc tibi beneficiorum larga materia, longum praeterea 20 tempus, quo amicos tuos exornare potuisti. Convertere ad nostros nec hos multos. Malles tu quidem multos, sed meae verecundiae sufficit unus aut alter ac potius unus. Is erit Voconius Romanus. Pater ei 4 in equestri gradu clarus, clarior vitricus, immo pater 25 alius (nam huic quoque nomini pietate successit), mater e primis. Ipse citerioris Hispaniae (scis, quod iudicium provinciae illius, quanta sit gravitas) flamen proxime fuit. Hunc ego, cum simul studeremus, arte 5 familiariterque dilexi; ille meus in urbe, ille in secessu 30 contubernalis, cum hoc seria, cum hoc iocos miscui. Quid enim illo aut fidelius amico aut sodale iucundius? 6

20 Convertere *MVFDpra*, *K.I*, converte te *Sich.*, *K.II*. Cf. *VII* 3.3 terere, *Cic. Q. fr. III* 2. 2, *Liv. II* 12. 10, *Sen. n. q. IV* pr. 5, 13 etc. 26 primis. ipse cit. *VFpr Catan. a*, *Momms. C. I. II* 3866, ipsa 5, primis citerioris *M. K.* 27 ipse flamen 'vulgo ex *Catanaci edit. secunda*, ut videtur' *K. II*, ipse om. *rell.*



Mira in sermone, mira etiam in ore ipso vultuque  
 7 suavis. Ad hoc ingenium excelsum, subtile, dulce,  
 facile, eruditum in causis agendis; epistulas quidem  
 8 scribit, ut Musas ipsas Latine loqui credas. Amatur  
 a me plurimum nec tamen vincitur. Equidem iuvenis 5  
 statim iuveni, quantum potui per aetatem, avidissime  
 contuli et nuper ab optimo principe trium liberorum  
 ius impetravi. Quod quamquam parce et cum delectu  
 9 daret, mihi tamen, tamquam eligeret, indulxit. Haec  
 beneficia mea tueri nullo modo melius, quam ut au- 10  
 geam, possum, praesertim cum ipse illa tam grate  
 interpretetur, ut, dum priora accipit, posteriora me-  
 10 reatur. Habes, qualis, quam probatus carusque sit  
 nobis; quem rogo pro ingenio, pro fortuna tua exor-  
 nes. In primis ama hominem; nam, licet tribuas ei, 15  
 quantum amplissimum potes, nihil tamen amplius  
 potes amicitia tua; cuius esse eum usque ad intimam  
 familiaritatem capacem quo magis scires, breviter tibi  
 studia, mores, omnem denique vitam eius expressi.  
 11 Extenderem preces, nisi et tu rogari diu nolles, et ego 20  
 tota hoc epistula fecissem; rogat enim et quidem ef-  
 ficacissime, qui reddit causas rogandi. Vale.

## XIV.

## C. PLINIUS MAXIMO SUO S.

1 Verum opinaris; dstringor centumviralibus causis, 25  
 quae me exercent magis quam delectant. Sunt enim  
 pleraeque parvae et exiles; raro incidit vel personarum  
 2 claritate vel negotii magnitudine insignis. Ad hoc  
 perpauci, cum quibus iuvet dicere, ceteri audaces  
 atque etiam magna ex parte adulescentuli obscuro ad 30  
 declamandum huc transierunt tam inreverenter et te-

17 in intimam *Fa*, *Otto* 298. 25 dstringor *MV*, *K.I*  
*(idem codd. § 6 desertiss. et innumerab. talia)*; v. *disp. I* 23,  
*infr. VII* 15. 1, *IX* 25. 3. 27 exilis *M*, *K.I*, exillis *V*, ex illis *ς*.  
 29 perpauci *Fpra*, *Otto* 298, *Stangl* 671, in pauci *Ricc.*, pauci  
*MVD* *ς*, *K*.

mere, ut mihi Atilius noster expresse dixisse videatur sic in foro pueros a centumviralibus causis auspicari ut ab Homero in scholis. Nam hic quoque ut illic primum coepit esse, quod maximum est. At hercule ante memoriam meam (ita maiores natu solent dicere) ne nobilissimis quidem adolescentulis locus erat nisi aliquo consulari producente; tanta veneratione pulcherrimum opus colebatur. Nunc refractis pudoris et reverentiae claustris omnia patent omnibus, nec inducuntur, sed inrumpunt. Sequuntur auditores actoribus similes, manceps convenitur a conductis et redemptis; in media basilica tam palam sportulae quam in triclinio dantur; ex iudicio in iudicium pari mercede transiunt. Inde iam non inurbane σοφοκλήεις vocantur 5 [ἀπὸ τοῦ σοφῶς καὶ καλεῖσθαι]; isdem Latinum nomen inpositum est 'laudiceni'. Et tamen crescit in dies 6 foeditas utraque lingua notata. Here duo nomenclatores mei (habent sane aetatem eorum, qui nuper togas sumpserunt) ternis denariis ad laudandum trahebantur. 20 Tanti constat, ut sis disertissimus. Hoc pretio quamlibet numerosa subsellia implentur, hoc ingens corona colligitur, hoc infiniti clamores commoventur, cum me 7 sochorus dedit signum. Opus est enim signo apud non intelligentes, ne audientes quidem; nam plerique 8 non audiunt, nec ulli magis laudant. Si quando transibis per basilicam et voles scire, quo modo quisque dicat, nihil est, quod tribunal ascendas, nihil, quod praebeas aurem; facilis divinatio; scito eum pessime dicere, qui laudabitur maxime. Primus hunc audiendi 9 30 morem induxit Larcus Licinus, hactenus tamen, ut

6 adolescentulis *F Ricc. pr, Otto 298*, adolescentibus *MVDsa, K.* 11 conv. a conductis et red. *F(om. manceps), Otto 291*, conducti et redempti mancipēs. convenitur a cond. et red. *pra*, conducti et redempti: manceps convenitur: in media *K. ex MVDs.* 17 nomenclatores *D.* 19 sumpserunt *Fpra, Otto 298*, sumpserint *MVD, K.* 30 Larcus *F Ricc. a, Otto 298, v. Momms. ind. K. II p. 416*, Largius *MVDpr, K., III 5. 17.*

auditores corrogaret. Ita certe ex Quintiliano, prae-  
 10 ceptore meo, audisse memini. Narrabat ille: 'Adse-  
 ctabar Domitium Afrum. Cum apud centumviros diceret  
 graviter et lente (hoc enim illi actionis genus erat),  
 audiit ex proximo inmodicum insolitumque clamorem. 5  
 Admiratus reticuit. Ubi silentium factum est, repetiit,  
 11 quod abruperat. Iterum clamor, iterum reticuit, et post  
 silentium coepit idem tertio. Novissime, quis diceret,  
 quaesivit. Responsum est: 'Licinus.' Tum intermissa  
 12 causa 'Centumviri' inquit, 'hoc artificium periit'. Quod 10  
 alioqui perire incipiebat, cum perisse Afro videretur,  
 nunc vero prope funditus extinctum et eversum est.  
 Pudet referre, quae quam fracta pronuntiatione dicantur,  
 13 tur, quibus quam taetris clamoribus excipiantur. Plau-  
 sus tantum ac potius sola cymbala et tympana illis 15  
 canticis desunt; ululatus quidem (neque enim alio vo-  
 cabulo potest exprimi theatri quoque indecora lauda-  
 14 tio) large supersunt. Nos tamen adhuc et utilitas  
 amicorum et ratio aetatis moratur ac retinet; veremur  
 enim, ne forte non has indignitates reliquisse, sed la- 20  
 bore fugisse videamur. Sumus tamen solito rariores,  
 quod initium est gradatim desinendi. Vale.

## XV.

C. PLINIUS VALERIANO SUO S.

1 Quo modo te veteres Marsi tui? quo modo emptio 25  
 nova? Placent agri, postquam tui facti sunt? Rarum  
 id quidem; nihil enim aequè gratum est adeptis quam  
 2 concupiscentibus. Me praedia materna parum commode  
 tractant, delectant tamen ut materna, et alioqui longa  
 patientia occallui. Habent hunc finem adsiduae que- 30  
 rellae, quod queri pudet. Vale.

5 audiit *a*5, audit *K*. 6 repetit *K.II tac*. Sic petit  
*II 11.2 F D p*, *V 4.1 F D p r*, *V 20.2 M D p r a*, *X 81.3 A*, *alibi*  
*abit*, *coit*, *perit*, *audit*, *quaesit*. Cf. *p. 18.13*, *III 21.3*. 14 taetris  
*Momms.*, *K.II*, *teneris vulg*.

## XVI.

C. PLINIUS ANNIO SUO S.

Tu quidem pro cetera tua diligentia admones me 1  
 codicillos Aciliani, qui me ex parte instituit heredem,  
 5 pro non scriptis habendos, quia non sint confirmati  
 testamento; quod ius ne mihi quidem ignotum est, 2  
 cum sit iis etiam notum, qui nihil aliud sciunt. Sed  
 ego propriam quandam legem mihi dixi, ut defuncto-  
 rum voluntates, etiamsi iure deficerentur, quasi per-  
 10 fectas tuerer. Constat autem codicillos istos Aciliani  
 manu scriptos. Licet ergo non sint confirmati testa- 3  
 mento, a me tamen ut confirmati observabuntur, prae-  
 sertim cum delatori locus non sit. Nam, si verendum 4  
 esset, ne, quod ego dedissem, populus eriperet, cun-  
 15 ctantior fortasse et cautior esse deberem; cum vero  
 liceat heredi donare, quod in hereditate subsedit, nihil  
 est, quod obstat illi meae legi, cui publicae leges non  
 repugnant. Vale.

## XVII.

C. PLINIUS GALLO SUO S.

20 Miraris, cur me Laurentinum vel, si ita mavis, 1  
 Laurens meum tanto opere delectet. Desines mirari,  
 cum cognoveris gratiam villae, opportunitatem loci,  
 litoris spatium. Decem et septem milibus passuum ab 2  
 25 urbe secessit, ut peractis, quae agenda fuerint, salvo  
 iam et composito die possis ibi manere. Aditur non  
 una via; nam et Laurentina et Ostiensis eodem ferunt,  
 sed Laurentina a quarto decimo lapide, Ostiensis ab  
 undecimo relinquenda est. Utrumque excipit iter ali-  
 30 qua ex parte harenosum iunctis paulo gravius et lon-  
 gius, equo breve et molle. Varia hinc atque inde 3

2 Annio *F Ricc. Cat. a, Otto 298, Anniano MVDp 5, K., Ammiano r.* 7 his *MVD, K.I.* 22 tantop. *V. Ad p. 7. 17.* 23 oport. *K.I ex MVFD, non I 8. 1 ex VF, I 24. 3, II 11. 9 ex MF, oport. tac. III 14. 6, IV 13. 4, VIII 21. 2, IX 13. 6.* 25 recessit *K.II cf. V 6. 2, disp. I p. 16 probab., non cert.*

- facies; nam modo occurrentibus silvis via coartatur, modo latissimis pratis diffunditur et patescit; multi greges ovium, multa ibi equorum boumque armenta, quae montibus hieme depulsa herbis et tepore verno nitescent. Villa usibus capax, non sumptuosa tutela. 5
- 4 Cuius in prima parte atrium frugi nec tamen sordidum, deinde porticus in D litterae similitudinem circumactae, quibus parvola, sed festiva area includitur. Egregium hae adversus tempestates receptaculum; nam specul- 10  
ribus ac multo magis imminentibus tectis muniuntur.
- 5 Est contra medias cavaedium hilare, mox triclinium satis pulchrum, quod in litus excurrit ac, si quando Africo mare impulsum est, fractis iam et novissimis fluctibus leviter adluitur. Undique valvas aut fenestras non minores valvis habet atque ita a lateribus, a fronte 15  
quasi tria maria prospectat; a tergo cavaedium, porticum, aream, porticum rursus, mox atrium, silvas et
- 6 longinquos respicit montes. Huius a laeva retractius paulo cubiculum est amplum, deinde aliud minus, quod altera fenestra admittit orientem, occidentem 20  
altera retinet, hac et subiacens mare longius quidem,
- 7 sed securius intuetur. Huius cubiculi et triclinii illius obiectu includitur angulus, qui purissimum solem continet et accendit. Hoc hibernaculum, hoc etiam gymnasium meorum est; ibi omnes silent venti exceptis, 25  
qui nubilum inducunt et serenum, ante quam usum
- 8 loci eripiunt. Adnectitur angulo cubiculum in hapsida curvatum, quod ambitum solis fenestris omnibus sequitur. Parieti eius in bibliothecae speciem armarium insertum est, quod non legendos libros, sed lectitandos 30  
9 capit. Adhaeret dormitorium membrum transitu interiacente, qui suspensus et tubulatus conceptum vaporem salubri temperamento huc illuc digerit et ministrat. Reliqua pars lateris huius servorum libertorumque

3 que om. *MVD, K., add. Fr 5 a, Otto 298.* 9 hae om. *MVr 5, K. II, add. FDp, K. I, Otto 298, haec a, ea Ricc.*  
22 triclini *MVD, K. I.*

usibus detinetur plerisque tam mundis, ut accipere  
 hospites possint. Ex alio latere cubiculum est poli- 10  
 tissimum; deinde vel cubiculum grande vel modica  
 cenatio, quae plurimo sole, plurimo mari lucet; post  
 5 hanc cubiculum cum procoetone altitudine aestivum,  
 munimentis hibernum; est enim subductum omnibus  
 ventis. Huic cubiculo aliud et procoeton communi  
 pariete iunguntur. Inde balinei cella frigidaria spa- 11  
 tiosa et effusa, cuius in contrariis parietibus duo ba-  
 10 ptisteria velut eiecta sinuantur, abunde capacia, si  
 nare in proximo cogites. Adiacet unctorium, hypo-  
 causton, adiacet propnigeon balinei, mox duae cellae  
 magis elegantes quam sumptuosae; cohaeret calida  
 piscina mirifica, ex qua natantes mare aspiciunt, nec 12  
 15 procul sphaeristerium, quod calidissimo soli inclinato  
 iam die occurrit. Hic turris erigitur, sub qua diaetae  
 duae, totidem in ipsa, praeterea cenatio, quae latissi-  
 mum mare, longissimum litus, villas amoenissimas  
 prospicit. Est et alia turris. In hac cubiculum, in 13  
 20 quo sol nascitur conditurque, lata post apotheca et  
 horreum, sub hoc triclinium, quod turbati maris non  
 nisi fragorem et sonum patitur eumque iam languidum  
 ac desinentem; hortum et gestationem videt, qua hor-  
 tus includitur. Gestatio buxo aut rore marino, ubi 14  
 25 deficit buxus, ambitur; nam buxus, qua parte defen-  
 ditur tectis, abunde viret; aperto caelo apertoque vento  
 et quamquam longinqua aspergine maris inarescit.  
 Adiacet gestationi interiore circumitu vinea tenera et 15  
 umbrosa nudisque etiam pedibus mollis et cedens.  
 30 Hortum morus et ficus frequens vestit, quarum arbo-

8 balinei *FD, K.II, balnei MV, K.I, item II 17. 26 bis, non ex p II 8. 2 nec ex F III 14. 8, balin. tac. plus viginti locis.*  
 11 nare *Catan., Otto 298, innare a, mare M V D r s, K., sin mare Fp.* 23 et des. *M V s, K.I.* Et pro ac *M V pr IV 9. 6, r III 6. 4 ex., pra IV 30. 6 ex., r s a VII 5. 1 ex., a VI 13. 2, A pan. 16. 3, 23. 5 ex., 48. 2 ex. et tanto, Bd 20. 1 ex., cd 82. 4, ac pro et 28*  
*pr ep. VI 6. 3 ex., A pan. 44 ex., 55. 9, 68. 7 in., c 63. 3 ex.*  
*via Kukula Sert. Hartel. p. 247 sq.*

- rum illa vel maxime ferax terra est, malignior ceteris. Hac non deteriore quam maris facie cenatio remota a mari fruitur, cingitur diaetis duabus a tergo, quarum fenestris subiacet vestibulum villae et hortus alius
- 16 pinguis et rusticus. Hinc cryptoporticus prope publici 5 operis extenditur. Utrimque fenestrae a mari plures, ab horto singulae, sed alternis pauciores. Hae, cum serenus dies et inmotus, omnes, cum hinc vel inde ventus inquietus, qua venti quiescunt, sine iniuria pa-
- 17 tent. Ante cryptoporticum xystus violis odoratus. Te- 10 porem solis infusi repercussu cryptoporticus auget, quae ut tenet solem sic aquilonem inhibet summovetque, quantumque calor ante tantum retro frigoris. Similiter Africum sistit atque ita diversissimos ventos alium alio latere frangit et finit. Haec iucunditas 15
- 18 eius hieme, maior aestate. Nam ante meridiem xystum, post meridiem gestationis hortique proximam partem umbra sua temperat, quae, ut dies crevit decrevitque,
- 19 modo brevior, modo longior hac vel illa cadit. Ipsa vero cryptoporticus tum maxime caret sole, cum ar- 20 dentissimus culmini eius insistit. Ad hoc patentibus fenestris favonios accipit transmittitque nec umquam
- 20 aëre pigro et manente ingravescit. In capite xysti deinceps cryptoporticus horti diaeta est, amores mei, re vera amores; ipse posui. In hac heliocaminus qui- 25 dem alia xystum, alia mare, utraque solem, cubiculum autem valvis cryptoporticum, fenestra prospicit mare.
- 21 Contra parietem medium zotheca perquam eleganter recedit, quae specularibus et velis obductis reductisve modo adicitur cubiculo, modo aufertur. Lectum et 30 duas cathedras capit; a pedibus mare, a tergo villae, a capite silvae. Tot facies locorum totidem fenestris
- 22 et distinguit et miscet. Iunctum est cubiculum noctis

7 ab horto pauciores, sed alt. singulae *K.I., disp. Ip. 17.*  
 9 ventus *Fpra, K.I., Otto 298,* ventis *MVD, K.II.* 19 illac  
*Fpra, VII 9.7 Dpa, VIII 20.7 ra.* 24 [cryptop. horti]  
*K.II., disp. I 17.* 27 qua mare *Fra, Otto 298*

et somni. Non illud voces servulorum, non maris  
 murmur, non tempestatum motus, non fulgurum lumen  
 ac ne diem quidem sentit nisi fenestris apertis. Tam  
 alti abditique secreti illa ratio, quod interiaccens andron  
 5 parietem cubiculi hortique distinguit atque ita omnem  
 sonum media inanitate consumit. Adplicitum est cubi- 23  
 culo hypocauston perexiguum, quod angusta fenestra  
 suppositum calorem, ut ratio exigit, aut effundit aut  
 retinet. Procoeton inde et cubiculum porrigitur in  
 10 solem, quem orientem statim exceptum ultra meridiem  
 oblicum quidem, sed tamen servat. In hanc ego diae- 24  
 tam cum me recepi, abesse mihi etiam a villa mea  
 videor magnamque eius voluptatem praecipue Satur-  
 nalibus capio, cum reliqua pars tecti licentia dierum  
 15 festisque clamoribus personat; nam nec ipse meorum  
 lusibus nec illi studiis meis obstrepunt. Haec utilitas, 25  
 haec amoenitas deficitur aqua salienti, sed puteos ac  
 potius fontes habet; sunt enim in summo. Et omnino  
 litoris illius mira natura. Quocumque loco moveris  
 20 humum, obviis et paratus umor occurrit isque since-  
 rus ac ne leviter quidem tanta maris vicinitate cor-  
 ruptus. Suggestunt adfatim ligna proximae silvae; ce-  
 teras copias Ostiensis colonia ministrat. Frugi quidem  
 homini sufficit etiam vicus, quem una villa discernit.  
 25 In hoc balinea meritoria tria, magna commoditas, si  
 forte balineum domi vel subitus adventus vel brevior  
 mora calfacere dissuadeat. Litus ornant varietate gra- 27  
 tissima nunc continua, nunc intermissa tecta villarum,  
 quae praestant multarum urbium faciem, sive mari  
 30 sive ipso litore utare; quod non numquam longa tran-  
 quillitas mollit, saepius frequens et contrarius fluctus  
 indurat. Mare non sane pretiosis piscibus abundat, 28  
 soleas tamen et squillas optimas suggerit. Villa vero

1 servol. *MV, K.I.* 13 *Aliquid turbatum. F Ricc. a*  
*post. volupt. habent* ecce, *D* ex ea (ea in litura alia man.).  
*Displicet* eius. An eius secessus? 25 sq. balin. v. ad p. 49. 8.  
 33 suggerit *rc*, egerit *codd. K.*



nostra etiam mediterraneas copias praestat, lac in primis; nam illuc e pascuis pecora conveniunt, si quando aquam umbramve sectantur.

- 29 Iustisne de causis iam tibi videor incolere, inhabitare, diligere secessum? quem tu nimis urbanus es nisi concupiscis. Atque utinam concupiscas! ut tot tantisque dotibus villulae nostrae maxima commendatio ex tuo contubernio accedat. Vale.

## XVIII.

C. PLINIUS MAURICO SUO S.

10

- 1 Quid a te mihi iucundius potuit iniungi, quam ut praeceptorem fratris tui liberis quaerem? Nam beneficio tuo in scholam redeo et illam dulcissimam aetatem quasi resumo; sedeo inter iuvenes, ut solebam, atque etiam experior, quantum apud illos auctoritatis  
2 ex studiis habeam. Nam proxime frequenti auditorio inter se coram multis ordinis nostri clare iocabantur; intravi, conticuerunt; quod non referrem, nisi ad illorum magis laudem quam ad meam pertineret, ac nisi sperare te vellem posse fratris tui filios probe discere.  
3 Quod superest, cum omnes, qui profitentur, audiero, quid de quoque sentiam, scribam efficiamque, quantum tamen epistula consequi potero, ut ipse omnes audisse  
4 videaris. Debeo enim tibi, debeo memoriae fratris tui hanc fidem, hoc studium, praesertim super tanta re. Nam quid magis interest vestra, quam ut liberi (dicerem tui, nisi nunc illos magis amares) digni illo  
5 patre, te patruo reperiantur? quam curam mihi, etiam si non mandasses, vindicassem. Nec ignoro suscipiendas offensas in eligendo praeceptore, sed oportet me non modo offensas, verum etiam simultates pro fratris tui filiis tam aequo animo subire quam parentes pro suis. Vale.

17 iocabantur *FDpra*, *K. I*, Otto 298sq., iocub. *Ricc.*, loquebantur *MVs*, *K. II*, *disp. I* 17.

## XIX.

C. PLINIUS CERIALE SUO S.

Hortaris, ut orationem amicis pluribus recitem. 1  
 Faciam, quia hortaris, quamvis vehementer addubitem.  
 5 Neque enim me praeterit actiones, quae recitantur, 2  
 impetum omnem caloremque ac prope nomen suum  
 perdere, ut quas soleant commendare simul et accen-  
 dere iudicum consessus, celebritas advocatorum, expe-  
 ctatio eventus, fama non unius actoris diductumque in  
 10 partes audientium studium, ad hoc dicentis gestus,  
 incessus, discursus etiam omnibusque motibus animi  
 consentaneus vigor corporis. Unde accidit, ut ii, qui 3  
 sedentes agunt, quamvis illis maxima ex parte supersint  
 eadem illa quae stantibus, tamen hoc, quod sedent,  
 15 quasi debilitentur et deprimantur. Recitantium vero 4  
 praecipua pronuntiationis adiumenta, oculi, manus,  
 praepediuntur. Quo minus mirum est, si auditorum  
 intentio relanguescit nullis extrinsecus aut blandimen-  
 tis capta aut aculeis excitata. Accedit his, quod oratio, 5  
 20 de qua loquor, pugnax et quasi contentiosa est. Porro  
 ita natura comparatum est, ut ea, quae scripsimus cum  
 labore, etiam cum labore audiri putemus. Et sane 6  
 quotus quisque tam rectus auditor, quem non potius  
 dulcia haec et sonantia quam austera et pressa de-  
 25 lectent? Est quidem omnino turpis ista discordia, est  
 tamen, quia plerumque evenit, ut aliud auditores, aliud  
 iudices exigant, cum aliqui iis praecipue auditor ad-  
 dici debeat, quibus idem, si foret iudex, maxime permo-  
 veretur. Potest tamen fieri, ut quamquam in his diffi-  
 30 cultatibus libro isti novitas lenocinetur, novitas apud  
 nostros; apud Graecos enim est quiddam quamvis ex

18 intentio relang. *FD Ricc. pr.*, *K.*, intentione lang. *MV*  
*Pomp. Laet. a.*, intentio lang. *Beroald.*, *Novak* 'Ztschr. f. d.  
*oest. G.*' 1891 p. 1067. 20 quasi *MV*§, om. *DFrag.*, *K.*;  
*cf. VII 9. 7.* 26 quia *MV*, *K. II*, qui *D*, quae *FRicc. a.*, *K. I.*,  
 quod *pr.* 27 iis *K. II*, is *D*, alloquiis *F*, alioquin *pr.*, hia  
*MV*§, *K. I.*

8 diverso, non tamen omnino dissimile. Nam, ut illis  
 erat moris leges, quas ut contrarias prioribus legibus  
 arguebant, aliarum collatione convincere, ita nobis in-  
 esse repetundarum legi, quod postularem, cum hac  
 ipsa lege tum aliis colligendum fuit; quod nequaquam 5  
 blandum auribus inperitorum tanto maiorem apud doctos  
 habere gratiam debet, quanto minorem apud indoctos  
 9 habet. Nos autem, si placuerit recitare, adhibituri  
 sumus eruditissimum quemque. Sed plane adhuc, an  
 sit recitandum, examina tecum, omnisque, quos ego 10  
 movi, in utraque parte calculos pone idque elige, in  
 quo vicerit ratio. A te enim ratio exigitur, nos excu-  
 sabit obsequium. Vale.

## XX.

C. PLINIUS CALVISIO SUO S.

15

1 Assem para et accipe auream fabulam, fabulas immo;  
 nam me priorum nova admonuit, nec refert, a qua  
 2 potissimum incipiam. Verania Pisonis graviter iacebat,  
 huius dico Pisonis, quem Galba adoptavit. Ad hanc  
 Regulus venit. Primum inpudentiam hominis, qui ve- 20  
 nerit ad aegram, cuius marito inimicissimus, ipsi in-  
 3 visissimus fuerat! Esto, si venit tantum; at ille etiam  
 proximus toro sedit, quo die, qua hora nata esset, in-  
 terrogavit. Ubi audiit, componit vultum, intendit ocu-  
 los, movet labra, agit digitos, computat; nihil. Ut 25  
 diu miseram expectatione suspendit, 'Habes' inquit  
 4 'climactericum tempus, sed evades. Quod ut tibi magis  
 liqueat, haruspice consulam, quem sum frequenter  
 5 expertus'. Nec mora, sacrificium facit, adfirmat exta  
 cum siderum significatione congruere. Illa ut in peri- 30  
 culo credula poscit codicillos, legatum Regulo scribit.  
 Mox ingravescit; clamat moriens hominem nequam,  
 perfidum ac plus etiam quam periurum, qui sibi per

12 exigitur *Fps*, *Stangl* 672, exigere *r*, exigitur *D*, *K*,  
*exigit M V*. 32 o homin. *Fpra*, quod tueri possis ita interp.:  
*'O hom. — periurum!'* qui.

salutem filii perierasset. Facit hoc Regulus non minus 6  
scelerate quam frequenter, quod iram deorum, quos  
ipse cotidie fallit, in caput infelicis pueri detestatur.

Velleius Blaesus, ille locuples consularis, novissima 7  
5 valetudine conflictabatur. Cupiebat mutare testamen-  
tum. Regulus, qui speraret aliquid ex novis tabulis,  
quia nuper captare eum coeperat, medicos hortari, ro-  
gare, quoquo modo spiritum homini prorogarent. Post- 8  
quam signatum est testamentum, mutat personam,  
10 vertit adlocutionem isdemque medicis: 'Quousque mi-  
serum cruciatis? quid invidetis bona morte, cui dare  
vitam non potestis?' Moritur Blaesus et, tamquam omnia  
audisset, Regulo ne tantulum quidem. Sufficiunt duae 9  
fabulae, an scholastica lege tertiam poscis? est, unde fiat.

15 Aurelia, ornata femina, signatura testamentum sump- 10  
serat pulcherrimas tunicas. Regulus cum venisset ad  
signandum, 'Rogo' inquit, 'has mihi leges'. Aurelia 11  
ludere hominem putabat, ille serio instabat; ne multa,  
coëgit mulierem aperire tabulas ac sibi tunicas, quas  
20 erat induta, legare; observavit scribentem, inspexit,  
an scripsisset. Et Aurelia quidem vivit, ille tamen  
istud tamquam morituram coëgit. Et hic hereditates,  
hic legata, quasi mereatur, accipit.

'*Ἀλλὰ τί διατείνουμαι* in ea civitate, in qua iam pri- 12  
25 dem non minora praemia, immo maiora nequitia et  
improbitas quam pudor et virtus habent? Aspice Re- 13  
gulum, qui ex paupere et tenui ad tantas opes per  
flagitia processit, ut ipse mihi dixerit, cum consuleret,  
quam cito sestertium sescenties inpleturus esset, in-  
30 venisse se exta duplicia, quibus portendi milies et du-  
centies habiturum. Et habebit, si modo, ut coepit, 14  
aliena testamenta, quod est inprobissimum genus falsi,  
ipsis, quorum sunt illa, dictaverit. Vale.

1 perierasset *K.II.*, peierasset *Fpra.*, *K.I.*, perierierasset  
*MV.*, perieras sed *D.* 30 duplicata *Fpa.*, Otto 299.

# C. PLINI CAECILI SECUNDI EPISTULARUM

## LIBER TERTIUS.

### I.

C. PLINIUS CALVISIO RUFO SUO S.

5

1 Nescio, an ullum iucundius tempus exegerim, quam  
quo nuper apud Spurinnam fui, adeo quidem, ut ne-  
minem magis in senectute, si modo senescere datum  
est, aemulari velim; nihil est enim illo vitae genere  
2 distinctius. Me autem ut certus siderum cursus ita 10  
vita hominum disposita delectat, senum praesertim.  
Nam iuvenes confusa adhuc quaedam et quasi turbata  
non indecent, senibus placida omnia et ordinata con-  
3 veniunt, quibus industria sera, turpis ambitio est. Hanc  
regulam Spurinna constantissime servat; quin etiam 15  
parva haec, parva, si non cotidie fiant, ordine quodam  
4 et velut orbe circumagit. Mane lectulo continetur, hora  
secunda calceos poscit, ambulat milia passuum tria-  
nec minus animum quam corpus exercet. Si adsunt  
amici, honestissimi sermones explicantur, si non, liber 20  
legitur, interdum etiam praesentibus amicis, si tamen  
5 illi non gravantur. Deinde considit, et liber rursus  
aut sermo libro potior; mox vehiculum ascendit, ad-  
sumit uxorem singularis exempli vel aliquem amicorum  
6 ut me proxime. Quam pulchrum illud, quam dulce 25  
secretum! quantum ibi antiquitatis! quae facta, quos  
viros audias! quibus praeceptis imbuare! quamvis ille

hoc temperamentum modestiae suae indixerit, ne praecipere videatur. Peractis septem milibus passuum iterum 7  
 ambulat mille, iterum residit vel se cubiculo ac stilo reddit. Scribit enim et quidem utraque lingua lyrica  
 5 doctissime; mira illis dulcedo, mira suavis, mira hilaritas, cuius gratiam cumulat sanctitas scribentis. Ubi 8  
 hora balinei nuntiata est (est autem hieme nona, aestate octava), in sole, si caret vento, ambulat nudus. Deinde movetur pila vehementer et diu; nam hoc quo-  
 10 que exercitationis genere pugnat cum senectute. Lotus accubat et paulisper cibum differt; interim audit legentem remissius aliquid et dulcius. Per hoc omne tempus liberum est amicis vel eadem facere vel alia, si malint. Adponitur cena non minus nitida quam frugi in ar- 9  
 15 gento puro et antiquo; sunt in usu et Corinthia, quibus delectatur nec adficitur. Frequenter comoedis cena distinguitur, ut voluptates quoque studiis condiantur. Sumit aliquid de nocte et aestate. Nemini hoc longum est; tanta comitate convivium trahitur. Inde illi post 10  
 20 septimum et septuagensimum annum aurium oculorumque vigor integer, inde agile et vividum corpus solaque ex senectute prudentia. Hanc ego vitam voto et 11  
 cogitatione praesumo ingressurus avidissime, ut primum ratio aetatis receptui canere permiserit. Interim mille  
 25 laboribus conteror, quorum mihi et solacium et exemplum est idem Spurinna; nam ille quoque, quoad honestum fuit, obiit officia, gessit magistratus, provincias rexit multoque labore hoc otium meruit. Igitur eundem mihi cursum, eundem terminum sta- 12  
 30 tuo idque iam nunc apud te subsigno, ut, si me longius evehi videris, in ius voces ad hanc epistulam meam et quiescere iubeas, cum inertiae crimen effugero. Vale.

---

5 doctissime *M Vr 5*, *K. II*, doctissima *FDpa*, *K. I*, Otto 299 (*lyrica*, doctissima). 21 que *Fpra*, Otto 299, om. *MVD*, *K*.

## II.

C. PLINIUS VIBIO MAXIMO SUO S.

- 1 Quod ipse amicis tuis obtulissem, si mihi eadem  
 materia suppeteret, id nunc iure videor a te meis pe-  
 2 titurus. Arrianus Maturus Altinatium est princeps. Cum  
 dico princeps, non de facultatibus loquor, quae illi  
 large supersunt, sed de castitate, iustitia, gravitate,  
 3 prudentia. Huius ego consilio in negotiis, iudicio in  
 studiis utor; nam plurimum fide, plurimum veritate,  
 4 plurimum intellegentia praestat. Amat me, nihil pos-  
 sum ardentius dicere, ut tu. Caret ambitu; ideo se in  
 equestri gradu tenuit, cum facile posset ascendere al-  
 tissimum. Mihi tamen ornandus excolendusque est.  
 5 Itaque magni aestimo dignitati eius aliquid adstruere  
 inopinantis, nescientis, immo etiam fortasse nolentis, 15  
 adstruere autem, quod sit splendidum nec molestum.  
 6 Cuius generis, quae prima occasio tibi, conferas in eum  
 rogo; habebis me, habebis ipsum gratissimum debito-  
 rem. Quamvis enim ista non adpetat, tam grate tamen  
 excipit, quam si concupiscat. Vale. 20

## III.

C. PLINIUS CORELLIAE HISPULLAE SUAE S.

- 1 Cum, patrem tuum, gravissimum et sanctissimum  
 virum, suspexerim magis an amaverim, dubitem teque  
 et in memoriam eius et in honorem tuum unice dili- 25  
 gam, cupiam necesse est atque etiam, quantum in me  
 fuerit, enitar, ut filius tuus avo similis existat, equidem  
 malo materno; quamquam illi paternus etiam clarus  
 spectatusque contigerit, pater quoque et patruus in-  
 2 lustrum laude conspicui. Quibus omnibus ita demum 30  
 similis adolescet, si imbutus honestis artibus fuerit,  
 3 quas plurimum refert a quo potissimum accipiat. Ad-  
 huc illum pueritiae ratio intra contubernium tuum  
 tenuit, praeceptores domi habuit, ubi est erroribus

modica vel etiam nulla materia. Iam studia eius extralimen proferenda sunt, iam circumspiciendus rhetor Latinus, cuius scholae severitas, pudor, in primis castitas constet. Adest enim adolescenti nostro cum ceteris 4  
 5 naturae fortunaeque dotibus eximia corporis pulchritudo, cui in hoc lubrico aetatis non praeceptor modo, sed custos etiam rectorque quaerendus est. Videor 5  
 ergo demonstrare tibi posse Iulium Genitorem. Amatur a me; iudicio tamen meo non obstat caritas hominis,  
 10 quae ex iudicio nata est. Vir est emendatus et gravis, paulo etiam horridior et durior ut in hac licentia temporum. Quantum eloquentia valeat, pluribus credere 6  
 potes; nam dicendi facultas aperta et exposita statim cernitur. Vita hominum altos recessus magnasque late-  
 15 bras habet; cuius pro Genitore me sponsorem accipe. Nihil ex hoc viro filius tuus audiet nisi profuturum, nihil discet, quod nescisse rectius fuerit, nec minus saepe ab illo quam a te meque admonebitur, quibus 7  
 imaginibus oneretur, quae nomina et quanta sustineat.  
 20 Proinde faventibus dis trade eum praeceptor, a quo mores primum, mox eloquentiam discat, quae male sine moribus discitur. Vale.

## IV.

C. PLINIUS CAECILIO MACRINO SUO S.

25 Quamvis et amici, quos praesentes habebam, et sermones hominum factum meum conprobasse videantur, magni tamen aestimo scire, quid sentias tu. Nam, 2  
 cuius integra re consilium exquirere optassem, huius etiam peracta iudicium nosse mire concupisco. Cum  
 30 publicum opus mea pecunia inchoaturus in Tuscos excucurrissem accepto ut praefectus aerari commeatu, legati provinciae Baeticae questuri de proconsulatu Caecilii Classici advocatum me a senatu petierunt. Collegae 3

20 dis D, K.II, diis MVFpra, K.I.  
 ex Ricc. add. Havet.

24 CAECILIO



optimi meique amantissimi de communis officii necessi-  
 tatibus praelocuti excusare me et eximere temptarunt.  
 Factum est senatus consultum perquam honorificum,  
 ut darer provincialibus patronus, si ab ipso me impe-  
 4 trassent. Legati rursus inducti iterum me iam praesen- 5  
 tem advocatum postulaverunt inplorantes fidem meam,  
 quam essent contra Massam Baebium experti, adlegan-  
 tes patrocinii foedus. Secuta est senatus clarissima ad-  
 sensio, quae solet decreta praecurrere. Tum ego 'Desino'  
 inquam 'patres conscripti, putare me iustas excusatio- 10  
 5 nis causas attulisse'. Placuit et modestia sermonis et  
 ratio. Conpulit autem me ad hoc consilium non solum  
 consensus senatus, quamquam hic maxime, verum et  
 alii quidam minores, sed tamen numeri. Veniebat in  
 mentem priores nostros etiam singulorum hospitum in- 15  
 iurias voluntariis accusationibus exsecutos; quo defor-  
 6 mius arbitrabar publici hospitii iura negligere. Prae-  
 terea cum recordarer, quanta pro isdem Baeticis supe-  
 riore advocacy etiam pericula subissem, conservandum  
 veteris officii meritum novo videbatur. Est enim ita 20  
 comparatum, ut antiquiora beneficia subvertas, nisi illa  
 posterioribus cumules. Nam quamlibet saepe obligati,  
 si quid unum neget, hoc solum meminerunt, quod ne-  
 7 gatum est. Ducebar etiam, quod decesserat Classicus,  
 amotumque erat, quod in eiusmodi causis solet esse 25  
 tristissimum, periculum senatoris. Videbam ergo ad-  
 vocationi meae non minorem gratiam, quam si viveret  
 8 ille, propositam, invidiam nullam. In summa computa-  
 bam, si munere hoc iam tertio fungerer, faciliorem  
 mihi excusationem fore, si quis incidisset, quem non 30  
 deberem accusare. Nam, cum est omnium officiorum  
 finis aliquis, tum optime libertati venia obsequio prae-  
 9 paratur. Audisti consilii mei motus, superest alterutra ex  
 parte iudicium tuum, in quo mihi aequae iucunda erit sim-  
 plicitas dissentientis quam conprobantis auctoritas. Vale. 35

8 patrocini et 17 hospiti ex *MVD K.I.* 18 priore *Fra*,  
*Otto 299.*

## V.

C. PLINIUS BAEBIO MACRO SUO S.

Pergratum est mihi, quod tam diligenter libros avun-  
 culi mei lectitas, ut habere omnes velis quaerasque,  
 5 qui sint omnes. Fungar indicis partibus atque etiam, 2  
 quo sint ordine scripti, notum tibi faciam; est enim  
 haec quoque studiosis non iniucunda cognitio. 'De 3  
 iaculatione equestri unus'; hunc, cum praefectus alae  
 militaret, pari ingenio curaue conposuit. 'De vita Pom-  
 10 poni Secundi duo'; a quo singulariter amatus hoc me-  
 moriae amici quasi debitum munus exsolvit. 'Bellorum 4  
 Germaniae viginti'; quibus omnia, quae cum Germanis  
 gessimus bella, collegit. Inchoavit, cum in Germania  
 militaret, somnio monitus. Adstitit ei quiescenti Drusi  
 15 Neronis effigies, qui Germaniae latissime victor ibi  
 periiit, commendabat memoriam suam orabatque, ut se  
 ab iniuria oblivionis adsereret. 'Studiosi tres' in sex 5  
 volumina propter amplitudinem divisi, quibus oratorem  
 ab incunabulis instituit et perfecit. 'Dubii sermonis  
 20 octo'; scripsit sub Nerone novissimis annis, cum omne  
 studiorum genus paulo liberius et erectius periculosum  
 servitus fecisset. 'A fine Aufidi Bassi triginta ungs.' 6  
 'Naturae historiarum triginta septem', opus diffusum,  
 eruditum nec minus varium quam ipsa natura. Miraris, 7  
 25 quod tot volumina multaque in his tam scrupulosa  
 homo occupatus absolverit, magis miraberis, si scieris  
 illum aliquandiu causas actitasse, decessisse anno sexto  
 et quinquagensimo, medium tempus distentum impe-  
 ditumque qua officiis maximis qua amicitia principum  
 30 egisse. Sed erat acre ingenium, incredibile studium, 8  
 summa vigilantia. Lucubrare Vulcanalibus incipiebat  
 non auspicandi causa, sed studendi, statim a nocte  
 multa, hieme vero ab hora septima vel, cum tardis-  
 sime, octava, saepe sexta. Erat sane somni paratissimi,

14 enim ei *Fp*, *Otto* 292 et 299; *v. K. disp.* I 9. 19 per-  
 fecit *Fra*, *Otto* 299, *Stangl* 672, perficit *vulg.*

non numquam etiam inter ipsa studia instantis et  
 9 deserentis. Ante lucem ibat ad Vespasianum imperato-  
 rem (nam ille quoque noctibus utebatur), inde ad dele-  
 gatum sibi officium. Reversus domum, quod reliquum  
 10 temporis, studiis reddebat. Post cibum saepe, quem 5  
 interdiu levem et facilem veterum more sumebat, aestate,  
 si quid otii, iacebat in sole, liber legebatur, adnotabat  
 excerpebatque. Nihil enim legit, quod non exciperet;  
 dicere etiam solebat nullum esse librum tam malum,  
 11 ut non aliqua parte prodesset. Post solem plerumque 10  
 frigida lavabatur, deinde gustabat dormiebatque mini-  
 mum; mox quasi alio die studebat in cenae tempus.  
 Super hanc liber legebatur, adnotabatur et quidem cur-  
 12 sim. Memini quendam ex amicis, cum lector quaedam  
 perperam pronuntiasset, revocasse et repeti coëgis-  
 15 huic avunculum meum dixisse: 'Intellexeras nempe'.  
 Cum ille adnuisset, 'Cur ergo revocabas? decem amplius  
 13 versus hac tua interpellatione perdidimus.' Tanta erat  
 parsimonia temporis. Surgebat aestate a cena luce,  
 hieme intra primam noctis et tamquam aliqua lege 20  
 cogente. Haec inter medios labores urbisque fremitum;  
 14 in secessu solum balinei tempus studiis eximebatur.  
 Cum dico balinei, de interioribus loquor; nam, dum  
 destringitur tergiturque, audiebat aliquid aut dictabat.  
 15 In itinere quasi solutus ceteris curis huic uni vacabat; 25  
 ad latus notarius cum libro et pugillaribus, cuius ma-  
 nus hieme manicis muniebantur, ut ne caeli quidem  
 asperitas ullum studiis tempus eriperet; qua ex causa  
 16 Romae quoque sella vehebatur. Repeto me correptum  
 ab eo, cur ambulares. 'Poteris' inquit 'has horas non 30  
 perdere'; nam perire omne tempus arbitrabatur, quod  
 17 studiis non inpertiretur. Hac intentione tot ista volu-  
 mina peregit electorumque commentarios centum se-

4 relicum *MD, K. I.*, reliquom *Ricc. Cf. ad I 24. 1.*

23 immersionibus *Boot Cic. Att. XVI 15. 5.*, ipsis lavationibus  
*cons. Gierig, intinctionibus?* 32 inpertiretur *Fra, Otto 299,*  
 impenderetur *MV, K.*

xaginta mihi reliquit opisthographos quidem et minutissime scriptos; qua ratione multiplicatur hic numerus. Referebat ipse potuisse se, cum procuraret in Hispania, vendere hos commentarios Larcio Licino quadringentis milibus nummum, et tunc aliquanto pauciores erant. Nonne videtur tibi recordanti, quantum legerit, quantum scripserit, nec in officiis ullis nec in amicitia principis fuisse, rursus, cum audis, quid studiis laboris inpendarit, nec scripsisse satis nec legisse? Quid est enim, quod non aut illae occupationes impedire aut haec instantia non possit efficere? Itaque soleo ridere, cum me quidam studiosum vocant, qui, si comparer illi, sum desidiosissimus. Ego autem tantum, quem partim publica, partim amicorum officia dstringunt? quis ex istis, qui tota vita litteris adsident, collatus illi non quasi somno et inertiae deditus erubescat?

Extendi epistulam, cum hoc solum, quod requirebas, scribere destinassem, quos libros reliquisset; confido tamen haec quoque tibi non minus grata quam ipsos libros futura, quae te non tantum ad legendos eos, verum etiam ad simile aliquid elaborandum possunt aemulationis stimulis excitare. Vale.

## VI.

C. PLINIUS ANNIO SEVERO SUO S.

Ex hereditate, quae mihi obvenit, emi proxime Corinthium signum modicum quidem, sed festivum et expressum, quantum ego sapio, qui fortasse in omni re, in hac certe perquam exiguum sapio; hoc tamen signum ego quoque intellego. Est enim nudum nec aut vitia, si qua sunt, celat aut laudes parum ostentat. Effingit senem stantem; ossa, muscoli, nervi, venae, rugae etiam ut spirantis apparent, rari et cedentes capilli, lata frons, contracta facies, exile collum, pendent

<sup>4</sup> Larcio p, Otto 298, Iartio Fq, Laertio r, Largio MVD Ricc., K.; v. p. 45. 30.

3 lacerti, papillae iacent, recessit venter; a tergo quoque  
 eadem aetas ut a tergo. Aes ipsum, quantum verus  
 color indicat, vetus et antiquum; talia denique omnia,  
 ut possint artificum oculos tenere, delectare imperito-  
 4 rum. Quod me quamquam tirunculum sollicitavit ad  
 emendum. Emi autem, non ut haberem domi (neque  
 enim ullum adhuc Corinthium domi habeo), verum ut  
 in patria nostra celebri loco ponerem, ac potissimum  
 5 in Iovis templo; videtur enim dignum templo, dignum  
 deo donum. Tu ergo, ut soles omnia, quae a me tibi  
 iniunguntur, suscipe hanc curam et iam nunc iube  
 basim fieri, ex quo voles marmore, quae nomen meum  
 honoresque capiat, si hos quoque putabis addendos.  
 6 Ego signum ipsum, ut primum invenero aliquem, qui  
 non gravetur, mittam tibi vel ipse, quod mavis, ad-  
 15 feram mecum. Destino enim, si tamen officii ratio per-  
 7 miserit, excurrere isto. Gaudes, quod me venturum esse  
 polliceor, sed contrahes frontem, cum adiecero ad pau-  
 cos dies; neque enim diutius abesse me eadem haec,  
 quae nondum exire patiuntur. Vale. 20

## VII.

## C. PLINIUS CANINIO RUFO SUO S.

1 Modo nuntiatus est Silius Italicus in Neapolitano  
 2 suo inedia finisse vitam. Causa mortis valetudo. Erat  
 illi natus insanabilis clavus, cuius taedio ad mortem 25  
 inrevocabili constantia decucurrit usque ad supremum  
 diem beatus et felix, nisi quod minorem ex liberis  
 duobus amisit, sed maiorem melioremque florentem  
 3 atque etiam consularem reliquit. Laeserat famam suam  
 sub Nerone, credebatur sponte accusasse; sed in Vitelli  
 30 amicitia sapienter se et comiter gesserat, ex procon-  
 sulatu Asiae gloriam reportaverat, maculam veteris in-  
 4 dustriae laudabili otio abluerat. Fuit inter principes

1 recessit venter *Fprg*, venter recessit *vell. codd., K.*

2 ut ante. *aerugo aes ipsum Stahl Mus. Rhén. XXIX 365.*

civitatis sine potentia, sine invidia; salubatur, colebatur multumque in lectulo iacens cubiculo semper non ex fortuna frequenti doctissimis sermonibus dies transigebat, cum a scribendo vacaret. Scribebat carmina  
5 maiore cura quam ingenio, non numquam iudicia hominum recitationibus experiebatur. Novissime ita suadentibus annis ab urbe secessit seque in Campania tenuit ac ne adventu quidem novi principis inde commotus est. Magna Caesaris laus, sub quo hoc liberum  
6 fuit, magna illius, qui hac libertate ausus est uti. Erat φιλόκαλος usque ad emacitatis reprehensionem. Plures  
7 isdem in locis villas possidebat adamatisque novis priores neglegebat. Multum ubique librorum, multum statuarum, multum imaginum, quas non habebat modo,  
8 verum etiam venerabatur, Vergili ante omnes, cuius natalem religiosius quam suum celebrabat, Neapoli maxime, ubi monimentum eius adire ut templum solebat. In hac tranquillitate annum quintum et septuagensem  
9 excessit delicato magis corpore quam infirmo; utque novissimus a Nerone factus est consul, ita postremus ex omnibus, quos Nero consules fecerat, decessit. Illud etiam notabile: ultimus ex Neronianis  
10 consularibus obiit, quo consule Nero periit. Quod me recordantem fragilitatis humanae miseratio subit. Quid  
11 enim tam circumcisum, tam breve quam hominis vita longissima? An non videtur tibi Nero modo modo fuisse? cum interim ex iis, qui sub illo gesserant consulatum, nemo iam superest. Quamquam quid hoc miror? nuper  
12 L. Piso, pater Pisonis illius, qui a Valerio Festo per summum facinus in Africa occisus est, dicere solebat  
13 neminem se videre in senatu, quem consul ipse sententiam rogavisset. Tam angustis terminis tantae multitudinis vivacitas ipsa concluditur, ut mihi non venia solum dignae, verum etiam laude videantur illae regiae

15 Vergilii *K.I ex M V*, virgilii *FD*; p. 64. 30 Vitelli omnes, ut vid., praeter 15 (Vitelii *pa*).

lacrimae. Nam ferunt Xersen, cum inmensum exercitum oculis obisset, inlacrimasse, quod tot milibus tam brevis immineret occasus. Sed tanto magis hoc, quid-  
 14 quid est temporis futilis et caduci, si non datur factis (nam horum materia in aliena manu), certe studiis prof-  
 ramus et, quatenus nobis denegatur diu vivere, relinqua-  
 15 mus aliquid, quo nos vixisse testemur. Scio te stimulis non egere; me tamen tui caritas evocat, ut currentem quo-  
 que instigem, sicut tu soles me. 'Ἀγαθὴ δ' ἔρις', cum in-  
 vicem se mutuis exhortationibus amici ad amorem inmor-  
 16 talitatis exacuunt. Vale.

## VIII.

C. PLINIUS SUETONIO TRANQUILLO SUO S.

1 Facis pro cetera reverentia, quam mihi praestas, quod tam sollicito petis, ut tribunatum, quem a Neratio Mar-  
 cello, clarissimo viro, impetravi tibi, in Caesennium Sil-  
 2 vanum, propinquum tuum, transferam. Mihi autem sicut iucundissimum ipsum te tribunum ita non minus gratum  
 alium per te videre. Neque enim esse congruens arbitror, quem augere honoribus cupias, huic pietatis titulis invi-  
 3 dere, qui sunt omnibus honoribus pulchriores. Video etiam, cum sit egregium et mereri beneficia et dare, utramque  
 te laudem simul adsecuturum, si, quod ipse meruisti, alii tribuas. Praeterea intellego mihi quoque gloriae fore, si  
 ex hoc tuo facto non fuerit ignotum amicos meos non  
 4 gerere tantum tribunatus posse, verum etiam dare. Quare ego vero honestissimae voluntati tuae pareo. Neque enim  
 adhuc nomen in numeros relatum est, ideoque liberum  
 est nobis Silvanum in locum tuum subdere; cui cupio tam  
 gratum esse munus tuum, quam tibi meum est. Vale. 30

## IX.

C. PLINIUS CORNELIO MINICIANO SUO S.

1 Possum iam perscribere tibi, quantum in publica  
 2 provinciae Baeticae causa laboris exhausserim. Nam fuit

<sup>1</sup> *xersen F, Xersem pr, Xerxen M V D, K., Xerxem εα.*  
<sup>4</sup> *futilis K., fuitilis M V.* <sup>5</sup> *nos ante certe M ε, noscere V; posita?*

multiplex actaque est saepius cum magna varietate.  
 Unde varietas? unde plures actiones? Caecilius Clas-  
 sicus, homo foedus et aperte malus, proconsulatum in  
 ea non minus violenter quam sordide gesserat eodem  
 5 anno quo in Africa Marius Priscus. Erat autem Pri- 3  
 scus ex Baetica, ex Africa Classicus. Inde dictum Bae-  
 tiorum, ut plerumque dolor etiam venustos facit, non  
 inlepidum ferebatur: 'Dedi malum et accepi.' Sed Ma- 4  
 rium una civitas publice multique privati reum perege-  
 10 runt, in Classicum tota provincia incubuit. Ille accu- 5  
 sationem vel fortuita vel voluntaria morte praevertit.  
 Nam fuit mors eius infamis, ambigua tamen; ut enim  
 credibile videbatur voluisse exire de vita, cum defendi  
 non posset, ita mirum pudorem damnationis morte  
 15 fugisse, quem non puduisset damnanda committere.  
 Nihilo minus Baetica etiam in defuncti accusatione 6  
 perstabat. Provisum hoc legibus, intermissum tamen  
 et post longam intercapedinem tunc reductum. Ad-  
 diderunt Baetici, quod simul socios ministrosque Clas- 7  
 sici detulerunt nominatimque in eos inquisitionem po-  
 20 stulaverunt. Aderam Baeticis mecumque Lucceius Al- 7  
 binus, vir in dicendo copiosus, ornatus; quem ego cum  
 olim mutuo diligerem, ex hac officii societate amare  
 ardentius coepi. Habet quidem gloria, in studiis prae- 8  
 25 sertim, quiddam ἀποινονόητον, nobis tamen nullum cer-  
 tamen, nulla contentio, cum uterque pari iugo non pro  
 se, sed pro causa niteretur; cuius et magnitudo et  
 utilitas visa est postulare, ne tantum oneris singulis  
 actionibus subiremus. Verebamus, ne nos dies, ne vox, 9  
 30 ne latera deficerent, si tot crimina, tot reos uno velut  
 fasce complecteremur, deinde ne iudicium intentio mul-  
 tis nominibus multisque causis non lassaretur modo,  
 verum etiam confunderetur, mox ne gratia singulorum  
 collata atque permixta pro singulis quoque vires om-

25 ΑΚΟΙΝΟΝΟΗΤΟΝ *et in marg.* ἀποινωγήτων F, ἀποινω-  
 γήτων D *Catan. a, K.*, ἀποινωγίτων ε. *Adn. crit.* Cic. Att. p. 162. 28.  
 32 lassaretur F *Dr̄sa, K. I.*, lassaretur p, laxaretur K. II.



nium acciperet, postremo ne potentissimi vilissimo quoque quasi piaculari dato alienis poenis elaberentur.

10 Etenim tum maxime favor et ambitio dominatur, cum  
 11 sub aliqua specie severitatis delitescere potest. Erat in consilio Sertorianum illud exemplum, qui robustissi- 5  
 mum et infirmissimum militem iussit caudam equi—  
 reliqua nosti. Nam nos quoque tam numerosum agmen reorum ita demum videbamus posse superari, si per  
 12 singulos carperetur. Placuit in primis ipsum Classicum ostendere nocentem. Hic aptissimus ad socios eius et 10  
 ministros transitus erat, quia socii ministrique probari nisi illo nocente non poterant; ex quibus duos statim Classico iunximus, Baebium Probum et Fabium Hispanum, utrumque gratia, Hispanum etiam facundia vali-  
 13 dum. Et circa Classicum quidem brevis et expeditus 15  
 labor. Sua manu reliquerat scriptum, quid ex quaque re, quid ex quaque causa accepisset; miserat etiam epistulas Romam ad amiculam quandam iactantes et gloriosas his quidem verbis: 'Io io, liber ad te venio; iam sestertium quadragies redege parte vendita Baeti- 20  
 14 corum.' Circa Hispanum et Probum multum sudoris. Horum ante quam crimina ingrederer, necessarium credidi elaborare, ut constaret ministerium crimen esse;  
 15 quod nisi fecissem, frustra ministros probassem. Neque enim ita defendebantur, ut negarent, sed ut necessitati 25  
 veniam precarentur; esse enim se provinciales et ad  
 16 omne proconsulum imperium metu cogi. Solet dicere Claudius Restitutus, qui mihi respondit, vir exercitatus et vigilans et quamlibet subitis paratus, numquam sibi tantum caliginis, tantum perturbationis offusum, quam 30  
 cum praecepta et extorta defensionis suae cerneret, in  
 17 quibus omnem fiduciam reponebat. Consilii nostri exitus fuit: bona Classici, quae habuisset ante provinciam, placuit senatui a reliquis separari, illa filiae, haec spoliatis relinqui. Additum est, ut pecuniae, quas credito- 35  
 ribus solverat, revocarentur. Hispanus et Probus in quinquennium relegati. Adeo grave visum est, quod

initio dubitabatur an omnino crimen esset. Post paucos 18  
dies Claudium Fuscum, Classici generum, et Stilonium  
Priscum, qui tribunus cohortis sub Classico fuerat, ac-  
cusavimus dispari eventu. Prisco in biennium Italia  
5 interdictum, absolutus est Fuscus. Actione tertia com- 19  
modissimum putavimus plures congregare, ne, si longius  
esset extracta cognitio, satietate et taedio quodam iusti-  
tia cognoscentium severitasque languesceret; et alioqui  
supererant minores rei data opera hunc in locum reser-  
10 vati, excepta tamen Classici uxore, quae sicut implicita  
suspicionibus ita non satis convinci probationibus visa  
est. Nam Classici filia, quae et ipsa inter reos erat, 20  
ne suspicionibus quidem haerebat. Itaque, cum ad  
nomen eius in extrema actione venissem (neque enim  
15 ut initio sic etiam in fine verendum erat, ne per hoc  
totius accusationis auctoritas minueretur), honestissi-  
mum credidi non premere inmerentem idque ipsum  
dixi et libere et varie. Nam modo legatos interroga- 21  
bam, docuissentne me aliquid, quod re probari posse  
20 confiderent, modo consilium a senatu petebam, puta-  
retne debere me, si quam haberem in dicendo facul-  
tatem, in iugulum innocentis quasi telum aliquod in-  
tendere; postremo totum locum hoc fine conclusi:  
'Dicet aliquis 'Iudicas ergo?' ego vero non iudico,  
25 memini tamen me advocatum ex iudiciis datum.'  
Hic numerosissimae causae terminus fuit quibusdam 22  
absolutis, pluribus damnatis atque etiam relegatis, aliis  
in tempus, aliis in perpetuum.

Eodem senatus consulto industria, fides, constantia 23  
30 nostra plenissimo testimonio comprobata est, dignum  
solumque par pretium tanti laboris. Concipere animo 24  
potes, quam simus fatigati, quibus totiens agendum,  
totiens altercandum, tam multi testes interrogandi,  
sublevandi, refutandi. Iam illa quam ardua, quam 25

2 Claudium *Fp*τ, *K.I*, Clau *r*, Clavium *a*, Cluvium *D*, *K.II*.

11 suspition. *ex F*, *v. 13 ex FD*, *VI 31.11*, *VII 1.5* *loc. K.I*.

molesta, tot reorum amicis secreto rogantibus negare, adversantibus palam obsistere! Referam unum aliquid ex iis, quae dixi. Cum mihi quidam e iudicibus ipsis pro reo gratiosissimo reclamarent, 'Non minus' in-  
 26 quam 'hic innocens erit, si ego omnia dixerō.' Conie- 5  
 ctabis ex hoc, quantas contentiones, quantas etiam offensas subierimus dumtaxat ad breve tempus; nam fides in praesentia eos, quibus resistit, offendit, deinde ab illis ipsis suspicitur laudaturque. Non potui magis  
 27 te in rem praesentem perducere. Dices: 'Non fuit 10  
 tanti; quid enim mihi cum tam longa epistula?' Nolito ergo identidem quaerere, quid Romae geratur. Et tamen memento non esse epistolam longam, quae tot dies, tot cognitiones, tot denique reos causasque com-  
 28 plexa sit. Quae omnia videor mihi non minus breviter 15  
 quam diligenter persecutus. Temere dixi 'diligenter'; succurrit, quod praeterieram, et quidem sero, sed, quamquam praepostere, reddetur. Facit hoc Homerus mul-  
 tique illius exemplo, est alioqui perdecorum, a me ta-  
 men non ideo fiet. 20

29 E testibus quidam sive iratus, quod evocatus esset  
 invitus, sive subornatus ab aliquo reorum, ut accusatio-  
 nem exarmaret, Norbanum Licinianum, legatum et in-  
 quisitorem, reum postulavit, tamquam in causa Castae  
 30 (uxor haec Classici) praevaricaretur. Est lege cautum, 25  
 ut reus ante peragatur, tunc de praevaricatore quae-  
 ratur, videlicet quia optime ex accusatione ipsa accu-  
 31 satoris fides aestimatur. Norbano tamen non ordo le-  
 gis, non legati nomen, non inquisitionis officium  
 praesidio fuit; tanta conflagravit invidia homo alioqui fla- 30  
 gitiosus et Domitiani temporibus usus ut multi electus-  
 que tunc a provincia ad inquirendum non tamquam  
 32 bonus et fidelis, sed tamquam Classici inimicus. Erat  
 ab illo relegatus. Dari sibi diem ad diluenda crimina

34 diem ad diluenda crimina Fpra, Otto 291, diem et edi  
 crimina K., diem edi cr. D, idem et edi cr. MF.

postulavit. Neutrum impetravit, coactus est statim respondere; respondit, malum pravumque ingenium hominis facit ut dubitem, confidenter an constanter, certe paratissime. Obiecta sunt multa, quae magis quam 33  
 5 praevericatio nocuerunt; quin etiam duo consulares, Pomponius Rufus et Libo Frugi, laeserunt eum testimonio, tamquam apud iudicem sub Domitiano Salvi Liberalis accusatoribus adfuisset. Damnatus et in in- 34  
 10 sulam relegatus est. Itaque, cum Castam accusarem, nihil magis pressi, quam quod accusator eius praevericationis crimine corruisset; pressi tamen frustra; accidit enim res contraria et nova, ut accusatore praevericationis damnato rea absolveretur. Quaeris, quid 35  
 15 nos, dum haec aguntur. Indicavimus senatui ex Norbano didicisse nos publicam causam rursusque debere ex integro discere, si ille praevericator probaretur, atque ita, dum ille peragitur reus, sedimus. Postea Norbanus omnibus diebus cognitionis interfuit eandemque usque ad extremum vel constantiam vel audaciam 20  
 20 pertulit.

Interrogo ipse me, an aliquid omiserim rursus, et 36  
 rursus paene omisi. Summo die Salvius Liberalis reliquos legatos graviter increpuit, tamquam non omnes, quos mandasset provincia, reos peregissent, atque, ut 25  
 25 est vehemens et disertus, in discrimen adduxit. Protexi viros optimos eisdemque gratissimos; mihi certe debere se praedicant, quod illum turbinem evaserint. Hic erit epistolae finis, re vera finis; litteram non ad- 37  
 30 dam, etiamsi adhuc aliquid praeterisse me sensero. Vale.

## X.

30

C. PLINIUS VESTRICIO SPURINNAE SUO ET COTTIAE S.

Composuisse me quaedam de filio vestro non dixi 1  
 vobis, cum proxime apud vos fui, primum quia non ideo scripseram, ut dicerem, sed ut meo amori, meo

*1* postulavit *Fpra*, Otto 299, postulabat MVD, K.

dolori satisfacerem, deinde quia te, Spurinna, cum audisses recitasse me, ut mihi ipse dixisti, quid recitas-  
 2 sem, simul audisse credebam. Praeterea veritus sum, ne vos festis diebus confunderem, si in memoriam gravissimi luctus reduxissem. Nunc quoque paulisper 5 haesitavi, id solum, quod recitavi, mitterem exigentibus vobis an adicerem, quae in aliud volumen cogito re-  
 3 servare. Neque enim adfectibus meis uno libello carissimam mihi et sanctissimam memoriam prosecui satis est, cuius famae latius consulatur, si dispensata 10 et digesta fuerit. Verum haesitanti mihi, omnia, quae iam composui, vobis exhiberem an adhuc aliqua differrem, simplicius et amicus visum est omnia, praecipue cum adfirmetis intra vos futura, donec placeat emitte-  
 5 Quod superest, rogo, ut pari simplicitate, si qua ex- 15 stimabitis addenda, commutanda, omittenda, indicetis 6 mihi. Difficile est hucusque intendere animum in dolore; difficile, sed tamen, ut sculptorem, ut pictorem, qui filii vestri imaginem faceret, admoneretis, quid exprimere, quid emendare deberet, ita me quoque for- 20 mate, regite, qui non fragilem et caducam, sed immortalem, ut vos putatis, effigiem conor efficere; quae hoc diuturnior erit, quo verior, melior, absolutior fuerit. Valet.

## XI.

25

C. PLINIUS IULIO GENITORI SUO S.

1 Est omnino Artemidori nostri tam benigna natura, ut officia amicorum in maius extollat. Inde etiam meum meritum ut vera ita supra meritum praedicatione circumfert. Equidem, cum essent philosophi ab 2 urbe summoti, fui apud illum in suburbano et, quo notabilius, hoc est periculosius, esset, fui praetor. Pecuniam etiam, qua tunc illi ampliore opus erat, ut aes alienum exsolveret contractum ex pulcherrimis 35 *causis*, *mussantibus* magnis quibusdam et locupletibus 3 *amicis mutuatus ipse gratuitam* dedi. Atque haec feci,

cum septem amicis meis aut occisis aut relegatis, occisus Senecione, Rustico, Helvidio, relegatis Maurico, Gratilla, Arria, Fannia, tot circa me iactis fulminibus quasi ambustus mihi quoque inpendere idem exitium  
 5 certis quibusdam notis augurarer. Non ideo tamen 4  
 eximiam gloriam meruisse me, ut ille praedicat, credo, sed tantum effugisse flagitium. Nam et C. Musonium, 5  
 socerum eius, quantum licitum est per aetatem, cum admiratione dilexi et Artemidorum ipsum iam tum,  
 10 cum in Syria tribunus militarem, arta familiaritate complexus sum idque primum non nullius indolis dedi specimen, quod virum aut sapientem aut proximum simillimumque sapienti intellegere sum visus. Nam 6  
 ex omnibus, qui nunc se philosophos vocant, vix unum  
 15 aut alterum invenies tanta sinceritate, tanta veritate. Mitto, qua patientia corporis hiemes iuxta et aestates ferat, ut nullis laboribus cedat, ut nihil in cibo, in potu voluptatibus tribuat, ut oculos animumque contineat. Sunt haec magna, sed in alio, in hoc vero 7  
 20 minima, si ceteris virtutibus comparentur, quibus meruit, ut a C. Musonio ex omnibus omnium ordinum adsectatoribus gener adsumeretur. Quae mihi recordanti est quidem iucundum, quod me cum apud alios  
 tum apud te tantis laudibus cumulat, vereor tamen,  
 25 ne modum excedat, quem benignitas eius (illuc enim, unde coepi, revertor) non solet tenere. Nam in hoc 9  
 uno interdum vir alioqui prudentissimus honesto quidem, sed tamen errore versatur, quod pluris amicos suos, quam sunt, arbitratur. Vale.

30

## XII.

C. PLINIUS CATILIO SEVERO SUO S.

Veniam ad cenam, sed iam nunc paciscor, sit expedita, sit parca, Socraticis tantum sermonibus abundet, in his quoque teneat modum. Erunt officia antelu-  
 35 cana, in quae incidere inpune ne Catoni quidem licuit,

26 non solet *Fpra*, K.I, solet non MVD, K.II.

quem tamen C. Caesar ita reprehendit, ut laudet.  
 3 Describit enim eos, quibus obvius fuerit, cum caput  
 ebrii retexissent, erubuisse; deinde adicit: 'Putares non  
 ab illis Catonem, sed illos a Catone deprehensos.' Po-  
 tuitne plus auctoritatis tribui Catoni, quam si ebrius 5  
 4 quoque tam venerabilis erat? Nostrae tamen cenae ut  
 apparatus et inpendii sic temporis modus constet.  
 Neque enim ii sumus, quos vituperare ne inimici  
 quidem possint, nisi ut simul laudent. Vale.

## XIII.

10

C. PLINIUS VOCONIO ROMANO SUO S.

1 Librum, quo nuper optimo principi consul gratias  
 2 egi, misi exigenti tibi missurus, etsi non exegisses. In  
 hoc consideres velim ut pulchritudinem materiae ita  
 difficultatem. In ceteris enim lectorem novitas ipsa 15  
 intentum habet, in hac nota, vulgata, dicta sunt omnia;  
 quo fit, ut quasi otiosus securusque lector tantum  
 elocutioni vacet, in qua satisfacere difficilior est, cum  
 3 sola aestimatur. Atque utinam ordo saltem et trans-  
 itus et figurae simul spectarentur! Nam invenire prae- 20  
 clare, enuntiare magnifice interdum etiam barbari so-  
 lent, disponere apte, figurare varie nisi eruditus nega-  
 4 tum est. Nec vero adfectanda sunt semper elata et  
 excelsa. Nam, ut in pictura lumen non alia res magis  
 quam umbra commendat, ita orationem tam summit- 25  
 5 tere quam attollere decet. Sed quid ego haec doctis-  
 simo viro? quin potius illud: adnota, quae putaveris  
 corrigenda. Ita enim magis credam cetera tibi placere,  
 si quaedam displicuisse cognovero. Vale.

## XIV.

30

C. PLINIUS ACILIO SUO S.

1 Rem atrocem nec tantum epistula dignam Larcus  
Macedo, vir praetorius, a servis suis passus est, super-

2 fuerit *FD Ricc. 5a, K. II*, fuerat *M Vr, K. I*, fuit *p.*

32 Larcus *Momms. ind. p. 416*, Largius *vulg.*

bus alioqui dominus et saevus, et qui servisse patrem suum parum, immo nimium meminisset. Lavabatur 2 in villa Formiana. Repente eum servi circumstant; alius fauces invadit, alius os verberat, alius pectus et 5 ventrem atque etiam, foedum dictu, verenda contundit; et, cum exanimem putarent, abiciunt in fervens pavimentum, ut experirentur, an viveret. Ille, sive quia non sentiebat, sive quia se non sentire simulabat, immobilis et extentus fidem peractae mortis implevit. 10 Tum demum quasi aestu solutus effertur; excipiunt 3 servi fidiiores, concubinae cum ululatu et clamore concurrunt. Ita et vocibus excitatus et recreatus loci frigore sublatis oculis agitatoque corpore vivere se (et iam tutum erat) confitetur. Diffugiunt servi; quorum 4 15 magna pars comprehensa est, ceteri requiruntur. Ipse paucis diebus aegre focilatus non sine ultionis solacio decessit ita vivus vindicatus, ut occisi solent. Vides, 5 quot periculis, quot contumeliis, quot ludibriis simus obnoxii; nec est, quod quisquam possit esse securus, 20 quia sit remissus et mitis; non enim iudicio domini, sed scelere perimuntur. Verum haec hactenus.

Quid praeterea novi? quid? nihil; alioqui subiun- 6 gerem; nam et charta adhuc superest, et dies feriatus patitur plura contexi. Addam, quod opportune de eo- 25 dem Macedone succurrit. Cum in publico Romae lavaretur, notabilis atque etiam, ut exitus docuit, ominosa res accidit. Eques Romanus a servo eius, ut transitum 7 daret, manu leviter admonitus convertit se nec servum, a quo erat tactus, sed ipsum Macedonem tam graviter 30 palma percussit, ut paene concideret. Ita balineum 8 illi quasi per gradus quosdam primum contumeliae locus, deinde exitii fuit. Vale.

## XV.

C. PLINIUS SILIO PROCULO SUO S.

35 Petis, ut libellos tuos in secessu legam, examinem, 1 an editione sint digni, adhibes preces, adlegas exem-



plum; rogas enim, ut aliquid subsicivi temporis studiis  
 meis subtraham, inperitiam tuis, adicis M. Tullium mira  
 2 benignitate poëtarum ingenia fovisse. Sed ego nec  
 rogandus sum nec hortandus; nam et poëticen ipsam  
 religiosissime veneror et te validissime diligo. Faciam 5  
 ergo, quod desideras, tam diligenter quam libenter.  
 3 Videor autem iam nunc posse rescribere esse opus  
 pulchrum nec suppressendum, quantum aestimare licuit  
 ex his, quae me praesente recitasti, si modo mihi non  
 inposuit recitatio tua; legis enim suavissime et peri- 10  
 tissime. Confido tamen me non sic auribus duci, ut  
 omnes aculei iudicii mei illarum delinimentis refrin-  
 4 gantur; hebetentur fortasse et paulum retundantur,  
 5 evelli quidem extorquerique non possunt. Igitur non  
 temere iam nunc de universitate pronuntio, de parti- 15  
 bus experiar legendo. Vale.

## XVI.

## C PLINIUS NEPOTI SUO S.

1 Adnotasse videor facta dictaque virorum femina-  
 2 rumque alia clariora esse, alia maiora. Confirmata est 20  
 opinio mea hesterno Fanniae sermone. Neptis haec  
 Arriae illius, quae marito et solacium mortis et exem-  
 plum fuit. Multa referebat aviae suae non minora  
 hoc, sed obscuriora; quae tibi existimo tam mirabilia  
 3 legenti fore, quam mihi audienti fuerunt. Aegrotabat 25  
 Caecina Paetus, maritus eius, aegrotabat et filius, uter-  
 que mortifere, ut videbatur. Filius decessit eximia  
 pulchritudine, pari verecundia et parentibus non minus  
 4 ob alia carus, quam quod filius erat. Huic illa ita  
 funus paravit, ita duxit exequias, ut ignoraret maritus; 30  
 quin immo, quotiens cubiculum eius intraret, vivere  
 filium atque etiam commodiorem esse simulabat ac

5 valdiss. *Fa* (valed. *M*), *IV* 4. 1 *MVD*, corr. *F*, *VI* 8. 9  
*Ma*, *IX* 35. 1 *nullus*. 9 his *MVFpr*, *K.I.*, iis *K.II*.

18 paulum *MVD*, *K.*, *disp. II* 19, paululum *Fpra*, *Otto* 299;  
 cf. *VII* 27. 9.

persaepe interroganti, quid ageret puer, respondebat:  
 'Bene quievit, libenter cibum sumpsit'; deinde, cum 5  
 diu cohibitae lacrimae vincerent prorumperentque,  
 egrediebatur; tunc se dolori dabat; satiata siccis oculis  
 5 composito vultu redibat, tamquam orbitatem foris re-  
 liquisset. Praeclarum quidem illud eiusdem, ferrum 6  
 stringere, perfodere pectus, extrahere pugionem, por-  
 rigere marito, addere vocem immortalem ac paene di-  
 vinam: 'Paete, non dolet'; sed tamen ista facienti,  
 10 ista dicenti gloria et aeternitas ante oculos erant; quo  
 maius est sine praemio aeternitatis, sine praemio gloriae  
 abdere lacrimas, operire luctum amissoque filio matrem  
 adhuc agere. Scribonianus arma in Illyrico contra 7  
 Claudium moverat; fuerat Paetus in partibus, occiso  
 15 Scriboniano Romam trahebatur. Erat ascensurus na- 8  
 vem. Arria milites orabat, ut simul inponeretur.  
 'Nempe enim' inquit 'daturi estis consulari viro ser-  
 vulos aliquos, quorum e manu cibum capiat, a quibus  
 vestiatur, a quibus calcietur; omnia sola praestabo.'  
 20 Non impetravit; conduxit piscatoriam naviculam ingens- 9  
 que navigium minimo secuta est. Eadem apud Clau-  
 dium uxori Scriboniani, cum illa profiteretur indicium,  
 'Ego' inquit 'te audiam, cuius in gremio Scribonianus  
 occisus est, et vivis?' Ex quo manifestum est ei con-  
 25 silium pulcherrimae mortis non subitum fuisse. Quin 10  
 etiam, cum Thrasea, gener eius, deprecaretur, ne mori  
 pergeret, interque alia dixisset: 'Vis ergo filiam tuam,  
 si mihi pereundum fuerit, mori mecum?', respondit:  
 'Si tam diu tantaque concordia vixerit tecum quam  
 30 ego cum Paeto, volo.' Auxerat hoc responso curam 11  
 suorum, attentius custodiebatur. Sensit et 'Nihil agi-  
 tis' inquit; 'potestis enim efficere, ut male moriar, ne  
 moriar, non potestis.' Dum haec dicit, exiit cathedra 12

14 et ante occiso *MVD, K., om. FRicc.pra.* 20 navic.  
*MFDpra*, naucul. *K. ex V, V 6.37 ex MD, IX 7.4 ex M,*  
*X 17.2 navic. omnes.* 32 ne *Fpra, Otto 292*, ut non  
*MVD, K.*

adversoque parieti caput ingenti impetu impexit et corruit. Focilata 'Dixeram' inquit 'vobis inventuram me quamlibet duram ad mortem viam, si vos facilem  
 13 negassetis.' Videnturne haec tibi maiora illo 'Paete, non dolet', ad quod per haec perventum est? cum interim 5 illud quidem ingens fama, haec nulla circumfert. Unde colligitur, quod initio dixi, alia esse clariora, alia maiora. Vale.

## XVII.

C. PLINIUS IULIO SERVIANO SUO S.

10

- 1 Rectene omnia, quod iam pridem epistolae tuae cessant? an omnia recte, sed occupatus es tu? an tu non occupatus, sed occasio scribendi vel rara vel nulla?  
 2 Exime hunc mihi scrupulum, cui par esse non possum, exime autem vel data opera tabellario misso. Ego viati- 15 cum, ego etiam praemium dabo, nuntiet mihi modo, quod  
 3 opto. Ipse valeo, si valere est suspensum et anxium vivere expectantem in horas timentemque pro capite amicissimo, quidquid accidere homini potest. Vale.

## XVIII.

20

C. PLINIUS VIBIO SEVERO SUO S.

- 1 Officium consulatus iniunxit mihi, ut rei publicae nomine principi gratias agerem. Quod ego in senatu cum ad rationem et loci et temporis ex more fecissem, bono civi convenientissimum credidi eadem illa spa- 25  
 2 tiosius et uberius volumine amplecti, primum ut imperatori nostro virtutes suae veris laudibus commendarentur, deinde ut futuri principes non quasi a magistro, sed tamen sub exemplo praemonerentur, qua potissimum  
 3 via possent ad eandem gloriam niti. Nam praecipere, so qualis esse debeat princeps, pulchrum quidem, sed onerosum ac prope superbum est, laudare vero optimum principem ac per hoc posteris velut e specula lumen, quod sequantur, ostendere idem utilitatis habet,

16 mihi *om. FDpsa.* 21 VIBIO *Momms. ind. nom.*  
*p. 429, CURIO Fpr, K., 'Ric. in indice Vivium Severum vocat'.*

adrogantiae nihil. Cepi autem non mediocrem volu- 4  
 ptatem, quod, hunc librum cum amicis recitare volu-  
 issem, non per codicillos, non per libellos, sed 'si  
 commodum' et 'si valde vacaret', admoniti (numquam  
 5 porro aut valde vacat Romae, aut commodum est au-  
 dire recitantem), foedissimis insuper tempestatibus per  
 biduum convenerunt, cumque modestia mea finem re-  
 citationi facere voluisset, ut adicerem tertium diem,  
 exegerunt. Mihi hunc honorem habitum putem an 5  
 10 studiis? studiis malo, quae prope extincta refoventur.  
 At cui materiae hanc sedulitatem praestiterunt? nempe 6  
 quam in senatu quoque, ubi perpeti necesse erat, gra-  
 vari tamen vel puncto temporis solebamus, eandem  
 nunc, et qui recitare et qui audire triduo velint, in-  
 15 veniuntur, non quia eloquentius quam prius, sed quia  
 liberius ideoque etiam libentius scribitur. Accedet 7  
 ergo hoc quoque laudibus principis nostri, quod res  
 antea tam invisae quam falsa nunc ut vera ita amabilis  
 facta est. Sed ego cum studium audientium tum iudi- 8  
 20 cium mire probavi; animadverti enim severissima quae-  
 que vel maxime satisfacere. Memini quidem me non 9  
 multis recitasse, quod omnibus scripsi, nihilo minus  
 tamen, tamquam sit eadem omnium futura sententia,  
 hac severitate aurium laetor ac, sicut olim theatra  
 25 male musicos canere docuerunt, ita nunc in spem ad-  
 ducor posse fieri, ut eadem theatra bene canere mu-  
 sicos doceant. Omnes enim, qui placendi causa scribunt, 10  
 qualia placere viderint, scribent. Ac mihi quidem con-  
 fido in hoc genere materiae laetioris stili constare  
 30 rationem, cum ea potius, quae pressius et adstrictius,  
 quam illa, quae hilarius et quasi exultantius scripsi,  
 possint videri accersita et inducta. Non ideo tamen  
 segnius precor, ut quandoque veniat dies (utinamque  
 iam venerit!), quo austeris illis severisque dulcia haec  
 35 blandaque vel iusta possessione decedant.

- 11 Habes acta mea tridui; quibus cognitis volui tantum te voluptatis absentem et studiorum nomine et meo capere, quantum praesens percipere potuisses. Vale.

## XIX.

C. PLINIUS CALVISIO RUFO SUO S.

5

- 1 Adsumo te in consilium rei familiaris, ut soleo. Praedia agris meis vicina atque etiam inserta venalia sunt. In his me multa sollicitant, aliqua nec minora  
2 deterrent. Sollicitat primum ipsa pulchritudo iungendi, deinde quod non minus utile quam voluptuosum posse  
3 utraque eadem opera, eodem viatico invisere, sub eodem procuratore ac paene isdem actoribus habere, unam  
4 villam colere et ornare, alteram tantum tueri. Inest huic computationi sumptus suppellectilis, sumptus atrien-  
5 sium, topiariorum, fabrorum atque etiam venatorii instrumenti; quae plurimum refert unum in locum  
6 conferas an in diversa dispergas. Contra vereor, ne sit incautum rem tam magnam isdem tempestatibus, isdem casibus subdere; tutius videtur incerta fortunae  
7 possessionum varietatibus experiri. Habet etiam multum incunditatis soli caelique mutatio ipsaque illa peregrinatio inter sua. Iam, quod deliberationis nostrae  
8 caput est, agri sunt fertiles, pingues, aquosi, constant campis, vineis, silvis, quae materiam et ex ea redditum  
9 sicut modicum ita statum praestant. Sed haec felicitas terrae inbecillis cultoribus fatigatur. Nam possessor  
10 prior saepius vendidit pignora et, dum reliqua colonorum minuit ad tempus, vires in posterum exhaustit,  
11 quarum defectione rursus reliqua creverunt. Sunt ergo instruendi complures frugum mancipēs; nam nec  
12 ipse usquam victos habeo nec ibi quisquam. Superest, ut scias, quanti videantur posse emi. Sestertio tricies, non quia non aliquando quinquagies fuerint, verum et hac paenuria colonorum et communi temporis iniqui-

30 compl. fr. mancipēs Catan., eo pluris, quod. fr. mancipiis K., eo plures Fpa.

tate ut reditus agrorum sic etiam pretium retro abiit. Quæris, an hoc ipsum tricies facile colligere possimus. 8 Sum quidem prope totus in prædiis, aliquid tamen fenero, nec molestum erit mutuari; accipiam a socru, 5 cuius arca non secus ac mea utor. Proinde hoc te non 9 moveat, si cetera non refragantur, quæ velim quam diligentissime examines. Nam cum in omnibus rebus tum in disponendis facultatibus plurimum tibi et usus et providentiæ superest. Vale.

## XX.

10

C. PLINIUS MESSIO MAXIMO SUO S.

Meministine te sæpe legisse, quantas contentiones 1 excitavit lex tabellaria, quantumque ipsi lateri vel gloriae vel reprehensionis attulerit? At nunc in senatu 2 15 sine ulla dissensione hoc idem ut optimum placuit; omnes comitiorum die tabellas postulaverunt. Exces- 3 seramus sane manifestis illis apertisque suffragiis licentiam contionum. Non tempus loquendi, non tacendi modestia, non denique sedendi dignitas custodiebatur. 20 Magni undique dissonique clamores, procurrebant omnes 4 cum suis candidatis, multa agmina in medio multique circuli et indecora confusio; adeo desciveramus a consuetudine parentum, apud quos omnia disposita, moderata, tranquilla maiestatem loci pudoremque retine- 25 bant. Supersunt senes, ex quibus audire soleo hunc 5 ordinem comitiorum: citato nomine candidati silentium summum; dicebat ipse pro se, explicabat vitam suam, testes et laudatores dabat vel eum, sub quo militaverat, vel eum, cui quaestor fuerat, vel utrumque, si 30 poterat, addebat quosdam ex suffragatoribus; illi graviter et paucis loquebantur. Plus hoc quam preces 6 proderat. Non numquam candidatus aut natales competitoris aut annos aut etiam mores arguebat. Audiebat senatus gravitate censoria. Ita sæpius digni quam 35 gratiosi praevalebant. Quæ nunc inmodico favore corrupta ad tacita suffragia quasi ad remedium decur-

rerunt; quod interim plane remedium fuit; erat enim  
 8 novum et subitum. Sed vereor, ne procedente tempore  
 ex ipso remedio vitia nascantur. Est enim periculum,  
 ne tacitis suffragiis impudentia inrepat. Nam quoto  
 cuique eadem honestatis cura secreto quae palam? 5  
 9 Multi famam, conscientiam pauci verentur. Sed nimis  
 cito de futuris; interim beneficio tabellarum habebimus  
 magistratus, qui maxime fieri debuerunt. Nam ut in  
 reciperatoriis iudiciis sic nos in his comitiis quasi re-  
 pente adprehensi sinceri iudices fuimus. 10  
 10 Haec tibi scripsi, primum ut aliquid novi scriberem,  
 deinde ut non numquam de re publica loquerer, cuius  
 materiae nobis quanto rarior quam veteribus occasio  
 11 tanto minus omittenda est. Et hercule quousque illa  
 vulgaria 'Quid agis? ecquid commode vales?' Habeant 15  
 nostrae quoque litterae aliquid non humile nec sordi-  
 12 dum nec privatis rebus inclusum. Sunt quidem cuncta  
 sub unius arbitrio, qui pro utilitate communi solus  
 omnium curas laboresque suscepit; quidam tamen sa-  
 lubri temperamento ad nos quoque velut rivi ex illo 20  
 benignissimo fonte decurrunt, quos et haurire ipsi et ab-  
 sentibus amicis quasi ministrare epistulis possumus. Vale.

## XXI.

C. PLINIUS CORNELIO PRISCO SUO S.

1 Audio Valerium Martialem decessisse et moleste 25  
 fero. Erat homo ingeniosus, acutus, acer, et qui plu-  
 rimum in scribendo et salis haberet et fellis nec can-  
 2 doris minus. Prosecutus eram viatico secedentem;  
 dederam hoc amicitiae, dederam etiam versiculis, quos  
 3 de me composuit. Fuit moris antiquis eos, qui vel 30  
 singulorum laudes vel urbium scripserant, aut hono-  
 ribus aut pecunia ornare; nostris vero temporibus ut  
 alia speciosa et egregia ita hoc in primis exolevit.

30 antiquis *Frs*, Otto 299, antiqui K. Cf. II 19. 8, VII 27. 14,  
 VIII 19. 2, *pan*. 13. 3, 56. 4, 82. 5.

Nam, postquam desiimus facere laudanda, laudari quoque ineptum putamus. Quaeris, qui sint versiculi, quibus gratiam rettuli. Remitterem te ad ipsum volumen, nisi quosdam tenerem; tu, si placuerint hi, ceteros in libro requires. Adloquitur Musam, mandat, ut domum meam Esquiliis quaerat, adeat reverenter:

Sed ne tempore non tuo disertam  
pulses ebria ianuam, videto.  
Totos dat tetricae dies Minervae,  
10 dum centum studet auribus virorum  
hoc, quod saecula posterique possint  
Arpinis quoque comparare chartis.  
Seras tutior ibis ad lucernas;  
haec hora est tua, cum furit Lyaeus,  
15 cum regnat rosa, cum madent capilli.  
Tunc me vel rigidi legant Catones.

Meritone eum, qui haec de me scripsit, et tunc dimisi amicissime et nunc ut amicissimum defunctum esse doleo? Dedit enim mihi, quantum maximum potuit, daturus amplius, si potuisset. Tametsi quid homini potest dari maius quam gloria et laus et aeternitas? At non erunt aeterna, quae scripsit. Non erunt fortasse, ille tamen scripsit, tamquam essent futura. Vale.

## C. PLINI CAECILI SECUNDI EPISTULARUM LIBER QUARTUS.

### I.

C. PLINIUS FABATO PROSOCERO SUO S.

Cupis post longum tempus neptem tuam meque una videre. Gratum est utrique nostrum, quod cupis, mutuo, mehercule. Nam invicem nos incredibili quo-

<sup>1</sup> *desiimus Fpra, K.II, desimus MVD, K.I. Cf. p. 46.6.*



dam desiderio vestri tenemur, quod non ultra differe-  
 mus; atque adeo iam sarcinulas alligamus festinaturi,  
 3 quantum itineris ratio permiserit. Erit una, sed bre-  
 vis mora; deflectemus in Tuscos, non ut agros remque  
 familiarem oculis subiciamus (id enim postponi potest), 5  
 4 sed ut fungamur necessario officio. Oppidum est prae-  
 diis nostris vicinum (nomen Tiferni Tiberini), quod me  
 paene adhuc puerum patronum cooptavit tanto maiore  
 studio quanto minore iudicio. Adventus meos celebrat,  
 5 profectionibus angitur, honoribus gaudet. In hoc ego, 10  
 ut referrem gratiam (nam vinci in amore turpissimum  
 est), templum pecunia mea extruxi, cuius dedicationem,  
 cum sit paratum, differre longius inreligiosum est.  
 6 Erimus ergo ibi dedicationis die, quem epulo celebrare  
 constitui. Subsistemus fortasse et sequenti, sed tanto 15  
 7 magis viam ipsam corripiemus. Contingat modo te  
 filiamque tuam fortes invenire! nam hilares certum  
 est, si nos incolumes receperitis. Vale.

## II.

C. PLINIUS ATTIO CLEMENTI SUO S.

20

1 Regulus filium amisit hoc uno malo indignus, quod  
 nescio an malum putet. Erat puer acris ingenii, sed  
 ambigui, qui tamen posset recta sectari, si patrem non  
 2 referret. Hunc Regulus emancipavit, ut heres matris  
 existeret; mancipatum (ita vulgo ex moribus hominis 25  
 loquebantur) foeda et insolita parentibus indulgentiae  
 simulatione captabat. Incredibile, sed Regulum cogita.  
 3 Amissum tamen luget insane. Habebat puer mannulos  
 multos et iunctos et solutos, habebat canes maiores  
 minoresque, habebat lusciniās, psittacos, merulas; omnes 30  
 4 Regulus circa rogam truncidavit. Nec dolor erat ille,  
 sed ostentatio doloris. Convenitur ad eum mira cele-  
 britate. Cuncti detestantur, oderunt et, quasi probent,

17 nam hil. certum est *Fpra*, *Otto* 299, nam continget  
 hil. *MVD*, *K. (disp. I 9)*, nam hil. cont. *Stangl* 662.

quasi diligent, cursant, frequentant, utque breviter, quod sentio, enuntiem, in Regulo demerendo Regulum imitantur. Tenet se trans Tiberim in hortis, in quibus 5 latissimum solum porticibus immensis, ripam statuis suis occupavit, ut est in summa avaritia sumptuosus, in summa infamia gloriosus. Vexat ergo civitatem 6 insaluberrimo tempore et, quod vexat, solacium putat. Dicit se velle ducere uxorem, hoc quoque sicut alia perverse. Audies brevi nuptias lugentis, nuptias senis; 7 quorum alterum immaturum, alterum serum est. Unde hoc augurer, quaeris. Non quia adfirmat ipse, quo 8 mendacius nihil est, sed quia certum est Regulum esse facturum, quidquid fieri non oportet. Vale.

## III.

15 C. PLINIUS ARRIO ANTONINO SUO S.

Quod semel atque iterum consul fuisti similis antiques, quod proconsul Asiae, qualis ante te, qualis post te vix unus aut alter (non sinit enim me verecundia tua dicere nemo), quod sanctitate, quod auctoritate, aetate quoque princeps civitatis, est quidem venerabile et pulchrum; ego tamen te vel magis in remissionibus miror. Nam severitatem istam pari incunditate condire summaeque gravitati tantum comitatus adiungere non minus difficile quam magnum est. Id 25 tu cum incredibili quadam suavitate sermonum tum vel praecipue stilo adsequeris. Nam et loquenti tibi illa Homerici senis mella profluere et, quae scribis, complere apes floribus et innectere videntur. Ita certe sum adfectus ipse, cum Graeca epigrammata tua, cum 30 mimiambos proxime legerem. Quantum ibi humanitatis, venustatis, quam dulcia illa, quam antiqua, quam arguta, quam recta! Callimachum me vel Heroden, vel si quid his melius, tenere credebam; quorum

15 ARRIO *Ricc.*, K. I, om. *rell.* 30 mimiambos *D.*, *Skutsch Herm.* 1892. 317 sq., iambo *vulg.* 31 antiqua *F Ricc. a.*, Otto 299, amantia *M V D p s*, K. (*disp.* I 9).

5 tamen neuter utrumque aut absolvit aut attigit. Hominemne Romanum tam Graece loqui? Non medius fidius ipsas Athenas tam Atticas dixerim. Quid multa? in-  
video Graecis, quod illorum lingua scribere maluisti. Neque enim coniectura eget, quid sermone patrio ex- 5  
primere possis, cum hoc insiticio et inducto tam prae-  
clara opera perfeceris. Vale.

## IV.

C. PLINIUS SOSIO SENECONI SUO S.

1 Varisidium Nepotem validissime diligo, virum in- 10  
dustrium, rectum, disertum, quod apud me vel poten-  
tissimum est. Idem C. Calvisium, contubernalem meum,  
amicum tuum, arta propinquitate complectitur; est enim  
2 filius sororis. Hunc rogo semestri tribunatu splendi-  
diorem et sibi et avunculo suo facias. Obligabis me, 15  
obligabis Calvisium nostrum, obligabis ipsum, non mi-  
3 nus idoneum debitorem, quam nos putas. Multa bene-  
ficia in multos contulisti; ausim contendere nullum te  
melius, aequae bene unum aut alterum conlocasse. Vale.

## V.

20

C. PLINIUS IULIO SPARSO SUO S.

1 Aeschinen ajunt petentibus Rhodiis legisse orationem  
suam, deinde Demosthenis, summis utramque clamori-  
2 bus. Quod tantorum virorum contigisse scriptis non  
miror, cum orationem meam proxime doctissimi ho- 25  
mines hoc studio, hoc adsensu, hoc etiam labore per  
biduum audierint, quamvis intentionem eorum nulla  
hinc et inde collatio, nullum quasi certamen accenderet.  
3 Nam Rhodii cum ipsis orationum virtutibus tum etiam  
comparationis aculeis excitabantur, nostra oratio sine 30  
aemulationis gratia probabatur. An merito, scies, cum  
legeris librum, cuius amplitudo non sinit me longiore

21 IULIO add. *Ricc. (Havet p. 254), om. rel.*  
scriptis *Fpra, Stangl 662, scr. cont. MVD 5, K.*

epistula praelequi. Oportet enim nos in hac certe, in 4  
qua possumus, breves esse, quo sit excusatus, quod  
librum ipsum, non tamen ultra causae amplitudinem  
extendimus. Vale.

5

## VI.

C. PLINIUS IULIO NASONI SUO S.

Tusci grandine excussi, in regione Transpadana 1  
summa abundantia, sed par vilitas nuntiatur; solum  
mihi Laurentinum meum in reditu. Nihil quidem ibi 2  
10 possideo praeter tectum et hortum statimque harenas,  
solum tamen mihi in reditu. Ibi enim plurimum  
scribo nec agrum, quem non habeo, sed ipsum me  
studiis excolo; ac iam possum tibi ut aliis in locis  
horreum plenum sic ibi scrinium ostendere. Igitur tu 3  
15 quoque, si certa et fructuosa praedia concupiscis, ali-  
quid in hoc litore para. Vale.

## VII.

C. PLINIUS CATIO LEPIDO SUO S.

Saepe tibi dico inesse vim Regulo. Mirum est, 1  
20 quam efficiat, in quod incubuit. Placuit ei lugere  
filium; luget ut nemo; placuit statuas eius et imagines  
quam plurimas facere; hoc omnibus officinis agit, illum  
coloribus, illum cera, illum aere, illum argento, illum  
auro, ebore, marmore effingit. Ipse vero nuper adhi- 2  
25 bito ingenti auditorio librum de vita eius recitavit, de  
vita pueri, recitavit tamen; eundem librum in exem-  
plaria mille transscriptum per totam Italiam provin-  
ciasque dimisit. Scripsit publice, ut a decurionibus  
eligeretur vocalissimus aliquis ex ipsis, qui legeret eum  
30 populo. Factum est. Hanc ille vim, seu quo alio no-  
mine vocanda est intentio, quidquid velis, obtinendi,  
si ad potiora vertisset, quantum boni efficere potuisset!

26 librum *F* (hic om. in) *pa*, *Otto* 299, *Stangl* 672, om.  
*MVD*, *K.* 31 opt. *MVFD*, *K.I.*

Quamquam minor vis bonis quam malis inest, ac, sicut  
 'ἀμαθία μὲν θράσος, λογισμὸς δὲ ὄκνον φέρει',  
 ita recta ingenia debilitat verecundia, perversa confir-  
 4 mat audacia. Exemplo est Regulus. Inbecillum latus,  
 os confusum, haesitans lingua, tardissima inventio, 5  
 memoria nulla, nihil denique praeter ingenium insanum,  
 et tamen eo inpudentia ipsoque illo furore pervenit,  
 5 ut a plurimis orator habeatur. Itaque Herennius Se-  
 necio mirifice Catonis illud de oratore in hunc e con-  
 trario vertit: 'Orator est vir malus dicendi im- 10  
 peritus.' Non mehercule Cato ipse tam bene verum  
 6 oratorem quam hic Regulum expressit. Habesne, quo  
 tali epistulae parem gratiam referas? Habes, si scri-  
 pseris, num aliquis in municipio vestro ex sodalibus  
 meis, num etiam ipse tu hunc luctuosum Reguli librum 15  
 ut circulator in foro legeris, 'ἐπάρας' scilicet, ut ait  
 Demosthenes, 'τὴν φωνὴν καὶ γεγηθὼς καὶ λα-  
 7 ρυγγίζων'. Est enim tam ineptus, ut risum magis  
 possit exprimere quam gemitum; credas non de puero  
 scriptum, sed a puero. Vale. 20

## VIII.

C. PLINIUS MATURO ARRIANO SUO S.

1 Gratularis mihi, quod acceperim auguratum. Iure  
 gratularis, primum quod gravissimi principis iudicium  
 in minoribus etiam rebus consequi pulchrum est, deinde 25  
 quod sacerdotium ipsum cum priscum et religiosum  
 tum hoc quoque sacrum plane et insigne est, quod  
 2 non adimitur viventi. Nam cetera quamquam dignitate  
 propemodum paria ut tribuuntur sic auferuntur, in hoc  
 3 fortunae hactenus licet, ut dari possit. Mihi vero illud 30  
 etiam gratulatione dignum videtur, quod successi Iulio  
 Frontino, principi viro, qui me nominationis die per  
 hos continuos annos inter sacerdotes nominabat, tam-

2 *Thuc. II 40. 3.* 8 a plurimis *Fpr* (hi om. a) *Catan. a,*  
*Otto 299, om. MVD, K.* 17 *Dem. cor. 291.* 28 cetera *Fa,*  
*Otto 299, alia MVDpr, K.* 33 sacerdotis *MV, K. I.*

quam in locum suum cooptaret; quod nunc eventus  
 ita conprobavit, ut non furtivum videretur. Te quidem, 4  
 ut scribis, ob hoc maxime delectat auguratus meus,  
 quod M. Tullius augur fuit. Laetaris enim, quod ho-  
 5 noribus eius insistam, quem aemulari in studiis cupio.  
 Sed utinam, ut sacerdotium idem, ut consulatum multo 5  
 etiam iuvenior quam ille sum consecutus, ita senex  
 saltem ingenium eius aliqua ex parte adsequi possim!  
 Sed nimirum, quae sunt in manu hominum, et mihi 6  
 10 et multis contigerunt, illud vero ut apisci arduum sic  
 etiam sperare nimium est, quod dari non nisi a dis  
 potest. Vale.

## IX.

C. PLINIUS CORNELIO URSO SUO S.

15 Causam per hos dies dixit Iulius Bassus, homo la- 1  
 boriosus et adversis suis clarus. Accusatus est sub  
 Vespasiano a privatis duobus, ad senatum remissus diu  
 pendit, tandem absolutus vindicatusque. Titum ti- 2  
 muit ut Domitiani amicus, a Domitiano relegatus est;  
 20 revocatus a Nerva sortitusque Bithyniam rediit reus  
 accusatus non minus acriter quam fideliter defensus.  
 Varias sententias habuit, plures tamen quasi mitiores.  
 Egit contra eum Pomponius Rufus, vir paratus et ve- 3  
 hemens; Rufo successit Theophanes, unus ex legatis,  
 25 fax accusationis et origo. Respondi ego. Nam mihi 4  
 Bassus iniunxerat, ut totius defensionis fundamenta  
 iacerem, dicerem de ornamentis suis, quae illi et ex  
 generis claritate et ex periculis ipsis magna erant,  
 dicerem de conspiratione delatorum, quam in quaestu 5  
 30 habebant, dicerem causas, quibus factiosissimum quem-  
 que ut illum ipsum Theophanen offendisset. Eundem  
 me voluerat occurrere crimini, quo maxime premebatur.  
 In aliis enim quamvis auditu gravioribus non absolu-  
 tionem modo, verum etiam laudem merebatur, hoc 6

5 in *Fpra*, om. *rell.*, *K*.  
 possem *MV*5, *K.I*.

8 possem *FDpa*, *K.II*,

illum onerabat, quod homo simplex et incautus quaedam a provincialibus ut amicus acceperat. Nam fuerat in eadem provincia quaestor. Haec accusatores furta ac rapinas, ipse munera vocabat; sed lex munera quodque accipi vetat. Hic ego quid agerem, quod iter defensionis ingrederer? Negarem? verebar, ne plane furtum videretur, quod confiteri timerem. Praeterea rem manifestam infitiri auctoris erat crimen, non diluentis, praesertim cum reus ipse nihil integrum advocatis reliquisset. Multis enim atque etiam principi dixerat sola se munuscula dumtaxat natali suo aut Saturnalibus accepisse et plerisque misisse. Veniam ergo peterem? iugulassem reum, quem ita deliquisse concederem, ut servari nisi venia non posset. Tamquam recte factum tuerer? non illi profuissem, sed ipse inprudens extitissem. In hac difficultate placuit medium quiddam tenere; videor tenuisse. Actionem meam, ut proelia solet, nox diremit. Egeram horis tribus et dimidia, supererat sesquihora. Nam, cum e lege accusator sex horas, novem reus accepisset, ita diviserat tempora reus inter me et eum, qui dicturus post erat, ut ego quinque horis, ille reliquis uteretur. Mihi successus actionis silentium finemque suadebat. Temerarium est enim secundis non esse contentum. Ad hoc verebar, ne me corporis vires iterato labore desererent, quem difficilius est repetere quam iungere. Erat etiam periculum, ne reliqua actio mea et frigus ut deposita et taedium ut resumpta pateretur. Ut enim faces ignem adsidua concussione custodiunt, dimissum aegerrime reparant, sic et dicentis calor et audientis intentio continuatione servatur, intercapedine et quasi remissione languescit. Sed Bassus multis precibus, paene etiam lacrimis obsecrabat, implerem meum tempus. Parui utilitatemque eius praetuli meae. Bene cessit; inveni

<sup>4</sup> ac *Da*, *K.II*, et *MVpr*, *K.I*, aut *F*. *Ad p.* 49. 23.

13 iugulare *FRicc.pra*, *Otto* 299, iugulasset *D*. 25 deficerent *Dpr*.

ita erectos animos senatus, ita recentes, ut priore  
 actione incitati magis quam satiati viderentur. Succes- 13  
 sit mihi Luceius Albinus tam apte, ut orationes nostrae  
 varietatem duarum, contextum unius habuisse credan-  
 5 tur. Respondit Herennius Pollio instanter et graviter, 14  
 deinde Theophanes rursus. Fecit enim hoc quoque ut  
 cetera impudentissime, quod post duos et consulares et  
 disertos tempus sibi et quidem laxius vindicavit. Dixit  
 in noctem atque etiam nocte inlatis lucernis. Postero 15  
 10 die egerunt pro Basso Titius Homullus et Fronto mi-  
 rifice; quartum diem probationes occuparunt. Censuit 16  
 Baebius Macer, consul designatus, lege repetundarum  
 Bassum teneri, Caepio Hispo salva dignitate iudices  
 dandos, uterque recte. 'Qui fieri potest' inquis 'ut 17  
 15 uterque recte, cum tam diversa censuerint?' Quia sci-  
 licet et Macro legem intuenti consentaneum fuit dam-  
 nare eum, qui contra legem munera acceperat, et  
 Caepio, cum putaret licere senatui, sicut licet, et mi-  
 tigare leges et intendere, non sine ratione veniam dedit  
 20 facto vetito quidem, non tamen inusitato. Praevaluit 18  
 sententia Caepionis, quin immo consurgenti ei ad cen-  
 sendum adclamatum est, quod solet residentibus. Ex  
 quo potes aestimare, quanto consensu sit exceptum,  
 cum diceret, quod tam favorable fuit, cum dicturus  
 25 videretur. Sunt tamen ut in senatu ita in civitate in 19  
 duas partes hominum iudicia divisa. Nam, quibus  
 sententia Caepionis placuit, sententiam Macri ut rigi-  
 dam duramque reprehendunt; quibus Macri, illam al-  
 teram dissolutam atque etiam incongruentem vocant;  
 30 negant enim congruens esse retinere in senatu, cui  
 iudices dederis. Fuit et tertia sententia. Valerius 20  
 Paulinus adsensus Caepioni hoc amplius censuit refe-  
 rendum de Theophane, cum legationem renuntiasset.

10 Titius Hom. *MV* 5, *K.I.*, Tit. *om. rel.*, *K.II.* 14 ut  
 uterque recte *MV*, *secl. K.II*, *om. Fpra*, *K.I.* 15 cum tam  
 div. censuerint *Fpra*, *K.II*, *om. MV*, *K.I.*; cf. *Stangl* p. 672 sq.,  
*K. disp. I* p. 15.



Arguebatur enim multa in accusatione fecisse, quae  
 21 illa ipsa lege, qua Bassum accusaverat, tenerentur. Sed  
 hanc sententiam consules, quamquam maximae parti  
 senatus mire probabatur, non sunt persecuti. Paulinus  
 22 tamen et iustitiae famam et constantiae tulit. Misso 5  
 senatu Bassus magna hominum frequentia, magno cla-  
 more, magno gaudio exceptus est. Fecerat eum favo-  
 rabilem renovata discriminum vetus fama notumque  
 periculis nomen et in procero corpore maesta et squa-  
 23 lida senectus. Habebis hanc interim epistulam ut 10  
*πρόδρομον*, exspectabis orationem plenam onustamque,  
 exspectabis diu; neque enim leviter et cursim ut de  
 re tanta retractanda est. Vale.

## X.

C. PLINIUS STATIO SABINO SUO S.

15

1 Scribis mihi Sabinam, quae nos reliquit heredes,  
 Modestum, servum suum, nusquam liberum esse iussisse,  
 eidem tamen sic adscripsisse legatum: 'Modesto, quem  
 2 liberum esse iussi.' Quaeris, quid sentiam. Contuli  
 cum prudentibus. Convenit inter omnes nec libertatem 20  
 deberi, quia non sit data, nec legatum, quia servo suo  
 dederit. Sed mihi manifestus error videtur, ideoque  
 puto nobis, quasi scripserit Sabina, faciendum, quod  
 3 ipsa scripsisse se credidit. Confido accessurum te sen-  
 tentiae meae, cum religiosissime soleas custodire de- 25  
 functorum voluntatem, quam bonis heredibus intellexisse  
 pro iure est. Neque enim minus apud nos honestas  
 4 quam apud alios necessitas valet. Moretur ergo in  
 libertate sinentibus nobis, fruatur legato, quasi omnia  
 diligentissime caverit. Cavit enim, quae heredes bene 30  
 elegit. Vale.

---

20 prudentibus *Fa et add.* peritis iuris (uiris) *pr*, Otto 299,  
*Stangl* 673, peritis iuris *MVD* 5, *K*.

## XI.

C. PLINIUS CORNELIO MINICIANO SUO S.

Audistine Valerium Licinianum in Sicilia profiteri? 1  
 nondum te puto audisse; est enim recens nuntius.  
 5 Praetorius modo hic inter eloquentissimos causarum  
 actores habebatur, nunc eo decidit, ut exul de senatore,  
 rhetor de oratore fieret. Itaque ipse in praefatione 2  
 dixit dolenter et graviter: 'Quos tibi, Fortuna, ludos  
 facis? facis enim ex senatoribus professores, ex pro-  
 10 fessoribus senatores.' Cui sententiae tantum bilis, tan-  
 tum amaritudinis inest, ut mihi videatur ideo professus,  
 ut hoc diceret. Idem, cum Graeco pallio amictus in- 3  
 trasset (carent enim togae iure, quibus aqua et igni  
 interdictum est), postquam se composuit circumspexit-  
 15 que habitum suum, 'Latine' inquit 'declamaturus  
 sum.' Dices tristitia et miseranda, dignum tamen illum, 4  
 qui haec ipsa studia incesti scelere macularit. Con- 5  
 fessus est quidem incestum, sed incertum, utrum quia  
 verum erat, an quia graviora metuebat, si negasset.  
 20 Fremebat enim Domitianus aestuabatque in ingenti  
 invidia destitutus. Nam, cum Corneliam, Vestalium 6  
 maximam, defodere vivam concupisset, ut qui inlustrari  
 saeculum suum eiusmodi exemplis arbitraretur, pontifi-  
 cis maximi iure seu potius immanitate tyranni, licentia  
 25 domini reliquos pontifices non in Regiam, sed in Al-  
 banam villam convocavit. Nec minore scelere, quam  
 quod ulcisci videbatur, absentem inauditamque dam-  
 navit incesti, cum ipse fratris filiam incesto non pol-  
 luisset solum, verum etiam occidisset; nam vidua abortu  
 30 periit. Missi statim pontifices, qui defodiendam necan- 7  
 damque curarent. Illa nunc ad Vestam, nunc ad ce-  
 teros deos manus tendens multa, sed hoc frequentissime  
 clamitabat: 'Me Caesar incestam putat, qua sacra fa-

5 modo hic *MV* 5, *Stangl* 662, hic modo *vulg.* 20 in  
*FD, K.II, om. MVpra, K.I.* 21 Corn. maximillam uesta-  
 lem *FRicc.pra.*

- 8 ciente vicit, triumphavit.' Blandiens haec an inridens,  
ex fiducia sui an ex contemptu principis dixerit, du-  
bium est. Dixit, donec ad supplicium, nescio an inno-  
9 cens, certe tamquam innocens ducta est. Quin etiam,  
cum in illud subterraneum cubiculum demitteretur, 5  
haesissetque descendenti stola, vertit se ac recollegit,  
cumque ei manum carnifex daret, aversata est et resi-  
luit foedumque contagium quasi plane a casto puro-  
que corpore novissima sanctitate reiecit omnibusque  
numeris pudoris 'πολλὴν πρόνοιαν ἔσχευ εὐσχή- 10  
10 μων πέσειν.' Praeterea Celer, eques Romanus, cui  
Cornelia obiciebatur, cum in comitio virgis caederetur,  
11 in hac voce persteterat: 'Quid feci? nihil feci.' Ar-  
debat ergo Domitianus et crudelitatis et iniquitatis  
infamia. Arripit Licinianum, quod in agris suis occul- 15  
tasset Corneliae libertam. Ille ab iis, quibus erat curae,  
praemonetur, si comitium et virgas pati nolle, ad  
12 confessionem confugeret quasi ad veniam; fecit. Lo-  
cutus est pro absente Herennius Senecio tale quiddam,  
quale est illud: 'κεῖται Πάτροκλος.' Ait enim: 'Ex 20  
advocato nuntius factus sum; Licinianus recessit.'  
13 Gratum hoc Domitiano adeo quidem, ut gaudio pro-  
deretur diceretque: 'Absolvit nos Licinianus.' Adiecit  
etiam non esse verecundiae eius instandum; ipsi vero  
permisit, si qua posset, ex rebus suis raperet, ante 25  
quam bona publicarentur, exiliumque molle velut prae-  
14 mium dedit. Ex quo tamen postea clementia divi  
Nervae translatus est in Siciliam, ubi nunc profitetur  
seque de fortuna praefationibus vindicat.
- 15 Vides, quam obsequenter paream tibi, qui non so- 30  
lum res urbanas, verum etiam peregrinas tam sedulo  
scribo, ut altius repetam. Et sane putabam te, quia  
tunc afuisti, nihil aliud de Liciniano audisse quam re-  
legatum ob incestum. Summam enim rerum nuntiat

5 cubiculum *Fpra*, Otto 299sq., om. *MVD*, *K.* (*disp.* I 9).

7 carnifex manum *Fpra*.

8 contagium *F Ricc. a*, Otto 300,

contactum *MVDpr*, *K.*

10 *Eur. Hec.* 569.

20 *Hom Σ* 20.

fama, non ordinem. Mereor, ut vicissim, quid in op- 16  
 pido tuo, quid in finitimis agatur (solent enim quaedam  
 notabilia incidere), perscribas, denique, quidquid voles,  
 dum modo non minus longa epistula, nunties. Ego  
 5 non paginas tantum, sed versus etiam syllabasque  
 numerabo. Vale.

## XII.

C. PLINIUS MATURO ARRIANO SUO S.

Amas Egnatium Marcellinum atque etiam mihi 1  
 10 saepe commendas; amabis magis commendabisque, si  
 cognoveris eius recens factum. Cum in provinciam 2  
 quaestor exisset scribamque, qui sorti obtigerat, ante  
 legitimum salarii tempus amisisset, quod acceperat  
 scribae daturus, intellexit et statuit subsidere apud se  
 15 non oportere. Itaque reversus Caesarem, deinde Cae- 3  
 sare auctore senatum consuluit, quid fieri de salario  
 vellet. Parva quaestio, sed tamen quaestio. Heredes  
 scribae sibi, praefecti aerari populo vindicabant. Acta 4  
 causa est; dixit heredum advocatus, deinde populi,  
 20 uterque percommode. Caecilius Strabo aerario censuit  
 inferendum, Baebius Macer heredibus dandum; obtinuit  
 Strabo. Tu lauda Marcellinum, ut ego statim feci. 5  
 Quamvis enim abunde sufficiat illi, quod est et a prin-  
 cipe et a senatu probatus, gaudebit tamen testimonio  
 25 tuo. Omnes enim, qui gloria famaue ducuntur, mirum 6  
 in modum adsensio et laus a minoribus etiam profecta  
 delectat. Te vero Marcellinus ita veretur, ut iudicio  
 tuo plurimum tribuat. Accedit his, quod, si cogno- 7  
 verit factum suum isto usque penetrasse, necesse est  
 30 laudis suae spatio et cursu et peregrinatione laetetur.  
 Etenim nescio quo pacto vel magis homines iuvat  
 gloria lata quam magna. Vale.

4 nunties *Fpra*, nuntia *MVD, K.* 18 aerario popu-  
 loque *Fpra*, (aerario populo *D*), *vel sic vel* aerarii aerario po-  
 puloque (*sic Casaub.*) *Otto 300.* 27 veretur *FD Ricc. pra.*  
*K. II (disp. I p. 19)*, rever. *MV, K. I.* Cf. *V 12. 1.*

## XIII.

C. PLINIUS CORNELIO TACITO SUO S.

1 Saluum te in urbem venisse gaudeo; venisti autem,  
 si quando alias, nunc maxime mihi desideratus. Ipse  
 pauculis adhuc diebus in Tuscano commorabor, ut 5  
 2 opusculum, quod est in manibus, absolvam. Vereor  
 enim, ne, si hanc intencionem iam in fine laxavero,  
 aegre resumam. Interim, ne quid festinationi meae  
 pereat, quod sum praesens petiturus, hac quasi prae-  
 3 cursoria epistula rogo. Sed prius accipe causas ro- 10  
 gandi, deinde ipsum, quod peto. Proxime cum in  
 patria mea fui, venit ad me salutandum municipis mei  
 filius praetextatus. Huic ego 'Studes?' inquam. Re-  
 spondit: 'Etiam.' 'Ubi?' 'Mediolani.' 'Cur non hic?'  
 Et pater eius (erat enim una atque etiam ipse ad- 15  
 duxerat puerum): 'Quia nullos hic praeceptores habe-  
 4 mus.' 'Quare nullos? nam vehementer intererat vestra,  
 qui patres estis' (et opportune complures patres audie-  
 bant), 'liberos vestros hic potissimum discere. Ubi  
 enim aut iucundius morarentur quam in patria aut 20  
 pudicius continerentur quam sub oculis parentum aut  
 5 minore sumptu quam domi? Quantulum est ergo col-  
 lata pecunia conducere praeceptores, quodque nunc in  
 habitationes, in viatica, in ea, quae peregre emuntur  
 (omnia autem peregre emuntur), impenditis, adicere 25  
 mercedibus? Atque adeo ego, qui nondum liberos  
 habeo, paratus sum pro re publica nostra quasi pro  
 filia vel parente tertiam partem eius, quod conferre  
 6 vobis placebit, dare. Totum etiam pollicerer, nisi ti-  
 merem, ne hoc munus meum quandoque ambitu cor- 30  
 rumperetur, ut accidere multis in locis video, in quibus

2 CORNELIO *Ricc. (Havet p. 254), om. rel.* 3 te *pra, K.I, om. rel. Fort. venisse te.* 5 Tuscano *Momms. Herm. III 53. 6, Tusculano codd. et edd.* 7 laxavero *FDpa, K.I, Otto 300, intermisero M V r s, K.II.* 11 deinde ipsum, quod peto *Fpra, Otto 291 ex., om. rel.* 25 omnia autem per-  
 em. *M V Ricc. s, K.II, (disp. I p. 15) om. FDpra, K.I.*

praeceptores publice conducuntur. Huic vitio occurri 7  
 uno remedio potest, si parentibus solis ius conducendi  
 relinquatur, isdemque religio recte iudicandi necessi-  
 tate collationis addatur. Nam, qui fortasse de alieno 8  
 5 negligentes, certe de suo diligentes erunt dabuntque  
 operam, ne a me pecuniam [non] nisi dignus accipiat,  
 si accepturus et ab ipsis erit. Proinde consentite, con- 9  
 spirate maioremque animum ex meo sumite, qui cupio  
 esse quam plurimum, quod debeam conferre. Nihil  
 10 honestius praestare liberis vestris, nihil gratius patriae  
 potestis. Educentur hic, qui hic nascuntur, statimque  
 ab infantia natale solum amare, frequentare consue-  
 scant. Atque utinam tam claros praeceptores indu-  
 catis, ut finitimis oppidis studia hinc petantur, utque  
 15 nunc liberi vestri aliena in loca ita mox alieni in  
 hunc locum confluant!'

Haec putavi altius et quasi a fonte repetenda, quo 10  
 magis scires, quam gratum mihi foret, si susciperes,  
 quod iniungo. Iniungo autem et pro rei magnitudine  
 20 rogo, ut ex copia studiosorum, quae ad te ex admira-  
 tione ingenii tui convenit, circumspicias praeceptores,  
 quos sollicitare possimus, sub ea tamen condicione,  
 ne cui fidem meam obstringam. Omnia enim libera  
 parentibus servo; illi iudicent, illi eligant; ego mihi  
 25 curam tantum et impendium vindico. Proinde, si quis 12  
 fuerit repertus, qui ingenio suo fidat, eat illuc ea lege,  
 ut hinc nihil aliud certum quam fiduciam suam ferat.  
 Vale.

## XIV.

30

C. PLINIUS PATERNO SUO S.

Tu fortasse orationem, ut soles, et flagitas et ex- 1  
 pectas, at ego quasi ex aliqua peregrina delicataque

6 a me *MVDp*, *K*, eam *RFa*, eam a me *rs*; *dubit. Otto*  
 300. — [non] *Gesnero auct. K.II, tuetur K.I. Aut non aut*  
*nisi delend.* 14 in finitimis *FDpa*, a fin. *rs*, etiam fin.  
*con. K.*, et fin. *disp. I p. 18 prob.*

2 merce lusus meos tibi prodo. Accipies cum hac epistula  
 hendecasyllabos nostros, quibus nos in vehiculo, in  
 3 balineo, inter cenam oblectamus otium temporis. His  
 iocamur, ludimus, amamus, dolemus, querimur, irasci-  
 mur, describimus aliquid modo pressius, modo elatius 5  
 atque ipsa varietate temptamus efficere, ut alia aliis,  
 4 quaedam fortasse omnibus placeant. Ex quibus tamen  
 si non nulla tibi paulo petulantiora videbuntur, erit  
 eruditionis tuae cogitare summos illos et gravissimos  
 viros, qui talia scripserunt, non modo lascivia rerum, 10  
 sed ne verbis quidem nudis abstinuisse; quae nos re-  
 fugimus, non quia severiores (unde enim?), sed quia  
 5 timidiores sumus. Scimus alioqui huius opusculi illam  
 esse verissimam legem, quam Catullus expressit:

‘Nam castum esse decet pium poëtam 15  
 ipsum, versiculos nihil necesse est,  
 qui tunc denique habent salem et leporem,  
 si sunt molliculi et parum pudici.’

6 Ego quanti faciam iudicium tuum, vel ex hoc potes  
 aestimare, quod malui omnia a te pensitari quam 20  
 electa laudari. Et sane, quae sunt commodissima, de-  
 7 sinunt videri, cum paria esse coeperunt. Praeterea  
 sapiens subtilisque lector non debet diversis conferre  
 diversa, sed singula expendere nec deterius alio putare,  
 8 quod est in suo genere perfectum. Sed quid ego plura? 25  
 nam longa praefatione vel excusare vel commendare  
 ineptias ineptissimum est. Unum illud praedicendum  
 videtur, cogitare me has nugas meas inscribere ‘hende-  
 casyllabos’, qui titulus sola metri lege constringitur.  
 9 Proinde, sive epigrammata sive idyllia sive eclogas 30

5 elatius *MV*5, *K.*, latius *D*, altius *Ra*, *Otto* 300, modo  
 altius modo pressius *Fpr.* Cf. *I*8. 5, *VII* 12. 4, 22 ex. 14  
*Cat.* 16. 5. 17 tunc *RMVFDpa*, *K.I*, tum *rs*, *K.II*. 23 non  
 debet *MV*5, *K.I*, debet non *FDpra*, *K.II*. 26 longiore  
*REFpra*, *Otto* 300. 28 me has nugas meas *Ra*, *Stangl* 673, me  
 has meas nugas. *MV*5, meas om. *FDp*, *K.*, inscr. hendecasyllabos  
*K.I*, ita inscr. hendecasyllabos *MVrs*, ita inscr. hendecasyllabi  
*RDp*, *K.II*, om. ita *Fa*. 30 eglog. *K.II* ex *MVFD R*.

sive, ut multi, poëmatia seu quod aliud vocare malueris, licebit voces, ego tantum hendecasyllabos praesto. A simplicitate tua peto, ut, quod de libello meo dicturus 10 es alii, mihi dicas; neque est difficile, quod postulo. 5 Nam, si hoc opusculum nostrum aut potissimum esset aut solum, fortasse posset durum videri dicere: 'Quaere, quod agas'; molle et humanum est: 'Habes, quod agas.' Vale.

## XV.

10 C. PLINIUS MINICIO FUNDANO SUO S.

Si quid omnino, hoc certe iudicio facio, quod 1 Asinium Rufum singulariter amo. Est homo eximius et bonorum amantissimus. Cur enim non me quoque inter bonos numerem? Idem Cornelium Tacitum (scis, 15 quem virum) arta familiaritate complexus est. Proinde, 2 si utrumque nostrum probas, de Rufo quoque necesse est idem sentias, cum sit ad conetendas amicitias vel tenacissimum vinculum morum similitudo. Sunt ei 3 liberi plures. Nam in hoc quoque functus est optimi 20 civis officio, quod fecunditate uxoris large frui voluit eo saeculo, quo plerisque etiam singulos filios orbitatis praemia graves faciunt; quibus ille despectis avi quoque nomen adsumpsit. Est enim avus, et quidem ex Satorio Firmo, quem diliges ut ego, si ut ego propius 25 inspexeris. Haec eo pertinent, ut scias, quam copiosam, 4 quam numerosam domum uno beneficio sis obligaturus; ad quod petendum voto primum, deinde bono quodam omine adducimur. Optamus enim tibi omi- 5 namurque in proximum annum consulatum. Ita nos 30 virtutes tuae, ita iudicia principis augurari volunt. Concurrit autem, ut sit eodem anno quaestor maximus 6 ex liberis Rufi, Asinius Bassus, iuvenis (nescio, an dicam, quod me pater et sentire et dicere cupit, ad- 7 lescentis verecundia vetat) ipso patre melior. Difficile 85 est, ut mihi de absente credas, quamquam credere soles

3 ut om. RFDpra. 10 MINICIO sol. R.



- omnia, tantum in illo industriae, probitatis, eruditionis, ingenii, studii, memoriae denique esse, quantum exper-  
 8 tus invenies. Vellem tam ferax saeculum bonis artibus haberemus, ut aliquos Basso praeferre deberes; tum ego te primus hortarer moneremque, circumferres 5 oculos ac diu pensitares, quem potissimum eligeres.
- 9 Nunc vero — sed nihil volo de amico meo adrogantius dicere, hoc solum dico, dignum esse iuvenem, quem more maiorum in filii locum adsumas. Debent autem sapientes viri ut tu tales quasi liberos a re 10 publica accipere, quales a natura solemus optare. Decorus erit tibi consuli quaestor patre praetorio, propinquis consularibus, quibus iudicio ipsorum quamquam adulescentulus adhuc iam tamen invicem ornamento 11 est. Proinde indulge precibus meis, obsequere consilio 15 et ante omnia, si festinare videor, ignosce, primum quia votis suis amor plerumque praecurrit, deinde quod in ea civitate, in qua omnia quasi ab occupantibus aguntur, quae legitimum tempus expectant, non mat- 20 tura, sed sera sunt, in summa quod rerum, quas ad- 12 sequi cupias, praesumptio ipsa iucunda est. Revereatur iam te Bassus ut consulem, tu dilige illum ut quaestorem, nos denique utriusque vestrum amantissimi laetitia duplici 13 perfruamur. Etenim, cum sic te, sic Bassum diligamus, ut et illum cuiuscumque et tuum quemcumque quae- 25 storem in petendis honoribus omni ope, omni labore, omni gratia simus iuvaturi, perquam iucundum nobis erit, si in eundem iuvenem studium nostrum et amicitiae meae et consulatus tui ratio contulerit, si denique preci- 30 bus meis tu potissimus adiutor accesseris, cuius senatus 30

16 primum quia votis suis amor plerumque praecurrit, deinde *RF* 5 a, Otto 292, om. *MVDpr*, *K*. 20 in summa quod *RF* a, Otto, deinde quod *MVDpr*, *K*. 26 omni labore, omni gr. *Fpr*, Otto 300, omni labore gratia *Ba*, labore gratia *MVD* 5, *K*. 30 potissimus *RF* a, Stangl 673, potissimum *vulg.* 30 sen. et suff. *RFpra*, Stangl 662, et suff. sen. *MVD*, *K*, et sen. suff. 5.

et suffragio libentissime indulgeat et testimonio plurimum credat. Vale.

## XVI.

C. PLINIUS VALERIO PAULINO SUO S.

5 Gaude meo, gaude tuo, gaude etiam publico nomine; adhuc honor studiis durat. Proxime cum dicturus apud centumviros essem, adeundi mihi locus nisi a tribunali, nisi per ipsos iudices non fuit; tanta stipatione cetera tenebantur. Ad hoc quidam ornatus adu-  
10 latus toga perstitit et quidem horis septem. Nam tam diu dixi magno cum labore, sed maiore cum fructu. Studeamus ergo nec desidiaestrae praetendamus alienam. Sunt, qui audiant, sunt, qui legant, nos modo  
15 dignum aliquid auribus, dignum chartis elaboremus. Vale.

## XVII.

C. PLINIUS ASINIO GALLO SUO S.

Et admones et rogas, ut suscipiam causam Corelliae  
20 absentis contra C. Caecilium, consulem designatum. Quod admones, gratias ago, quod rogas, queror. Admoneri enim debeo, ut sciam, rogari non debeo, ut faciam, quod mihi non facere turpissimum est. An  
25 ego tueri Corelli filiam dubitem? Est quidem mihi cum isto, contra quem me advocas, non plane familiaris, sed tamen amicitia. Accedit huc dignitas hominis  
atque hic ipse, cui destinatus est, honor; cuius nobis hoc maior agenda reverentia est, quod iam illo functi sumus. Naturale est enim, ut ea, quae quis adeptus  
30 est, ipse quam amplissima existimari velit. Sed mihi cogitanti adfuturum me Corelli filiae omnia ista frigida et inania videntur. Obversatur oculis ille vir, quo neminem aetas nostra graviolem, sanctiorem, subtili-

10 solet *R Fa*, *Stangl* 674, solet fieri vulg. 12 sed *R Fa*, *Otto* 292, om. cett. 28 agenda *R F D pra*, *K. II* (disp. I 18), habenda *M V*, *K. I*.

orem denique tulit; quem ego cum ex admiratione diligere coepissem, quod evenire contra solet, magis 5 admiratus sum, postquam penitus inspexi. Inspexi enim penitus. Nihil a me ille secretum, non iocularē, 6 non serium, non triste, non laetum. Adulescentulus 5 eram, et iam mihi ab illo honor atque etiam (audebo dicere) reverentia ut aequali habebatur. Ille meus in petendis honoribus suffragator et testis, ille in inchoandis deductor et comes, ille in gerendis consiliator et rector, ille denique in omnibus officiis nostris, quam- 10 quam et inbecillus et senior, quasi iuvenis et validus 7 conspiciebatur. Quantum ille famae meae domi, in publico, quantum etiam apud principem adstruxit! 8 Nam, cum forte de bonis iuvenibus apud Nervam imperatorem sermo incidisset, et plerique me laudibus 15 ferrent, paulisper se intra silentium tenuit, quod illi plurimum auctoritatis addebat; deinde gravitate, quam noras 'Necesse est' inquit 'parcius laudem Secundum, 9 quia nihil nisi ex consilio meo facit.' Qua voce tribuit mihi, quantum petere voto inmodicum erat, nihil me 20 facere non sapientissime, cum omnia ex consilio sapientissimi viri facerem. Quin etiam moriens filiae suae, ut ipsa solet praedicare: 'Multos quidem amicos tibi ut longiore vita paravi, praecipuos tamen Secun- 10 dum et Cornutum.' Quod cum recorder, intellego mihi 25 laborandum, ne qua parte videar hanc de me fiduciam 11 providentissimi viri destituisse. Quare ego vero Correlliae adero promptissime nec subire offensas recusabo; quamquam non solum veniam me, verum etiam laudem apud istum ipsum, a quo, ut ais, nova lis fortasse ut 30 feminae intenditur, arbitror consecuturum, si haec eadem in actione, latius scilicet et uberius, quam epistularum angustiae sinunt, contigerit mihi vel in excusationem vel etiam commendationem meam dicere. Vale.

1 denique *RFpra*, Otto 300, om. *rell.* 23 ut *Fpra*,  
*K. I.*, Otto 300, om. *rell.* 33 sq. sinunt, contigerit mihi vel  
 — dicere *RFpra*, Otto 300, sinunt, vel — dixero *MVD*, *K.*

## XVIII.

C. PLINIUS ARRIO ANTONINO SUO S.

Quemadmodum magis adprobare tibi possum, quanto 1  
 opere mirer epigrammata tua Graeca, quam quod quae-  
 5 dam Latine aemulari et exprimere temptavi? in dete-  
 rius quidem. Accidit hoc primum inbecillitate ingenii  
 mei, deinde inopia ac potius, ut Lucretius ait, 'egestate  
 patrii sermonis'. Quodsi haec, quae sunt et Latina 2  
 et mea, habere tibi aliquid venustatis videbuntur,  
 10 quantum putas inesse iis gratiae, quae mihi et a te  
 et Graece proferuntur? Vale.

## XIX.

C. PLINIUS CALPURNIAE HISPULLAE SUAE S.

Cum sis pietatis exemplum fratremque optimum 1  
 15 et amantissimum tui pari caritate dilexeris filiamque  
 eius ut tuam diligas nec tantum amitae ei, verum  
 etiam patris amissi adfectum repraesentantes, non dubito  
 maximo tibi gaudio fore, cum cognoveris dignam  
 patre, dignam te, dignam avo evadere. Summum est 2  
 20 acumen, summa frugalitas; amat me, quod castitatis  
 indicium est. Accedit his studium litterarum, quod  
 ex mei caritate concepit. Meos libellos habet, lectitat, 3  
 ediscit etiam. Qua illa sollicitudine, cum videor actu-  
 rus, quanto, cum egi, gaudio adficitur! Disponit, qui  
 25 nuntient sibi, quem adsum, quos clamores excitarim,  
 quem eventum iudicii tulerim. Eadem, si quando re-  
 cito, in proximo discreta velo sedet laudesque nostras  
 avidissimis auribus excipit. Versus quidem meos can- 4  
 tat etiam formatque cithara non artifice aliquo docente,  
 30 sed amore, qui magister est optimus. His ex causis 5  
 in spem certissimam adducor perpetuam nobis ma-  
 ioremque in dies futuram esse concordiam. Non enim

6 quidem *RFpra*, *Stangl* 675 cf. *I 5. 3*, tamen *MVDR* 5,  
*K.*, dubit. *Otto* 300. 7 *Lucr. I 832*. 10 mihi *FRp Cotton.*,  
*Otto* 300, om. *MV* 5 ar. *K.*, qua ea etate D. 17 adfectum  
*v. 16 post ei MVD, K.*

aetatem meam aut corpus, quae paulatim occidunt ac  
 6 senescunt, sed gloriam diligit. Nec aliud decet tuis  
 manibus educatam, tuis praeceptis institutam, quae  
 nihil in contubernio tuo viderit nisi sanctum hone-  
 stumque, quae denique amare me ex tua praedicatione 5  
 7 consueverit. Nam, cum matrem meam parentis loco  
 verereris, me a pueritia statim formare, laudare talem-  
 que, qualis nunc uxori meae videor, ominari solebas.  
 8 Certatim ergo tibi gratias agimus, ego, quod illam  
 mihi, illa, quod me sibi dederis, quasi invicem elege- 10  
 ris. Vale.

## XX.

C. PLINIUS NONIO MAXIMO SUO S.

1 Quid senserim de singulis tuis libris, notum tibi,  
 ut quemque perlegeram, feci; accipe nunc, quid de 15  
 2 universis generaliter iudicem. Est opus pulchrum,  
 validum, acre, sublime, varium, elegans, purum, figu-  
 ratum, spatiosum etiam et cum magna tua laude dif-  
 fusum, in quo tu ingenii simul dolorisque velis latis-  
 sime vectus es; et horum utrumque invicem adiumento 20  
 3 fuit. Nam dolori sublimitatem et magnificentiam in-  
 genium, ingenio vim et amaritudinem dolor addidit.  
 Vale.

## XXI.

C. PLINIUS VELIO CERIALI SUO S.

25

1 Tristem et acerbum casum Helvidiarum sororum!  
 2 Utraque a partu, utraque filiam enixa decessit. Adfi-  
 cior dolore nec tamen supra modum doleo; ita mihi  
 luctuosum videtur, quod puellas honestissimas in flore  
 primo fecunditas abstulit. Angor infantium sorte, quae 30  
 sunt parentibus statim, et dum nascuntur, orbatae,  
 angor optimorum maritorum, angor etiam meo nomine.  
 3 Nam patrem illarum defunctum quoque perseverantis-  
 sime diligo, ut actione mea librisque testatum est;

cui nunc unus ex tribus liberis superest domumque pluribus adminiculis paulo ante fundatam desolatus fulcit ac sustinet. Magno tamen fomento dolor meus 4 adquiescet, si hunc saltem fortem et incolumem parremque illi patri, illi avo fortuna servaverit. Cuius ego pro salute, pro moribus hoc sum magis anxius, quod unicus factus est. Nosti in amore mollitiam 5 animi mei, nosti metus; quo minus te mirari oportebit, quod plurimum timeam, de quo plurimum spero. 10 Vale.

## XXII.

C. PLINIUS SEMPRONIO RUFO SUO S.

Interfui principis optimi cognitioni in consilium 1 adsumptus. Gymnicus agon apud Viennenses ex cuiusdam 15 testamento celebrabatur. Hunc Trebonius Rufinus, vir egregius nobisque amicus, in duumviratu suo tollendum abolendumque curavit. Negabatur ex auctoritate publica fecisse. Egit ipse causam non minus 2 feliciter quam diserte. Commendabat actionem, quod 20 tamquam homo Romanus et bonus civis in negotio suo mature et graviter loquebatur. Cum sententiae 3 perrogarentur, dixit Iunius Mauricus, quo viro nihil firmitus, nihil verius, non esse restituendum Viennensibus agona; adiecit: 'Vellem etiam Romae tolli posset.' 25 Constanter, inquis, et fortiter. Quidni? sed hoc a 4 Mauricio novum non est. Idem apud Nervam imperatorem non minus fortiter. Cenabat Nerva cum paucis; Veiento proximus atque etiam in sinu recumbebat. Dixi omnia, cum hominem nominavi. Incidit sermo 5 30 de Catullo Messalino, qui luminibus captus ingenio saevo mala caecitatis addiderat. Non verebatur, non erubescibat, non miserebatur; quo saepius a Domitiano non secus ac tela, quae et ipsa caeca et inprovida fe-

16 suo *RFpa*, *Otto* 300, *om. MVD* 5, *K.* 26 imp. Nerv. *K. ex MVD* 5. 30 captus *MV* 5, orbatus *RFa* (*ut testantur K. et Merrill, aliter Stangl* 675), *K.*, orbatus *Dpr.*

- 6 runtur, in optimum quemque contorquebatur. De  
huius nequitia sanguinariisque sententiis in commune  
omnes super cenam loquebantur, cum ipse imperator:  
'Quid putamus passurum fuisse, si viveret?' Et Mau-  
ricus: 'Nobiscum cenaret.' 5
- 7 Longius abii, libens tamen. Placuit agona tolli,  
qui mores Viennensium infecerat ut noster hic omnium.  
Nam Viennensium vitia intra ipsos residunt, nostra  
late vagantur, utque in corporibus sic in imperio gra-  
vissimus est morbus, qui a capite diffunditur. Vale. 10

## XXIII.

C. PLINIUS POMPONIO BASSO SUO S.

- 1 Magnam cepi voluptatem, cum ex communibus  
amicis cognovi te, ut sapientia tua dignum est, et  
disponere otium et ferre, habitare amoenissime et 15  
nunc terra, nunc mari corpus agitare, multum dispu-  
tare, multum audire, multum lectitare, cumque plu-  
2 rimum scias, cotidie tamen aliquid addiscere. Ita se-  
nescere oportet virum, qui magistratus amplissimos  
gesserit, exercitus rexerit totumque se rei publicae, 20  
3 quam diu decebat, obtulerit. Nam et prima vitae  
tempora et media patriae, extrema nobis impertire de-  
bemus, ut ipsae leges monent, quae maiorem annis  
4 otio reddunt. Quando mihi licebit, quando per aetatem  
honestum erit imitari istud pulcherrimae quietis ex- 25  
emplum? quando secessus mei non desidia nomen,  
sed tranquillitatis accipient? Vale.

## XXIV.

C. PLINIUS FABIO VALENTI SUO S.

- 1 Proxime cum apud centumviros [in quadruplici 30  
iudicio] dixissem, subiit recordatio egisse me iuvenem  
2 aequae in quadruplici. Processit animus, ut solet, lon-  
gius; coepi reputare, quos in hoc iudicio, quos in illo

---

30 in quadr. iud. om. FR, Cort., Stangl 675, tenent rel.

socios laboris habuissem. Solus eram, qui in utroque dixissem. Tantas conversiones aut fragilitas mortalitatis aut fortunae mobilitas facit. Quidam ex iis, qui 3 tunc egerant, decesserunt, exulant alii, huic aetas et  
 5 valetudo silentium suasit, hic sponte beatissimo otio fruitur, alius exercitum regit, illum civilibus officiis principis amicitia exemit. Circa nos ipsos quam multa 4 mutata sunt! Studiis processimus, studiis periclitati sumus rursusque processimus. Profuerunt nobis bo- 5  
 10 norum amicitiae, bonorum obfuerunt iterumque prosunt. Si computes annos, exiguum tempus, si vices rerum, aevum putes; quod potest esse documento nihil 6 desperare, nulli rei fidere, cum videamus tot varietates tam volubili orbe circumagi. Mihi autem familiare 7  
 15 est omnes cogitationes meas tecum communicare isdemque te vel praeceptis vel exemplis monere, quibus ipse me moneo; quae ratio huius epistolae fuit. Vale.

## XXV.

C. PLINIUS MESSIO MAXIMO SUO S.

20 Scripseram tibi verendum esse, ne ex tacitis suffragiis vitium aliquod existeret. Factum est. Proximis comitiis in quibusdam tabellis multa iocularia atque etiam foeda dictu, in una vero pro candidatorum nominibus suffragatorum nomina inventa sunt. Excan- 2  
 25 duit senatus magnoque clamore ei, qui scripsisset, iratum principem est comprecatus. Ille tamen fefellit et latuit, fortasse etiam inter indignantes fuit. Quid 3 hunc putamus domi facere, qui in tanta re tam serio tempore tam scurriliter ludat, qui denique omnino in  
 30 senatu dicax et urbanus et bellus est? Tantum licentiae pravis ingeniis adicit illa fiducia: 'quis enim sciet?' Poposcit tabellam, stilum accepit, demisit caput, neminem veretur, se contemnit. Inde ista ludibria scaena et pulpito digna. Quo te veritas? quae remedia con- 5



quiras? ubique vitia remediis fortiora. "Ἀλλὰ ταῦτα τῷ ὑπὲρ ἡμᾶς μελήσει", cui multum cotidie vigiliarum, multum laboris adicit haec nostra iners et tamen effrenata petulantia. Vale.

## XXVI.

5

C. PLINIUS METILIO NEPOTI SUO S.

- 1 Petis, ut libellos meos, quos studiosissime conparasti, recognoscendos emendandosque curem. Faciam. Quid enim suscipere libentius debeo, te praesertim  
 2 exigente? Nam, cum vir gravissimus, doctissimus, disertissimus, super haec occupatissimus, maximae provinciae praefuturus tanti putes scripta nostra circumferre tecum, quanto opere mihi providendum est, ne te haec pars sarcinarum tamquam supervacua offendant?  
 3 Adnitar ergo, primum ut comites istos quam commo-  
 15 dissimos habeas, deinde ut reversus invenias, quos istis addere velis. Neque enim mediocriter me ad nova opera tu lector hortaris. Vale.

## XXVII.

C. PLINIUS POMPEIO FALCONI SUO S.

20

- 1 Tertius dies est, quod audiavi recitantem Serium Augurinum cum summa mea voluptate, immo etiam admiratione. Poëmatia appellat. Multa tenuiter, multa sublimiter, multa venuste, multa tenere, multa dulciter,  
 2 multa cum bile. Aliquot annis puto nihil generis  
 25 eiusdem absolutius scriptum, nisi forte me fallit aut  
 3 amor eius, aut quod ipsum me laudibus vexit. Nam lemma sibi sumpsit, quod ego interdum versibus ludo. Atque adeo iudicii mei te iudicem faciam, si mihi ex hoc ipso lemmate secundus versus occurrerit; nam ce-  
 30 teros teneo, et iam explicui.

---

8 recogn. emendandosque *Dpra*, *K. I*, *Otto* 301, legendos *recognoscendosque R M V*, *K. II*. 13 quantop. *M V*. *Ad p. 7. 17.*  
 21 *Serium Momms. ind. p. 425*, *Sentium vulg.* 27 me ipsa. *R F pra.*

'Canto carmina versibus minutis, 4  
 his olim quibus et meus Catullus  
 et Calvus veteresque. Sed quid ad me?  
 unus Plinius est mihi priores;  
 5 mavult versiculos foro relicto  
 et quaerit, quod amet, putatque amari.  
 Ille o Plinius, ille quot Catones!  
 I nunc, qui sapias, amare noli.'

Vides, quam acuta omnia, quam apta, quam expressa. 5  
 10 Ad hunc gustum totum librum repromitto, quem tibi,  
 ut primum publicaverit, exhibebo. Interim ama iuvenem  
 et temporibus nostris gratulare pro ingenio tali,  
 quod ille moribus adornat. Vivit cum Spurinna, vivit  
 cum Antonino, quorum alteri adfinis, utrique contuber-  
 15 nalis est. Possis ex hoc facere coniecturam, quam sit 6  
 emendatus adulescens, qui a gravissimis senibus sic  
 amatur. Est enim illud verissimum:

'γινώσκων, ὅτι  
 τοιοῦτός ἐστιν, οἷσπερ ἡδεται συνών.'

20 Vale.

### XXVIII.

C. PLINIUS VIBIO SEVERO SUO S.

Herennius Severus, vir doctissimus, magni aestimat 1  
 in bibliotheca sua ponere imagines municipum tuorum,  
 25 Cornelii Nepotis et Titi Cati, petitque, si sunt istic,  
 ut esse credibile est, exscribendas pingendasque delegem.  
 Quam curam tibi potissimum iniungo, primum 2  
 quia desideriiis meis amicissime obsequeris, deinde quia  
 tibi studiorum summa reverentia, summus amor studiosorum,  
 30 postremo quod patriam tuam omnesque, qui 3  
 nomen eius auxerunt, ut patriam ipsam veneraris et diligis.  
 Peto autem, ut pictorem quam diligentissimum adsumas.  
 Nam cum est arduum similitudinem effin-

8 qui sapias *a*, *Otto* 301, quisquis apias *R*, quisquis sapias *Fpr*, quisquis amas *MD* 5, *K*, quisque amas *V*.  
 18 *Eur. fragm.*

gere ex vero, tum longe difficillima est imitationis imitatio; a qua rogo ut artificem, quem elegeris, ne in melius quidem sinas aberrare. Vale.

## XXIX.

C. PLINIUS ROMATIO FIRMO SUO S.

5

- 1 Heia tui cum proxime res agentur, quoquo modo  
ad iudicandum veni. Nihil est, quod in dextram aurem  
2 fiducia mei dormias. Non inpune cessatur. Ecce  
Licinius Nepos praetor, acer et fortis vir, multam  
dixit etiam senatori. Egit ille in senatu causam suam, 10  
egit autem sic, ut deprecaretur. Remissa est multa;  
3 sed timuit, sed rogavit, sed opus venia fuit. Dices:  
'Non omnes praetores tam severi.' Falleris. Nam vel  
instituere vel reducere eiusmodi exemplum non nisi  
severi, institutum reductumve exercere etiam lenissimi 15  
possunt. Vale.

## XXX.

C. PLINIUS LICINIO SURAE SUO S.

- 1 Attuli tibi ex patria mea pro munusculo quaesti-  
2 onem altissima ista eruditione dignissimam. Fons ori- 20  
tur in monte, per saxa decurrit, excipitur cenatiuncula  
manu facta; ibi paulum retentus in Larium lacum de-  
cidit. Huius mira natura; ter in die statis auctibus ac  
3 diminutionibus crescit decrescitque. Cernitur id palam  
et cum summa voluptateprehenditur. Iuxta recum- 25  
bis et vesceris atque etiam ex ipso fonte (nam est  
frigidissimus) potas; interim ille certis dimensisque  
4 momentis vel subtrahitur vel adsurgit. Anulum seu  
quid aliud ponis in sicco, adluitur sensim ac novissime  
operitur, detegitur rursus paulatimque deseritur. Si 30  
diutius observes, utrumque iterum ac tertio videas.  
5 Spiritusne aliquis occultior os fontis et fauces modo  
laxat, modo includit, prout aut inlatus occurrit aut

9 vir R.Fpra, K. disp. I p. 19, Otto 301, praetor repet. MVD,  
K. II, om. s, K. I. 83 aut prius MVR, om. RFDpa, K.

decessit expulsus? quod in ampullis ceterisque generis 6  
 eiusdem videmus accidere, quibus non hians nec statim  
 patens exitus. Nam illa quoque, quamquam prona at-  
 que vergentia, per quasdam obluctantis animae moras  
 5 crebris quasi singultibus sistunt, quod effundunt. An, 7  
 quae oceano natura, fonti quoque, quaque ille ratione  
 aut inpellitur aut resorbetur, hac modicus hic umor  
 vicibus alternis supprimitur vel egeritur? An, ut flu- 8  
 mina, quae in mare deferuntur, adversantibus ventis  
 10 obvioque aestu retorquentur, ita est aliquid, quod  
 huius fontis excursus percutiat? An latentibus venis 9  
 certa mensura, quae dum colligit, quod exhauserat,  
 minor rivus et pigrior, cum collegit, agilior maiorque  
 profertur? An nescio quod libramentum additum et 10  
 15 caecum, quod cum exinanitum est, suscitatur et elicit  
 fontem, cum repletum, moratur et strangulat? Scrutare 11  
 tu causas (potes enim), quae tantum miraculum effi-  
 ciunt; mihi abunde est, si satis expressi, quod efficitur.  
 Vale.

20

C. PLINI CAECILI SECUNDI  
 E P I S T U L A R U M  
 LIBER QUINTUS.

## I.

C. PLINIUS ANNIO SEVERO SUO S.

25 Legatum mihi obvenit modicum, sed amplissimo 1  
 gratius. Cur amplissimo gratius? Pomponia Galla  
 exheredato filio Asudio Curiano heredem reliquerat me,  
 dederat coheredes Sertorium Severum, praetorium vi-

8 vel *RFpa*, et *Dr*, erigiturque *V*, erigiturque et egeritur *s*,  
 subpr. erigitur *M*.

2 rum, aliosque splendidos equites Romanos. Curianus  
 orabat, ut sibi donarem portionem meam seque prae-  
 iudicio iuvarem, eandem tacita conventionem salvam  
 3 mihi pollicebatur. Respondebam non convenire mori-  
 bus meis aliud palam, aliud agere secreto, praeterea 5  
 non esse satis honestum donare et locupleti et orbo,  
 in summa non profuturum ei, si donassem, profuturum,  
 si cessissem, esse autem me paratum cedere, si inique  
 4 exheredatum mihi liqueret. Ad hoc ille: 'Rogo, co-  
 gnoscas.' Cunctatus paulum 'Faciam' inquam 'neque 10  
 enim video, cur ipse me minorem putem, quam tibi  
 videor. Sed iam nunc memento non defuturam mihi  
 constantiam, si ita fides duxerit, secundum matrem  
 5 tuam pronuntiandi.' 'Ut voles' ait, 'voles enim, quod  
 aequissimum.' Adhibui in consilium duos, quos tunc 15  
 civitas nostra spectatissimos habuit, Corellium et Fron-  
 6 tinum. His circumdatus in cubiculo meo sedi. Dixit  
 Curianus, quae pro se putabat. Respondi paucis ego;  
 neque enim aderat alius, qui defunctae pudorem tu-  
 eretur; deinde secessi et ex consilii sententia 'Videtur' 20  
 inquam 'Curiane, mater tua iustas habuisse causas  
 irascendi tibi.' Post hoc ille cum ceteris subscripsit  
 7 centumvirale iudicium, non subscripsit mecum. Adpe-  
 tebat iudicii dies. Coheredes mei componere et trans-  
 igere cupiebant non diffidentia causae, sed metu tem- 25  
 porum. Verebantur, quod videbant multis accidis-  
 8 se, ne ex centumvirali iudicio capitis rei exirent. Et erant  
 quidam in illis, quibus obici et Gratillae amicitia et  
 Rustici posset. Rogant me, ut cum Curiano loquar.  
 9 Convenimus in aedem Concordiae. Ibi ego 'Si mater' 30  
 inquam 'te ex parte quarta scripsisset heredem, num  
 queri posses? Quid si heredem quidem instituisset ex  
 asse, sed legatis ita exhausisset, ut non amplius apud  
 te quam quarta remaneret? Igitur sufficere tibi debet,  
 si exheredatus a matre quartam partem ab heredibus 35

23 mecum non subscripsit R F pra.

eius accipias, quam tamen ego augebo. Scis te non 10  
 subscripsisse mecum, et iam biennium transisse, om-  
 niaque me usu cepisse. Sed ut te coheredes mei tra-  
 ctabiliorem experiantur, utque tibi nihil abstulerit re-  
 5 verentia mei, offero pro mea parte tantundem.' Tuli 11  
 fructum non conscientiae modo, verum etiam famae.  
 Ille ergo Curianus legatum mihi reliquit et factum  
 meum, nisi forte blandior mihi, antiquum notabili ho-  
 nore signavit.

10 Haec tibi scripsi, quia de omnibus, quae me vel 12  
 delectant vel angunt, non aliter tecum quam mecum  
 loqui soleo, deinde quod durum existimabam te aman-  
 tissimum mei fraudare voluptate, quam ipse capiebam.  
 Neque enim sum tam sapiens, ut nihil mea intersit, 13  
 15 an iis, quae honeste fecisse me credo, testificatio quae-  
 dam et quasi praemium accedat. Vale.

## II.

C. PLINIUS CALPURNIO FLACCO SUO S.

Accepi pulcherrimos turdos, cum quibus parem 1  
 20 calculum ponere nec urbis copiis ex Laurentino nec  
 maris tam turbidis tempestatibus possum. Recipies 2  
 ergo epistulas steriles et simpliciter ingratas ac ne  
 illam quidem sollertiam Diomedis in permutando mu-  
 nere imitantes. Sed, quae facilitas tua, hoc magis  
 25 dabis veniam, quod se non mereri fatentur. Vale.

## III.

C. PLINIUS TITIO ARISTONI SUO S.

Cum plurima officia tua mihi grata et iucunda 1  
 sunt tum vel maxime, quod me celandum non putasti  
 30 fuisse apud te de versiculis meis multum copiosumque  
 sermonem, eumque diversitate iudiciorum longius pro-  
 cessisse, exstittisse etiam quosdam, qui scripta quidem  
 ipsa non inprobarent, me tamen amice simpliciterque

---

8 antiquorum *RFpra* (antiquom?).

reprehenderent, quod haec scriberem recitaremque.  
 2 Quibus ego, ut augeam meam culpam, ita respondeo:  
 facio non numquam versiculos severos parum, facio et  
 comoedos audio et specto mimos et lyricos lego et  
 Sotadicos intellego; aliquando praeterea rideo, iocor, 5  
 ludo, utque omnia innoxiae remissionis genera breviter  
 3 amplectar, homo sum. Nec vero moleste fero hanc  
 esse de moribus meis existimationem, ut, qui nesciunt  
 talia doctissimos, gravissimos, sanctissimos homines  
 4 scriptitasse, me scribere mirentur. Ab illis autem, 10  
 quibus notum est, quos quantosque auctores sequar,  
 facile impetrari posse confido, ut errare me, sed cum  
 illis sinant, quorum non seria modo, verum etiam lusus  
 5 exprimere laudabile est. An ego verear (neminem vi-  
 ventium, ne quam in speciem adulationis incidam, 15  
 nominabo) — sed ego verear, ne me non satis deceat,  
 quod decuit M. Tullium, C. Calvum, Asinium Pollio-  
 nem, M. Messalam, Q. Hortensium, M. Brutum, L. Sul-  
 lam, Q. Catulum, Q. Scaevolam, Servium Sulpicium,  
 M. Varronem, L. Torquatum, immo Torquatos, C. 20  
 Memmium, Lentulum Gaetulicum, Annaeum Senecam  
 et proxime Verginium Rufum et, si non sufficiunt  
 exempla privata, divum Iulium, divum Augustum, di-  
 6 vum Nervam, Tiberium Caesarem? Neronem enim  
 transeo, quamvis sciam non corrumpi in deterius, quae 25  
 aliquando etiam a malis, sed honesta manere, quae  
 saepius a bonis fiunt. Inter quos vel praecipue nu-  
 merandus est P. Vergilius, Cornelius Nepos et prius  
 Ennius Acciusque. Non quidem hi senatores, sed san-

3 et *Dpsr*, *K. II* (*disp. I 21*), nam et *MFR corr. a*, *Otto 301*,  
 etiam *R ante corr.* *Cort. auct. K. I.* 4 comoedos *K. II, disp. l. l.*  
*cf. I 15. 2, III 1. 9, IX 17. 3, 36. 4, 40. 2*, comoedias *vulg.* 17  
*Polion. M, K. I ut p. 17. 9.* 18 *Messall. p, K. I.* 20 *M. add.*  
*Momms., K. II.* — *L. add. Stangl 678.* 21 *Sen. et prox.*  
*RFDpa, K. disp. I 11sq., Sen., Lucanum et pr. M, K. I, Sen.,*  
*Annaeum Lucanum K. II.* 29 *Ennius Acciusque RFa(pr),*  
*Stangl 662, Accius Enniusque M, K. II.* — *Attius K. I, actius*  
*Dpr.*

ctitas morum non distat ordinibus. Recito tamen, quod 7  
 illi an fecerint, nescio. Etiam; sed illi iudicio suo  
 poterant esse contenti, mihi modestior constantia est,  
 quam ut satis absolutum putem, quod a me probetur.  
 5 Itaque has recitandi causas sequor, primum quod ipse, 8  
 qui recitat, aliquanto acrius scriptis suis auditorum  
 reverentia intendit, deinde quod, de quibus dubitat,  
 quasi ex consilii sententia statuit. Multa etiam a 9  
 multis admonetur et, si non admoneatur, quid quisque  
 10 sentiat, perspicit ex vultu, oculis, nutu, manu, mur-  
 mure, silentio; quae satis apertis notis iudicium ab  
 humanitate discernunt. Atque adeo, si cui forte eorum, 10  
 qui interfuerunt, curae fuerit eadem illa legere, intel-  
 leget me quaedam aut commutasse aut praeterisse,  
 15 fortasse etiam ex suo iudicio, quamvis ipse nihil  
 dixerit mihi. Atque haec ita disputo, quasi populum 11  
 in auditorium, non in cubiculum amicos advocarim,  
 quos plures habere multis gloriosum, reprehensioni  
 nemini fuit. Vale.

20

## IV.

C. PLINIUS IULIO VALERIANO SUO S.

Res parva, sed initium non parvae. Vir praetorius 1  
 Sollers a senatu petiit, ut sibi instituere nundinas in  
 agris suis permitteretur; contra dixerunt legati Viceti-  
 25 norum; adfuit Tuscilius Nominatus; dilata causa est.  
 Alio senatu Vicetini sine avvocato intraverunt, dixe- 2  
 runt se deceptos lapsine verbo, an quia ita sentiebant.  
 Interrogati a Nepote praetore, quem docuissent, re-  
 sponderunt, quem prius. Interrogati, an tunc gratis  
 30 adfuisset, responderunt sex milibus nummum; an rur-  
 sus aliquid dedissent, dixerunt mille denarios. Nepos  
 postulavit, ut Nominatus induceretur. Hactenus illo 3  
 die. Sed, quantum auguror, longius res procedet.

22 non parvum *RFpra.*  
*Stangl 672, procedit MD, K.*

33 procedet *RFpra.*, Otto 301,



Nam pleraque tacta tantum et omnino commota latissime serpunt. Erexī aures tuas. Quam diu nunc oportet, quam blande roges, ut reliqua cognoscas! si tamen non ante ob haec ipsa veneris Romam spectatorque malueris esse quam lector. Vale. 5

## V.

C. PLINIUS NONIO MAXIMO SUO S.

1 Nuntiat̃ur mihi C. Fannium decessisse; qui nuntius me gravi dolore confudit, primum quod amavi hominem elegantem, disertum, deinde quod iudicio eius 10 uti solebam. Erat enim acutus natura, usu exercitatus, 2 veritate promptissimus. Angit me super ista casus ipsius. Decessit veteri testamento, omisit, quos maxime diligebat, prosecutus est, quibus offensior erat. Sed hoc utcumque tolerabile, gravius illud, quod pulcherri- 15 mum opus imperfectum reliquit. Quamvis enim agendis causis distringeretur, scribebat tamen exitus occisorum aut relegatorum a Nerone et iam tres libros absolverat subtiles et diligentes et Latinos atque inter sermonem historiamque medios ac tanto magis reliquos 20 perficere cupiebat, quanto frequentius hi lectitabantur. 4 Mihi autem videtur acerba semper et immatura mors eorum, qui immortale aliquid parant. Nam, qui voluptatibus dediti quasi in diem vivunt, vivendi causas cotidie finiunt; qui vero posteros cogitant et memoriam 25 sui operibus extendunt, his nulla mors non repentina est, ut quae semper inchoatum aliquid abrumpat. 5 Gaius quidem Fannius, quod accidit, multo ante praesensit. Visus est sibi per nocturnam quietem iacere in lectulo suo compositus in habitum studentis, habere ante se scrinium (ita solebat); mox imaginatus est venisse Neronem, in toro resedis̃se, prompsisse primum librum, quem de sceleribus eius ediderat, eumque 30

8 Nuntiat̃ur (nunc., nonc.) *FRpra*, *Otto* 301, Nuntiatum *D*, Nuntiatum m. est *M*, *K*, *Stangl* 649. 13 vetere *D*. 30 habitum *RF*, *K.II*, habitu *Mpra*, *K.I*.

ad extremum revolvisse, idem in secundo ac tertio fecisse, tunc abisse. Expavit et sic interpretatus est, 6  
tamquam idem sibi futurus esset scribendi finis, qui fuisset illi legendi, et fuit idem. Quod me recordan- 7  
5 tem miseratio subit, quantum vigiliarum, quantum laboris exhauserit frustra. Occursant animo mea mortalitas, mea scripta. Nec dubito te quoque eadem cogitatione terreri pro istis, quae inter manus habes. Proinde, dum suppetit vita, enitamur, ut mors quam 8  
10 paucissima, quae abolere possit, inveniat. Vale.

## VI.

C. PLINIUS DOMITIO APOLLINARI SUO S.

Amavi curam et sollicitudinem tuam, quod, cum 1  
audisses me aestate Tuscos meos petiturum, ne facerem, 2  
15 suasisti, dum putas insalubres. Est sane gravis et pestilens ora Tuscorum, quae per litus extenditur; sed hi procul a mari recesserunt, quin etiam Appennino, saluberrimo montium, subiacent. Atque adeo ut om- 3  
nem pro me metum ponas, accipe temperiem caeli, 4  
20 regionis situm, villae amoenitatem; quae et tibi auditu et mihi relatu iucunda erunt.

Caelum est hieme frigidum et gelidum; myrtos, 4  
oleas, quaeque alia aestivo tepore laetantur, aspernatur ac respuit; laurum tamen patitur atque etiam nitidissimam profert, interdum, sed non saepius quam sub urbe 25  
nostra necat. Aestatis mira clementia; semper aër 5  
spiritu aliquo movetur, frequentius tamen auras quam ventos habet. Hinc senes multi; videas avos proavos 6  
que iam iuvenum, audias fabulas veteres sermonesque 7  
30 maiorum, cumque veneris illo, putes alio te saeculo natum. Regionis forma pulcherrima. Imaginare amphitheatrum aliquod immensum, et quale sola rerum natura possit effingere. Lata et diffusa planities montibus cingitur, montes summa sui parte procera ne-

23 aestivo *FRpra Catan.*, Otto 301, adsiduo *M* (assid.)  
*D, K.* 24 et resp. *FDpr.* Ad p. 49. 23.

- mora et antiqua habent. Frequens ibi et varia venatio.
- 8 Inde caeduae silvae cum ipso monte descendunt. Has  
inter pingues terrenique colles (neque enim facile us-  
quam saxum, etiam si quaeratur, occurrit) planissimis  
campis fertilitate non cedunt opimamque messem serius 5  
9 tantum, sed non minus percoquunt. Sub his per la-  
tus omne vineae porriguntur unamque faciem longe  
lateque contexunt; quarum a fine imoque quasi mar-  
10 gine arbusta nascuntur. Prata inde campique, campi,  
quos non nisi ingentes boves et fortissima aratra per- 10  
fringunt. Tantis glaebris tenacissimum solum, cum  
primum prosecatur, adsurgit, ut nono demum sulco  
11 perdometur. Prata florida et gemmea trifolium alias-  
que herbas teneras semper et molles et quasi novas  
alunt. Cuncta enim perennibus rivis nutriuntur; sed, 15  
ubi aquae plurimum, palus nulla, quia devexa terra,  
quidquid liquoris accepit nec absorbit, effundit in  
12 Tiberim. Medios ille agros secat navium patiens om-  
nesque fruges devehit in urbem hieme dumtaxat et  
vere, aestate summittitur immensisque fluminis nomen 20  
13 arenti alveo deserit, autumno resumit. Magnam capies  
voluptatem, si hunc regionis situm ex monte prospe-  
xeris. Neque enim terras tibi, sed formam aliquam  
ad eximiam pulchritudinem pictam videberis cernere;  
ea varietate, ea descriptione, quocumque inciderint 25  
14 oculi, reficiuntur. Villa in colle imo sita prospicit  
quasi ex summo; ita leniter et sensim clivo fallente  
consurgit, ut, cum ascendere te non putes, sentias  
ascendisse. A tergo Appenninum, sed longius habet;  
accipit ab hoc auras quamlibet sereno et placido die, 30  
non tamen acres et immodicas, sed spatio ipso lassas  
15 et infractas. Magna sui parte meridiem spectat aesti-  
vumque solem ab hora sexta, hibernum aliquanto ma-  
turius quasi invitat in porticum latam et pro modo

18 omnisque *RFDpr*, *K.I.* 34 pro modo longam  
*FDpra*, *K.I.* *Otto* 301, prominulam *M*, *K.II.* *coni. disp.* 1 p. 21  
pro modo villae longam.

longam. Multa in hac membra, atrium etiam ex more veterum. Ante porticum xystus concisus in plurimas 16 species distinctusque buxo; demissus inde pronusque pulvinus, cui bestiarum effigies invicem adversas buxus 5 inscripsit; acanthus in plano mollis et paene dixerim liquidus. Ambit hunc ambulatio pressis varieque ton- 17 sis viridibus inclusa; ab his gestatio in modum circi, quae buxum multiformem humilesque et retentas manu arbusculas circumit. Omnia maceria muniuntur; hanc 10 gradata buxus operit et subtrahit. Pratum inde non 18 minus natura quam superiora illa arte visendum; campi deinde porro multaque alia prata et arbusta. A capite 19 porticus triclinius excurrit. Valvis xystum desinentem et protinus pratum multumque ruris videt, fenestris 15 hac latus xysti, et quod prosilit villae, hac adiacentis hippodromi nemus comasque prospectat. Contra me- 20 diam fere porticum diaeta paulum recedit, cingit areolam, quae quattuor platanis inumbratur. Inter has marmoreo labro aqua exundat circumiectasque platanos et subiecta 20 platanis leni aspergine fovet. Est in hac diaeta dor- mitorium cubiculum, quod diem, clamorem, sonum excludit, iunctaque ei cotidiana amicorumque cenatio; areolam illam, porticum [aliam] eademque omnia quae porticus aspicit. Est et aliud cubiculum a proxima 22 25 platano viride et umbrosum, marmore excultum podio tenus, nec cedit gratiae marmoris ramos insidentesque ramis aves imitata pictura. Fonticulus in hoc, in fonte 23 crater; circa sipunculi plures miscent iucundissimum murmur. In cornu porticus amplissimum cubiculum

---

2 concisus in plurimas species distinctusque buxo *RF* (*hi om.* que) *pra*, distinctus concisusque buxo *MD*, *K*, in plur. spec. conc. distinctusque buxo *Stangl* 662. 7 sqq. ab his-circumit *del. Kukulka Sert. Hartel*. 249. 22 amicorumque cen. *RFDa*, *K.II* (*disp. I 22*), amicorum cenatio quae *M*, *K.I*. 23 [aliam] *K.II*, porticus alia *Fpra*, alia *Otto* 301sq., eademq. alia omnia? 24 proxima *M*, *K.I*, item *p. 120. 10* proxumo. *VI 18. 1* ornatissimam *M*.

- triclinio occurrit; aliis fenestris xystum, aliis despicit pratum, sed ante piscinam, quae fenestris servit ac  
 24 subiacet, strepitu visuque iucundam; nam ex edito desiliens aqua suscepta marmore albescit. Idem cubiculum hieme tepidissimum, quia plurimo sole perfun- 5  
 25 ditur. Cohæret hypocauston et, si dies nubilus, inmisso vapore solis vicem supplet. Inde apodyterium balinei laxum et hilare excipit cella frigidaria, in qua baptisterium amplum atque opacum. Si natare latius aut tepidius velis, in area piscina est, in proximo puteus, 10  
 ex quo possis rursus adstringi, si paeniteat teporis.  
 26 Frigidariae cellae conectitur media, cui sol benignissime praesto est, caldariae magis; prominet enim. In hac tres descensiones, duae in sole, tertia a sole lon-  
 27 gius, a luce non longius. Apodyterio superpositum 15  
 est sphaeristerium, quod plura genera exercitationis pluresque circulos capit. Non procul a balineo scalae, quae in cryptoporticum ferunt, prius ad diaetas tres. Harum alia areolae illi, in qua platani quattuor, alia prato, alia vineis imminet diversasque caeli partes ut 20  
 28 prospectus habet. In summa cryptoporticu cubiculum ex ipsa cryptoporticu excisum, quod hippodromum, vineas, montes intuetur. Iungitur cubiculum obvium soli, maxime hiberno. Hinc oritur diaeta, quae villae hippodromum adnectit. Haec facies, hic usus a fronte. 25  
 29 A latere aestiva cryptoporticus in edito posita, quae non aspicere vineas, sed tangere videtur. In media triclinium saluberrimum adflatum ex Apenninis vallibus recipit; post latissimis fenestris vineas, valvis aequae vineas, sed per cryptoporticum quasi admittit. 30  
 30 A latere triclinii, quod fenestris caret, scalae convivio utilia secretiore aditu suggerunt. In fine cubiculum,

1 a triclin. *MR(?)*, *K.I.* — disp. *M*, *K.I* tam fals. quam  
 p. 122. 11 aut v. 14 discens. *Dpr* etc. Cf. IX 7. 4. 17 nec *Fp* 5 a,  
 Otto 302, *K.* 28 Appenninis *RFDpra*, *K.I*, Appen-  
 nini *M*, *K.II.* 32 aditu *R Pomp. Laet.*, *K.II*, ambitu  
*MFDpa*, *K.I.*

cui non minus iucundum prospectum cryptoporticus ipsa quam vineae praebent. Subest cryptoporticus subterraneae similis; aestate incluso frigore riget contentaque aëre suo nec desiderat auras nec admittit.

5 Post utramque cryptoporticum, unde triclinium desinit, 31 incipit porticus ante medium diem hiberna, inclinato die aestiva. Hac adeuntur diaetae duae, quarum in altera cubicula quattuor, altera tria, ut circumit sol, aut sole utuntur aut umbra. Hanc dispositionem 32

10 amoenitatemque tectorum longe longeque praecedit hippodromus. Medius patescit statimque intrantium oculis totus offertur, platanis circumitur. Illae hedera vestiuntur utque summae suis ita imae alienis frondibus virent. Hedera truncum et ramos pererrat vici-

15 nasque platanos transitu suo copulat. Has buxus interiacet; exteriores buxos circumvenit laurus umbraeque platanorum suam confert. Rectus hic hippodromi li- 33 mes, in extrema parte hemicyclio frangitur mutatque faciem; cupressis ambitur et tegitur densiore umbra

20 opacior nigriorque; interioribus circulis (sunt enim plures) purissimum diem recipit. Inde etiam rosas 34 effert umbrarumque frigus non ingrato sole distinguit. Finito vario illo multiplicique curvamine recto limiti redditur nec huic uni; nam viae plures intercedentibus

25 buxis dividuntur. Alibi pratulum, alibi ipsa buxus 35 intervenit in formas mille discripta, litteris interdum, quae modo nomen domini dicunt, modo artificis. Alternis metulae surgunt, alternis inserta sunt poma, et in opere urbanissimo subita velut inlati ruris imitatio. Medium

30 spatium brevioribus utrimque platanis adornatur. Post 36 has acanthus hinc inde lubricus et flexuosus, deinde plures figurae pluraque nomina. In capite stibadium candido marmore vite protegitur; vitem quattuor columellae Carystiae subeunt. Ex stibadio aqua velut

17 hic *Fpra*, *Otto 302*, *om. cett.* 26 descr. *MFpra*, *K. I*; ad *II 6. 2.* — litteris *Fpra*, *Otto 302*, litteras *MD*, *K.*

expressa cubantium pondere sipunculis effluit, cavato lapide suscipitur, gracili marmore continetur atque  
 37 ita occulte temperatur, ut impleat nec redundet. Gustatorium graviorque cena margini inponitur, levior navi-  
 cularum et avium figuris innatans circumit. Contra 5  
 fons egerit aquam et recipit; nam expulsa in altum  
 in se cadit iunctisque hiatibus et absorbetur et tollitur.  
 E regione stibadii adversum cubiculum tantum stibadio  
 38 reddit ornatus, quantum accipit ab illo. Marmore  
 splendet, valvis in viridia prominet et exit, alia viridia 10  
 superioribus inferioribusque fenestris suspicit despicit-  
 que. Mox zothecula refugit quasi in cubiculum idem  
 atque aliud. Lectus hic et undique fenestrae, et tamen  
 39 lumen obscurum umbra premente. Nam laetissima  
 vitis per omne tectum in culmen nititur et ascendit. 15  
 Non secus ibi quam in nemore iaceas, imbrem tantum  
 40 tamquam in nemore non sentias. Hic quoque fons  
 nascitur simulque subducitur. Sunt locis pluribus  
 disposita sedilia e marmore, quae ambulatione fessos  
 ut cubiculum ipsum iuvant. Fonticuli sedilibus adia- 20  
 cent; per totum hippodromum inducti fistulis strepunt  
 rivi et, qua manus duxit, secuntur. His nunc illa  
 viridia, nunc haec, interdum simul omnia lavantur.

Vitassem iam dudum, ne viderer argutior, nisi  
 proposuissem omnis angulos tecum epistula circumire. 25  
 41 Neque enim verebar, ne laboriosum esset legenti tibi,  
 quod visenti non fuisset, praesertim cum interquiescere,  
 si liberet, depositaque epistula quasi residere saepius  
 posses. Praeterea indulsi amoris meo; amo enim, quae  
 maxima ex parte ipse inchoavi aut inchoata percolui. 30  
 42 In summa (cur enim non aperiam tibi vel iudicium  
 meum vel errorem?) primum ego officium scriptoris  
 existimo, ut titulum suum legat atque identidem inter-  
 roget se, quid coeperit scribere, sciatque, si materiae

4 *navic. v. p. 77. 20.* 11 *suscepit MFD, K. I — dispic. K. I.*  
 23 *iuvantur Fa (laetantur p, all. edd.). Cf. VII.9. 11 v. 6, al.*  
 25 *omnis FD, omnes vulg. Ad p. 17. 28.*

immoratur, non esse longum, longissimum, si aliquid accersit atque attrahit. Vides, quot versibus Homerus, 43 quot Vergilius arma, hic Aeneae, Achilles ille, describat; brevis tamen uterque est, quia facit, quod instituit. Vides, ut Aratus minutissima etiam sidera con- 5 sectetur et colligat; modum tamen servat. Non enim excursus hic eius, sed opus ipsum est. Similiter nos, 44 ut parva magnis, cum totam villam oculis tuis subicere conamur, si nihil inductum et quasi devium lo- 10 quimur, non epistula, quae describit, sed villa, quae describitur, magna est.

Verum illuc, unde coepi, ne secundum legem meam iure reprehendar, si longior fuero in hoc, in quod excessi. Habes causas, cur ego Tuscos meos 45 15 Tusculanis, Tiburtinis Praenestinisque meis praeponam. Nam super illa, quae rettuli, altius ibi otium et pinguius eoque securius; nulla necessitas togae, nemo accersitor ex proximo; placida omnia et quiescentia, quod ipsum salubritati regionis ut purius caelum, ut aër 20 liquidior accedit. Ibi animo, ibi corpore maxime valeo. Nam studiis animum, venatu corpus exerceo. Mei quoque nusquam salubrius degunt; usque adhuc 46 certe neminem ex iis, quos eduxeram mecum, (venia sit dicto) ibi amisi. Di modo in posterum hoc mihi 25 gaudium, hanc gloriam loco servent. Vale.

## VII.

C. PLINIUS CALVISIO SUO S.

Nec heredem institui nec praecipere posse rem 1 publicam constat; Saturninus autem, qui nos reliquit 30 heredes, quadrantem rei publicae nostrae, deinde pro quadrante praeceptionem quadringentorum milium dedit. Hoc, si ius aspicias, inritum, si defuncti voluntatem,

2 accers. *F* 5 a, accessit *D* r, accersit *p*, arcess. *M*, *K*.  
*Ad p.* 13. 18. 15 meis *add. F* pra, praenestinis meis 5,  
*Otto* 302, Praenestinisque *M D*, *K*. 17 accersitor *M F* r a,  
*K. I*, accersitur *p*, arcessitor *D*, *K. II*. *Ad p.* 13. 18.



2 ratum et firmum est. Mihi autem defuncti voluntas  
 (vereor, quam in partem iuris consulti, quod sum  
 dicturus, accipiant) antiquior iure est, utique in eo,  
 3 quod ad communem patriam voluit pervenire. An, cui  
 de meo sestertium sedecies contuli, huic quadringen- 5  
 torum milium paulo amplius tertiam partem ex ad-  
 venticio denegem? Scio te quoque a iudicio meo non  
 abhorrere, cum eandem rem publicam ut civis opti-  
 4 mus diligas. Velim ergo, cum proxime decuriones  
 contrahentur, quid sit iuris, indices, parce tamen et 10  
 modeste; deinde subiungas nos quadringenta milia  
 offerre, sicut praeceperit Saturninus. Illius hoc munus,  
 illius liberalitas; nostrum tantum obsequium vocetur.  
 5 Haec ego scribere publice supersedi, primum quod  
 memineram pro necessitudine amicitiae nostrae, pro 15  
 facultate prudentiae tuae et debere te et posse per-  
 inde meis ac tuis partibus fungi, deinde quia verebar,  
 ne modum, quem tibi in sermone custodire facile est,  
 6 tenuisse in epistula non viderer. Nam sermonem vul-  
 tus, gestus, vox ipsa moderatur, epistula omnibus com- 20  
 mendationibus destituta malignitati interpretantium ex-  
 ponitur. Vale.

## VIII.

C. PLINIUS TITINIO CAPITONI SUO S.

1 Suades, ut historiam scribam, et suades non solus; 25  
 multi hoc me saepe monuerunt, et ego volo, non quia  
 commode facturum esse confidam (id enim temere cre-  
 das nisi expertus), sed quia mihi pulchrum in primis  
 videtur non pati occidere, quibus aeternitas debeatur,  
 2 aliorumque famam cum sua extendere. Me autem nihil 30  
 aequae ac diuturnitatis amor et cupido sollicitat, res ho-  
 mine dignissima, eo praesertim, qui nullius sibi con-  
 scius culpa posteritatis memoriam non reformidet.  
 3 Itaque diebus ac noctibus cogito, si 'qua me quo-

5 sedecies *Ma*, *K. II*, his edecies *D*, his adiiciens *pr*, sex  
 decies adiiciens *S*, [se]decies *K. I*. 34 *Verg.* *G. III* 8.

que possim tollere humo'; id enim voto meo sufficit, illud supra votum 'victorque virum volitare per ora'. — 'Quamquam o!' sed hoc satis est, quod prope sola historia polliceri videtur. Orationi enim 4  
 5 et carmini parva gratia, nisi eloquentia est summa, historia quoquo modo scripta delectat. Sunt enim homines natura curiosi et quamlibet nuda rerum cognitione capiuntur, ut qui sermunculis etiam fabellisque ducantur. Me vero ad hoc studium impellit domesticum quoque exemplum. Avunculus meus idemque per 5  
 adoptionem pater historias et quidem religiosissime scripsit. Invenio autem apud sapientis honestissimum esse maiorum vestigia sequi, si modo recto itinere praecesserint. Cur ergo cunctor? Egi magnas et gra- 6  
 15 ves causas. Has, etiamsi mihi tenuis ex his spes, destino retractare, ne tantus ille labor meus, nisi hoc, quod reliquum est studii, addidero, mecum pariter interciderat. Nam, si rationem posteritatis habeas, quid- 7  
 20 'Potes simul et rescribere actiones et componere historiam.' Utinam! sed utrumque tam magnum est, ut abunde sit alterum efficere. Unodevicensimo aetatis 8  
 anno dicere in foro coepi et nunc demum, quid praestare debeat orator, adhuc tamen per caliginem video. 9  
 25 Quid, si huic oneri novum accesserit? Habet quidem oratio et historia multa communia, sed plura diversa in his ipsis, quae communia videntur. Narrat illa, narrat haec, sed aliter; huic pleraque humilia et sordida et ex medio petita, illi omnia recondita, splendida, ex- 10  
 30 celsa conveniunt; hanc saepius ossa, muscoli, nervi, illam tori quidam et quasi iubae decent; haec vel maxime vi, amaritudine, instantia, illa tractu et suavitate atque etiam dulcedine placet; postremo alia verba, alius sonus, alia constructio. Nam plurimum refert, ut 11

2 Verg. G. III 9. 3 Aen. V 195. 12 sapientia Mpr., K. I., sapientes K. II. Ad p. 17. 28.

- Thucydides ait, 'κτῆμα' sit an 'ἀγώνισμα'; quorum alterum oratio, alterum historia est. His ex causis non adducor, ut duo dissimilia et hoc ipso diversa, quod maxima confundam misceamque, ne tanta quasi colluvione turbatus ibi faciam, quod hic debeo; ideoque interim veniam, ne a forensibus verbis recedam, 5  
 12 advocandi peto. Tu tamen iam nunc cogita, quae potissimum tempora aggrediar. Vetera et scripta aliis? Parata inquisitio, sed onerosa collatio. Intacta et nova?  
 13 Graves offensae, levis gratia. Nam praeter id, quod in 10 tantis vitiis hominum plura culpanda sunt quam laudanda, tum, si laudaveris, parcus, si culpaveris, nimius fuisse dicaris, quamvis illud plenissime, hoc restrictis  
 14 sime feceris. Sed haec me non retardant; est enim mihi pro fide satis animi. Illud peto, praesternas, ad 15 quod hortaris, eligasque materiam, ne mihi iam scribere parato alia rursus cunctationis et morae iusta ratio nascatur. Vale.

## IX. [XXI.]

C. PLINIUS SEMPRONIO RUFO SUO S.

20

- 1 Descenderam in basilicam Iuliam auditurus, quibus  
 2 proxima comperendinatione respondere debebam. Sedebant iudices, decemviri venerant, observabantur advocati, silentium longum, tandem a praetore nuntius. Dimittuntur centumviri, eximitur dies me gaudentē, 25 qui numquam ita paratus sum, ut non mora laeter.  
 3 Causa dilationis Nepos praetor, qui legibus quaerit. Proposuerat breve edictum, admonebat accusatores, admonebat reos exsecuturum se, quae senatus consulto  
 4 continerentur. Suberat edicto senatus consultum hoc: 30

1 *Thuc. I 22.* 2 His ex *Ma, K. II* (sic semper *Plin.*), Ex his *Dpr 5, K. I.* 6 forensibus *Dpra, Otto 302, meis M, K. 8 aggrediamur Dps.* 10 gravis ex uno *MK. I ut VIII 21. 5 sodalis.* 20 SEMPRONIO ex *Ridd. add. Havet. 254.* 30 *sen. cons. hoc: omnes scr., sen. cons.: hoc omnes edd.*

omnes, qui quid negotii haberent, iurare, prius quam agerent, iuebantur nihil se ob advocacionem cuiquam dedisse, promisisse, cavisse. His enim verbis ac mille praeterea et venire advocaciones et emi vetabantur. 5 Peractis tamen negotiis mittebatur pecuniam dumtaxat decem milium dare. Hoc facto Nepotis commotus praetor, qui centumviralibus praesidet, deliberaturus, an sequeretur exemplum, inopinatum nobis otium dedit. Interim tota civitate Nepotis edictum carpitur, 6 laudatur. Multi: 'Invenimus, qui curva corrigeret. Quid? ante hunc praetores non fuerunt? quis autem hic est, qui emendet publicos mores?' Alii contra: 'Rectissime fecit; initurus magistratum iura cognovit, senatus consulta legit, reprimat foedissimas pactiones, 15 rem pulcherrimam turpissime venire non patitur.' Tales 7 ubique sermones; qui tamen alterutram in partem ex eventu praevalerunt. Est omnino iniquum, sed usu receptum, quod honesta consilia vel turpia, prout male aut prospere cedunt, ita vel probantur vel reprehenduntur. 20 Inde plerumque eadem facta modo diligentiae, modo vanitatis, modo libertatis, modo furoris nomen accipiunt. Vale.

## X. [XI.]

C. PLINIUS SUETONIO TRANQUILLO SUO S.

25 Libera tandem hendecasyllaborum meorum fidem, 1 qui scripta tua communibus amicis sponderunt. Appellantur cotidie, efflagitantur, ac iam periculum est, ne cogantur ad exhibendum formulam accipere. Sum et ipse in edendo haesitator, tu tamen meam 2 quoque cunctationem tarditatemque vicisti. Proinde 30 aut rumpe iam moras aut cave, ne eosdem istos libellos, quos tibi hendecasyllabi nostri blanditiis eli-

1 qui quid negotii haberent *a*, *K. II* (*disp. II 12*), quisquis negotium haberet *Dpr*, *K. I.* 7 praesidet *Dpra*, *K. II*, praesidebat *M*, *K. I.* 17 iniquom *r*, *K. I.*, iniquom *M*; cf. *p. 128. 5, VI 5. 1, VIII 14. 14, IX 40 ex.* 27 efflagitantur *M*, *Stangl 675*, et efflag. *s*, et flag. *Dpra*, *K.*

3 cere non possunt, convicio scazontes extorqueant. Perfectum opus absolutumque est nec iam splendet lima, sed atteritur. Patere me videre titulum tuum, patere audire describi, legi, venire volumina Tranquilli mei. Aequum est nos in amore tam mutuo eandem 5 percipere ex te voluptatem, qua tu perfrueris ex nobis. Vale.

## XI. [XII.]

C. PLINIUS CALPURNIO FABATO PROSOCERO SUO S.

1 Recepi litteras tuas, ex quibus cognovi te specio- 10  
sissimam porticum sub tuo filiique tui nomine dedicasse, sequenti die in portarum ornatum pecuniam promississe, ut initium novae liberalitatis esset consumma-  
2 tio prioris. Gaudeo primum tua gloria, cuius ad me  
pars aliqua pro necessitudine nostra redundat, deinde 15  
quod memoriam soceri mei pulcherrimis operibus video proferri, postremo quod patria nostra florescit, quam mihi a quocumque excoli iucundum, a te vero  
3 laetissimum est. Quod superest, deos precor, ut animum istum tibi, animo isti tempus quam longissimum 20  
tribuant. Nam liquet mihi futurum ut peracto, quod proxime promisisti, inchoes aliud. Nescit enim semel incitata liberalitas stare, cuius pulchritudinem usus ipse commendat. Vale.

## XII. [XIII.]

25

C. PLINIUS TERENCE SCAURO SUO S.

1 Recitaturus oratiunculam, quam publicare cogito, advocavi aliquos, ut vererem, paucos, ut verum audirem. Nam mihi duplex ratio recitandi, una, ut sollicitudine intendam, altera, ut admoneam, si quid forte me ut 30  
2 meum fallit. Tuli, quod petebam, inveni, qui mihi copiam consilii sui facerent. Ipse praeterea quaedam emendanda adnotavi. Emendavi librum, quem misi

<sup>5</sup> *aequum K.I., aequum M.*      28 *revererem M., K.I ut p. 95. 27.*

tibi. Materiam ex titulo cognosces, cetera liber expli- 3  
cabit, quem iam nunc oportet ita consuescere, ut sine  
præfatione intellegatur. Tu velim quid de universo, 4  
quid de partibus sentias scribas mihi. Ero enim vel  
5 cautior in continendo vel constantior in edendo, si huc  
vel illuc auctoritas tua accesserit. Vale.

## XIII. [XIV.]

C. PLINIUS VALERIANO SUO S.

Et tu rogas, et ego promisi, si rogasses, scripturum 1  
10 me tibi, quem habuisset eventum postulatio Nepotis  
circa Tusculium Nominatum. Inductus est Nominatus,  
egit ipse pro se nullo accusante. Etenim legati Vi-  
ceturorum non modo non presserunt eum, verum etiam  
sublevaverunt. Summa defensionis, non fidem sibi in 2  
15 advocacy, sed constantiam defuisse; descendisse ut  
acturum atque etiam in curia visum, deinde sermoni-  
bus amicorum perterritum recessisse; monitum enim,  
ne desiderio senatoris non iam quasi de nundinis, sed  
quasi de gratia, fama, dignitate certantis tam pertina-  
20 citer, praesertim in senatu, repugnaret alioqui maiorem  
invidiam quam proxime passurus. Erat sane prius, a 3  
paucis tamen adclamatum exeunti. Subiunxit preces  
multumque lacrimarum; quin etiam tota actione homo  
in dicendo exercitatus operam dedit, ut deprecari  
25 magis (id enim et favorabilius et tutius) quam defendi  
videretur. Absolutus est sententia designati consulis 4  
Afrani Dextri, cuius haec summa, melius quidem  
Nominatum fuisse facturum, si causam Viceturorum  
eodem animo, quo susceperat, pertulisset; quia tamen  
30 in hoc genus culpae non fraude incidisset nihilque  
dignum animadversione admisisse convinceretur, libe-  
randum, ita ut Vicetinis, quod acceperat, redderet.

12 Etenim *Dpra*, Otto 302, Nam *M*, *K*. 14 sublevave-  
runt *Dpra*, sublevarunt *M*, *K*. 21 passurus *Dpra*, Otto  
302sq., passurum *M*, *K*.

5 Adsenserunt omnes praeter Flavium Aprum. Is interdendum ei advocationibus in quinquennium censuit et, quamvis neminem auctoritate traxisset, constanter in sententia mansit; quin etiam Dextrum, qui primus diversum censuerat, prolata lege de senatu habendo 5  
 6 iurare coëgit e re publica esse, quod censuisset. Cui quamquam legitimae postulationi a quibusdam reclamatum est. Exprobrare enim censi ambitionem videbatur. Sed, prius quam sententiae dicerentur, Nigrinus, tribunus plebis, recitavit libellum disertum 10 et gravem, quo questus est venire advocationes, venire etiam praevaricationes, in lites coiri, et gloriae loco  
 7 poni ex spoliis civium magnos et statos redditus. Recitavit capita legum, admonuit senatus consultorum, in fine dixit petendum ab optimo principe, ut, quia 15  
 8 leges, quia senatus consulta contemnerentur, ipse tantis vitiis mederetur. Pauci dies, et liber principis severus et tamen moderatus; leges ipsum; est in publicis actis. Quam me iuvat, quod in causis agendis non modo pactione, dono, munere, verum etiam xeniis 20  
 9 semper abstinui! Oportet quidem, quae sunt inhonesta, non quasi illicita, sed quasi pudenda vitare; iucundum tamen, si prohiberi publice videas, quod numquam  
 10 tibi ipse permiseris. Erit fortasse, immo non dubie huius propositi mei et minor laus et obscurior fama, 25 cum omnes ex necessitate facient, quod ego sponte faciebam. Interim fruor voluptate, cum alii divinum me, alii meis rapinis, meae avaritiae occursum per ludum ac iocum dictitant. Vale.

## XIV. [XV.]

30

C. PLINIUS PONTIO ALLIFANO SUO S.

1 Secesseram in municipium, cum mihi nuntiatum est Cornutum Tertullum accepisse Aemiliae viae curam.

*1 Flavium a, Momms. ind. K. p. 411, Otto 303, Fabium M, K., praeter lacrimis interd. Dp., 'ortum ex fl. aprum' Momms. 31 Allifano add. ex Ricc.*

Exprimere non possum, quanto sim gaudio adfectus 2  
 et ipsius et meo nomine, ipsius, quod, sit licet, sicut  
 est, ab omni ambitione longe remotus, debet tamen ei  
 iucundus honor esse ultro datus, meo, quod aliquanto  
 5 magis me delectat mandatum mihi officium, postquam  
 par Cornuto datum video. Neque enim augeri digni- 3  
 tate quam aequari bonis gratius. Cornuto autem quid  
 melius, quid sanctius, quid in omni genere laudis ad  
 exemplar antiquitatis expressius? quod mihi cogni-  
 10 tum est non fama, qua alioqui optima et meritissima  
 fruitur, sed longis magnisque experimentis. Una dili- 4  
 gimus, una dileximus omnes fere, quos aetas nostra  
 in utroque sexu aemulandos tulit; quae societas ami-  
 citiarum artissima nos familiaritate coniunxit. Acces- 5  
 15 sit vinculum necessitudinis publicae. Idem enim mihi,  
 ut scis, collega quasi voto petitus in praefectura  
 aerarii fuit, fuit et in consulatu. Tum ego, qui vir  
 et quantus esset, altissime inspexi, cum sequerer ut  
 magistrum, ut parentem vererer, quod non tam aetatis  
 20 maturitate quam vitae merebatur. His ex causis ut 6  
 illi sic mihi gratulor nec privatim magis quam publice,  
 quod tandem homines non ad pericula ut prius, verum  
 ad honores virtute perveniunt. In infinitum epistu- 7  
 lam extendam, si gaudio meo indulgeam. Praevertor  
 25 ad ea, quae me agentem hic nuntius deprehendit.

Eram cum prosocero meo, eram cum amita uxoris, 8  
 eram cum amicis diu desideratis, circumibam agellos,  
 audiebam multum rusticarum querellarum, rationes  
 legebam invitus et cursim (aliis enim chartis, aliis  
 30 sum litteris initiatus), coeperam etiam itineri me prae-  
 parare. Nam includor angustiis commeatus eoque 9  
 ipso, quod delegatum Cornuto audio officium, mei ad-  
 moneor. Cupio te quoque sub idem tempus Campania  
 tua remittat, ne quis, cum in urbem rediero, contu-  
 35 bernio nostro dies pereat. Vale.



## XV. [X.]

C. PLINIUS ARRIO ANTONINO SUO S.

- 1 Cum versus tuos aemulor, tum maxime, quam sint  
boni, experior. Ut enim pictores pulchram absolutam-  
que faciem raro nisi in peius effingunt, ita ego ab 5  
2 hoc archetypo labor et decido. Quo magis hortor, ut  
quam plurima proferas, quae imitari omnes concu-  
piscant, nemo aut paucissimi possint. Vale.

## XVI.

C. PLINIUS AEFULANO MARCELLINO SUO S.

10

- 1 Tristissimus haec tibi scribo Fundani nostri filia  
minore defuncta, qua puella nihil umquam festivius,  
amabilius nec modo longiore vita, sed prope immorta-  
2 litate dignius vidi. Nondum annos quattuordecim im-  
pleverat, et iam illi anilis prudentia, matronalis gra- 15  
vitas erat et tamen suavis puellaris cum virginali  
3 verecundia. Ut illa patris cervicibus inhaerebat! ut  
nos amicos paternos et amanter et modeste com-  
plectebatur! ut nutrices, ut paedagogos, ut praecepto-  
res pro suo quemque officio diligebat! quam studiose, 20  
quam intellegenter lectitabat! ut parce custoditeque  
ludebat! Qua illa temperantia, qua patientia, qua etiam  
4 constantia novissimam valetudinem tulit! Medicis ob-  
sequebatur, sororem, patrem adhortabatur ipsamque se  
destitutam corporis viribus vigore animi sustinebat. 25  
5 Duravit hic illi usque ad extremum nec aut spatio  
valetudinis aut metu mortis infractus est, quo plures  
gravioresque nobis causas relinqueret et desiderii et  
6 doloris. O triste plane acerbumque funus! o morte  
ipsa mortis tempus indignius! iam destinata erat 30  
egregio juveni, iam electus nuptiarum dies, iam nos  
7 vocati. Quod gaudium quo maerore mutatum est! Non  
possum exprimere verbis, quantum animo vulnus ac-  
ceperim, cum audiavi Fundanum ipsum, ut multa lu-

ctuosa dolor invenit, praecipientem, quod in vestes,  
 margaritas, gemmas fuerat erogaturus, hoc in tura et  
 unguenta et odores inpenderetur. Est quidem ille 8  
 eruditus et sapiens, ut qui se ab ineunte aetate alti-  
 5 oribus studiis artibusque dediderit, sed nunc omnia,  
 quae audiit saepe, quae dixit, aspernatur expulsisque  
 virtutibus aliis pietatis est totus. Ignosces, laudabis 9  
 etiam, si cogitaveris, quid amiserit. Amisit enim  
 filiam, quae non minus mores eius quam os vultum-  
 10 que referebat totumque patrem mira similitudine ex-  
 scripserat. Proinde, si quas ad eum de dolore tam 10  
 iusto litteras mittes, memento adhibere solacium non  
 quasi castigatorium et nimis forte, sed molle et hu-  
 manum. Quod ut facilius admittat, multum faciet  
 15 medii temporis spatium. Ut enim crudum adhuc vul- 11  
 nus medentium manus reformidat, deinde patitur at-  
 que ultro requirit, sic recens animi dolor consolationes  
 reicit ac refugit, mox desiderat et clementer admotis  
 adquiescit. Vale.

20

## XVII.

C. PLINIUS VESTRICIO SPURINNAE SUO S.

Scio, quanto opere bonis artibus faveas, quantum 1  
 gaudium capias, si nobiles iuvenes dignum aliquid  
 maioribus suis faciant. Quo festinantius nuntio tibi  
 25 fuisse me hodie in auditorio Calpurni Pisonis. Recitabat 2  
*καταστροφισμῶν* eruditam sane luculentamque materiam.  
 Scripta elegis erat fluentibus et teneris et enodibus,  
 sublimibus etiam, ut poposcit locus. Apte enim et  
 varie nunc attollebatur, nunc residebat; excelsa de-  
 30 pressis, exilia plenis, severis iucunda mutabat, omnia  
 ingenio pari. Commendabat haec voce suavissima, 3  
 vocem verecundia; multum sanguinis, multum sollici-  
 tudinis in ore, magna ornamenta recitantis. Etenim

2 margaritas *Dpra*, *Otto* 303, margarita *M*, *K*. — tura  
*Dpra*, *Otto*, tus *M*, *K*. 21 VESTRICIO ex *Ricc.* add.  
 22 quantopere *pr*; ad p. 7. 17.

nescio quo pacto magis in studiis homines timor quam  
 4 fiducia decet. Ne plura (quamquam libet plura, quo  
 sunt pulchriora de iuvene, rariora de nobili), recitatione  
 finita multum ac diu exosculatus adulescentem, qui  
 est acerrimus stimulus monendi, laudibus incitavi, 5  
 pergeret, qua coepisset, lumenque, quod sibi maiores  
 5 sui praetulissent, posteris ipse praeferret. Gratulatus  
 sum optimae matri, gratulatus et fratri, qui ex audi-  
 torio illo non minorem pietatis gloriam quam ille alter  
 eloquentiae tulit; tam notabiliter pro fratre recitante 10  
 primum metus eius, mox gaudium eminuit.

6 Di faciant, ut talia tibi saepius nuntiem! Faveo  
 enim saeculo, ne sit sterile et effetum, mireque cupio,  
 ne nobiles nostri nihil in domibus suis pulchrum nisi  
 imagines habeant; quae nunc mihi hos adulescentes 15  
 tacite laudare, adhortari et, quod amborum gloriae  
 satis magnum est, agnoscere videntur. Vale.

## XVIII.

C. PLINIUS CALPURNIO MACRO SUO S.

1 Bene est mihi, quia tibi bene est. Habes uxorem 20  
 tecum, habes filium; frueris mari, fontibus, viridibus,  
 agro, villa amoenissima. Neque enim dubito esse  
 amoenissimam, in qua se composuerat homo felicior,  
 2 ante quam felicissimus fieret. Ego in Tuscis et venor  
 et studeo, quae interdum alternis, interdum simul fa- 25  
 cio, nec tamen adhuc possum pronuntiare, utrum sit  
 difficilius capere aliquid an scribere. Vale.

## XIX.

C. PLINIUS VALERIO PAULINO SUO S.

1 Video, quam molliter tuos habeas; quo simplicius 30  
 2 tibi confitebor, qua indulgentia meos tractem. Est  
 mihi semper in animo et Homericum illud  $\epsilon\pi\alpha\tau\eta\rho$

12 Dii ex *Mpra K.I. Ad VI 25.5, p. 59. 20.* 17 ad cognosc.  
*D, id. cogn. p.* 29 VALERIO ex *Ricc. add.* 32 *Hom.*  
*B 47, 234.*

δ' ὧς ἡπιος ἦεν' et hoc nostrum 'pater familiae'.  
 Quod si essem natura asperior et durior, frangeret  
 me tamen infirmitas liberti mei Zosimi, cui tanto  
 maior humanitas exhibenda est, quanto nunc illa magis  
 5 eget. Homo probus, officiosus, litteratus; et ars qui-  
 dem eius et quasi inscriptio comoedus, in qua pluri-  
 mum facit. Nam pronuntiat acriter, sapienter, apte,  
 decenter etiam; utitur et cithara perite, ultra quam  
 comoedo necesse est. Idem tam commode et orationes  
 10 et historias et carmina legit, ut hoc solum didicisse  
 videatur.

Haec tibi sedulo exposui, quo magis scires, quam 4  
 multa unus mihi et quam iucunda ministeria prae-  
 staret. Accedit longa iam caritas hominis, quam ipsa  
 15 pericula auxerunt. Est enim ita natura comparatum, 5  
 ut nihil aequè amorem incitet et accendat quam ca-  
 rendi metus; quem ego pro hoc non semel patior. Nam 6  
 ante aliquot annos, dum intente instanterque pronun-  
 tiat, sanguinem reiecit atque ob hoc in Aegyptum  
 20 missus a me post longam peregrinationem confirmatus  
 rediit nuper; deinde, dum per continuos dies nimis  
 imperat voci, veteris infirmitatis tussicula admonitus  
 rursus sanguinem reddidit. Qua ex causa destinavi 7  
 eum mittere in praedia tua, quae Foro Iuli possides.  
 25 Audiui enim te saepe referentem esse ibi et aëra  
 salubrem et lac eiusmodi curationibus accommodatissi-  
 mum. Rogo ergo, scribas tuis, ut illi villa, ut domus 8  
 pateat, offerant etiam, sumptibus eius si quid opus  
 erit; erit autem opus modico. Est enim tam parcus 9  
 30 et continens, ut non solum delicias, verum etiam ne-  
 cessitates valetudinis frugalitate restringat. Ego pro-  
 ficiscenti tantum viatici dabo, quantum sufficiat eunti  
 in tua. Vale.

## XX.

C. PLINIUS CORNELIO URSO SUO S.

1 Iterum Bithyni! breve tempus a Iulio Basso, et  
 Rufum Varenum proconsulem detulerunt, Varenum,  
 quem nuper adversus Bassum advocatum et postularant 5  
 2 et acceperant. Inducti in senatum inquisitionem postu-  
 laverunt. Varenus petiit, ut sibi quoque defensionis  
 causa evocare testes liceret; recusantibus Bithynis  
 cognitio suscepta est. Egi pro Vareno non sine  
 3 eventu; nam, bene an male, liber indicabit. In acti- 10  
 onibus enim utramque in partem fortuna dominatur;  
 multum commendationis et detrahit et adfert memoria,  
 vox, gestus, tempus ipsum, postremo vel amor vel  
 odium rei; liber offensis, liber gratia, liber et secundis  
 4 casibus et adversis caret. Respondit mihi Fonteius 15  
 Magnus, unus ex Bithynis, plurimis verbis, paucissimis  
 rebus. Est plerisque Graecorum ut illi pro copia vo-  
 lubilitas; tam longas tamque frigidas periodos uno  
 5 spiritu quasi torrente contorquent. Itaque Iulius Can-  
 didus non invenuste solet dicere aliud esse eloquen- 20  
 tiam, aliud loquentiam. Nam eloquentia vix uni aut  
 alteri, immo, si M. Antonio credimus, nemini, haec  
 vero, quam Candidus loquentiam appellat, multis atque  
 6 etiam impudentissimo cuique maxime contigit. Postero  
 die dixit pro Vareno Homullus callide, acriter, culte, 25  
 contra Nigrinus presse, graviter, ornate. Censuit  
 Acilius Rufus, consul designatus, inquisitionem Bithynis  
 7 dandam, postulationem Vareni silentio praeteriit. Haec  
 forma negandi fuit. Cornelius Priscus consularis et  
 accusatoribus, quae petebant, et reo tribuit vicitque 30  
 numero. Impetravimus rem nec lege comprehensam  
 8 nec satis usitatam, iustam tamen. Quare iustam, non

2 Cornelio *ex Ricc. add.* 3 Iterum Bithyni breve t. a I.  
 Basso etiam Ruf. *Catan., K.I.* 7 petit *MDpra., K.I.* *Ad*  
*p. 46. 6.* — sibi undique *M.*, invicem v. utique *coni.* *Stangl 676.*  
*18 perihodos M., K.I.*

sum epistula exsecuturus, ut desideres actionem. Nam, si verum est Homericum illud:

‘τὴν γὰρ αἰοιδὴν μᾶλλον ἐπικλείουσ’ ἄνθρωποι,  
ἢ τις ἀκούοντεςσι νεωτάτῃ ἀμφιπέληται,’

- 5 providendum est mihi, ne gratiam novitatis et florem, quae oratiunculam illam vel maxime commendat, epistulae loquacitate praecerpam. Vale.

## XXI. [IX.]

C. PLINIUS POMPEIO SATURNINO SUO S.

- 10 Varie me adfecerunt litterae tuae; nam partim 1  
laeta, partim tristia continebant, laeta, quod te in urbe  
teneri nuntiabant (‘Nollem’ inquis, ‘sed ego volo’),  
praeterea quod recitaturum, statim ut venissem, polli-  
cebantur. Ago gratias, quod expector. Triste illud, 2  
15 quod Iulius Valens graviter iacet; quamquam ne hoc  
quidem triste, si illius utilitatibus aestimetur, cuius  
interest quam maturissime inexplicabili morbo liberari.  
Illud plane non triste solum, verum etiam luctuosum, 3  
quod Iulius Avitus decessit, dum ex quaestura redit,  
20 decessit in navi, procul a fratre amantissimo, procul  
a matre, a sororibus. Nihil ista ad mortuum perti- 4  
nent, sed pertinuerunt, cum moreretur, pertinent ad  
hos, qui supersunt; iam quod in flore primo tantae  
indolis iuvenis extinctus est summa consecuturus, si  
25 virtutes eius maturuissent. Quo ille studiorum amore 5  
flagrabat! quantum legit, quantum etiam scripsit! quae  
nunc omnia cum ipso sine fructu posteritatis abierunt.  
Sed quid ego indulgeo dolori? cui si frenos remittas, 6  
nulla materia non maxima est. Finem epistulae faciam,  
30 ut facere possim etiam lacrimis, quas epistula ex-  
pressit. Vale.

3 *Hom.* α 351.

*Av. K. disp.* II 10.

9 POMPEIO *add. ex Ricc.* 19 Iunius  
priori loco in fine paginae scripto et deleto, Stangl. 668 sq.  
*cf. VI 6. 1, VII 6. 1.*

C. PLINI CAECILI SECUNDI  
EPISTULARUM

LIBER SEXTUS.

I.

C. PLINIUS TIRONI SUO S.

5

- 1 Quam diu ego trans Padum, tu in Piceno, minus  
te requirebam; postquam ego in urbe, tu adhuc in  
Piceno, multo magis, seu quod ipsa loca, in quibus  
esse una solemus, acrius me tui commonent, seu quod  
desiderium absentium nihil perinde ac vicinitas acuit, 10  
quoque propius accesseris ad spem fruendi, hoc impa-  
2 tientius careas. Quidquid in causa, eripe me huic  
tormento; veni, aut ego illuc, unde inconsulte prope-  
ravi, revertar vel ob hoc solum, ut experiar, an mihi,  
cum sine me Romae coeperis esse, similes his epistu- 15  
las mittas. Vale.

II.

C. PLINIUS ARIANO SUO S.

- 1 Soleo non numquam in iudiciis quaerere M. Re-  
2 gulum, nolo enim dicere desiderare. Cur ergo quaero? 20  
Habebat studiis honorem, timebat, pallebat, scribebat,  
quamvis non posset ediscere. Illud ipsum, quod oculum  
modo dextrum, modo sinistrum circumlinebat, dextrum,  
si a petitore, alterum, si a possessore esset acturus, quod  
candidum splenium in hoc aut in illud supercilium 25  
transferebat, quod semper haruspices consulebat de  
actionis eventu, a nimia superstitione, sed tamen et a  
3 magno studiorum honore veniebat. Iam illa perquam  
iucunda una dicentibus, quod libera tempora petebat,  
quod audituros corrogabat. Quid enim iucundius quam 30

25 *alt. in om. Dpra.*

sub alterius invidia, quam diu velis, et in alieno auditorio quasi deprehensum commode dicere? Sed ut-  
 4 cumque se habent ista, bene fecit Regulus, quod est mortuus, melius, si ante. Nunc enim sane poterat  
 5 sine malo publico vivere sub eo principe, sub quo nocere non poterat. Ideo fas est non numquam eum quaerere. Nam, postquam obiit ille, increbruit passim et invaluit consuetudo binas vel singulas clepsydras, interdum etiam dimidias et dandi et petendi. Nam, 6  
 10 et qui dicunt, egisse malunt quam agere, et qui audiunt, finire quam iudicare. Tanta neglegentia, tanta desidia, tanta denique irreverentia studiorum periculorumque est. An nos sapientiores maioribus nostris, 6  
 15 nos legibus ipsis iustiores, quae tot horas, tot dies, tot comperendinationes largiuntur? hebetes illi et supra modum tardi, nos apertius dicimus, celerius intellegimus, religiosius iudicamus, quia paucioribus clepsyd-  
 20 ris praecipitamus causas, quam diebus explicari solebant? O Regule, qui ambitione ab omnibus obtinebas, 7  
 20 quod fidei paucissimi praestant! Equidem quotiens iudico, quod vel saepius facio, quam dico, quantum quis plurimum postulat aquae, do. Etenim temerarium existimo divinare, quam spatiosa sit causa inaudita, tempusque negotio finire, cuius modum ignores, 8  
 25 praesertim cum primam religioni suae iudex patientiam debeat, quae pars magna iustitiae est. At quaedam supervacua dicuntur. Etiam; sed satius est et haec dici quam non dici necessaria. Praeterea, an sint 9  
 30 supervacua, nisi cum audieris, scire non possis.  
 Sed de his melius coram ut de pluribus vitiis civi-  
 tatis. Nam tu quoque † amore communium soles emendari cupere, quae iam corrigere difficile est. Nunc respiciamus domos nostras. Ecquid omnia in tua 10  
 recte? in mea novi nihil. Mihi autem et gratiora sunt

19 opt. *M.*, *K. I* ut *I* 8. 6. 31 † add., *communium omnium coni. Momms.*, *communium morum coni. Gierig.*



bona, quod perseverant, et leviora incommoda, quod adsuevi. Vale.

## III.

C. PLINIUS VERO SUO S.

- 1 Gratias ago, quod agellum, quem nutrici meae 5  
donaveram, colendum suscepisti. Erat, cum donarem,  
centum milium nummum, postea descrescente reditu  
etiam pretium minuit, quod nunc te curante reparabit.
- 2 Tu modo memineris commendari tibi a me non ar-  
bores et terram, quamquam haec quoque, sed munus- 10  
culum meum; quod esse quam fructuosissimum non  
illius magis interest, quae accepit, quam mea, qui  
dedi. Vale.

## IV.

C. PLINIUS CALPURNIAE SUAE S.

15

- 1 Numquam sum magis de occupationibus meis  
questus, quae me non sunt passae aut proficiscentem  
te valetudinis causa in Campaniam prosequi aut pro-  
2 fectam e vestigio subsequi. Nunc enim praecipue  
simul esse cupiebam, ut oculis meis crederem, quid 20  
viribus, quid corpusculo adparares, ecquid denique  
secessus voluptates regionisque abundantiam inoffensa  
3 transmitteres. Equidem etiam fortem te non sine  
cura desiderarem; est enim suspensum et anxium de  
eo, quem ardentissime diligas, interdum nihil scire; 25  
4 nunc vero me cum absentiae tum infirmitatis tuae  
ratio incerta et varia sollicitudine exterret. Vereor  
omnia, imaginor omnia, quaeque natura metuentium  
est, ea maxime mihi, quae maxime abominor, fingo.
- 5 Quo inpensius rogo, ut timori meo cotidie singulis 30  
vel etiam binis epistulis consulas. Ero enim securior,  
dum lego, statimque timebo, cum legero. Vale.

---

18 valit. *M, K.I.*; ad p. 13. 26. 22 voluptatis *M, K.I.*;  
ad p. 17. 28. 28 metuentum *M, K.I.*

## V.

C. PLINIUS URSO SUO S.

Scripseram tenuisse Varenum, ut sibi evocare testes 1  
 liceret; quod pluribus æquum, quibusdam iniquum et  
 5 quidem pertinaciter visum, maxime Licinio Nepoti,  
 qui sequenti senatu, cum de rebus aliis referretur, de  
 proximo senatus consulto disseruit finitamque causam  
 retractavit. Addidit etiam petendum a consulibus, ut 2  
 referrent sub exemplo legis ambitus de lege repetun-  
 10 darum, an placeret in futurum ad eam legem adici,  
 ut, sicut accusatoribus inquirendi testibusque denun-  
 tiandi potestas ex ea lege esset, ita reis quoque fieret.  
 Fuerunt, quibus hæc eius oratio ut sera et intempe- 3  
 stiva et praepostera displiceret, quae omisso contra  
 15 dicendi tempore castigaret peractum, cui potuisset oc-  
 currere. Iuventius quidem Celsus praetor tamquam 4  
 emendatorem senatus et multis et vehementer increpuit.  
 Respondit Nepos rursusque Celsus; neuter contumeliis  
 temperavit. Nolo referre, quae dici ab ipsis moleste 5  
 20 tuli. Quo magis quosdam e numero nostro inprobavi,  
 qui modo ad Celsum, modo ad Nepotem, prout hic  
 vel ille diceret, cupiditate audiendi cursitabant et nunc,  
 quasi stimularent et accenderent, nunc, quasi recon-  
 ciliarent ac recomponerent, frequentius singulis, am-  
 25 bobus interdum propitium Caesarem ut in ludicio  
 aliquo precabantur. Mibi quidem illud etiam pera- 6  
 cerbum fuit, quod sunt alter alteri, quid pararent, in-  
 dicati. Nam et Celsus Nepoti ex libello respondit et  
 Celso Nepos ex pugillaribus. Tanta loquacitas ami- 7  
 30 corum, ut homines iurgaturi id ipsum invicem scierint,  
 tamquam convenisset. Vale.

4 æquom—iniquom (o *superscr.* v) *M*, *K.I*; *ad p.* 127. 17.  
 23 reconc. componerentque *Dpra*, *Otto* 303. 30 scirent  
*Dpa*, *Otto* 303.

## VI.

## C. PLINIUS FUNDANO SUO S.

- 1 Si quando, nunc praecipue cuperem esse te Romae,  
et sis rogo. Opus est mihi voti, laboris, sollicitudinis  
socio. Petit honores Iulius Naso, petit cum multis, 5  
cum bonis, quos ut gloriosum sic est difficile superare.
- 2 Pendeo ergo et exerceor spe, adficio metu et me  
consularem esse non sentio; nam rursus mihi videor  
3 omnium, quae decucurri, candidatus. Meretur hanc  
curam longa mei caritate. Est mihi cum illo non 10  
sane paterna amicitia (neque enim esse potuit per  
meam aetatem), solebat tamen vixdum adulescentulo  
mihi pater eius cum magna laude monstrari. Erat  
non studiorum tantum, verum etiam studiosorum  
amantissimus ac prope cotidie ad audiendos, quos 15  
tunc ego frequentabam, Quintilianum, Niceten Sacer-  
dotem ventitabat, vir alioqui clarus et gravis, et qui
- 4 prodesse filio memoria sui debeat. Sed multi nunc  
in senatu, quibus ignotus ille, multi, quibus notus,  
sed non nisi viventes reverentur. Quo magis huic 20  
omissa gloria patris, in qua magnum ornamentum,  
gratia infirma, ipsi enitendum, ipsi elaborandum est.
- 5 Quod quidem semper, quasi provideret hoc tempus,  
sedulo fecit; paravit amicos, quos paraverat, coluit,  
me certe, ut primum sibi iudicare permisit, ad amorem 25  
6 imitationemque delegit. Dicenti mihi sollicitus adsistit,  
adsidet recitanti; primus etiam et cum maxime nascenti-  
bus opusculis meis interest nunc solus, ante cum  
fratre, cuius nuper amissi ego suscipere partes, ego  
7 vicem debeo implere. Doleo enim et illum inmatura 30  
morte indignissime raptum et hunc optimi fratris  
8 adiumento destitutum solisque amicis relictum. Quibus  
ex causis exigo, ut venias et suffragio meo tuum  
iungas. Permulum interest mea te ostentare, tecum  
circumire. Ea est auctoritas tua, ut putem me effi- 35

cacius tecum etiam meos amicos rogaturum. Abrumpe, 9  
 si qua te retinent; hoc tempus meum, hoc fides, hoc  
 etiam dignitas postulat. Suscepi candidatum, et susce-  
 pisse me notum est; ego ambio, ego periclitor; in  
 5 summa, si datur Nasoni, quod petit, illius honor, si  
 negatur, mea repulsa est. Vale.

## VII.

C. PLINIUS CALPURNIAE SUAE S.

Scribis te absentia mea non mediocriter adfici 1  
 10 unumque habere solacium, quod pro me libellos meos  
 teneas, saepe etiam in vestigio meo conloques. Gratum 2  
 est, quod nos requiris, gratum, quod his fomentis ad-  
 quiescis. Invicem ego epistulas tuas lectito atque  
 identidem in manus quasi novas sumo; sed eo magis  
 15 ad desiderium tui accendor. Nam, cuius litterae tantum 3  
 habent suavitatis, huius sermonibus quantum dulcedinis  
 inest! Tu tamen quam frequentissime scribe, licet hoc  
 ita me delectet, ut torqueat. Vale.

## VIII.

C. PLINIUS PRISCO SUO S.

20 Atilium Crescentem et nosti et amas. Quis enim 1  
 illum spectatior paulo aut non novit aut non amat?  
 Hunc ego non ut multi, sed artissime diligo. Oppida 2  
 nostra unius diei itinere dirimuntur; ipsi amare invicem,  
 25 qui est flagrantissimus amor, adolescentuli coepimus.  
 Mansit hic postea nec refrixit iudicio, sed invaluit.  
 Sciunt, qui alterutrum nostrum familiarius intuentur.  
 Nam et ille amicitiam meam latissima praedicatione  
 circumfert, et ego prae me fero, quantae sit mihi  
 30 curae modestia, quies, securitas eius. Quin etiam, cum 3  
 insolentiam cuiusdam tribunatum plebis inituri vere-  
 retur idque indicasset mihi, respondi: 'οὐτὶς ἐμεῦ  
 ῥᾶντος.' Quorsus haec? ut scias non posse Atilium

4 me incolumi iniuriam accipere. Iterum dices: 'Quor-  
sus haec?' Debuit ei pecuniam Valerius Varus. Huius  
est heres Maximus noster, quem et ipse amo, sed  
5 coniunctius tu. Rogo ergo, exigo etiam pro iure  
amicitiae, cures, ut Atilio meo salva sit non sors modo, 5  
verum etiam usura plurium annorum. Homo est alieni  
abstinentissimus, sui diligens, nullis quaestibus susti-  
6 netur, nullus illi nisi ex frugalitate reditus. Nam  
studia, quibus plurimum praestat, ad voluptatem tan-  
tum et gloriam exercet. Gravis est ei vel minima 10  
7 iactura, quia reparare, quod amiseris, gravius est.  
Exime hunc illi, exime hunc mihi scrupulum; sine  
me suavitate eius, sine leporibus perfrui. Neque  
enim possum tristem videre, cuius hilaritas me  
8 tristem esse non patitur. In summa nosti facetias 15  
hominis; quas velim adtendas ne in bilem et amari-  
tudinem vertat iniuria. Quam vim habeat offensus,  
crede ei, quam in amore habet. Non feret magnum  
9 et liberum ingenium cum contumelia damnum. Verum,  
ut ferat ille, ego meum damnum, meam contumeliam 20  
iudicabo, sed non tamquam pro mea, hoc est gravius,  
irascar. Quamquam quid denuntiationibus et quasi  
minis ago? Quin potius, ut coeperam, rogo, oro, des  
operam, ne ille se, quod validissime vereor, a me, ego  
me neglectum a te putem. Dabis autem, si hoc per- 25  
inde curae est tibi quam illud mihi. Vale.

## IX.

## C. PLINIUS TACITO SUO S.

1 Commendas mihi Iulium Nasonem candidatum.  
Nasonem mihi? quid si me ipsum? Fero tamen et 30  
ignosco. Eundem enim commendassem tibi, si te  
Romae morante ipse afuissem. Habet hoc sollicitudo,  
2 omnia necessaria putat. Tu tamen censeo alios  
roges; ego precum tuarum minister, adiutor, particeps  
ero. *Vale.*

35

11 quo rep., quod amiserit (sic Dpr) K. disp. II 11sq.

## X.

C. PLINIUS ALBINO SUO S.

Cum venissem in socrus meae villam Alsiensem, 1  
 quae aliquando Rufi Vergini fuit, ipse mihi locus op-  
 5 timi illius et maximi viri desiderium non sine dolore  
 renovavit. Hunc enim incolere secessum atque etiam  
 senectutis suae nidulum vocare consueverat. Quocum- 2  
 que me contulissem, illum animus, illum oculi require-  
 bant. Libuit etiam monumentum eius videre, et vi-  
 10 disse paenituit. Est enim adhuc imperfectum, nec 3  
 difficultas operis in causa modici ac potius exigui, sed  
 inertia eius, cui cura mandata est. Subit indignatio  
 cum miseratione post decimum mortis annum reliquias  
 neglectumque cinerem sine titulo, sine nomine iacere,  
 15 cuius memoria orbem terrarum gloria pervagetur. At 4  
 ille mandaverat caveratque, ut divinum illud et in-  
 mortale factum versibus inscriberetur:  
 'Hic situs est Rufus, pulso qui Vindice quondam  
 imperium adseruit non sibi, sed patriae.'  
 20 Tam rara in amicitiiis fides, tam parata oblivio mor- 5  
 tuorum, ut ipsi nobis debeamus etiam conditoria ex-  
 truere omniaque heredum officia praesumere. Nam 6  
 cui non est verendum, quod videmus accidisse Ver-  
 ginio? cuius iniuriam ut indigniorem sic etiam noti-  
 25 orem ipsius claritas facit. Vale.

## XI.

C. PLINIUS MAXIMO SUO S.

O diem laetum! adhibitus in consilium a praefecto 1  
 urbis audiavi ex diverso agentes summae spei, summae  
 30 indolis iuvenes, Fuscum Salinatorem et Ummidium  
 Quadratum, egregium par nec modo temporibus nostris,  
 sed litteris ipsis ornamento futurum. Mira utrique 2  
 probitas constantia salva, decorus habitus, os Latinum,  
 vox virilis, tenax memoria, magnum ingenium, iudicium

*6 colere M, K.I.*

PLINI EPISTULAR.

aequale; quae singula mihi voluptati fuerunt atque inter haec illud, quod et ipsi me ut rectorem, ut magistrum intuebantur et iis, qui audiebant, me aemulari, 3  
 meis instare vestigiis videbantur. O diem (repetam enim) laetum notandumque mihi candidissimo calculo! 5  
 Quid enim aut publice laetius quam clarissimos iuvenes nomen et famam ex studiis petere aut mihi optatius quam me ad recta tendentibus quasi exemplar esse 4  
 propositum? Quod gaudium ut perpetuo capiam, deos oro; ab isdem teste te peto, ut omnis, qui me imitari 10  
 tanti putabunt, meliores esse quam me velint. Vale.

## XII.

C. PLINIUS FABATO PROSOCERO SUO S.

1 Tu vero non debes suspensa manu commendare mihi, quos tuendos putas. Nam et te decet multis 15  
 prodesse et me suscipere, quidquid ad curam tuam pertinet. Itaque Vettio Prisco, quantum plurimum potuero, praestabo, praesertim in harena mea, hoc est 2  
 3 apud centumviros. Epistularum, quas mihi, ut ais, aperto pectore scripsisti, oblivisci me iubes. At ego 20  
 nullarum libentius memini. Ex illis enim vel praecipue sentio, quanto opere me diligas, cum sic exegeris mecum, ut solebas cum tuo filio. Nec dissimulo 4  
 hoc mihi iucundiores eas fuisse, quod habebam bonam causam, cum summo studio curassem, quod tu curari 25  
 volebas. Proinde etiam atque etiam rogo, ut mihi semper eadem simplicitate, quotiens cessare videbor (videbor dico, numquam enim cessabo), convicium facias, quod et ego intellegam a summo amore proficisci, 30  
 et tu non meruisse me gaudeas. Vale.

## XIII.

C. PLINIUS URSO SUO S.

1 Umquamne vidisti quemquam tam laboriosum, tam exercitum quam Varenum meum? cui, quod summa

33 tam exerc. Drs, et exerc. Ma, K, exerc. p.

contentione impetraverat, defendendum et quasi rursus  
petendum fuit. Bithyni senatus consultum apud con- 2  
sules carpere ac labefactare sunt ausi atque etiam ab-  
senti principi criminari; ab illo ad senatum remissi  
5 non destiterunt. Egit Claudius Capito inreverenter  
magis quam constanter, ut qui senatus consultum apud  
senatum accusaret. Respondit Catius Fronto graviter 3  
et firme. Senatus ipse mirificus; nam illi quoque,  
qui prius negarant Vareno, quae petebat, eadem danda,  
10 postquam erant data, censuerunt; singulos enim inte- 4  
gra re dissentire fas esse, peracta, quod pluribus pla-  
cuisset, cunctis tuendum. Acilius tantum Rufus et 5  
cum eo septem an octo, septem immo, in priore sen-  
tentia perseverarunt. Erant in hac paucitate non nulli,  
15 quorum temporaria gravitas vel potius gravitatis imita-  
tio ridebatur. Tu tamen aestima, quantum nos in ipsa 6  
pugna certaminis maneat, cuius quasi praelusio atque  
praecursio has contentiones excitavit. Vale.

## XIV.

20

C. PLINIUS MAURICO SUO S.

Sollicitas me in Formianum. Veniam ea condicione, 1  
ne quid contra commodum tuum facias; qua pactione  
invicem mihi caveo. Neque enim mare et litus, sed  
otium et libertatem sequor; alioqui satius est in urbe  
25 remanere. Oportet enim omnia aut ad alienum arbi- 2  
trium aut ad suum facere. Mei certe stomachi haec  
natura est, ut nihil nisi totum et merum velit. Vale.

## XV.

C. PLINIUS ROMANO SUO S.

30 Mirificae rei non interfuisti, ne ego quidem; sed me 1  
recens fabula excepit. Passennus Paulus, splendidus  
eques Romanus et in primis eruditus, scribit elegos. Gen-

2 apud M, K.I. 24 ot. et libert. pSichard., te, ot., lib.  
Ma, K., te ot. et lib. Dr5. 31, p. 148. 4 et 9 Paull. K.I.  
10\*



tilicium hoc illi; est enim municeps Properti atque etiam  
 2 inter maiores suos Propertium numerat. Is cum reci-  
 tare, ita coepit dicere: 'Prisce, iubes'. Ad hoc lavo-  
 lenus Priscus (aderat enim ut Paulo amicissimus):  
 'Ego vero non iubeo'. Cogita, qui risus hominum, qui 5  
 3 ioci. Est omnino Priscus dubiae sanitatis, interest  
 tamen officiis, adhibetur consiliis atque etiam ius ci-  
 vile publice respondet. Quo magis, quod tunc fecit, et  
 4 ridiculum et notabile fuit. Interim Paulo aliena deli-  
 ratio aliquantum frigoris attulit. Tam sollicite reci- 10  
 taturis providendum est, non solum ut sint ipsi sani,  
 verum etiam ut sanos adhibeant. Vale.

## XVI.

C. PLINIUS TACITO SUO S.

1 Petis, ut tibi avunculi mei exitum scribam, quo 15  
 verius tradere posteris possis. Gratias ago; nam video  
 morti eius, si celebretur a te, immortalem gloriam  
 2 esse propositam. Quamvis enim pulcherrimarum clade  
 terrarum ut populi, ut urbes memorabili casu quasi  
 semper victurus occiderit, quamvis ipse plurima opera 20  
 et mansura condiderit, multum tamen perpetuitati  
 3 eius scriptorum tuorum aeternitas addet. Equidem  
 beatos puto, quibus deorum munere datum est aut  
 facere scribenda aut scribere legenda, beatissimos vero,  
 quibus utrumque. Horum in numero avunculus meus 25  
 et suis libris et tuis erit. Quo libentius suscipio, de-  
 posco etiam, quod iniungis.  
 4 Erat Miseni classemque imperio praesens regebat.  
 Nonum Kal. Septembres hora fere septima mater mea  
 indicat ei apparere nubem invisitata et magnitudine 30  
 5 et specie. Usus ille sole, mox frigida gustaverat iacens  
 studebatque; poscit soleas, ascendit locum, ex quo  
 maxime miraculum illud conspici poterat. Nubes, in-  
 certum procul intuentibus, ex quo monte (Vesuvium

fuisse postea cognitum est), oriebatur, cuius similitudinem et formam non alia magis arbor quam pinus expresserit. Nam longissimo velut trunco elata in altum quibusdam ramis diffundebatur, credo, quia recentis spiritu evecta, dein senescente eo destituta aut etiam pondere suo victa in latitudinem vanescebat, candida interdum, interdum sordida et maculosa, prout terram cineremve sustulerat. Magnum propiusque noscendum ut eruditissimo viro visum. Iubet Liburnicam aptari; mihi, si venire una vellem, facit copiam. Respondi studere me malle, et forte ipse, quod scriberem, dederat. Egrediebatur domo; accipit codicillos Rectinae † Tasci imminenti periculo exterritae (nam villa eius subiacebat, nec ulla nisi navibus fuga); ut se tanto discrimini eriperet, orabat. Vertit ille consilium et, quod studioso animo incohaverat, obit maximo. Deducit quadriremes, ascendit ipse non Rectinae modo, sed multis (erat enim frequens amoenitas orae) laturus auxilium. Properat illuc, unde alii fugiunt, rectumque cursum, recta gubernacula in periculum tenet adeo solutus metu, ut omnis illius mali motus, omnis figuras, ut deprenderat oculis, dictaret enotaretque. Iam navibus cinis incidebat, quo propius accederent, calidior et densior, iam pumices etiam nigrique et ambusti et fracti igne lapides, iam vadum subitum ruinaque montis litora obstantia. Cunctatus paulum, an retro flecteret, mox gubernatori, ut ita faceret, monenti 'Fortes' inquit 'fortuna iuvat. Pomponianum pete.' Stabiis erat diremptus sinu medio (nam sensim circumactis curvatisque litoribus mare infunditur); ibi, quamquam nondum periculo adpropinquante, conspicuo tamen et, cum cresceret, proximo sarcinas contulerat in naves certus fugae, si contrarius ventus resedisset; quo tunc

13 † Tasci *K. II*, Bassi *Gesner.*, Caesii Bassi *Gier.* 16  
incohaver. *D ut X 8. 4 a*, inchoaverat *Mpr*, *K. ut IV 11. 6*,  
*VIII 18. 10*, *X 40. 3*, *58. 1 et 10.* 22 deprehend. *Dps a ut*  
*VI 22. 2*; *VII 17. 2* reprehend. *M.*

- avunculus meus secundissimo invecus conplectitur  
 trepidantem, consolatur, hortatur, utque timorem eius  
 sua securitate leniret, deferri in balineum iubet; lotus  
 accubat, cenat aut hilaris aut, quod est aequae magnum,  
 13 similis hilari. Interim e Vesuvio monte pluribus locis 5  
 latissimae flammae altaque incendia relucebant, quorum  
 fulgor et claritas tenebris noctis excitabatur. Ille agre-  
 stium trepidatione ignis relictos desertasque villas per  
 solitudinem ardere in remedium formidinis dictitabat.  
 Tum se quieti dedit et quievit verissimo quidem somno. 10  
 Nam meatus animae, qui illi propter amplitudinem  
 corporis gravior et sonantior erat, ab iis, qui limini  
 14 observabantur, audiebatur. Sed area, ex qua daicta  
 adibatur, ita iam cinere mixtisq̃ pumicibus oppleta  
 surrexerat, ut, si longior in cubiculo mora, exitus ne 15  
 garetur. Excitatus procedit seque Pomponiano ceteris-  
 15 que, qui pervigilaverant, reddit. In commune consultant,  
 intra tecta subsistant an in aperto vagentur. Nam  
 crebris vastisque tremoribus tecta nutabant et quasi  
 emota sedibus suis nunc huc, nunc illuc abire aut re- 20  
 16 ferri videbantur. Sub dio rursus quamquam levium  
 exesorumque pumicum casus metuebatur; quod tamen  
 periculorum collatio elegit. Et apud illum quidem  
 ratio rationem, apud alios timorem timor vicit. Cer-  
 vicalia capitibus inposita linteis constringunt; id mu- 25  
 17 nimentum adversus incidentia fuit. Iam dies alibi, illic  
 nox omnibus noctibus nigrior densiorque; quam tamen  
 faces multae variaque lumina solabantur. Placuit egredi  
 in litus et ex proximo aspicere, ecquid iam mare ad-  
 mitteret; quod adhuc vastum et adversum permanebat. 30  
 18 Ibi super abiectum linteum recubans semel atque iterum  
 frigidam poposcit hausitque. Deinde flammae flamma-  
 rumque praenuntius odor sulphuris alios in fugam ver-

4 cenatque aut Otto 303, cenat atque pra. 5 in locis  
*M. K., in om. Dpra., Otto 303.* 8 ignis (relictas) pra, ignes  
*MD., K. Ad p. 17. 28.* 17 pervigilarant Dpra. 32 frig.  
*aquam Mpr., K. I.*

tunt, excitant illum. Innixus servulis duobus adsurre- 19  
xit et statim concidit, ut ego coniecto, crassiore ca-  
ligine spiritu obstructo clausoque stomacho, qui illi  
natura invalidus et angustus et frequenter interaestuans  
5 erat. Ubi dies redditus (is ab eo, quem novissime 20  
viderat, tertius), corpus inventum integrum, inlaesum  
opertumque, ut fuerat indutus; habitus corporis quie-  
scenti quam defuncto similior.

Interim Miseni ego et mater. Sed nihil ad histo- 21  
10 riam, nec tu aliud quam de exitu eius scire voluisti.  
Finem ergo faciam. Unum adiciam, omnia me, quibus 22  
interfueram, quaeque statim, cum maxime vera memo-  
rantur, audieram, persecutum. Tu potissima excerpes.  
Aliud est enim epistolam, aliud historiam, aliud amico,  
15 aliud omnibus scribere. Vale.

## XVII.

C. PLINIUS RESTITUTO SUO S.

Indignatiunculam, quam in cuiusdam amici audito- 1  
rio cepi, non possum mihi temperare quo minus apud  
20 te, quia non contingit coram, per epistolam effundam.  
Recitabatur liber absolutissimus. Hunc duo aut tres, 2  
ut sibi et paucis videntur, disertis surdis mutisque si-  
miles audiebant. Non labra diduxerunt, non moverunt  
manum, non denique adsurrexerunt, saltem lassitudine  
25 sedendi. Quae tanta gravitas? quae tanta sapientia? 3  
quae immo pigritia, adrogantia, sinisteritas ac potius  
amentia, in hoc totum diem inpendere, ut offendas, ut  
inimicum relinquas, ad quem tamquam amicissimum  
veneris? Disertior ipse es? Tanto magis ne invideris. 4  
30 Nam, qui invidet, minor est. Denique, sive plus sive  
minus sive idem praestas, lauda vel inferiorem vel  
superiorem vel parem, superiorem, quia, nisi laudandus  
ille, non potes ipse laudari, inferiorem aut parem, quia

1. innixus *Dpra*, *Otto* 303, innitens *M*, *K*. — servol. *M*, *K*. I.  
2. coniecto *Dpra*, *Otto* 303, colligo *M*, *K*. 4. interaest. *Dpa*,  
*Otto* 303, intus aest. 15, aest. *M*, *K*. 6. erat tert. *K*. II.

pertinet ad tuam gloriam quam maximum videri, quem  
 5 praecedis vel exaequas. Equidem omnis, qui aliquid  
 in studiis faciunt, venerari etiam mirarique soleo. Est  
 enim res difficilis, ardua, fastidiosa, et quae eos, a  
 quibus contemnitur, invicem contemnat. Nisi forte 5  
 aliud iudicas tu. Quamquam quis uno te reverentior  
 6 huius operis, quis benignior aestimator? Qua ratione  
 ductus tibi potissimum indignationem meam prodidi,  
 quem habere socium maxime poteram. Vale.

## XVIII.

10

C. PLINIUS SABINO SUO S.

1 Rogas, ut agam Firmanorum publicam causam;  
 quod ego, quamquam plurimis occupationibus disten-  
 tus, adnitar. Cupio enim et ornatissimam coloniam  
 advocacionis officio et te gratissimo tibi munere ob- 15  
 2 stringere. Nam, cum familiaritatem nostram, ut soles  
 praedicare, ad praesidium ornamentumque tibi sumpse-  
 ris, nihil est, quod negare debeam, praesertim pro  
 patria petenti. Quid enim precibus aut honestius piis  
 3 aut efficacius amantis? Proinde Firmanis tuis ac iam 20  
 potius nostris oblige fidem meam; quos labore et stu-  
 dio meo dignos cum splendor ipsorum tum hoc maxime  
 pollicetur, quod credibile est optimos esse, inter quos  
 tu talis extiteris. Vale.

## XIX.

25

C. PLINIUS NEPOTI SUO S.

1 Scis tu accessisse pretium agris, praecipue subur-  
 banis. Causa subitae caritatis res multis agitata ser-  
 monibus. Proximis comitiis honestissimas voces senatus  
 expressit: 'Candidati ne conviventur, ne mittant mu- 30  
 2 nera, ne pecunias deponant'. Ex quibus duo priora  
 tam aperte quam immodice fiebant, hoc tertium, quam-

<sup>2</sup> omnis D, omnes rell. Ad p. 17. 28. 24 extiteris D pra,  
 K. II (disp. II 8sq.), moreris M, K. I.

quam occultaretur, pro comperto habebatur. Homullus 3  
 deinde noster vigilanter usus hoc consensu senatus  
 sententiae loco postulavit, ut consules desiderium uni-  
 versorum notum principi facerent peterentque, sicut  
 5 aliis vitiis huic quoque providentia sua occurreret.  
 Occurrit; nam sumptus candidatorum foedos illos et in- 4  
 famas ambitus lege restrinxit; eosdem patrimonii ter-  
 tiam partem conferre iussit in ea, quae solo contine-  
 rentur, deforme arbitratus, ut erat, honorem petituros  
 10 urbem Italiamque non pro patria, sed pro hospitio aut  
 stabulo quasi peregrinantis habere. Concursant ergo 5  
 candidati; certatim, quidquid venale audiunt, emptitant,  
 quoque sint plura venalia, efficiunt. Proinde, si pae- 6  
 nitet te Italicorum praediorum, hoc vendendi tempus  
 15 tam hercule quam in provinciis comparandi, dum iidem  
 candidati illic vendunt, ut hic emant. Vale.

## XX.

C. PLINIUS TACITO SUO S.

Ais te adductum litteris, quas exigenti tibi de morte 1  
 20 avunculi mei scripsi, cupere cognoscere, quos ego Mi-  
 seni relictus (id enim ingressus abruperam) non solum  
 metus, verum etiam casus pertulerim. 'Quamquam  
 animus meminisse horret, incipiam'.

Profecto avunculo ipse reliquum tempus studiis 2  
 25 (ideo enim remanseram) inpendi; mox balineum, cena,  
 somnus inquietus et brevis. Praecesserat per multos 3  
 dies tremor terrae minus formidolosus, quia Campaniae  
 solitus; illa vero nocte ita invaluit, ut non moveri  
 omnia, sed verti crederentur. Inrumpit cubiculum 4  
 30 meum mater; surgebam invicem, si quiesceret, excita-

9 ut *sa*, *K.I.*, et *rell.* Non plane similes sunt loci, quos  
 collegit *K. disp. II p. 5sq.* 11 peregrinantis *D*, peregrinantes  
*K.* Ad *p. 17. 28.* 15 idem ex *MD*, *VIII 14. 8* ex *M*,  
*IX 13. 17* ex *MDapr* *K.I.*, *pan. 61. 7* ex. idem—idem *K.I.*,  
 idem—idem *K.II.* 22 *Verg. A. II 12.*

turus. Resedimus in area domus, quae mare a tectis  
 5 modico spatio dividebat. Dubito, constantiam vocare  
 an imprudentiam debeam; agebam enim duodevicesimū  
 annum. Posco librum Titi Livi et quasi per  
 otium lego atque etiam, ut coeperam, excerpo. Ecce 5  
 amicus avunculi, qui nuper ad eum ex Hispania venerat,  
 ut me et matrem sedentis, me vero etiam legentem  
 videt, illius patientiam, securitatem meam corripit.  
 6 Nihilo segnius ego intentus in librum. Iam hora diei  
 prima, et adhuc dubius et quasi languidus dies. Iam 10  
 quassatis circumiacentibus tectis, quamquam in aperto  
 loco, angusto tamen, magnus et certus ruinae metus.  
 7 Tum demum excedere oppido visum. Sequitur vulgus  
 attonitum, quodque in pavore simile prudentiae, alienum  
 consilium suo praefert ingentique agmine abeun- 15  
 8 tis premit et inpellit. Egressi tecta consistimus. Multa  
 ibi miranda, multas formidines patimur. Nam vehicula,  
 quae produci iusseramus, quamquam in planissimo  
 campo, in contrarias partis agebantur ac ne lapidibus  
 9 quidem fulta in eodem vestigio quiescebant. Praeterea 20  
 mare in se resorberi et tremore terrae quasi repelli  
 videbamus. Certe processerat litus multaque animalia  
 maris siccis harenis detinebat. Ab altero latere nubes  
 atra et horrenda ignei spiritus tortis vibratisque discursibus  
 rupta in longas flammarum figuras dehiscebat; 25  
 10 fulguribus illae et similes et maiores erant. Tum vero  
 idem ille ex Hispania amicus acrius et instantius 'Si  
 frater' inquit 'tuus, tuus avunculus vivit, vult esse vos  
 salvos; si periit, superstites voluit. Proinde quid cessatis  
 evadere?' Respondimus non commissuros nos, ut 30  
 11 de salute illius incerti nostrae consuleremus. Non  
 moratus ultra proripit se effusoque cursu periculo  
 aufertur. Nec multo post illa nubes descendere in ter-

1 resedimus *Dpra*, residemus *M*, residimus *K*. Cf. *infr.*  
 14, 31. 9 *ex.*, VIII 1. 3, *pan.* 16 *ex.*, 34. 1. 7 sedentis *D*,  
*sedentes vulg.* *Ad p.* 17. 28. 19 partis *D*, partes *vulg.* 26  
*fulgoribus Dpra*, II 17. 22 *MV*.

ras, operire maria; cinxerat Capreas et absconderat,  
 Miseni quod procurrit, abstulerat. Tum mater orare, 12  
 hortari, iubere, quoquo modo fugerem; posse enim  
 iuvenem, se et annis et corpore gravem bene morituram,  
 5 si mihi causa mortis non fuisset. Ego contra salvum  
 me nisi una non futurum; deinde manum eius am-  
 plexus addere gradum cogo. Paret aegre incusaque  
 se, quod me moretur. Iam cinis, adhuc tamen rarus. 13  
 Respicio; densa caligo tergis imminebat, quae nos tor-  
 10 rentis modo infusa terrae sequebatur. 'Deflectamus'  
 inquam, 'dum videmus, ne in via strati comitantium  
 turba in tenebris obteramur'. Vix consederamus, et 14  
 nox, non qualis inlunis aut nubila, sed qualis in locis  
 clausis lumine extincto. Audires ululatus feminarum,  
 15 infantium quiritatus, clamores virorum; alii parentes,  
 alii liberos, alii coniuges vocibus requirebant, vocibus  
 noscitabant; hi suum casum, illi suorum miserabantur;  
 erant, qui metu mortis mortem precarentur; multi ad 15  
 deos manus tollere, plures nusquam iam deos ullos  
 20 aeternamque illam et novissimam noctem mundo inter-  
 pretabantur. Nec defuerunt, qui fictis mentitisque ter-  
 roribus vera pericula augerent. Aderant, qui Miseni  
 illud ruisse, illud ardere falso, sed credentibus nun-  
 tiabant. Paulum reluxit; quod non dies nobis, sed ad 16  
 25 ventantis ignis indicium videbatur. Et ignis quidem  
 longius substitit, tenebrae rursus, cinis rursus multus  
 et gravis. Hunc identidem adsurgentes excutiebamus;  
 operti alioqui atque etiam oblisi pondere essemus.  
 Possem gloriari non gemitum mihi, non vocem parum 17  
 30 fortem in tantis periculis excidissem, nisi me cum om-  
 nibus, omnia mecum perire misero, magno tamen mor-  
 talitatis solacio credidissem. Tandem illa caligo tenuata 18

6 deinde *Dpra*, Otto 303, dein *M*, *K*.; ad VI 31. 12,  
 VII 4. 4, 27. 8, IX 36. 3. 12 *opter. K. I ex M* (operiamur).  
*Cf. ad VII 18. 1.* — consider. *K. e* plerisque suis codd., et se-  
 rueram *r*, deserueramus 5. 15 infantium *Dpra*, Otto 303,  
 infantum *M*, *K*.



quasi in fumum nebulamve discessit; mox dies verus, sol etiam effulsit, luridus tamen, qualis esse, cum deficit, solet. Occursabant trepidantibus adhuc oculis mutata omnia altoque cinere tamquam nive obducta.

- 19 Regressi Misenum curatis utcumque corporibus suspensam dubiamque noctem spe ac metu exegimus. Metus praevalebat; nam et tremor terrae perseverabat, et plerique lymphati terrificis vaticinationibus et sua et  
20 aliena mala ludificabantur. Nobis tamen ne tunc quidem, quamquam et expertis periculum et exspectantibus, abundi consilium, donec de avunculo nuntius.

Haec nequaquam historia digna non scripturus leges et tibi, scilicet qui requisisti, imputabis, si digna ne epistula quidem videbuntur. Vale.

## XXI.

15

## C. PLINIUS CANINIO SUO S.

- 1 Sum ego is, qui mirer antiquos, non tamen ut quidam temporum nostrorum ingenia despicio. Neque enim quasi lassa et effeta natura nihil iam laudabile  
2 parit. Atque adeo nuper audiui Vergilium Romanum paucis legentem comoediam ad exemplar veteris comoediae scriptam tam bene, ut esse quandoque possit  
3 exemplar. Nescio, an noris hominem. Quamquam nosse debes; est enim probitate morum, ingenii elegantia,  
4 operum varietate monstrabilis. Scripsit mimiambos tenuiter, argute, venuste atque in hoc genere eloquentissime (nullum est enim genus, quod absolutum non possit eloquentissimum dici), scripsit comoedias Menandrum aliosque aetatis eiusdem aemulatus; licet has  
5 inter Plautinas Terentianasque numeres. Nunc primum se in vetere comoedia, sed non tamquam inciperet, ostendit. Non illi vis, non granditas, non subtilitas,

17 ego is, qui mirer *coni.* Gierig cf. I 2. 3, H. Alanus obs. crit. p. 24, ex iis, qui mirer *codd.*, Stangl p. 676, ex iis, qui mirantur Schaefer, K. 20 audiui s, K. II, audiui ra, K. I, audi MDp. Ad p. 18. 13. 31 veteri Dpr.

non amaritudo, non dulcedo, non lepos defuit; ornavit virtutes, insectatus est vitia, fictis nominibus decenter, veris usus est apte. Circa me tantum benignitate 6 mia modum excessit, nisi quod tamen poëtis mentiri 7 licet. In summa extorquebo ei librum legendumque, immo ediscendum mittam tibi; neque enim dubito futurum ut non deponas, si semel sumpseris. Vale.

## XXII.

C. PLINIUS TIRONI SUO S.

10 Magna res acta est omnium, qui sunt provinciis prae- 1  
futura, magna omnium, qui se simpliciter credunt amicis. Lustricus Bruttianus cum Montanium Atticinum, comitem 2  
suum, in multis flagitiis deprendisset, Caesari scripsit. Atticinus flagitiis addidit, ut, quem deceperat, accusa-  
15 ret. Recepta cognitio est. Fui in consilio; egit uter-  
que pro se, egit autem carptim et κατὰ κεφάλαιον, quo genere veritas statim ostenditur. Protulit Brut- 3  
tianus testamentum suum, quod Atticini manu scriptum esse dicebat; hoc enim et arcana familiaritas et querendi  
20 de eo, quem sic amasset, necessitas indicabatur. Enu-  
meravit crimina foeda manifesta; quae ille, cum di-  
luere non posset, ita regessit, ut, dum defenditur, tur-  
pis, dum accusat, sceleratus probaretur. Corrupto enim  
scribae servo interceperat commentarios interciderat-  
25 que ac per summum nefas utebatur adversus amicum  
crimine suo. Fecit pulcherrime Caesar; non enim de 5  
Bruttiano, sed statim de Atticino perrogavit. Damna-  
tus et in insulam relegatus; Bruttiano iustissimum in-  
tegritatis testimonium redditum, quem quidem etiam  
30 constantiae gloria secuta est. Nam defensu expeditis-  
sime accusavit vehementer nec minus acer quam bonus  
et sincerus apparuit. Quod tibi scripsi, ut te sortitum 7  
provinciam praemonerem, plurimum tibi credas nec

12 Lustricus *Dpra*, *Otto* 303, vulg., Lustricius *M*, *K*. —  
Montanium *MDr*s, *K.II*, Montanum p *Caton*. a, *K.I*.  
13 *deprehend*. *Dpra*; *ad p.* 149. 22.

cuiquam satis fidas, deinde scias, si quis forte te, quod abominor, fallat, paratam ultionem; qua tamen ne sit opus, etiam atque etiam attende. Neque enim tam iucundum est vindicari quam decipi miserum. Vale.

## XXIII.

5

C. PLINIUS TRIARIO SUO S.

- 1 Inpense petis, ut agam causam pertinentem ad curam tuam, pulchram alioqui et famosam. Faciam, sed non gratis. 'Qui fieri potest' inquis, 'ut non gratis tu?' Potest; exigam enim mercedem honestiorem gratuito 10  
2 patrocínio. Peto atque etiam paciscor, ut simul agat Cremutius Ruso. Solitum hoc mihi et iam in pluribus claris adolescentibus factitatum. Nam mire concupisco  
3 bonos iuvenes ostendere foro, adsignare famae. Quod si cui, praestare Rusoni meo debeo vel propter nata- 15  
les ipsius vel propter eximiam mei caritatem; quem magni aestimo in isdem iudiciis, ex isdem etiam partibus conspici, audiri. Obliga me, obliga, ante quam dicat; nam, cum dixerit, gratias ages. Spondeo sollicitudini tuae, spei meae, magnitudini causae suffectu- 20  
rum. Est indolis optimae brevi producturus alios, si  
5 interim productus fuerit a nobis. Neque enim cuiquam tam clara statim ingenium, ut possit emergere, nisi illi materia, occasio, fautor etiam commendatorque contingat. Vale.

25

## XXIV.

C. PLINIUS MACRO SUO S.

- 1 Quam multum interest, a quo quidque fiat! Eadem enim facta claritate vel obscuritate facientium aut tol-  
2 luntur altissime aut humillime deprimuntur. Navigabam 20  
per Larium nostrum, cum senior amicus ostendit mihi villam atque etiam cubiculum, quod in lacum promi-

22 productus Dr, K.II (disp. II 5), proventus Mp5a, K.I.  
28 a quo quidque K.I, Otto 303, quid a quoque MDpra,  
a quo quid K.II, disp. II 12, quid a quo Casaub.

net. 'Ex hoc' inquit 'aliquando municeps nostra cum marito se praecipitavit.' Causam requisivi. Maritus 3 ex diutino morbo circa velanda corporis ulceribus putrescebat; uxor, ut inspiceret, exegit; neque enim 5 quemquam fidelius indicaturum, possetne sanari. Vidit, 4 desperavit; hortata est, ut moreretur, comesque ipsa mortis, dux immo et exemplum et necessitas fuit. Nam se cum marito ligavit abiecitque in lacum. Quod 5 factum ne mihi quidem, qui municeps, nisi proxime 10 auditum est, non quia minus illo clarissimo Arriae facto, sed quia minor ipsa. Vale.

## XXV.

C. PLINIUS HISPANO SUO S.

Scribis Robustum, splendidum equitem Romanum, 1 cum Atilio Scauro, amico meo, Ocriculum usque commune iter peregrisse, deinde nusquam comparuisse; petis, ut Scaurus veniat nosque, si potest, in aliqua inquisitionis vestigia inducat. Veniet; vereor, ne 2 frustra. Suspikor enim tale nescio quid Robusto accidisse quale aliquando Metilio Crispo, municipi meo. Huic ego ordinem inpetraueram atque etiam proficis- 3 centi quadraginta milia nummum ad instruendum se ornandumque donaveram nec postea aut epistulas eius aut aliquem de exitu nuntium accepi. Interceptusne 4 25 sit a suis an cum suis, dubium; certe non ipse, non quisquam ex servis eius apparuit ut ne Robusti quidem. Experiamur tamen, accersamus Scaurum; demus 5 hoc tuis, demus optimi adolescentis honestissimis precibus, qui pietate mira, mira etiam sagacitate patrem 30 quaerit. Di faveant, ut sic inveniatur ipsum, quem admodum iam, cum quo fuisset, invenit! Vale.

26 ut ne Rob. quidem. Exper. tamen, arc. *MDp*, *K.II* (*disp. I p. 13 ex., II p. 5*), Ut ne in Robusto quoque idem exp. Tamen accers. *K.I.* 27 accers. *MDps*, *K.I.*, accers. a., *K.II.* *Ad p. 13. 18.* 30. Di *K.II* constanter, hic *K.I* quoque (*dii Dpa*), *plerumque dii et diis.* *Ad p. 134. 12.*

## XXVI.

C. PLINIUS SERVIANO SUO S.

- 1 Gaudeo et gratulor, quod Fusco Salinatori filiam  
tuam destinasti. Domus patricia, pater honestissimus,  
mater pari laude; ipse studiosus, litteratus, etiam 5  
disertus, puer simplicitate, comitate iuvenis, senex  
2 gravitate; neque enim amore decipior. Amo quidem  
effuse (ita officiis, ita reverentia meruit), iudico tamen,  
et quidem tanto acrius, quanto magis amo, tibi, ut  
qui exploraverim, spondeo habiturum te generum, quo 10  
3 melior fingi ne voto quidem potuit. Superest, ut avum  
te quam maturissime similitudinem sui faciat. Quam felix  
tempus illud, quo mihi liberos illius, nepotes tuos ut  
meos vel liberos vel nepotes ex vestro sinu sumere et  
quasi pari iure tenere continget! Vale. 15

## XXVII.

C. PLINIUS SEVERO SUO S.

- 1 Rogas, ut cogitem, quid designatus consul in ho-  
norem principis censeas. Facilis inventio, non facilis  
electio; est enim ex virtutibus eius larga materia. 20  
Scribam tamen vel, quod malo, coram indicabo, si  
prius haesitationem meam ostendero. Dubito, num  
2 idem tibi suadere quod mihi debeam. Designatus ego  
consul omni hac, etsi non adulatione, specie tamen  
adulationis abstinui non tamquam liber et constans, 25  
sed tamquam intellegens principis nostri, cuius vide-  
bam hanc esse praecipuam laudem, si nihil quasi ex  
3 necessitate decernerem. Recordabar etiam plurimos ho-  
nores pessimo cuique delatos, a quibus hic optimus  
separari non alio magis poterat quam diversitate cen- 30  
sendi; quod ipsum non dissimulatione et silentio prae-  
terii, ne forte non iudicium illud meum, sed oblivio  
4 videretur. Hoc tunc ego; sed non omnibus eadem  
placent, ne conveniunt quidem. Praeterea faciendi ali-

quid non faciendive ratio cum hominum ipsorum tum rerum etiam ac temporum condicione mutatur. Nam <sup>5</sup> recentia opera maximi principis praebent facultatem nova, magna, vera censendi. Quibus ex causis, ut supra <sup>5</sup> scripsi, dubito, an idem nunc tibi quod tunc mihi suadeam. Illud non dubito, debuisse me in parte consilii tui ponere, quid ipse fecissem. Vale.

## XXVIII.

C. PLINIUS PONTIO ALLIFANO SUO S.

<sup>10</sup> Scio, quae tibi causa fuerit impedimento, quo minus <sup>1</sup> praecurrere adventum meum in Campaniam posses. Sed, quamquam absens, totus huc migrasti; tantum mihi copiarum qua urbanarum qua rusticarum nomine tuo oblatum est, quas omnis inprobe accepi tamen. <sup>15</sup> Nam me tui, ut ita facerem, rogabant, et verebar, ne <sup>2</sup> et mihi et illis irascereris, si non fecissem. In posterum, nisi adhibueris modum, ego adhibebo. Et iam tuis denuntiavi, si rursus tam multa attulissent, omnia relicturos. Dices oportere me tuis rebus ut meis uti. Etiam; <sup>3</sup> <sup>20</sup> sed perinde illis ac meis parco. Vale.

## XXIX.

C. PLINIUS QUADRATO SUO S.

Avidius Quietus, qui me unice dilexit et, quo non <sup>1</sup> minus gaudeo, probavit, ut multa alia Thraseae (fuit <sup>25</sup> enim familiaris) ita hoc saepe referebat, praecipere solitum suscipiendas esse causas aut amicorum aut destitutas aut ad exemplum pertinentes. Cur amicorum, <sup>2</sup> non eget interpretatione; cur destitutas? quod in illis maxime et constantia agentis et humanitas cerneretur; <sup>30</sup> cur pertinentis ad exemplum? quia plurimum referret,

1 non faciendive *M*5, *K.II* (*disp. II 7sq.*), non faciendi vera *r*, vel non faciendi vera *a*, *K.I.* 9 Allifano *add. ut V 14, VII 4.* 15 me *Dpra*, et *M, K. Debebat* et tui—et ego. 17 adhibueris *Dpra*, *K.I.*, *Otto 303*, adhibueritis *M, K.II.* — Etiam *K.I.* 30 pertinentis *MD*, *K.I.*, pertinentes vulg. ut v. 27. *Ad p. 17. 28.*

3 bonum an malum induceretur. Ad haec ego genera  
causarum ambitiose fortasse, addam tamen claras et  
inlustres. Aequum est enim agere non numquam glo-  
riae et famae, id est suam, causam. Hos terminos,  
quia me consuluisti, dignitati ac verecundiae tuae sta- 5  
4 tuo. Nec me praeterit usum et esse et haberi optimum  
dicendi magistrum; video etiam multos parvo ingenio,  
5 litteris nullis, ut bene agerent, agendo consecutos. Sed  
et illud, quod vel Pollionis vel tamquam Pollionis  
accepi, verissimum experior: 'Commode agendo factum 10  
est, ut saepe agerem, saepe agendo, ut minus commode';  
quia scilicet adsiduitate nimia facilitas magis quam  
6 facultas nec fiducia, sed temeritas paratur. Nec vero  
Isocrati, quo minus haberetur summus orator, offecit,  
quod infirmitate vocis, mollitia frontis, ne in publico 15  
diceret, impediebatur. Proinde multum lege, scribe, me-  
ditare, ut possis, cum voles, dicere; dices, cum velle  
7 debebis. Hoc fere temperamentum ipse servavi; non  
numquam necessitati, quae pars rationis est, parui.  
Egi enim quasdam a senatu iussus, quo tamen in 20  
numero fuerunt ex illa Thraseae divisione, hoc est ad  
8 exemplum pertinentes. Adfui Baeticis contra Baebium  
Massam. Quaesitum est, an danda esset inquisitio;  
data est. Adfui rursus isdem querentibus de Caecilio  
Classico. Quaesitum est, an provinciales ut socios 25  
ministrosque proconsulis plecti oporteret; poenas lu-  
9 erunt. Accusavi Marium Priscum, qui lege repetun-  
darum damnatus utebatur clementia legis, cuius se-  
veritatem inmanitate criminum excesserat; relegatus  
10 est. Tuitus sum Iulium Bassum ut incustoditum nimis 30  
et incautum ita minime malum; iudicibus acceptis in  
11 senatu remansit. Dixi proxime pro Vareno postulante,  
ut sibi invicem evocare testes liceret; impetratum est.  
In posterum opto ut ea potissimum iubeam, quae me  
deceat vel sponte fecisse. Vale.

35

## XXX.

C. PLINIUS FABATO PROSOCERO SUO S.

Debemus mehercule natales tuos perinde ac nostros 1  
celebrare, cum laetitia nostrorum ex tuis pendeat, cuius  
5 diligentia et cura hic hilares, istic securi sumus. Villa 2  
Camilliana, quam in Campania possides, est quidem  
vetustate vexata; ea tamen, quae sunt pretiosiora, aut  
integra manent aut levissime laesa sunt. Attendemus 3  
ergo, ut quam saluberrime reficiantur. Ego videor ha-  
10 bere multos amicos, sed huius generis, cuius et tu  
quaeris et res exigit, prope neminem. Sunt enim omnes 4  
togati et urbani; rusticorum autem praediorum ad-  
ministratio poscit durum aliquem et agrestem, cui nec  
labor ille gravis nec cura sordida nec tristis solitudo  
15 videatur. Tu de Rufo honestissime cogitas; fuit enim 5  
filio tuo familiaris. Quid tamen nobis ibi praestare  
possit, ignoro, velle plurimum credo. Vale.

## XXXI.

C. PLINIUS CORNELIANO SUO S.

20 Evocatus in consilium a Caesare nostro ad Centum 1  
Cellas (hoc loco nomen) maximam cepi voluptatem.  
Quid enim iucundius quam principis iustitiam, gravi- 2  
tatem, comitatem in secessu quoque, ubi maxime re-  
cluduntur, inspicere? Fuerunt variae cognitiones, et  
25 quae virtutes iudicis per plures species experirentur.  
Dixit causam Claudius Aristion, princeps Ephesiorum, 3  
homo munificus et innoxie popularis. Inde invidia et  
ab dissimillimis delator inmissus. Itaque absolutus vin-  
dicatusque est.

30 Sequenti die audita est Gallitta adulterii rea. 4  
Nupta haec tribuno militum honores petituro et suam

7 ea tamen *a*, *K.II* (*disp. I p. 13*), et tamen *Dpr*, tamen  
*M*, *K.I*. 8 attendemus *Dpr*, *K.II*, attendimus *M*(?)*a*, *K.I*.  
21 maximam *Dpr*s, magnam *Ma*, *K*. 26 Aristion *Dra*,  
*Otto 303*, Ariston *Mps*, *K*. 28 ab *a*, ad *Dp*, a 15, *K*.,  
*om. M*. 30 Gallitta *Momms. ind. p. 411*, Galitta *vulg.*



- et mariti dignitatem centurionis amore maculaverat.
- 5 Maritus legato consulari, ille Caesari scripserat. Caesar excussis probationibus centurionem exactoravit atque etiam relegavit. Supererat crimini, quod nisi duorum esse non poterat, reliqua pars ultionis; sed maritum non sine aliqua reprehensione patientiae amor uxoris retardabat, quam quidem etiam post delatum adulterium domi habuerat quasi contentus aemulum removisse.
- 6 Admonitus, ut perageret accusationem, peregit invitus. Sed illam damnari etiam invito accusatore necesse 10 erat; damnata et Iuliae legis poenis relicta est. Caesar et nomen centurionis et commemorationem disciplinae militaris sententiae adiecit, ne omnis eius modi causas revocare ad se videretur.
- 7 Tertio die inducta cognitio est multis sermonibus 15 et vario rumore iactata, Iuli Tironis codicilli, quos ex parte veros esse constabat, ex parte falsi dicebantur.
- 8 Substituebantur crimini Sempronius Senecio, eques Romanus, et Eurythmus, Caesaris libertus et procurator. Heredes, cum Caesar esset in Dacia, communiter 20 epistula scripta petierant, ut susciperet cognitionem.
- 9 Susceperat. Reversus diem dederat et, cum ex heredibus quidam quasi reverentia Eurythmi omitterent accusationem, pulcherrime dixerat: 'Nec ille Polyclitus est nec ego Nero.' Indulserat tamen petentibus dila- 25 tionem, cuius tempore exacto consederat auditurus.
- 10 A parte heredum intraverunt duo omnino; postulaverunt, ut aut omnes heredes agere cogerentur, cum detulissent omnes, aut sibi quoque desistere permitte-
- 11 retur. Locutus est Caesar summa gravitate, summa 30 moderatione, cumque advocatus Senecionis et Eurythmi dixisset suspicionibus relinqui reos, nisi audirentur, 'Non curo' inquit, 'an isti suspicionibus relinquantur,

22 diem dixerat *Dpra*, Otto 303. 27 duo omnino: post. *K.II*, duo; omn. post. *K.I*. 28 ut aut *scr.*, ut *Dpas*, om. *M*, *K.I*, aut *K.II*. Fort. etiam p. 165.4 sic scrbd., ubi aut *Drsa*, ut *MP*.

ego relinquo<sup>r</sup>. Dein conversus ad nos: "Ἐπιστήσατε, 12  
quid facere debeamus; isti enim quaeri nolunt, quod  
sibi non licuerit accusare<sup>r</sup>. Tum ex consilii sententia  
iussit denuntiari heredibus omnibus, aut agerent aut  
5 singuli adprobarent causas non agendi; alioqui se vel  
de calumnia pronuntiaturum.

Vides, quam honesti, quam severi dies; quos iucun- 13  
dissimae remissiones sequebantur. Adhibebamur co-  
tidie cenae; erat modica, si principem cogitares. Inter-  
10 dum acroamata audiebamus, interdum iucundissimis  
sermonibus nox ducebatur. Summo die abeuntibus 14  
nobis (tam diligens in Caesare humanitas) xenia sunt  
missa. Sed mihi ut gravitas cognitionum, consilii  
honor, suavitas simplicitasque convictus ita locus ipse  
15 periucundus fuit. Villa pulcherrima cingitur viridissi- 15  
mis agris, imminet litori; cuius in sinu fit cum maxime  
portus. Huius sinistrum brachium firmissimo opere  
munitum est, dextrum elaboratur. In ore portus in- 16  
sula adsurgit, quae inlatum vento mare obiacens frangat  
20 tutumque ab utroque latere decursum navibus praestet,  
adsurgit autem arte visenda; ingentia saxa latissima  
navis provehit; contra haec alia super alia deiecta  
ipso pondere manent ac sensim quodam velut aggere  
construuntur. Eminent iam et apparet saxeum dorsum 17  
25 impactosque fluctus in immensum elidit et tollit. Vastus  
illic fragor canumque circa mare. Saxis deinde pilae  
adiciuntur, quae procedente tempore enatam insulam  
imitentur. Habebit hic portus et iam habet nomen  
auctoris eritque vel maxime salutaris. Nam per lon-  
30 gissimum spatium litus inportuosum hoc receptaculo  
utetur. Vale.

1 deinde *Dpr*; ad p. 155. 6.      2 quaeri nolunt *K.II*,  
*disp. II p. 13sq.*, quaeri volunt *M*, queri volunt *Dpra*, *K.I*.  
9 cogites *rsa*.

## XXXII.

C. PLINIUS QUINTILIANO SUO S.

- 1 Quamvis et ipse sis continentissimus et filiam tuam  
 ita institueris, ut decebat tuam filiam, Tutili neptem,  
 cum tamen sit nuptura honestissimo viro, Nonio Ce-  
 leri, cui ratio civilium officiorum necessitatem quandam  
 nitoris inponit, debet secundum condicionem mariti  
 veste, comitatu augeri; quibus non quidem augetur  
 2 dignitas, ornatur tamen et instruitur. Te porro animo  
 beatissimum, modicum facultatibus scio. Itaque partem 10  
 oneris tui mihi vindico et tamquam parens alter  
 puellae nostrae confero quinquaginta milia nummum  
 plus collaturus, nisi a verecundia tua sola mediocri-  
 tate munusculi impetrari posse confiderem, ne recu-  
 sares. Vale.

15

## XXXIII.

C. PLINIUS ROMANO SUO S.

- 1 'Tollite cuncta' inquit 'coeptōsque auferte  
 labores.'  
 Seu scribis aliquid seu legis, tolli, auferri iube et 20  
 accipe orationem meam ut illa arma divinam (num  
 superbius potui?), re vera ut inter meas pulchram;  
 2 nam mihi satis est certare mecum. Est haec pro  
 Attia Viriola et dignitate personae et exempli raritate  
 et iudicii magnitudine insignis. Nam femina splendide 25  
 nata, nupta praetorio viro, exheredata ab octogenario  
 patre intra undecim dies, quam ille novercam ei amore  
 captus induxerat, quadruplici iudicio bona paterna re-  
 3 petebat. Sedebant centum et octoginta iudices (tot  
 enim quattuor consiliis conscribuntur), ingens utrimque 30  
 advocatio et numerosa subsellia, praeterea densa cir-  
 cumstantium corona latissimum iudicium multiplici  
 4 circulo ambibat. Ad hoc stipatum tribunal, atque

18 *Verg. A. VIII* 439.  
*Otto* 303, illi novercam *M, K.*  
*Otto* 303, colliguntur *Mr* 5, *K.*

27 ille novercam ei *Dpr* 5a,  
 30 conscribuntur *Dp* Catan.,

etiam ex superiore basilicae parte qua feminae qua  
viri et audiendi, quod difficile, et, quod facile, visendi  
studio imminebant. Magna expectatio patrum, magna  
filiarum, magna etiam novercarum. Secutus est varius  
eventus. Nam duobus consiliis vicimus, totidem victi  
sumus. Notabilis prorsus et mira eadem in causa,  
isdem iudicibus, isdem advocatis, eodem tempore  
tanta diversitas accidit, casu, quod non casus vide-  
retur. Victa est noverca ipsa heres ex parte sexta,  
victus Suberinus, qui exheredatus a patre singulari  
inpudentia alieni patris bona vindicabat non ausus  
sui petere.

Haec tibi exposui, primum ut ex epistula scires,  
quae ex oratione non poteras, deinde (nam detegam  
artes) ut orationem libentius legeres, si non legere  
tibi, sed interesse iudicio videreris; quam, sit licet  
magna, non despero gratiam brevissimae impetraturam.  
Nam et copia rerum et arguta divisione et narratiun-  
culis pluribus et eloquendi varietate renovatur. Sunt  
multa (non auderem nisi tibi dicere) elata, multa pu-  
gnacia, multa subtilia. Intervenit enim acribus illis  
et erectis frequens necessitas computandi ac paene  
calculos tabulamque poscendi, ut repente in privati  
iudicii formam centumvirale vertatur. Dedimus vela  
indignationi, dedimus irae, dedimus dolori et in am-  
plissima causa quasi magno mari pluribus ventis sumus  
vecti. In summa solent quidam ex contubernalibus  
nostris existimare hanc orationem (iterum dicam) ut  
inter meas ὡς ὑπὲρ Κτησιφῶντος esse; an vere, tu  
facillime iudicabis, qui tam memoriter tenes omnes,  
ut conferre cum hac, dum hanc solam legis, possis.  
Vale.

---

8 quod non *Dpra*, *Otto* 303, non quod *M*, *K*. 10 '[Attius]  
Suberinus *vel potius* Suburanus' *Momms.* ind. p. 403.

## XXXIV.

C. PLINIUS MAXIMO SUO S.

- 1 Recte fecisti, quod gladiatorium munus Veronen-  
sibus nostris promisisti, a quibus olim amaris, suspi-  
ceris, ornaris. Inde etiam uxorem carissimam tibi et 5  
probatissimam habuisti, cuius memoriae aut opus ali-  
quod aut spectaculum atque hoc potissimum † quod  
2 maxime funeri debebatur. Praeterea tanto consensu  
rogabaris, ut negare non constans, sed durum videretur.  
Illud quoque egregie, quod tam facilis, tam liberalis 10  
3 in edendo fuisti. Nam per haec etiam magnus animus  
ostenditur. Vellem Africanæ, quas coëmeras plurimas,  
ad praefinitum diem occurrissent. Sed, licet cessa-  
verint illae tempestate detentæ, tu tamen meruisti, ut  
acceptum tibi fieret, quod quo minus exhiberes, non 15  
per te stetit. Vale.

C. PLINI CAECILI SECUNDI  
EPISTULARUM  
LIBER SEPTIMUS.

## I.

— 20

C. PLINIUS GEMINO SUO S.

- 1 Terret me haec tua tam pertinax valetudo, et,  
quamquam te temperantissimum noverim, vereor tamen,  
2 ne quid illi etiam in mores tuos liceat. Proinde mo-  
neo, patienter resistas; hoc laudabile, hoc salutare. 25  
3 Admittit humana natura, quod suadeo. Ipse certe sic

<sup>3</sup> gladiatorium *Dpr*, *K.I.*, gladiatorum *Msa*, *K.II.*  
<sup>†</sup> *add.*, aut opus aliquod maxime funebre debeatur (videatur)  
*Dpr.*

agere sanus cum meis soleo: 'Spero quidem, si forte in adversam valetudinem incidero, nihil me desideratum vel pudore vel paenitentia dignum; si tamen superaverit morbus, denuntio, ne quid mihi detis nisi  
 5 permittentibus medicis, sciatisque, si dederitis, ita vindicaturum, ut solent alii, quae negantur.' Quin etiam, 4 cum perustus ardentissima febre tandem remissus unctusque acciperem a medico potionem, porrexi manum, utque tangeret, dixi admotumque iam labris poculum reddidi. Postea cum vicensimo valetudinis die 5 balineo praepararer mussantesque medicos repente vidissem, causam requisivi. Responderunt posse me tuto lavari, non tamen omnino sine aliqua suspicione. 'Quid' inquam 'necesse est?' atque ita spe balinei, 6  
 15 cui iam videbar inferri, placide leniterque dimissa ad abstinentiam rursus non secus ac modo ad balineum animum vultumque composui. Quae tibi scripsi, primum ut te non sine exemplo monerem, deinde ut in posterum ipse ad eandem temperantiam adstringerer, 7  
 20 cum me hac epistula quasi pignore obligassem. Vale.

## II.

C. PLINIUS IUSTO SUO S.

Quem ad modum congruit, ut simul et adfirmes te 1  
 adsiduus occupationibus impediri et scripta nostra de-  
 25 sideres, quae vix ab otiosis impetrare aliquid perituri temporis possunt? Patiar ergo aetatem inquietam 2  
 vobis exercitamque transcurrere et hieme demum, cum credibile erit noctibus saltem vacare te posse, quaeram, quid potissimum ex nugis meis tibi exhibeam. Interim 3  
 30 abunde est, si epistolae non sunt molestae; sunt autem et ideo breviores erunt. Vale.

## III.

C. PLINIUS PRAESENTI SUO S.

Tantane perseverantia tu modo in Lucania, modo 1  
 35 in Campania? 'Ipse enim' inquis 'Lucanus, uxor

Campana'. Iusta causa longioris absentiae, non per-  
 2 petuae tamen. Quin ergo aliquando in urbem redis?  
 ubi dignitas, honor, amicitiae tam superiores quam  
 minores. Quousque regnabis? quousque vigilabis, cum  
 voles, dormies, quam diu voles? quousque calcei nus- 5  
 3 quam, toga feriata, liber totus dies? Tempus est te  
 revisere molestias nostras vel ob hoc solum, ne volupta-  
 tates istae satietate languescant. Saluta paulisper,  
 quo sit tibi iucundius salutari, terere in hac turba,  
 4 ut te solitudo delectet. Sed quid imprudens, quem 10  
 evocare conor, retardo? Fortasse enim his ipsis ad-  
 moneris, ut te magis ac magis otio involvas; quod  
 5 ego non abrumpi, sed intermittere volo. Ut enim, si  
 cenam tibi facerem, dulcibus cibis acres acutosque  
 miscerem, ut obtusus illis et oblitus stomachus his 15  
 excitaretur, ita nunc hortor, ut iucundissimum genus  
 vitae non nullis interdum quasi acoribus condias. Vale.

## IV.

C. PLINIUS PONTIO ALLIFANO SUO S.

1 Ais legisse te hendecasyllabos meos; requiris etiam, 20  
 quem ad modum coeperim scribere, homo, ut tibi videor,  
 2 severus, ut ipse fateor, non ineptus. Numquam a  
 poëtica (altius enim repetam) alienus fui; quin etiam  
 quattuordecim natus annos Graecam tragoediam scripsi.  
 3 Qualem? inquis. Nescio; tragoedia vocabatur. Mox, 25  
 cum e militia rediens in Icaria insula ventis detinerer,  
 Latinos elegos in illud ipsum mare ipsamque insulam  
 feci. Expertus sum me aliquando et heroo, hendeca-  
 syllabis nunc primum, quorum hic natalis, haec causa  
 est: Legebantur in Laurentino mihi libri Asini Galli 30  
 de conparatione patris et Ciceronis. Incidit epigramma  
 4 Ciceronis in Tironem suum. Dein, cum meridie (erat  
 enim aestas) dormiturus me recepissem, nec obreperet

11 *revoc. Pomp. Laet., vulg., K.II.*  
*ad VI.28.* 32 *deinde p5; ad p.155. 6.*

19 Allifano *add.*;

somnus, coepi reputare maximos oratores hoc studii  
genus et in oblectationibus habuisse et in laude po-  
suisse. Intendi animum contraque opinionem meam 5  
post longam desuetudinem perquam exiguo temporis  
momento id ipsum, quod me ad scribendum sollicita-  
verat, his versibus exaravi:

‘Cum libros Galli legerem, quibus ille parenti 6  
ausus de Cicerone dare est palmamque decusque,  
lascivum inveni lusum Ciceronis et illo  
10 spectandum ingenio, quo seria condidit et quo  
humanis salibus multo varioque lepore  
magnorum ostendit mentes gaudere virorum.  
Nam queritur, quod fraude mala frustratus  
amantem  
15 paucula cenato sibi debita savia Tiro  
tempore nocturno subtraxerit. His ego lectis  
‘cur post haec’, inquam, ‘nostros celamus amores  
nullumque in medium timidi damus atque  
fatemur

20 Tironisque dolos, Tironis nosse fugaces  
blanditias et furta novas addentia flammis?”  
Transii ad elegos; hos quoque non minus celeriter 7  
explicui; addidi iambos facilitate corruptus. Deinde  
in urbem reversus sodalibus legi. Probaverunt. Inde 8  
25 plura metra, si quid otii, ac maxime in itinere tem-  
ptavi. Postremo placuit exemplo multorum unum se-  
paratim hendecasyllaborum volumen absolvere, nec  
paenitet. Legitur, describitur, cantatur etiam et a 9  
Graecis quoque, quos Latine huius libelli amor docuit,  
30 nunc cithara, nunc lyra personatur. Sed quid ego tam 10  
glorioso? Quamquam poëtis furere concessum est. Et  
tamen non de meo, sed de aliorum iudicio loquor;  
qui sive iudicant sive errant, me delectat. Unum

20 fugacis *Baehrens Frgm. p. L. p. 273 V. Haase ad Reis. lect. n. 522.* 23 iambos *Momms. Herm. III 105, K. II, alios Mrsa, K. I, altos Dp.* 25 ac M, om. rell. 33 delectat M, *Stangl 677, delectant vulg.*



precor, ut posteri quoque aut errent similiter aut iudicent. Vale.

## V.

C. PLINIUS CALPURNIAE SUAE S.

- 1 Incredibile est, quanto desiderio tui tenear. In 5  
causa amor primum, deinde quod non consuevimus  
abesse. Inde est, quod magnam noctium partem in  
immagine tua vigil exigo, inde, quod interdum, quibus  
horis te visere solebam, ad diaetam tuam ipsi me, ut  
verissime dicitur, pedes ducunt, quod denique aeger 10  
et maestus ac similis excluso a vacuo limine recedo.  
Unum tempus his tormentis caret, quo in foro et  
2 amicorum litibus conteror. Aestima tu, quae vita mea  
sit, cui requies in labore, in miseria curisque solacium.  
Vale.

15

## VI.

C. PLINIUS MACRINO SUO S.

- 1 Rara et notabilis res Varenus contigit, sit licet ad-  
huc dubia. Bithyni accusationem eius ut temere in-  
choatam omisisse narrantur. Narrantur dico; adest 20  
provinciae legatus, attulit decretum concilii ad Cae-  
sarem, attulit ad multos principes viros, attulit etiam  
2 ad nos Varenus advocatos. Perstat tamen idem ille  
Magnus; quin etiam Nigrinum, optimum virum, per-  
tinacissime exercet. Per hunc a consulibus postulabat, 25  
3 ut Varenus exhibere rationes cogeretur. Adsistebam  
Varenus iam tantum ut amicus et tacere decreveram.  
Nihil enim tam contrarium, quam si advocatus a se-  
natu datus defenderem ut reum, cui opus esset, ne  
4 reus videretur. Cum tamen finita postulatione Nigrini 30  
consules ad me oculos retulissent, 'Sciatis' inquam  
'constare nobis silentii nostri rationem, cum veros le-  
gatos provinciae audieritis.' Contra Nigrinus: 'Ad

12 et *Dpra*, Otto 303, om. *M*, *K*. 20 dico; adest *interp.*,  
*item IX 12. I*, dico? *edd. Adn. crit.* ad Cic. *Att.* p. 514. 13.  
29 *op. esset etiam ne Dr.*

quem missi sunt?' Ego: 'Ad me quoque; habeo decretum provinciae.' Rursus ille: 'Potest tibi liquere.' 5  
 Ad hoc ego: 'Si tibi ex diverso liquet, potest et mihi, quod est melius, † causa liquere.' Tum legatus Poly- 6  
 aenus causas abolitae accusationis exposuit postulavitque, ne cognitioni Caesaris praeiudicium fieret. Respondit Magnus iterumque Polyaenus. Ipse raro et breviter interlocutus multum me intra silentium tenui. Accepi enim non minus interdum oratorium esse ta- 7  
 cere quam dicere atque adeo repeto me quibusdam capitis reis vel magis silentio quam oratione accuratissima profuisse.

Mater amisso filio (quid enim prohibet, quamquam 8  
 alia ratio scribendae epistolae fuerit, de studiis disputare?) libertos eius eosdemque coheredes suos falsi et 15  
 veneficii reos detulerat ad principem iudicemque intraverat Iulium Servianum. Defenderam reos ingenti quidem coetu; erat enim causa notissima, praeterea utrimque ingenia clarissima. Finem cognitioni quaestio 9  
 inposuit; quae secundum reos dedit. Postea mater 10  
 adiit principem, adfirmavit se novas probationes invenisse. Praeceptum est Suburano, ut vacaret finitam causam retractanti, si quid novi adferret. Aderat matri 11  
 Iulius Africanus, nepos illius oratoris, quo audito Passienus Crispus dixit: 'Bene mehercule, bene; sed quo 25  
 tam bene?' Huius nepos, iuvenis ingeniosus, sed parum callidus, cum multa dixisset adsignatumque tempus inplesset, 'Rogo' inquit, 'Suburane, permittas mihi unum versum adicere.' Tum ego, cum omnes me ut 12  
 diu responsurum intuerentur, 'Respondissem' inquam, 30  
 'si unum illum versum Africanus adiecisset, in quo non dubito omnia nova fuisse.' Non facile me repeto tantum 13  
 adsensum agendo consecutum quantum tunc non agendo.

4 † *add.*, quod est melius liquere *ex Ma K*, q. e. melius causa liqueret (loquetur) legatus *Dp 5 r.* 29 versum *Dp a*, *Otto 303 sq.*, verbum *Mr 5*, *K.* 31 illum versum *Dp a*, illud verbum *Mr 5*, *K.*

Similiter nunc et probatum et exceptum est, quod  
 14 pro Vareno hactenus † non tacui. Consules, ut Poly-  
 aenus postulabat, omnia integra principi servaverunt;  
 cuius cognitionem suspensus expecto. Nam dies ille  
 nobis pro Vareno aut securitatem et otium dabit aut 5  
 intermissum laborem renovata sollicitudine iniunget.  
 Vale.

## VII.

C. PLINIUS SATURNINO SUO S.

1 Et proxime Prisco nostro et rursus, quia ita ius-  
 sisti, gratias egi, libentissime quidem. Est enim mihi  
 periucundum, quod viri optimi mihiq̄ue amicissimi  
 2 adeo cohaesistis, ut invicem vos obligari putetis. Nam  
 ille quoque praecipuam se voluptatem ex amicitia tua  
 capere profitetur certatque tecum honestissimo certa- 15  
 mine mutuae caritatis, quam ipsum tempus augebit.  
 Te negotiis distineri ob hoc moleste fero, quod deser-  
 vire studiis non potes. Si tamen alteram litem per  
 iudicem, alteram, ut ais, ipse finieris, incipies primum  
 20 istic otio frui, deinde satiatas ad nos reverti. Vale.

## VIII.

C. PLINIUS PRISCO SUO S.

1 Exprimere non possum, quam iucundum sit mihi,  
 quod Saturninus noster summas tibi apud me gratias  
 2 aliis super alias epistulis agit. Perge, ut coepisti, 25  
 virumque optimum quam familiarissime dilige magnam  
 voluptatem ex amicitia eius percepturus nec ad breve  
 3 tempus. Nam cum omnibus virtutibus abundat tum  
 hac praecipue, quod habet maximam in amore con-  
 stantiam. Vale.

30

## IX.

C. PLINIUS FUSCO SUO S.

1 Quaeris, quemadmodum in secessu, quo iam diu  
 2 *frueris, putem te studere oportere. Utile in primis (et*

2 † *add., hact. tacui* *Sichard*, non egi *Schaefer*, me continui ?

multi praeceperunt) vel ex Graeco in Latinum vel ex Latino vertere in Graecum; quo genere exercitationis proprietates splendorque verborum, copia figurarum, vis explicandi, praeterea imitatione optimorum similia inveniendi facultas paratur; simul, quae legentem fefellissent, transferentem fugere non possunt. Intellegentia ex hoc et iudicium acquiritur. Nihil offuerit, quae legis hactenus, ut rem argumentumque teneas, quasi aemulum scribere lectisque conferre ac sedulo pensitare, quid tu, quid ille commodius. Magna gratulatio, si non nulla tu, magnus pudor, si cuncta ille melius. Licebit interdum et notissima eligere et certare cum electis. Audax haec, non tamen improba, quia secreta contentio; quamquam multos videmus eius modi certamina sibi cum multa laude sumpsisse, quosque subsequi satis habebant, dum non desperant, antecessisse. Poteris, et quae dixeris, post oblivionem retractare, multa retinere, plura transire, alia interscribere, alia rescribere. Laboriosum istud et taedio plenum, sed difficultate ipsa fructuosum, recalescere ex integro et resumere impetum fractum omissumque, postremo nova velut membra peracto corpori intexere nec tamen priora turbare. Scio nunc tibi esse praecipuum studium orandi; sed non ideo semper pugnacem hunc et quasi bellatorium stilum suaserim. Ut enim terrae variis mutatisque seminibus ita ingenia nostra nunc hac, nunc illa meditatione recoluntur. Volo interdum aliquem ex historia locum adprehendas, volo epistulam diligentius scribas. Nam saepe in oratione quoque non historica modo, sed prope poetica descriptionum necessitas incidit, et pressus sermo purusque ex epistulis petitur. Fas est et carmine remitti, non dico continuo et longo (id enim perfici nisi in otio non potest), sed hoc arguto et brevi, quod apte quantas libet occupa-

1 praeceperunt *D*, multis praecipue erit *pr*, praecipiant *Ma*, vulg. *extra parenthesin*. 27 illac *Dpa*; ad p. 50. 19. 29 oratione *rs*, *K. II*, disp. II 14, orationes *MDa*, *K. I*.

- 10 tiones curasque distinguit. Lusus vocantur; sed hi lusus  
non minorem interdum gloriam quam seria conse-  
quantur; atque adeo (cur enim te ad versus non ver-  
sibus adhorter?)
- 11 ut laus est cerae, mollis cedensque sequatur 5  
si doctos digitos iussaue fiat opus  
et nunc informet Martem castamve Minervam,  
nunc Venerem effingat, nunc Veneris puerum,  
utque sacri fontes non sola incendia sistunt,  
saepe etiam flores vernaue prata lavant, 10  
sic hominum ingenium flecti ducique per artes  
non rigidas docta mobilitate decet.
- 12 Itaque summi oratores, summi etiam viri sic se aut  
exercebant aut delectabant, immo delectabant exerce-  
13 bantque. Nam mirum est, ut his opusculis animus 15  
intendatur, remittatur. Recipiunt enim amores, odia,  
iras, misericordiam, urbanitatem, omnia denique, quae  
14 in vita atque etiam in foro causisque versantur. Inest  
his quoque eadem quae aliis carminibus utilitas, quod  
metri necessitate devincti soluta oratione laetamur et, 20  
quod facilius esse comparatio ostendit, libentius scribimus.
- 15 Habes plura etiam fortasse, quam requirebas, unum  
tamen omisi; non enim dixi, quae legenda arbitrarer;  
quamquam dixi, cum dicerem, quae scribenda. Tu me-  
mineris sui cuiusque generis auctores diligenter eligere. 25
- 16 Aiunt enim multum legendum esse, non multa. Qui  
sint hi, adeo notum pervagatumque est, ut demonstra-  
tione non egeat; et alioqui tam immodice epistulam  
extendi, ut, dum tibi, quemadmodum studere debeas,  
suadeo, studendi tempus abstulerim. Quin ergo pugil- 30  
lares resumis et aliquid ex his vel istud ipsum, quod  
coeperas, scribis? Vale.

10 lavant *Dpa*, *Otto* 304 cf. *V* 6. 40, iuvant *Mr* 5, *K*.

12 rigida doctas *Baehrens Frgm. p. L. p. 373*. 20 devincti  
*Dpra*, devinctis *M*, defuncti *Barth., Gesn., K. II*, deiuncti  
*A. I.* 27 *pervag. con.* *Otto* 304, provocat. *Dpra*, probat.  
*M. K.*, *provulg. con.* *Gierig*, *pervulg. Schaefer*.

## X.

C. PLINIUS MACRINO SUO S.

Quia ipse, cum prima cognovi, iungere extrema 1  
quasi avulsa cupio, te quoque existimo velle de Vareno  
5 et Bithynis reliqua cognoscere. Acta causa hinc a Poly-  
aeno, inde a Magno. Finitis actionibus Caesar 'Neutra' 2  
inquit 'pars de mora queretur; erit mihi curae explo-  
rare provinciae voluntatem.' Multum interim Varenus 3  
tulit. Etenim quam dubium est, an merito accusetur,  
10 qui an omnino accusetur, incertum est! Superest, ne  
rursus provinciae, quod damnassee dicitur, placeat,  
agatque paenitentiam paenitentiae suae. Vale.

## XI.

C. PLINIUS FABATO PROSOCERO SUO S.

15 Miraris, quod Hermes, libertus meus, hereditarios 1  
agros, quos ego iusseram proscribi, non expectata  
auctione pro meo quincunce ex septingentis milibus  
Corelliae addixerit. Adicis hos nongentis milibus posse  
venire ac tanto magis quaeris, an, quod gessit, ratum  
20 servem. Ego vero servo; quibus ex causis, accipe. 2  
Cupio enim et tibi probatum et coheredibus meis ex-  
cusatum esse, quod me ab illis maiore officio iubente  
secerno.

Corelliam cum summa reverentia diligo primum ut 3  
25 sororem Corelli Rufi, cuius mihi memoria sacrosancta  
est, deinde ut matri meae familiarissimam. Sunt mihi 4  
et cum marito eius, Minicio Iusto, optimo viro,  
vetera iura; fuerunt et cum filio maxima, adeo qui-  
dem, ut praetore me ludis meis praesederit. Haec, cum 5  
30 proxime istic fui, indicavit mihi cupere se aliquid circa  
Larium nostrum possidere. Ego illi ex praediis meis,  
quod vellet et quanti vellet, obtuli exceptis maternis  
paternisque; his enim cedere ne Corelliae quidem pos-  
sum. Igitur, cum obvenisset mihi hereditas, in qua 6  
35 praedia ista, scripsi ei venalia futura. Has epistulas  
Hermes tulit exigentique, ut statim portionem meam

sibi addiceret, paruit. Vides, quam ratum habere de-  
 7 beam, quod libertus meus meis moribus gessit. Superest,  
 ut coheredes aequo animo ferant separatim me vendi-  
 disse, quod mihi licuit omnino non vendere. Nec vero  
 8 coguntur imitari meum exemplum. Non enim illis 5  
 eadem cum Corellia iura. Possunt ergo intueri utilita-  
 tem suam, pro qua mihi fuit amicitia. Vale.

## XII.

## C. PLINIUS MINICIO SUO S.

1 Libellum formatum a me, sicut exegeras, quo amicus 10  
 tuus, immo noster (quid enim non commune nobis?),  
 si res posceret, uteretur, nisi tibi ideo tardius, ne  
 tempus emendandi eum, id est disperdendi, haberes.  
 2 Habebis tamen, an emendandi, nescio, utique disper-  
 dendi. *Τυεῖς γὰρ οἱ εὖζηλοι* optima quaeque detrahi- 15  
 3 tis. Quod si feceris, boni consulam. Postea enim illis  
 ex aliqua occasione ut meis utar et beneficio fastidi  
 tui ipse laudabor† ut in eo, quod adnotatum invenies  
 4 et supra scripto aliter explicitum. Nam, cum suspica-  
 rer futurum ut tibi tumidius videretur, quoniam est 20  
 sonantius et elatius, non alienum existimavi, ne te tor-  
 queres, addere statim pressius quiddam et exilius vel  
 potius humiliter et peius, vestro tamen iudicio rectius.  
 5 Cur enim non usquequaque tenuitatem vestram inse-  
 quar et exagitem? Haec, ut inter istas occupationes 25  
 6 aliquid aliquando rideres; illud serio: vide, ut mihi  
 viaticum reddas, quod inpendi data opera cursore di-  
 misso. Ne tu, cum hoc legeris, non partes libelli, sed  
 totum libellum inprobabis negabisque ullius pretii esse,  
 cuius pretium reposceris. Vale. 30

7 prae Stangl 677sq. cf. dissimilia. 11 commune M, K.I.  
 18 † add. — eo quoque adnot. Dp, annotandum annotatum  
 quoque rε, unumquodque annotatum Gron., utique in eo, quod  
*coni. K. disp. II 15 cf. V 7. 2.* 19 superscr. K.II cf. *Suetoni*  
*locum, in quo est superscriptus.* — alio Barthio auct. K.II.

## XIII.

C. PLINIUS FEROCI SUO S.

Eadem epistula et non studere te et studere significat. Aenigmata loquor. Ita plane, donec distinctius, quod sentio, enuntiem. Negat enim te studere, sed est tam polita, quam nisi a studente non potest scribi; aut es tu super omnes beatus, si talia per desidiam et otium perficis. Vale.

## XIV.

10 C. PLINIUS CORELLIAE SUAE S.

Tu quidem honestissime, quod tam impense et rogas et exigis, ut accipi iubeam a te pretium agrorum non ex septingentis milibus, quanti illos a liberto meo, sed ex nongentis, quanti a publicanis partem vicesimam emisti. Invicem ego et rogo et exigo, ut, non solum quid te, verum etiam quid me deceat, aspicias patiarisque me in hoc uno tibi eodem animo repugnare, quo in omnibus obsequi soleo. Vale.

## XV.

20 C. PLINIUS SATURNINO SUO S.

Requiris, quid agam. Quae nosti; distringor officio, amicis deservio, studeo interdum, quod non interdum, sed solum semperque facere non audeo dicere rectius, certe beatius erat. Te omnia alia, quam quae velis, agere moleste ferrem, nisi ea, quae agis, essent honestissima. Nam et rei publicae suae negotia curare et disceptare inter amicos laude dignissimum est. Prisci nostri contubernium iucundum tibi futurum sciebam. Noveram simplicitatem eius, noveram comitatem; eundem esse, quod minus noram, gratissimum exerior, cum tam iucunde officiorum nostrorum meminisse eum scribas. Vale.

---

21 *dstring.* *M*, *K.I*; *ad II 14.1.*



## XVI.

C. PLINIUS FABATO PROSOCERO SUO S.

1 Calestrum Tironem familiarissime diligo et privatis  
 2 mihi et publicis necessitudinibus implicitum. Simul  
 militavimus, simul quaestores Caesaris fuimus. Ille me 5  
 in tribunatu liberorum iure praecessit, ego illum in  
 praetura sum consecutus, cum mihi Caesar annum  
 remisisset. Ego in villas eius saepe secessi, ille in  
 3 domo mea saepe convaluit. Hic nunc pro con-  
 sule provinciam Baeticam per Ticinum est petiturus. 10  
 Spero, immo confido facile me inpetraturum, ut ex  
 4 itinere deflectat ad te, si voles vindicta liberare, quos  
 proxime inter amicos manumisisti. Nihil est, quod  
 verearis, ne sit hoc illi molestum, cui orbem terrarum  
 5 circumire non erit longum mea causa. Proinde nimiam 15  
 istam verecundiam pone teque, quid velis, consule.  
 Illi tam iucundum, quod ego, quam mihi, quod tu iubes.  
 Vale.

## XVII.

C. PLINIUS CELERI SUO S.

20

1 Sua cuique ratio recitandi; mihi, quod saepe iam  
 dixi, ut, si quid me fugit, ut certe fugit, admonear.  
 2 Quo magis miror, quod scribis fuisse quosdam, qui  
 reprehenderent, quod orationes omnino recitarem; nisi  
 3 vero has solas non putant emendandas. A quibus li- 25  
 benter requisierim, cur concedant, si concedunt tamen,  
 historiam debere recitari, quae non ostentationi, sed  
 fidei veritatisque componitur, cur tragoediam, quae non  
 auditorium, sed scaenam et actores, cur lyrica, quae  
 non lectorem, sed chorum et lyram poscunt. At horum 30  
 4 recitatio usu iam recepta est. Num ergo culpandus est  
 ille, qui coepit? Quamquam orationes quoque et nostri  
 5 quidam et Graeci lectitaverunt. Supervacuum tamen  
 est recitare, quae dixeris. Etiam, si eadem omnia, si  
isdem omnibus, si statim recites; si vero multa inseras, 35

24 *reprend. M.; ad p. 149. 22.*

multa commutes, si quosdam novos, quosdam eosdem,  
 sed post tempus adsumas, cur minus probabilis sit  
 causa recitandi, quæ dixeris, quam edendi? Sed diffi- 6  
 cile est, ut oratio, dum recitatur, satisfaciat. Iam hoc  
 5 ad laborem recitantis pertinet, non ad rationem non  
 recitandi. Nec vero ego, dum recito, laudari, sed dum 7  
 legor, cupio. Itaque nullum emendandi genus omitto.  
 Ac primum, quæ scripsi, mecum ipse pertracto; deinde  
 duobus aut tribus lego; mox aliis trado adnotanda  
 10 notasque eorum, si dubito, cum uno rursus aut altero  
 pensito; novissime pluribus recito ac, si quid mihi  
 credis, tunc acerrime emendo. Nam tanto diligentius 8  
 quanto sollicitius intendo. Optime autem reverentia,  
 pudor, metus iudicant; idque adeo sic habe: Nonne,  
 15 si locuturus es cum aliquo quamlibet docto, uno tamen,  
 minus commoveris, quam si cum multis vel indoctis?  
 Nonne, cum surgis ad agendum, tunc maxime tibi ipse 9  
 diffidis, tunc commutata, non dico plurima, sed omnia  
 cupis? utique si latior scaena et corona diffusior; nam  
 20 illos quoque sordidos pullatosque reveremur. Nonne, 10  
 si prima quæque improbari putas, debilitaris et con-  
 cidis? Opinor, quia in numero ipso est quoddam  
 magnum conlatumque consilium, quibusque singulis  
 iudicii parum, omnibus plurimum. Itaque Pomponius 11  
 25 Secundus, hic scriptor tragoediarum, si quid forte  
 familiarior amicis tollendum, ipse retinendum arbitra-  
 retur, dicere solebat: 'Ad populum provoco' atque ita  
 ex populi vel silentio vel adsensu aut suam aut amici  
 sententiam sequebatur. Tantum ille populo dabat.  
 30 Recte an secus, nihil ad me. Ego enim non populum 12  
 advocare, sed certos electosque soleo, quos intuear,  
 quibus credam, quos denique et tamquam singulos ob-  
 servem et tamquam non singulos timeam. Nam, quod 13  
 M. Cicero de stilo, ego de metu sentio. Timor est, timor

25 hic scr. trag. del. Birt mus. Rhen. 1879. 529. 34 alter.  
 timor M Da, K. II (disp. II 16), om. pr, K. I; v. Stangl. Phil. XLV  
 1886 p. 222. Cic. de or. I 33. 150.

emendator asperrimus. Hoc ipsum, quod nos recitatu-  
 rituros cogitamus, emendat, quod auditorium ingre-  
 dimur, emendat, quod pallemus, horrescimus, circum-  
 14 spicimus, emendat. Proinde non paenitet me consuetu-  
 dinis meae, quam utilissimam experior, adeoque non  
 deterreor sermunculis istorum, ut ultro te rogem,  
 monstres aliquid, quod his addam. Nihil enim curae  
 15 meae satis est. Cogito, quam sit magnum dare aliquid  
 in manus hominum, nec persuadere mihi possum non  
 et cum multis et saepe tractandum, quod placere et  
 10 semper et omnibus cupias. Vale.

## XVIII.

C. PLINIUS CANINIO SUO S.

1 Deliberas mecum, quem ad modum pecunia, quam  
 municipibus nostris in epulum obtulisti, post te quo- 15  
 que salva sit. Honesta consultatio, non expedita sen-  
 tentia. Numeres rei publicae summam; verendum est,  
 2 ne dilabatur. Des agros; ut publici neglegentur. Equi-  
 dem nihil commodius invenio, quam quod ipse feci.  
 Nam pro quingentis milibus nummum, quae in alimenta 20  
 ingenuorum ingenuarumque promiseram, agrum ex meis  
 longe pluris actori publico mancipavi; eundem vecti-  
 3 gali inposito recepi tricena milia annua daturus. Per  
 hoc enim et rei publicae sors in tuto nec reditus in-  
 certus, et ager ipse propter id, quod vectigal large 25  
 supercurrit, semper dominum, a quo exerceatur, in-  
 4 niet. Nec ignoro me plus aliquanto, quam donasse  
 videor, erogavisse, cum pulcherrimi agri pretium ne-  
 5 cessitas vectigalis infregerit. Sed oportet privatis uti-  
 litatibus publicas, mortalibus aeternas anteferre multo- 30  
 que diligentius muneri suo consulere quam facultatibus.  
 Vale.

15 *optul. M, K. I ut I 8. 6 optin., VI 20. 13 opter. etc.*  
*7sq. Numeres — ? Des — ? edd. V. Seyff. Lael. p. 524.*

## XIX.

C. PLINIUS PRISCO SUO S.

Angit me Fanniae valetudo. Contraxit hanc, dum 1  
 adsidet Iuniae virgini sponte primum (est enim adfinis),  
 5 deinde etiam ex auctoritate pontificum. Nam virgines, 2  
 cum vi morbi atrio Vestae coguntur excedere, matro-  
 narum curae custodiaeque mandantur. Quo munere  
 Fannia dum sedulo fungitur, hoc discrimine implicita  
 est. Insident febres, tussis increscit, summa macies, 3  
 10 summa defectio; animus tantum et spiritus viget Hel-  
 vidio marito, Thrasea patre dignissimus, reliqua labun-  
 tur meque non metu tantum, verum etiam dolore con-  
 ficiunt. Doleo enim feminam maximam eripi oculis 4  
 civitatis nescio an aliquid simile visuris. Quae castitas  
 15 illi, quae sanctitas, quanta gravitas, quanta constantia!  
 Bis maritum secuta in exilium est, tertio ipsa propter  
 maritum relegata. Nam, cum Senecio reus esset, quod 5  
 de vita Helvidi libros composuisset, rogatumque se a  
 Fannia in defensione dixisset, quaerente minaciter Mettio  
 20 Caro, an rogasset, respondit: 'Rogavi', an commen-  
 tarios scripturo dedisset: 'Dedi', an sciente matre:  
 'Nesciente'; postremo nullam vocem cedentem periculo  
 emisit. Quin etiam illos ipsos libros, quamquam ex 6  
 necessitate et metu temporum abolitos senatus consulto,  
 25 publicatis bonis servavit, habuit tulitque in exilium  
 exilii causam. Eadem quam iucunda, quam comis, 7  
 quam denique, quod paucis datum est, non minus  
 amabilis quam veneranda! Eritne, quam postea uxori-  
 bus nostris ostentare possimus? erit, a qua viri quo-  
 30 que fortitudinis exempla sumamus? quam sic cernen-  
 tes audientesque miremur ut illas, quae leguntur? Ac 8  
 mihi domus ipsa nutare convulsaeque sedibus suis  
 ruitura supra videtur, licet adhuc posteros habeat.  
 Quantis enim virtutibus quantisque factis adsequen-  
 35 tur, ut haec non novissima occiderit? Me quidem 9  
*illud etiam adfligit et torquet, quod matrem eius, illam*

(nihil possum inlustrius dicere) tantae feminae matrem, rursus videor amittere, quam haec, ut reddit ac refert nobis, sic auferet secum meque et novo pariter et  
 10 rescisso vulnere adficiet. Utramque colui, utramque dilexi; utram magis, nescio, nec discerni volebant. 5 Habuerunt officia mea in secundis, habuerunt in adversis. Ego solacium relegatarum, ego ultor reversarum; non feci tamen paria atque eo magis hanc cupio ser-  
 11 vari, ut mihi solvendi tempora supersint. In his eram curis, cum scriberem ad te; quas si deus aliquis in 10 gaudium verterit, de metu non querar. Vale.

## XX.

## C. PLINIUS TACITO SUO S.

1 Librum tuum legi et, quam diligentissime potui, adnotavi, quae commutanda, quae eximenda arbitrarer. 15 Nam et ego verum dicere adsuevi et tu libenter audire. Neque enim ulli patientius reprehenduntur, quam qui  
 2 maxime laudari merentur. Nunc a te librum meum cum adnotationibus tuis expecto. O iucundas, o pulchras vices! quam me delectat, quod, si qua posteris 20 cura nostri, usquequaque narrabitur, qua concordia,  
 3 simplicitate, fide vixerimus! Erit rarum et insigne duos homines aetate, dignitate propemodum aequales, non nullius in litteris nominis (cogor enim de te quoque  
 4 parcius dicere, quia de me simul dico), alterum alterius 25 studia fovisse. Equidem adolescentulus, cum iam tu fama gloriaque floreres, te sequi, tibi 'longo sed proximus intervallo' et esse et haberi concupiscebam. Et erant multa clarissima ingenia; sed tu mihi (ita similitudo naturae ferebat) maxime imitabilis, 30  
 5 maxime imitandus videbaris. Quo magis gaudeo, quod, si quis de studiis sermo, non nominamur, quod de te loquentibus statim occurro. Nec desunt, qui utrique nostrum praeferantur. Sed nos, nihil interest mea quo

loco, iungimur; nam mihi primus, qui a te proximus. Quin etiam in testamentis debes adnotasse; nisi quis forte alterutri nostrum amicissimus, eadem legata et quidem pariter accipimus. Quae omnia huc spectant, 7  
 5 ut invicem ardentius diligamus, cum tot vinculis nos studia, mores, fama, suprema denique hominum iudicia constringant. Vale.

## XXI.

C. PLINIUS CORNUTO SUO S.

10 Pareo, collega carissime, et infirmitati oculorum, ut iubes, consulo. Nam et huc tecto vehiculo undique inclusus quasi in cubiculo perveni et hic non stilo modo, verum etiam lectionibus difficulter, sed abstineo solisque auribus studeo. Cubicula obductis velis opaca nec 2  
 15 tamen obscura facio. Cryptoporticus quoque adopertis inferioribus fenestris tantum umbrae quantum luminis habet. Sic paulatim lucem ferre condisco. Balineum 3  
 adsumo, quia prodest, vinum, quia non nocet, parcissime tamen. Ita adsuevi, et nunc custos adest. Gal- 4  
 20 linam ut a te missam libenter accepi; quam satis acribus oculis, quamquam adhuc lippus, pinguiissimam vidi. Vale.

## XXII.

C. PLINIUS FALCONI SUO S.

25 Minus miraberis me tam instanter petisse, ut in amicum meum conferres tribunatum, cum scieris, quis ille qualisque. Possum autem iam tibi et nomen indicare et describere ipsum, postquam polliceris. Est Cor- 2  
 nelius Minicianus, ornamentum regionis meae seu  
 30 dignitate seu moribus. Natus splendide abundat facultatibus, amat studia, ut solent pauperes. Idem rectissimus iudex, fortissimus advocatus, amicus fidelissimus. Accepisse te beneficium credes, cum propius inspexeris 3  
 hominem omnibus honoribus, omnibus titulis (nihil  
 35 volo elatius de modestissimo viro dicere) parem. Vale.

## XXIII.

C. PLINIUS FABATO PROSOCERO SUO S.

- 1 Gaudeo quidem esse te tam fortem, ut Mediolani  
occurrere Tironi possis, sed ut perseveres esse tam  
fortis, rogo, ne tibi contra rationem aetatis tantum 5  
laboris iniungas. Quin inmo denuntio, ut illum et  
domi et intra domum atque etiam intra cubiculi limen  
2 expectes. Etenim, cum a me ut frater diligatur, non  
debet ab eo, quem ego parentis loco observo, exigere  
officium, quod parenti suo remisisset. Vale. 10

## XXIV.

C. PLINIUS GEMINO SUO S.

- 1 Ummidia Quadratilla paulo minus octogensimo aeta-  
tis anno decessit usque ad novissimam valetudinem  
viridis atque etiam ultra matronalem modum compacto 15  
2 corpore et robusto. Decessit honestissimo testamento;  
reliquit heredes ex besse nepotem, ex tertia parte  
neptem. Neptem parum novi, nepotem familiarissime  
diligō, adulescentem singularem nec iis tantum, quos  
3 sanguine attingit, inter propinquos amandum. Ac pri- 20  
mum conspicuus forma omnes sermones malignorum  
et puer et iuvenis evasit intra quartum et vicensimum  
annum maritus et, si deus adnuisset, pater. Vixit in  
contubernio aviae delicatae severissime et tamen obse-  
4 quentissime. Habebat illa pantomimos fovebatque 25  
effusius, quam principi feminae conveniret. Hos Quadra-  
tus non in theatro, non domi spectabat; nec illa exige-  
5 bat. Audivi ipsam, cum mihi commendaret nepotis sui  
studia, solere se ut feminam in illo otio sexus laxare  
animum lusu calculorum, solere spectare pantomimos 30  
suos; sed, cum factura esset alterutrum, semper se ne-  
poti suo praecepisse, abiret studeretque; quod mihi non  
amore eius magis facere quam reverentia videbatur.  
6 Miraberis, et ego miratus sum. Proximis sacerdotalibus

ludis productis in commissione pantomimis, cum simul  
 theatro ego et Quadratus egrederemur, ait mihi: 'Scis  
 me hodie primum vidisse saltantem aviae meae liber-  
 tum?' Hoc nepos. At hercule alienissimi homines in  
 5 honorem Quadratillae (pudet me dixisse honorem) per  
 adulationis officium in theatrum cursitabant, exultabant,  
 plaudebant, mirabantur ac deinde singulos gestus do-  
 minae cum canticis reddebant; qui nunc exiguissima  
 legata, theatralis operae corollarium, accipient ab  
 10 herede, qui non spectabat. Haec, quia soles, si quid 8  
 incidit novi, non invitus audire, deinde quia iucundum  
 est mihi, quod ceperam, gaudium scribendo retractare.  
 Gaudeo enim pietate defunctae, honore optimi iuvenis,  
 laetor etiam, quod domus aliquando C. Cassi, huius qui  
 15 Cassianae scholae princeps et parens fuit, serviet domino  
 non minori. Inplebit enim illam Quadratus meus et dece- 9  
 bit rursusque ei pristinam dignitatem, celebritatem, glo-  
 riam reddet, cum tantus orator inde procedet, quantus iuris  
 ille consultus. Vale.

20

## XXV.

C. PLINIUS RUFO SUO S.

O quantum eruditorum aut modestia ipsorum aut 1  
 quies operit ac subtrahit famae! At nos eos tantum di-  
 cturi aliquid aut lecturi timemus, qui studia sua proferunt,  
 25 cum illi, qui tacent, hoc amplius praestent, quod maximum  
 opus silentio reverentur. Expertus scribo, quod scribo.  
 Terentius Iunior equestribus militiis atque etiam 2  
 procuratione Narbonensis provinciae integerrime functus  
 recepit se in agros suos paratisque honoribus tran-  
 30 quillissimum otium praetulit. Hunc ego invitatus ho- 3  
 spitio ut bonum patrem familiae, ut diligentem agri-  
 colam intuebar de his locuturus, in quibus illum ver-  
 sari putabam; et coeperam, cum ille me doctissimo  
 sermone revocavit ad studia. Quam tersa omnia, quam 4  
 35 Latina, quam Graeca! Nam tantum utraque lingua

34 'Catan. adnotavit tam lat.'; malim qua Lat. qua Gr.



valet, ut ea magis videatur excellere, qua cum maxime loquitur. Quantum ille legit, quantum tenet! Athenis  
 5 vivere hominem, non in villa putes. Quid multa? auxit sollicitudinem meam effecitque, ut illis, quos doctissimos novi, non minus hos seductos et quasi rusticos  
 6 verear. Idem suadeo tibi. Sunt enim ut in castris sic etiam in litteris nostris plures cultu pagano, quos cinctos et armatos et quidem ardentissimo ingenio diligentius scrutatus invenies. Vale.

## XXVI.

10

## C. PLINIUS MAXIMO SUO S.

1 Nuper me cuiusdam amici languor admonuit optimos esse nos, dum infirmi sumus. Quem enim infirmum  
 2 aut avaritia aut libido sollicitat? Non amoribus servit, non adpetit honores, opes negligit et quantulumcum-  
 3 que ut relicturus satis habet. Tunc deos, tunc hominem esse se meminit, invidet nemini, neminem miratur, neminem despicit ac ne sermonibus quidem malignis  
 4 aut attendit aut alitur; balinea imaginatur et fontes. Haec summa curarum, summa votorum, mollemque  
 5 in posterum et pinguem, si contingat evadere, hoc est innoxiam beatamque, destinat vitam. Possum ergo, quod  
 6 plurimis verbis, plurimis etiam voluminibus philosophi docere conantur, ipse breviter tibi mihique praecipere, ut tales esse sani perseveremus, quales nos futuros  
 7 profiteamur infirmi. Vale.

## XXVII.

## C. PLINIUS SURAE SUO S.

1 Et mihi discendi et tibi docendi facultatem otium praebet. Igitur perquam velim scire, esse phantasmata  
 2 et habere propriam figuram numenque aliquod putes an inania et vana ex metu nostro imaginem accipere.  
 3 Ego ut esse credam, in primis eo ducor, quod audio

accidisse Curtio Rufo. Tenuis adhuc et obscurus ob-  
 tinenti Africam comes haeserat. Inclinato die spati-  
 abatur in porticu; offertur ei mulieris figura humana  
 grandior pulchriorque; perterrito Africam se futurorum  
 5 praenuntiam dixit; iturum enim Romam honoresque  
 gesturum atque etiam cum summo imperio in eandem  
 provinciam reversurum ibique moriturum. Facta sunt 3  
 omnia. Praeterea accedenti Carthaginem egredientique  
 nave eadem figura in litore occurrisse narratur. Ipse  
 10 certe implicitus morbo futura praeteritis, adversa se-  
 cundis auguratus spem salutis nullo suorum desperante  
 proiecit.

Iam illud nonne et magis terribile et non minus 4  
 mirum est, quod exponam, ut accepi? Erat Athenis 5  
 15 spatiosa et capax domus, sed infamis et pestilens. Per  
 silentium noctis sonus ferri et, si attenderes acrius,  
 strepitus vinculorum longius primo, deinde e proximo  
 reddebatur. Mox apparebat idolon, senex macie et  
 squalore confectus, promissa barba, horrenti capillo;  
 20 cruribus compedes, manibus catenas gerebat quatiebat-  
 que. Inde inhabitantibus tristes diraeque noctes per 6  
 metum vigilabantur; vigiliam morbus et crescente for-  
 midine mors sequebatur. Nam interdiu quoque, quam-  
 quam abscesserat imago, memoria imaginis oculis  
 25 inerrabat, longiorque causis timoris timor erat. Deserta  
 inde et damnata solitudine domus totaque illi monstro  
 relictæ; proscribatur tamen, seu quis emere seu quis  
 conducere ignarus tanti mali vellet. Venit Athenas 7  
 philosophus Athenodorus, legit titulum auditoque pre-  
 30 tio, quia suspecta vilitas, percunctatus omnia docetur  
 ac nihilo minus, immo tanto magis conduit. Ubi coe-  
 pit advesperascere, iubet sterni sibi in prima domus  
 parte, poscit pugillares, stilum, lumen; suos omnes in  
 interiora dimittit, ipse ad scribendum animum, oculos,  
 35 manum intendit, ne vacua mens audita simulacra ex-

8 inanes sibi metus fingeret. Initio, quale ubique, silen-  
tium noctis, dein concuti ferrum, vincula moveri. Ille  
non tollere oculos, non remittere stilum, sed affirmare  
animum auribusque praetendere. Tum crebescere fra-  
gor, adventare et iam ut in limine, iam ut intra limen 5  
audiri. Respicit, videt agnoscitque narratam sibi effi-  
9 giem. Stabat innuebatque digito similis vocanti. Hic  
contra, ut paulum expectaret, manu significat rursus-  
que ceris et stilo incumbit. Illa scribentis capiti cate-  
nis insonabat. Respicit rursus idem quod prius innuen- 10  
10 tem nec moratus tollit lumen et sequitur. Ibat illa  
lento gradu quasi gravis vinculis. Postquam deflexit  
in aream domus, repente dilapsa deserit comitem.  
Desertus herbas et folia concerpta signum loco ponit.  
11 Postero die adit magistratus, monet, ut illum locum 15  
effodi iubeant. Inveniuntur ossa inserta catenis et  
implicita, quae corpus aevo terraeque putrefactum nuda  
et exesa reliquerat vinculis. Collecta publice sepeliun-  
12 tur. Domus postea rite conditis manibus caruit. Et  
haec quidem adfirmantibus credo; illud adfirmare aliis 20  
possum:

Est libertus mihi Marcus non inlitteratus. Cum hoc  
minor frater eodem lecto quiescebat. Is visus est sibi  
cernere quendam in toro residentem admoventemque ca-  
piti suo cultros atque etiam ex ipso vertice amputantem 25  
capillos. Ubi inluxit, ipse circa verticem tonsus, capilli  
13 iacentes reperiuntur. Exiguum temporis medium, et  
rursus simile aliud priori fidem fecit. Puer in paedag-  
ogio mixtus pluribus dormiebat; venerunt per fene-  
stras (ita narrat) in tunicis albis duo cubantemque 30  
detonderunt et, qua venerant, recesserunt. Hunc quo-  
que tonsum sparsosque circa capillos dies ostendit.  
14 Nihil notabile secutum, nisi forte quod non fui reus  
futurus, si Domitianus, sub quo haec acciderunt, diu-

---

2 *deinde pra. Ad p. 155. 6.* 8 paululum pa; ad III 15.4.  
22 *Marcus Catan., M. post inlit. Dp, om. K.*

tius vixisset. Nam in scrinio eius datus a Caro de me libellus inventus est; ex quo coniectari potest, quia reis moris est summittere capillum, recisos meorum capillos depulsi, quod imminebat, periculi signum fuisse.

5 Proinde rogo, eruditionem tuam intendas. Digna res est, quam diu multumque consideres, ne ego quidem indignus, cui copiam scientiae tuae facias. Licet 16 etiam utramque in partem, ut soles, disputes, ex altera tamen fortius, ne me suspensum incertumque dimittas, 10 cum mihi consulendi causa fuerit, ut dubitare desinerem. Vale.

## XXVIII.

C. PLINIUS SEPTICIO SUO S.

Ais quosdam apud te reprehendisse, tamquam amicos 1  
15 meos ex omni occasione ultra modum laudem. Agnosco crimen, amplector etiam. Quid enim honestius culpa benignitatis? Qui sunt tamen isti, qui amicos meos *me* melius norint? Sed, ut norint, quid invident mihi felicissimo errore? Ut enim non sint tales, quales a me praedicantur, ego tamen beatus, quod mihi 20 videntur. Igitur ad alios hanc sinistram diligentiam conferant; nec sunt parum multi, qui carpere amicos suos iudicium vocant; mihi numquam persuadebunt, ut meos amari a me nimis umquam putem. Vale.

25

## XXIX.

C. PLINIUS MONTANO SUO S.

Ridebis, deinde indignaberis, deinde ridebis, si legeris, quod nisi legeris, non potes credere. Est via 2 Tiburtina intra primum lapidem (proxime adnotavi) 30 monimentum Pallantis ita inscriptum: 'Huic senatus ob fidem pietatemque erga patronos ornamenta praetoria decrevit et sestertium centies quinquagies, cuius honore contentus fuit.' Equidem numquam sum mira- 3

18 *me add. Mommsen.*  
autem *M*, *nimium a*, *K*.

24 *nimis unquam Dps, nimium*

tus, quae saepius a fortuna quam a iudicio proficiscerentur; maxime tamen hic me titulus admonuit, quam essent mimica et inepta, quae interdum in hoc caenum, in has sordes abicerentur, quae denique ille furcifer et recipere ausus est et recusare atque etiam ut <sup>5</sup> 4 derationis exemplum posteris prodere. Sed quid indignor? Ridere satius, ne se magnum aliquid adeptos putent, qui huc felicitate perveniunt, ut rideantur. Vale.

## XXX.

## C. PLINIUS GENITORI SUO S.

10

1 Torqueor, quod discipulum, ut scribis, optimae spei amisisti, cuius et valetudine et morte impedita studia tua quidni sciam? cum sis omnium officiorum observantissimus, cumque omnes, quos probas, effusissime <sup>15</sup> 2 diligas. Me huc quoque urbana negotia persecuntur. Non desunt enim, qui me iudicem aut arbitrum faciunt. Accedunt querellae rusticorum, qui auribus meis post longum tempus suo iure abutuntur. Instat et necessitas agrorum locandorum perquam molesta. Adeo <sup>20</sup> 4 rarum est invenire idoneos conductores. Quibus ex causis precario studeo, studeo tamen; nam et scribo aliquid et lego; sed, cum lego, ex comparatione sentio, quam male scribam, licet tu mihi bonum animum facias, qui libellos meos de ultione Helvidi orationi <sup>25</sup> 5 Demosthenis κατὰ Μειδίον confers, quam sane, cum componerem illos, habui in manibus, non ut aemularer (inprobum enim ac paene furiosum), sed tamen imitarer et sequerer, quantum aut diversitas ingeniorum, maximi et minimi, aut causae dissimilitudo pateretur. Vale. <sup>30</sup>

## XXXI.

## C. PLINIUS CORNUTO SUO S.

1 Claudius Pollio amari a te cupit dignus hoc ipso, quod cupit, deinde, quod ipse te diligit. Neque enim

<sup>4</sup> in add. Dpra, om. M, K. 15 hoc MDr, praeterea  
semel D VI 28. 1. 33 Polio ex M K. I.; ad p. 21. 28.

fere quisquam exigit istud, nisi qui facit. Vir alioqui  
 rectus, integer, quietus ac paene ultra modum, si quis  
 tamen ultra modum, verecundus. Hunc, cum simul 2  
 militarem, non solum ut commilito inspexi. Praeerat  
 5 alae militari; ego iussus a legato consulari rationes  
 alarum et cohortium excutere ut magnam quorundam  
 foedamque avaritiam, neglegentiam parem ita huius  
 summam integritatem, sollicitam diligentiam inveni.  
 Postea promotus ad amplissimas procuraciones nulla 3  
 10 occasione corruptus ab insito abstinentiae amore de-  
 flexit; numquam secundis rebus intumuit, numquam  
 officiorum varietate continuam laudem humanitatis  
 infregit eademque firmitate animi laboribus sufficit,  
 qua nunc otium patitur. Quod quidem paulisper cum 4  
 15 magna sua laude intermisit et posuit a Corellio nostro  
 ex liberalitate imperatoris Nervae emendis dividendis-  
 que agris adiutor adsumptus. Etenim qua gloria dignum  
 est summo viro in tanta eligendi facultate praecipue  
 placuisse! Idem quam reverenter, quam fideliter amicos 5  
 20 colat, multorum supremis iudiciis, in his Anni Bassi,  
 gravissimi civis, credere potes, cuius memoriam tam  
 grata praedicatione prorogat et extendit, ut librum de  
 vita eius (nam studia quoque sicut alias bonas artes  
 veneratur) ediderit. Pulchrum istud et raritate ipsa 6  
 25 probandum, cum plerique hactenus defunctorum me-  
 minerint, ut querantur. Hunc hominem adpetentissimum 7  
 tui, mihi crede, complectere, adprehende, immo et in-  
 vita ac sic ama, tamquam gratiam referas. Neque enim  
 obligandus, sed remunerandus est in amoris officio, qui  
 30 prior coepit. Vale.

## XXXII.

C. PLINIUS FABATO PROSOCERO SUO S.

Delector iucundum tibi fuisse Tironis mei adven- 1  
 tum; quod vero scribis oblata occasione proconsulis  
 35 plurimos manumissos, unice laetor. Cupio enim patriam  
*nostram* omnibus quidem rebus augeri, maxime tamen

civium numero; id enim oppidis firmissimum ornamen-  
 2 tum. Illud etiam me non ut ambitiosum, sed tamen  
 iuvat, quod adicis te meque et gratiarum actione et  
 laude celebratos. Est enim, ut Xenophon ait, 'ἡδίσ-  
 στον ἀκροσµα ἔπαινος', utique si te mereri putes. 5  
 Vale.

## XXXIII.

C. PLINIUS TACITO SUO S.

1 Auguror, nec me fallit augurium, historias tuas im-  
 mortales futuras; quo magis illis (ingenue fatebor) in- 10  
 2 seri cupio. Nam, si esse nobis curae solet, ut facies  
 nostra ab optimo quoque artifice exprimatur, nonne  
 debemus optare, ut operibus nostris similis tui scriptor  
 3 praedicatorque contingat? Demonstro ergo, quamquam  
 diligentiam tuam fugere non possit, cum sit in publi- 15  
 cis actis, demonstro tamen, quo magis credas, iunc-  
 dum mihi futurum, si factum meum, cuius gratia pe-  
 riculo crevit, tuo ingenio, tuo testimonio ornaveris.

4 Dederat me senatus cum Herennio Senecione ad-  
 vocatum provinciae Baeticae contra Baebium Massam 20  
 damnatoque Massa censuerat, ut bona eius publice  
 custodirentur. Senecio, cum explorasset consules postu-  
 lationibus vacaturos, convenit me et 'Qua concordia'  
 inquit 'iniunctam nobis accusationem exsecuti sumus,  
 hac adeamus consules petamusque, ne bona dissipare 25  
 5 sinant, quorum esse in custodia debent.' Respondi:  
 'Cum simus advocati a senatu dati, dispice, num  
 peractas putes partes nostras senatus cognitione finita.'  
 Et ille: 'Tu, quem voles, tibi terminum statues, cui  
 nulla cum provincia necessitudo nisi ex beneficio tuo 30  
 et hoc recenti; ipse et natus ibi et quaestor in ea fui.'  
 6 Tum ego: 'Si fixum tibi istud ac deliberatum, sequar  
 7 te, ut, si qua ex hoc invidia, non tantum tua.' Veni-  
 mus ad consules; dicit Senecio, quae res ferebat, ali-  
 qua subiungo. Vixdum conticueramus, et Massa questus 35

Senecionem non advocati fidem, sed inimici amaritudinem inplesse impietatis reum postulat. Horror omnium; ego autem 'Vereor' inquam, 'clarissimi consules, ne mihi Massa silentio suo praevaricationem obiecerit, 8  
 5 quod non et me reum postulavit.' Quae vox et statim excepta et postea multo sermone celebrata est. Divus 9  
 quidem Nerva (nam privatus quoque attendebat his, quae recte in publico fierent) missis ad me gravissimis litteris non mihi solum, verum etiam saeculo est gratulatus, cui exemplum (sic enim scripsit) simile anti-  
 10 quis contigisset. Haec, utcumque se habent, notiora, 10  
 clariora, maiora tu facies; quamquam non exigo, ut excedas actae rei modum. Nam nec historia debet egredi veritatem, et honeste factis veritas sufficit. Vale.

15

C. PLINI CAECILI SECUNDI  
 E P I S T U L A R U M  
 LIBER OCTAVUS.

## I.

C. PLINIUS SEPTICIO SUO S.

20 Iter commode explicui, excepto quod quidam ex 1  
 meis adversam valetudinem ferventissimis aestibus contraxerunt. Encolpius quidem lector, ille seria nostra, 2  
 ille deliciae, exasperatis faucibus pulvere sanguinem reiecit. Quam triste hoc ipsi, quam acerbum mihi, si,  
 25 cui omnis ex studiis gratia, is inhabilis studiis fuerit!  
 Quis deinde libellos meos sic leget, sic amabit? quem

24 si, cui-gratia, is inh. Otto 304, sit cui-gratia si inh. M.  
 si is cui-gratia inh. a, K.



- 3 aures meae sic sequentur? Sed di laetiora promittunt. Stetit sanguis, resedit dolor. Praeterea continens ipse, nos solliciti, medici diligentes. Ad hoc salubritas caeli, secesus, quies tantum salutis quantum otii pollicentur. Vale.

## II.

5

## C. PLINIUS CALVISIO SUO S.

- 1 Alii in praedia sua proficiscuntur, ut locupletiores revertantur, ego, ut pauperior. Vendideram vindemias certatim negotiatoribus ementibus. Invitabat pretium,  
2 et quod tunc et quod fore videbatur. Spes fefellit. 10  
Erat expeditum omnibus remittere aequaliter, sed non satis aequum. Mihi autem egregium in primis videtur ut foris ita domi, ut in magnis ita in parvis, ut in alienis ita in suis agitare iustitiam. Nam, si paria  
3 peccata, pares etiam laudes. Itaque omnibus quidem, 15  
ne quis 'mihi non donatus abiret', partem octavam pretii, quo quis emerat, concessi; deinde iis, qui amplissimas summas emptionibus occupaverant, separatim consului. Nam et me magis iuverant et maius  
4 ipsi fecerant damnum. Igitur iis, qui pluris quam de- 20  
cem milibus emerant, ad illam communem et quasi publicam octavam addidi decumam eius summae, qua  
5 decem milia excesserant. Vereor, ne parum expresserim; apertius calculos ostendam. Si qui forte quindecim  
6 milibus emerant, hi et quindecim milium octavam et 25  
7 quinque milium decimam tulerunt. Praeterea, cum reputarem quosdam ex debito aliquantum, quosdam aliquid, quosdam nihil reposuisse, nequaquam verum arbitrabar, quos non aequasset fides solutionis, hos  
7 benignitate remissionis aequari. Rursus ergo iis, qui 30  
solverant, eius, quod solverant, decimam remisit. Per hoc enim aptissime et in praeteritum singulis pro cuiusque merito gratia referri, et in futurum omnes cum ad emendum tum etiam ad solvendum allici

16 *Verg. A. V 305.* 17 et 20 et 30 his M, K.I. 30  
*aequari a, K.II, aequare Mr, K.I.*

videbantur. Magno mihi seu ratio haec seu facilitas 8  
stetit, sed fuit tanti. Nam regione tota et novitas  
remissionis et forma laudatur. Ex ipsis etiam, quos  
non una, ut dicitur, pertica, sed distincte gradatimque  
5 tractavi, quanto quis melior et probior, tanto mihi  
obligatior abiit expertus non esse apud me 'έν δὲ  
ἰῆ τιμῇ ἡμὲν κακὸν ἡδὲ καὶ ἐσθλόν'. Vale.

## III.

C. PLINIUS SPARSO SUO S.

10 Librum, quem novissime tibi misi, ex omnibus meis 1  
vel maxime placere significas. Est eadem opinio cuius-  
dam eruditissimi. Quo magis adducor, ut neutrum falli 2  
putem, quia non est credibile utrumque falli, et quia  
tamen blandior mihi. Volo enim proxima quaeque ab-  
15 solutissima videri et ideo iam nunc contra istum librum  
faveo orationi, quam nuper in publicum dedi com-  
municaturus tecum, ut primum diligentem tabellarium  
invenero. Erexī expectationem tuam, quam vereor ne 3  
destituat oratio in manus sumpta. Interim tamen tam-  
20 quam placituram (et fortasse placebit) expecta. Vale.

## IV.

C. PLINIUS CANINIO SUO S.

Optime facis, quod bellum Dacicum scribere paras. 1  
Nam quae tam recens, tam copiosa, tam lata, quae  
25 denique tam poëtica et quamquam in verissimis rebus  
tam fabulosa materia? Dices inmissa terris nova flu- 2  
mina, novos pontes fluminibus iniectiones, insessa castris  
montium abrupta, pulsum regia, pulsum etiam vita  
regem nihil desperantem; super haec actos bis trium-  
30 phos, quorum alter ex invicta gente primus, alter no-  
vissimus fuit. Una, sed maxima difficultas, quod haec 3  
aequare dicendo arduum, immensum etiam tuo ingenio,

7 κακὸν-ἐσθλόν Schaefer, K.II, κακὸς-ἐσθλός α (om. vell.),  
K.I. Hom. I 319. 24 laeta Gerth, alta Eussner. — quae de-  
nique α, K.II (disp. I p. 14), denique Mr, K.I.

quamquam altissime adsurgat et amplissimis operibus  
 increseat. Non nullus et in illo labor, ut barbara et  
 fera nomina, in primis regis ipsius, Graecis versibus  
 4 non resultent. Sed nihil est, quod non arte curaque, si  
 non potest vinci, mitigetur. Praeterea, si datur Homero et 5  
 mollia vocabula et Graeca ad levitatem versus contra-  
 here, extendere, inflectere, cur tibi similis audentia,  
 praesertim non delicata, sed necessaria, non detur?  
 5 Proinde iure vatium invocatis dis et inter eos ipso,  
 cuius res, opera, consilia dicturus es, immitte rudentes, 10  
 pande vela ac, si quando alias, toto ingenio vehere.  
 6 Cur enim non ego quoque poëtica cum poëta? Illud  
 iam nunc paciscor: prima quaeque, ut absolveris,  
 mittito, immo etiam ante quam absolvas, sicut erunt  
 7 recentia et rudia et adhuc similia nascentibus. Re- 15  
 spondebis non posse perinde carptim ut contexta,  
 perinde inchoata placere ut effecta. Scio. Itaque et a  
 me aestimabuntur ut coepta, spectabuntur ut membra  
 extremamque limam tuam opperientur in scrinio nostro.  
 Patere hoc me super cetera habere amoris tui pignus, 20  
 8 ut ea quoque norim, quae nosse neminem velles. In  
 summa potero fortasse scripta tua magis probare, lau-  
 dare, quanto illa tardius cautiusque, sed ipsum te ma-  
 gis amabo magisque laudabo, quanto celerius et in-  
 cautius miseris. Vale.

25

## V.

## C. PLINIUS GEMINO SUO S.

1 Grave vulnus Macrinus noster accepit. Amisit uxo-  
 rem singularis exempli, etiam si olim fuisset. Vixit  
 cum hac triginta novem annis sine iurgio, sine offensa. 20  
 Quam illa reverentiam marito suo praestitit, cum ipsa  
 summam mereretur! quot quantasque virtutes ex di-  
 2 versis aetatibus sumptas collegit et miscuit! Habet  
 quidem Macrinus grande solacium, quod tantum bonum  
*tam diu tenuit; sed hinc magis exacerbatur, quod ami-* 25  
*sit. Nam fruendis voluptatibus crescit carendi dolor.*

Ero ergo suspensus pro homine amicissimo, dum admittere avocamenta et cicatricem pati possit, quam nihil aequè ac necessitas ipsa et dies longa et satietas doloris inducit. Vale.

5

## VI.

C. PLINIUS MONTANO SUO S.

Cognovisse iam ex epistula mea debes adnotasse me nuper monumentum Pallantis sub hac inscriptione: 'Huic senatus ob fidem pietatemque erga patronos ornamenta praetoria decrevit et sestertium centies quinquagies, cuius honore contentus fuit.' Postea mihi visum est pretium operae ipsum senatus consultum quaerere. Inveni tam copiosum et effusum, ut ille superbissimus titulus modicus atque etiam demissus videretur. Conferant misceantque se non dico illi veteres, Africani, Achaici, Numantini, sed hi proximi, Marii, Sullae, Pompeii, nolo progredi longius; infra Pallantis laudes iacebunt. Urbanos, qui illa censuerunt, putem an miseros? Dicerem urbanos, si senatum deceret urbanitas, miseros, sed nemo tam miser est, ut illa cogatur. Ambitio ergo et procedendi libido? Sed quis adeo demens, ut per suum, per publicum dedecus procedere velit in ea civitate, in qua hic esset usus florentissimae dignitatis, ut primus in senatu laudare Pallantem posset? Mitto, quod Pallanti servo praetoria ornamenta offeruntur (quippe offeruntur a servis), mitto, quod censent non exhortandum modo, verum etiam compellendum ad usum aureorum anulorum (erat enim contra maiestatem senatus, si ferreis praetorius uteretur); levia haec et transeunda, illa memoranda, quod nomine Pallantis senatus (nec expiata postea curia est), Pallantis nomine senatus gratias agit Caesari, quod et ipse cum summo honore mentionem eius

15 *conf. misceantque se* Otto 304, *conf. se misceantque* a, *K.II, conf. se K.I, conferantque se M, conferuntque se r.*

- prosecutus esset et senatui facultatem fecisset testandi  
 6 erga eum benivolentiam suam. Quid enim senatui pul-  
 chrius, quam ut erga Pallantem satis gratus videretur?  
 Additur: 'Ut Pallas, cui se omnes pro virili parte ob-  
 ligatos fatentur, singularis fidei, singularis industriae 5  
 fructum meritissimo ferat.' Prolatos imperii fines, red-  
 ditos exercitus rei publicae credas. Adstruitur his:  
 7 'Cum senatui populoque Romano liberalitatis gratior  
 repraesentari nulla materia possit, quam si abstin-  
 tissimi fidelissimique custodis principalium opum facul- 10  
 tates adiuvere contigisset'. Hoc tunc votum senatus,  
 hoc praecipuum gaudium populi, haec liberalitatis  
 materia gratissima, si Pallantis facultates adiuvere  
 8 publicarum opum egestionem contingeret. Iam quae se-  
 quuntur, voluisse quidem senatum censere dandum ex 15  
 aerario sestertium centies quinquagies et, quanto ab  
 eius modi cupiditatibus remotior eius animus esset, tanto  
 impensius petere a publico parente, ut eum compelleret  
 9 ad cedendum senatui. Id vero deerat, ut cum Pallante  
 auctoritate publica ageretur, Pallas rogaretur, ut se 20  
 natui cederet, ut illi superbissimae abstinentiae Caesar  
 ipse advocaretur, ne sestertium centies quinquagies  
 sperneret. Sprevit, quod solum potuit tantis opibus  
 publice oblati adrogantius facere, quam si accepisset.  
 10 Senatus tamen id quoque similis querenti laudibus tu- 25  
 lit his quidem verbis: sed cum princeps optimus  
 parensque publicus rogatus a Pallante eam partem  
 sententiae, quae pertinebat ad dandum ei ex aerario  
 sestertium centies quinquagies, remitti voluisset, testari  
 senatum, etsi libenter ac merito hanc summam inter 30  
 reliquos honores ob fidem diligentiamque Pallanti de-  
 cernere coepisset, voluntati tamen principis sui, cui in

2 suam om. Mr, K.I. 22 advocaretur Otto 304, ipse  
 patronus ipse advocaretur a, ipse patr. adv. vulg., ipse advo-  
 catus esset M, K. (disp. II 9 ex.), advocatus esset testis Madvig.  
 adv. III 215. 30 etsi r, K.II, et se Ma, [et] se K.I.  
 32 coepisset Catan., K.II, coepisse Ma, K.I.

nulla re fas putaret repugnare, in hac quoque re ob-  
 sequi. Imaginare Pallantem velut intercedentem senatus 11  
 consulto moderantemque honores suos et sestertium  
 centies quinquagies ut nimium recusantem, cum prae-  
 5 toria ornamenta tamquam minus recepisset, imaginare 12  
 Caesarem liberti precibus vel potius imperio coram se-  
 natu obtemperantem (imperat enim libertus patrono,  
 quem in senatu rogat), imaginare senatum usquequa-  
 que testantem merito libenterque se hanc summam  
 10 inter reliquos honores Pallanti coepisse decernere et  
 perseveraturum fuisse, nisi obsequeretur principis vo-  
 luntati, cui non esset fas in ulla re repugnare. Ita, ne  
 sestertium centies quinquagies Pallas ex aerario fer-  
 ret, verecundia ipsius, obsequio senatus opus fuit in  
 15 hoc praecipue non obsecuturi, si in ulla re putasset  
 fas esse non obsequi. Finem existimas? Mane dum et 13  
 maiora accipe: 'Utique, cum sit utile principis benigni-  
 tatem promptissimam ad laudem praemiaque meren-  
 tium inlustrari ubique et maxime iis locis, quibus in-  
 20 citari ad imitationem praepositi rerum eius curae pos-  
 sent, et Pallantis spectatissima fides atque innocentia  
 exemplo provocare studium tam honestae aemulationis  
 posset, ea, quae X. Kal. Februarias, quae proximae  
 fuissent, in amplissimo ordine optimus princeps reci-  
 25 tasset, senatusque consulta de iis rebus facta in aere  
 inciderentur, idque aes figeretur ad statuum loricatam  
 divi Iulii'. Parum visum tantorum dedecorum esse cu-  
 riam testem, delectus est celeberrimus locus, in quo  
 legenda praesentibus, legenda futuris proderentur.  
 30 Placuit aere signari omnes honores fastidiosissimi man-  
 cipii, quosque repudiasset quosque, quantum ad de-  
 cernentis pertinet, gessisset. Incisa et insculpta sunt  
 publicis aeternisque monumentis praetoria ornamenta  
 Pallantis sic quasi foedera antiqua, sic quasi sacrae  
 35 leges. Tanta principis, tanta senatus, tanta Pallantis 15

ipsius — quid dicam, nescio, ut si vellent in oculis omnium figi Pallas insolentiam suam, patientiam Caesar, humilitatem senatus! Nec puduit rationem turpitudini obtendere, egregiam quidem pulchramque rationem, ut exemplo Pallantis praemiorum ad studium 5  
 16 aemulationis ceteri provocarentur. Ea honorum vilitas erat, illorum etiam, quos Pallas non dedignabatur. Inveniebantur tamen honesto loco nati, qui peterent cuperentque, quod dari liberto, promitti servis videbant.  
 17 Quam iuvat, quod in tempora illa non incidi, quo- 10  
 rum sic me, tamquam illis vixerim, pudet! Non dubito similiter adfici te. Scio, quam sit tibi verus et ingenuus animus. Ideo facilius est, ut me, quamquam indignationem quibusdam in locis fortasse ultra epistulae modum extulerim, parum doluisse quam nimis 15  
 credas. Vale.

## VII.

C. PLINIUS TACITO SUO S.

1 Neque ut magistro magister neque ut discipulo  
 discipulus (sic enim scribis), sed ut discipulo magister 20  
 (nam tu magister, ego contra; atque adeo tu in scholam revocas, ego adhuc Saturnalia extendo) librum  
 2 misisti. Num potui longius hyperbaton facere atque  
 hoc ipso probare eum esse me, qui non modo magister tuus, sed ne discipulus quidem debeam dici? 25  
 Sumam tamen personam magistri exseramque in librum  
 tuum ius, quod dedisti, eo liberius, quod nihil ex meis  
 interim missurus sum tibi, in quo te ulciscaris. Vale.

## VIII.

C. PLINIUS ROMANO SUO S.

30

1 Vidistine aliquando Clitumni fontem? Si nondum  
 (et puto nondum; alioqui narrasses mihi), vide, quem

1 ut si *scr.*, ut *a*, *K.II*, si *Mr*, quasi *K.I*. 12 verus *Beroald.*, *K.II*, vivus *Mra*, *K.I*. 31 Clitumni *K.II*, *disp. II*  
*p. 16sq.*, Clitunnum *vulg.*

ego (paenitet tarditatis) proxime vidi. Modicus collis 2  
 adsurgit antiqua cupresso nemorosus et opacus. Hunc  
 subter exit fons et exprimitur pluribus venis, sed in-  
 paribus, eluctatusque, quem facit, gurgitem lato gremio  
 5 patescit purus et vitreus, ut numerare iactas stipes et  
 relucens calculos possis. Inde non loci devexitate, 3  
 sed ipsa sui copia et quasi pondere inpellitur fons ad-  
 huc et iam amplissimum flumen atque etiam navium  
 patiens, quas obvias quoque et contrario nisu in di-  
 10 versa tendentes transmittit et perfert, adeo validus, ut  
 illa, qua properat ipse, quamquam per solum planum,  
 remis non adiuvetur, idem aegerrime remis contisque  
 superetur adversus. Lucundum utrumque per iocum 4  
 ludumque fluitantibus, ut flexerint cursum, laborem  
 15 otio, otium labore variare. Ripae fraxino multa, multa  
 populo vestiuntur, quas perspicuus amnis velut mer-  
 sas viridi imagine adnumerat. Rigor aquae certaverit  
 nivibus, nec color cedit. Adiacet templum priscum et 5  
 religiosum. Stat Clitumnus ipse amictus ornatusque  
 20 praetexta. Praesens numen atque etiam fatidicum in-  
 dicant sortes. Sparsa sunt circa sacella complura toti-  
 demque di. Sua cuique veneratio, suum nomen, qui-  
 busdam vero etiam fontes. Nam praeter illum quasi  
 parentem ceterorum sunt minores capite discreti; sed  
 25 flumini miscentur, quod ponte transmittitur. Is terminus 6  
 sacri profanique. In superiore parte navigare tantum, in-  
 fra etiam natare concessum. Balineum Hispellates, quibus  
 illum locum divus Augustus dono dedit, publice prae-  
 bent, praebent et hospitium. Nec desunt villae, quae  
 30 secutae fluminis amoenitatem margini insistent. In summa 7  
 nihil erit, ex quo non capias voluptatem. Nam studebis  
 quoque; leges multa multorum omnibus columnis, om-  
 nibus parietibus inscripta, quibus fons ille deusque  
 celebratur. Plura laudabis, non nulla ridebis; quamquam  
 35 tu vero, quae tua humanitas, nulla ridebis. Vale.

4 electatusque facit gurg., qui a, K. disp. II p. 17. 7 inpel-  
 litur. Fons edd. 16 ut M, K. I. 29 et om. M, K. I.; v. disp. II 17.



## IX.

C. PLINIUS URSO SUO S.

- 1 Olim non librum in manus, non stilum sumpsi,  
 olim nescio, quid sit otium, quid quies, quid denique  
 illud iners quidem, iucundum tamen nihil agere, nihil 5  
 esse; adeo multa me negotia amicorum nec secedere  
 2 nec studere patiuntur. Nulla enim studia tanti sunt,  
 ut amicitiae officium deseratur, quod religiosissime  
 custodiendum studia ipsa praecipunt. Vale.

## X.

10

C. PLINIUS FABATO PROSOCERO SUO S.

- 1 Quo magis cupis ex nobis pronepotes videre, hoc  
 tristior audies neptem tuam abortum fecisse, dum se  
 praegnantem esse puellariter nescit ac per hoc quae-  
 dam custodienda praegnantibus omittit, facit omittenda. 15  
 Quem errorem magnis documentis expiavit in summum  
 2 periculum adducta. Igitur, ut necesse est graviter ac-  
 cipias senectutem tuam quasi paratis posteris destitu-  
 tam, sic debes agere dis gratias, quod ita tibi in prae-  
 sentia pronepotes negaverunt, ut servarent neptem, 20  
 illos reddituri, quorum nobis spem certiore haec  
 ipsa quamquam parum prospere explorata fecunditas  
 3 facit. Isdem nunc ego te quibus ipsum me hortor,  
 moneo, confirmo. Neque enim ardentius tu pronepotes  
 quam ego liberos cupio, quibus videor a meo tuoque 25  
 latere pronom ad honores iter et audita latius nomina  
 et non subitas imagines relicturus, nascentur modo  
 et hunc nostrum dolorem gaudio mutent. Vale.

## XI.

C. PLINIUS HISPULLAE SUAE S.

30

- 1 Cum adfectum tuum erga fratris filiam cogito  
 etiam materna indulgentia molliorem, intellego prius  
 tibi, quod est posterius, nuntiandum, ut praesumpta

7 sunt om. M, K.I.

25 a om. M, K.I., video a meo a.

laetitia sollicitudini locum non relinquat. Quamquam vereor, ne post gratulationem quoque in metum redeas atque ita gaudeas periculo liberatam, ut simul, quod periclitata sit, perhorrescas. Iam hilares iam 2  
 5 sibi, iam mihi reddita incipit refici transmissumque discrimen convalescendo metiri. Fuit alioqui in summo discrimine, inpune dixisse liceat, fuit nulla sua culpa, aetatis aliqua. Inde abortus et ignorati uteri triste experimentum. Proinde, etsi non contigit tibi desi- 3  
 10 derium fratris amissi aut nepote eius aut nepte solari, memento tamen dilatum magis istud quam negatum, cum salva sit, ex qua sperari potest. Simul excusa patri tuo casum, cui paratior apud feminas venia est. Vale.

## XII.

C. PLINIUS MINICIANO SUO S.

Hunc solum diem excuso. Recitaturus est Titinius 1  
 Capito, quem ego audire nescio magis debeam an cupiam. Vir est optimus et inter praecipua saeculi or-  
 20 namenta numerandus; colit studia, studiosos amat, fovet, provehit, multorum, qui aliqua componunt, portus, sinus, gremium, omnium exemplum, ipsarum denique litterarum iam senescentium reductor ac reformator. Domum suam recitantibus praebet, auditoria 2  
 25 non apud se tantum benignitate mira frequentat; mihi certe, si modo in urbe, defuit numquam. Porro tanto turpius gratiam non referre, quanto honestior causa referendae. An, si litibus tererer, obstrictum esse me 3  
 30 crederem obeunti vadimonia mea, nunc, quia mihi omne negotium, omnis in studiis cura, minus obligor tanta sedulitate celebranti, in quo obligari ego, ne dicam solo, certe maxime possum? Quod si illi nullam 4  
 vicem, nulla quasi mutua officia deberem, sollicitarer

4 *primum* iam om. M, K.I. 13 est om. M, K. 21  
 multorumque M, K.I. 22 gremium Schaefer, K.II, praemium vulg.

tamen vel ingenio hominis pulcherrimo et maximo et in summa severitate dulcissimo vel honestate materiae. Scribit exitus inlustrum virorum, in his quorundam  
 5 mihi carissimorum. Videor ergo fungi pio munere, quorumque exsequias celebrare non licuit, horum quasi  
 5 funebribus laudationibus seris quidem, sed tanto magis veris interesse. Vale.

## XIII.

C. PLINIUS GENIALI SUO S.

1 Probo, quod libellos meos cum patre legisti. Per- 10  
 tinet ad profectum tuum a disertissimo viro discere, quid laudandum, quid reprehendendum, simul ita in-  
 2 stitui, ut verum dicere adsuescas. Vides, quem sequi, cuius debeas implere vestigia. O te beatum, cui con-  
 tigit vivum atque idem optimum et coniunctissimum 15  
 exemplar, qui denique eum potissimum imitandum habes, cui natura esse te simillimum voluit! Vale.

## XIV.

C. PLINIUS ARISTONI SUO S.

1 Cum sis peritissimus et privati iuris et publici, 20  
 cuius pars senatorium est, cupio ex te potissimum audire, erraverim in senatu proxime necne, non ut in praeteritum (serum enim), verum ut in futurum, si  
 2 quid simile inciderit, erudiar. Dices: 'Cur quaeris, quod nosse debebas?' Priorum temporum servitus ut 25  
 aliarum optimarum artium sic etiam iuris senatorii  
 3 oblivionem quandam et ignorationem induxit. Quotus enim quisque tam patiens, ut velit discere, quod in usu non sit habiturus? Adde, quod difficile est tenere, quae acceperis, nisi exerceas. Itaque reducta libertas 30  
 rudes nos et inperitos apprehendit; cuius dulcedine accensi cogimur quaedam facere ante quam nosse. Erat autem antiquitus institutum, ut a maioribus natu non

---

27 *ignorationem*. a, ignorantiam M, K.

auribus modo, verum etiam oculis disceremus, quae  
 facienda mox ipsi ac per vices quasdam tradenda mi-  
 noribus haberemus. Inde adulescentuli statim castren- 5  
 sibus stipendiis imbuebantur, ut imperare parendo,  
 5 duces agere, dum secuntur, adsuescerent, inde honores  
 petituri adsistebant curiae foribus et consilii publici  
 spectatores ante quam consortes erant. Suus cuique 6  
 parens pro magistro aut, cui parens non erat, maxi-  
 mus quisque et vetustissimus pro parente. Quae po-  
 10 testas referentibus, quod consentibus ius, quae vis  
 magistratibus, quae ceteris libertas, ubi cedendum, ubi  
 resistendum, quod silendi tempus, quis dicendi modus,  
 quae distinctio pugnantium sententiarum, quae exse-  
 cutio prioribus aliquid addentium, omnem denique  
 15 senatorium morem, quod fidissimum praecipienda genus,  
 exemplis docebantur. At nos iuvenes fuimus quidem 7  
 in castris, sed cum suspecta virtus, inertia in pretio,  
 cum ducibus auctoritas nulla, nulla militibus verecundia,  
 nusquam imperium, nusquam obsequium, omnia soluta,  
 20 turbata atque etiam in contrarium versa, postremo  
 obliviscenda magis quam tenenda. Iidem prospeximus 8  
 curiam, sed curiam trepidam et elinguem, cum dicere,  
 quod velles, periculosum, quod nolles, miserum esset.  
 Quid tunc disci potuit, quid didicisse iuivit, cum se-  
 25 natus aut ad otium summum aut ad summum nefas  
 vocaretur et modo ludibrio, modo dolori retentus  
 numquam seria, tristia saepe censeret? Eadem mala 9  
 iam senatores, iam participes malorum multos per an-  
 nos vidimus tulimusque; quibus ingenia nostra in  
 30 posterum quoque hebetata, fracta, contusa sunt. Breve 10  
 tempus (nam tanto brevius omne quanto felicius tem-  
 pus), quo libet scire, quid simus, libet exercere, quod  
 scimus. Quo iustius peto, primum ut errori, si quis  
 est error, tribuas veniam, deinde medearis scientia tua,

15 fidelissim. a, K.I; v. K. disp. II 17. 33 scimus  
 Reiffersch. mus. Rhen. 1860. 636, K.II, sumus vulg.

- cui semper fuit curae sic iura publica ut privata, sic  
 11 antiqua ut recentia, sic rara ut assidua tractare. Atque  
 ego arbitror illis etiam, quibus plurimarum rerum  
 agitatio frequens nihil esse ignotum patiebatur, genus  
 quaestionis, quod adfero ad te, aut non satis tritum 5  
 aut etiam inexpertum fuisse. Hoc et ego excusator,  
 si forte sum lapsus, et tu dignior laude, si potes id  
 quoque docere, quod in obscuro est an didiceris.
- 12 Referebatur de libertis Afrani Dextri consulis in-  
 certum sua an suorum manu, scelere an obsequio per-  
 empti. Hos alius ('Quis?' inquis. Ego; sed nihil  
 refert) post quaestionem supplicio liberandos, alius in  
 insulam relegandos, alius morte puniendos arbitrabatur.  
 Quarum sententiarum tanta diversitas erat, ut non  
 13 possent esse nisi singulae. Quid enim commune habet 15  
 occidere et relegare? Non hercule magis quam rele-  
 gare et absolvere; quamquam propior aliquanto est  
 sententiae relegantis, quae absolvit, quam quae occidit  
 (utraque enim ex illis vitam relinquit, haec adimit),  
 cum interim, et qui morte puniebant, et qui relegabant, 20  
 una sedebant et temporaria simulatione concordiae  
 14 discordiam differebant. Ego postulabam, ut tribus sen-  
 tentiis constaret suus numerus, nec se brevibus indutiis  
 duae iungerent. Exigebam ergo, ut, qui capitali sup-  
 plicio adficiendos putabant, discederent a relegante, 25  
 nec interim contra absolventis mox dissensuri congregarentur,  
 quia parvulum referret, an idem displiceret,  
 15 quibus non idem placuisset. Illud etiam mihi per-  
 mirum videbatur, eum quidem, qui libertos relegandos,  
 servos supplicio adficiendos censuisset, coactum esse 30  
 dividere sententiam, hunc autem, qui libertos morte  
 multaret, cum relegante numerari. Nam, si oportuisset  
 dividi sententiam unius, quia res duas comprehendebat,  
 non reperiebam, quem ad modum posset iungi sententia  
 duorum tam diversa consentium. 35

Atque adeo permitte mihi sic apud te tamquam 16  
 ibi, sic peracta re tamquam adhuc integra rationem  
 iudicii mei reddere, quaeque tunc carptim multis ob-  
 strepentibus dixi, nunc per otium iungere. Fingamus 17  
 5 tres omnino iudices in hanc causam datos esse, horum  
 uni placuisse perire libertos, alteri relegari, tertio ab-  
 solvi; utrumne sententiae duae collatis viribus novissi-  
 mam periment, an separatim una quaeque tantundem  
 quantum altera valebit, nec magis poterit cum secunda  
 10 prima coniecti quam secunda cum tertia? Igitur in 18  
 senatu quoque numerari tamquam contrariae debent,  
 quae tamquam diversae dicuntur. Quodsi unus atque  
 idem et perdendos censeret et relegandos, num ex  
 sententia unius et perire possent et relegari? num de-  
 15 nique omnino una sententia putaretur, quae tam di-  
 versa coniungeret? Quem ad modum igitur, cum alter 19  
 puniendos, alter censeat relegandos, videri potest una  
 sententia, quia dicitur a duobus, quae non videretur  
 una, si ab uno diceretur? Quid? lex non aperte docet  
 20 dirimi debere sententias occidentis et relegantis, cum  
 ita discessionem fieri iubet: 'Qui haec sentitis, in hanc  
 partem, qui alia omnia, in illam partem ite, qua sen-  
 titis'? Examina singula verba et expende: 'qui haec  
 sentitis', hoc est qui relegandos putatis, 'in hanc par-  
 25 tem', id est in eam, in qua sedet, qui censuit rele-  
 gandos. Ex quo manifestum est non posse in eadem 20  
 parte remanere eos, qui interficiendos arbitrantur.  
 'Qui alia omnia'. Animadvertis, ut non contenta lex  
 dicere 'alia' addiderit 'omnia'. Num ergo dubium est  
 30 alia omnia sentire eos, qui occidunt, quam qui rele-  
 gant? 'In illam partem ite, qua sentitis'. Nonne vi-  
 detur ipsa lex eos, qui dissentiunt, in contrariam  
 partem vocare, cogere, impellere? non consul etiam,  
 ubi quisque remanere, quo transgredi debeat, non tan-  
 35 tum sollemnibus verbis, sed manu gestuque demonstrat?  
 At enim futurum est ut, si dividantur sententiae inter- 21  
 ficientis et relegantis, praevaleat illa, quae absolvit.

Quid istud ad censentes? quos certe non decet omnibus artibus, omni ratione pugnare, ne fiat, quod est mitius. Oportet tamen eos, qui puniunt, et qui relegant, absolventibus primum, mox inter se comparari. Scilicet, ut in spectaculis quibusdam sors aliquem se-  
 5 ponit ac servat, qui cum victore contendat, sic in senatu sunt aliqua prima, sunt secunda certamina, et ex duabus sentiis eam, quae superior extiterit, tertia  
 22 expectat. Quid, quod prima sententia conprobata ceterae perimuntur? Qua ergo ratione potest esse nunc  
 10 unus atque idem locus sententiarum, quarum nullus  
 23 est postea? Planius repetam. Nisi dicente sententiam eo, qui relegat, illi, qui puniunt capite, initio statim in alia discedant, frustra postea dissentient ab eo, cui  
 24 paulo ante consenserint. Sed quid ego similis docenti? 15  
 cum discere velim, an sententias dividi an iri in singulas oportuerit. Obtinui quidem, quod postulabam; nihilo minus tamen quaero, an postulare debuerim. Quem ad modum obtinui? Is, qui ultimum supplicium  
 sumendum esse censebat, nescio an iure, certe aequi-  
 20 tate postulationis meae victus omissa sententia sua accessit releganti veritus scilicet, ne, si dividerentur sententiae, quod alioqui fore videbatur, ea, quae absolvendos esse censebat, numero praevaleret. Etenim  
 longe plures in hac una quam in duabus singulis  
 25 erant. Tum illi quoque, qui auctoritate eius trahebantur, transeunte illo destituti reliquerunt sententiam  
 ab ipso auctore desertam secutique sunt quasi trans-  
 26 fugam, quem ducem sequebantur. Sic ex tribus sentiis duae factae, tenuitque ex duabus altera tertia  
 30 expulsa, quae, cum ambas superare non posset, elegit, ab utra vinceretur. Vale.

8 exierit *Budae. a, Otto 304.*  
 nunc *Schaefer*, non *Ma, K., del. all.*  
*Otto 304, is om. M, K.*

10 perem. *M, K. I.* —  
 19 Is qui *Bud. a,*

## XV.

C. PLINIUS IUNIORI SUO S.

Oneravi te tot pariter missis voluminibus, sed one- 1  
 ravi, primum quia exegeras, deinde quia scripseras  
 5 tam graciles istic vindemias esse, ut plane scirem tibi  
 vacaturum, quod vulgo dicitur, librum legere. Eadem 2  
 ex meis agellis nuntiantur. Igitur mihi quoque lice-  
 bit scribere, quae legas, sit modo, unde chartae emi  
 possint; quae si scabrae bibulaeve sint, aut non scri-  
 10 bendum, aut necessario, quidquid scripserimus boni  
 malive, delebimus. Vale.

## XVI.

C. PLINIUS PATERNO SUO S.

Confecerunt me infirmitates meorum, mortes etiam, 1  
 15 et quidem juvenum. Solacia duo nequaquam paria  
 tanto dolori, solacia tamen, unum facilitas manumit-  
 tendi (videor enim non omnino immaturos perdidisse,  
 quos iam liberos perdidit), alterum, quod permitto servis  
 quoque quasi testamenta facere eaque ut legitima cu-  
 20 stodio. Mandant rogantque, quod visum; pareo ut 2  
 iussus. Dividunt, donant, relinquunt dumtaxat intra  
 domum; nam servis res publica quaedam et quasi  
 civitas domus est. Sed, quamquam his solaciis ad- 3  
 quiescam, debilitor et frangor eadem illa humanitate,  
 25 quae me, ut hoc ipsum permetterem, induxit. Non  
 ideo tamen velim durior fieri. Nec ignoro alios eius  
 modi casus nihil amplius vocare quam damnum eoque  
 sibi magnos homines et sapientes videri. Qui an magni  
 sapientesque sint, nescio, homines non sunt. Hominis 4  
 30 est enim adfici dolore, sentire, resistere tamen et so-  
 lacia admittere, non solaciis non egere.

Verum de his plura fortasse, quam debui, sed 5  
 pauciora, quam volui. Est enim quaedam etiam do-  
 lendi voluptas, praesertim si in amici sinu defleas,

11 malive del. a, K. II, mali videbimus M, ve del. K. I.  
 14\*



apud quem lacrimis tuis vel laus sit parata vel venia.  
Vale.

## XVII.

C. PLINIUS MACRINO SUO S.

- 1 Num istic quoque inmite et turbidum caelum? Hic 5  
adsiduae tempestates et crebra diluvia. Tiberis alveum  
2 excessit et demissioribus ripis alte superfunditur. Quam-  
quam fossa, quam providentissimus imperator fecit,  
exhaustus premit valles, innatat campis, quaque pla-  
num solum, pro solo cernitur. Inde, quae solet flu- 10  
mina accipere et permixta devehere, velut obvius si-  
stere cogit atque ita alienis aquis operit agros, quos  
3 ipse non tangit. Anio, delicatissimus amnium ideoque  
adiacentibus villis velut invitatus retentusque, magna  
ex parte nemora, quibus inumbratur, et fregit et ra- 15  
puit; subruit montes et decidentium mole pluribus  
locis clausus, dum amissum iter quaerit, impulit tecta  
4 ac se super ruinas evexit atque extulit. Viderunt,  
quos excelsioribus terris illa tempestas non deprehen-  
dit, alibi divitum apparatus et gravem supellectilem, 20  
alibi instrumenta ruris, ibi boves, aratra, rectores, hic  
soluta et libera armenta atque inter haec arborum  
truncos aut villarum trabes atque culmina varie late-  
5 que fluitantia. Ac ne illa quidem malo vacaverunt,  
ad quae non ascendit amnis. Nam pro amne imber 25  
adsiduus et deiecti nubibus turbines, proruta opera,  
quibus pretiosa rura cinguntur, quassata atque etiam  
decussa monumenta. Multi eius modi casibus debilitati,  
obrutī, obtriti, et aucta luctibus damna.  
6 Ne quid simile istic pro mensura periculi, vereor 30  
teque rogo, si nihil tale, quam maturissime sollicitu-

11 obv. retro cog. *a*, resistere cog. *Catan. codd.* 15 et  
fregit *a*, *K. II (disp. II 18)*, et *om. M, K. I.* 18 evexit *a*,  
*K. II*, eiecit *M, K. I.* — Viderunt hi *a*. 19 non depr. *a*,  
non *om. M, K.* 23 atque culmina *a*, *K. II*, *om. M, K. I.*  
25 ad *a*, *K. II*, *om. M, K. I.*

dini meae consulas, sed, et si tale, id quoque nunties. Nam parvulum differt, patiaris adversa an expectes; nisi quod tamen est dolendi modus, non est timendi. Doleas enim, quantum scias accidisse, timeas, quantum possit accidere. Vale.

## XVIII.

C. PLINIUS RUFINO SUO S.

Falsum est nimirum, quod creditur vulgo, testa-  
 10 Tullus longe melior apparuerit morte quam vita. Nam, 2  
 cum se captandum praeberet, reliquit filiam heredem,  
 quae illi cum fratre communis, quia genitam fratre  
 adoptaverat. Prosecutus est nepotes plurimis iucundis-  
 15 summa omnia pietate plenissima ac tanto magis,  
 quoniam inexpectata sunt. Ergo varii tota civitate ser- 3  
 mones; alii fictum, ingratum, inmemorem loquuntur  
 seque ipsos, dum insectantur illum, turpissimis con-  
 fessionibus produnt, ut qui de patre, avo, proavo quasi  
 20 de orbo querantur, alii contra hoc ipsum laudibus  
 ferunt, quod sit frustratus improbas spes hominum,  
 quos sic decipere pro moribus temporum prudentia  
 est. Addunt etiam non fuisse ei liberum alio testa-  
 mento mori; neque enim reliquisse opes filiae, sed  
 25 reddidisse, quibus auctus per filiam fuerat. Nam Cur- 4  
 tilius Mancina perosus generum suum Domitium Luca-  
 num (frater is Tulli) sub ea condicione filiam eius,  
 neptem suam, instituerat heredem, si esset manu patris  
 emissa. Emiserat pater, adoptaverat patruus, atque ita  
 30 circumscripto testamento consors frater in patris po-  
 testatem emancipatam filiam adoptionis fraude revo-  
 caverat et quidem cum opibus amplissimis. Fuit alio- 5

2 parvulum *a*, *K. II* (*disp. II 19*), paulum *M*, *K. I*; cf. *p. 208. 27.* 16 quoniam *om. M* (*magis exsp.*), *K. I.* *Plura deesse videntur*, ea mireris *coni. Gierig.* 31 emancip. *M. K. II.*

qui fratribus illis quasi fato datum, ut divites fierent  
 invitissimis *iis*, a quibus facti sunt. Quin etiam Domi-  
 tius Afer, qui illos in nomen adsumpsit, reliquit tes-  
 tamentum ante decem et octo annos nuncupatum  
 adeoque postea improbatum sibi, ut patris eorum 5  
 6 bona proscribenda curaverit. Mira illius asperitas, mira  
 felicitas horum, illius asperitas, qui numero civium  
 excidit, quem socium etiam in liberis habuit, felicitas  
 horum, quibus successit in locum patris, qui patrem ab-  
 7 stulerat. Sed haec quoque hereditas Afri ut reliqua cum 10  
 fratre quaesita transmittenda erant filiae fratris, a quo  
 Tullus ex asse heres institutus praelatusque filiae fuerat,  
 ut conciliaretur. Quo laudabilius testamentum est,  
 quod pietas, fides, pudor scripsit, in quo denique om-  
 nibus adfinitatibus pro cuiusque officio gratia relata 15  
 8 est, relata et uxori. Accepit amoenissimas villas, ac-  
 cepit magnam pecuniam uxor optima et patientissima  
 ac tanto melius de viro merita, quanto magis est re-  
 prehensa, quod nupsit. Nam mulier natalibus clara,  
 moribus proba, aetate declivis, diu vidua, mater olim 20  
 parum decore secuta matrimonium videbatur divitis  
 senis ita perdit morbo, ut esse taedio posset uxori,  
 9 quam iuvenis sanusque duxisset. Quippe omnibus mem-  
 bris extortus et fractus tantas opes solis oculis obibat  
 ac ne in lectulo quidem nisi ab aliis movebatur. Quin 25  
 etiam (foedum miserandumque dictu) dentes lavandos  
 fricandosque praebebat. Auditum frequenter ex ipso,  
 cum quereretur de contumeliis debilitatis suae, digitos  
 10 se servorum suorum cotidie lingere. Vivebat tamen et  
 vivere volebat sustentante maxime uxore, quae culpam 30  
 inchoati matrimonii in gloriam perseverantia verterat.  
 11 Habes omnes fabulas urbis; nam sunt omnes fabu-  
 lae Tullus. Expectatur auctio. Fuit enim tam copio-  
 sus, ut amplissimos hortos eodem, quo emerat, die in-  
 struxerit plurimis et antiquissimis statuis. Tantum illi 35

pulcherrimorum operum in horreis, quae neglegebat. Invicem tu, si quid istic epistula dignum, ne gravare scribere. Nam cum aures hominum novitate laetantur, tum ad rationem vitae exemplis erudimur. Vale.

## XIX.

C. PLINIUS MAXIMO SUO S.

5 Et gaudium mihi et solacium in litteris, nihilque 1  
tam laetum, quod his laetius, tam triste, quod non per  
has sit minus triste. Itaque et infirmitate uxoris et  
meorum periculo, quorundam vero etiam morte turbatus  
10 ad unicum doloris levamentum studia confugi,  
quae praestant, ut adversa magis intellegam, sed patientius feram. Est autem mihi moris, quod sum daturus  
2 in manus hominum, ante amicorum iudicio examinare, in primis tuo. Proinde, si quando, nunc  
intende libro, quem cum hac epistula accipies, quia  
15 vereor, ne ipse ut tristis parum intenderim. Imperare enim dolori, ut scriberem, potui, ut vacuo animo  
laetoque, non potui. Porro ut ex studiis gaudium sic studia hilaritate proveniunt. Vale.

## XX.

C. PLINIUS GALLO SUO S.

20 Ad quae noscenda iter ingredi, transmittere mare 1  
solemus, ea sub oculis posita neglegimus, seu quia ita  
natura comparatum, ut proximorum incuriosi longinqua  
25 sectemur, seu quod omnium rerum cupido langue-  
scit, cum facilis occasio, seu quod differimus tamquam  
saepe visuri, quod datur videre, quotiens velis cernere.  
Quaecumque de causa permulta in urbe nostra iuxta  
2 que urbem non oculis modo, sed ne auribus quidem  
30 novimus, quae si tulisset Achaia, Aegyptos, Asia aliave  
quaelibet miraculorum ferax commendatrixque terra,  
audita, perlecta, lustrata haberemus. Ipse certe nuper, 3  
quod nec audieram ante nec videram, audiivi pariter

3 scribere aς, om. Mr, K. 10 confugio a.

et vidi. Exegerat prosocer meus, ut Amerina praedia sua inspicerem. Haec perambulanti mihi ostenditur subiacens lacus nomine Vadimonis; simul quaedam  
 4 incredibilia narrantur. Pervenit ad ipsum. Lacus est in similitudinem iacentis rotae circumscriptus et undique aequalis; nullus sinus, obliquitas nulla, omnia  
 5 dimensa, paria et quasi artificis manu cavata et excisa. Color caeruleo albidior, † viridior et pressior, sulphuris odor saporque medicatus, vis, qua fracta solidantur. Spatium modicum, quod tamen sentiat ventos et flucti-  
 6 bus intumescat. Nulla in hoc navis (sacer enim), sed innatant insulae herbidae omnes harundine et iunco, quaeque alia fecundior palus ipsaque illa extremitas lacus effert. Sua cuique figura ac modus; cunctis margo derasus, quia frequenter vel litori vel sibi inlisae te-  
 7 runt terunturque. Par omnibus altitudo, par levitas; quippe in speciem carinae humili radice descendunt. Haec ab omni latere perspicitur eadem aqua pariter  
 8 suspensa et mersa. Interdum iunctae copulataeque et continenti similes sunt, interdum discordantibus ventis  
 9 digeruntur, non numquam destitutae tranquillitate singulae fluitant. Saepe minores maioribus velut cum-  
 10 bulae onerariis adhaerescunt, saepe inter se maiores minoresque quasi cursum certamenque desumunt; rursus omnes in eundem locum adpulsae, qua steterunt, 25  
 11 promovent terram et modo hac, modo illa lacum reddunt auferuntque ac tum demum, cum medium tenuere,  
 12 non contrahunt. Constat pecora herbas secuta sic in insulas illas ut in extremam ripam procedere solere  
 13 nec prius intellegere mobile solum, quam litori abrepta 30  
 14 quasi inlata et inposita circumfusum undique lacum paveant, mox, quo tulerit ventus, egressa non magis

8 † *add.*, viridi\*or *coni.* viridi austerior et pr. v. viridi pressior *K. II*; *disp. II 19sq.* 12 iunco tectae a (tectae *har. 5*), *K. disp. II p. 20.* 14 ac mod. *K. II non nimis probab.*, *ut m. a, K. I, vel m. M 5*, suus mod. ? 18 aqua par. susp. a, *eademque susp. par. M, K.* 26 illac r a; ad p. 50. 19.

se descendisse sentire, quam senserint ascendisse. Idem 9  
 lacus in flumen egeritur, quod, ubi se paulisper oculis  
 dedit, specu mergitur alteque conditum meat ac, si  
 quid, antequam subduceretur, accepit, servat et profert.  
 5 Haec tibi scripsi, quia nec minus ignota quam mihi 10  
 nec minus grata credebam. Nam te quoque ut me nihil  
 aequae ac naturae opera delectant. Vale.

## XXI.

C. PLINIUS ARRIANO SUO S.

10 Ut in vita sic in studiis pulcherrimum et huma- 1  
 nissimum existimo severitatem comitatemque miscere,  
 ne illa in tristitiam, haec in petulantiam excedat. Qua 2  
 ratione ductus graviora opera lusibus iocisque distinguo.  
 Ad hos proferendos et tempus et locum opportunissi-  
 15 mum elegi, utque iam nunc adsuescerent et ab otiosis  
 et in triclinio audiri, Iulio mense, quo maxime lites  
 interquiescunt, positus ante lectos cathedris amicos  
 collocavi. Forte accidit, ut eodem die mane in ad- 3  
 vocationem subitam rogarer, quod mihi causam prae-  
 20 loquendi dedit. Sum enim deprecatus, ne quis ut in-  
 reverentem operis argueret, quod recitaturus, quamquam  
 et amicis et paucis, id est iterum amicis, foro et ne-  
 gotiis non abstinissem. Addidi hunc ordinem me et in  
 scribendo sequi, ut necessitates voluptatibus, seria  
 25 iucundis anteferrem ac primum amicis, tum mihi scri-  
 berem. Liber fuit et opusculis varius et metris. Ita 4  
 solemus, qui ingenio parum fidimus, satietatis pericu-  
 lum fugere. Recitavi biduo. Hoc adsensus audientium  
 exegit. Et tamen, ut alii transeunt quaedam imputant-  
 30 que, quod transeant, sic ego nihil praetereo atque  
 etiam non praeterire me testor. Lego enim omnia,  
 ut omnia emendem, quod contingere non potest electa  
 recitantibus. At illud modestius et fortasse reverentius. 5  
 Sed hoc simplicius et amantius. Amat enim, qui se sic

23 et a, K.II, om. Mr, K.I. 31 testor a, Otto 304, dico  
 Mr, K.

amari putat, ut taedium non pertimescat; et alioqui quid praestant sodales, si conveniunt voluptatis suae causa? Delicatus ac similis ignoto est, qui amici librum  
 6 bonum mavult audire quam facere. Non dubito cupere. te pro cetera mei caritate quam maturissime legere 5 hunc adhuc musteum librum. Leges, sed retractatum, quae causa recitandi fuit; et tamen non nulla iam ex eo nosti. Haec vel emendata postea vel, quod interdum longiore mora solet, deteriora facta quasi nova rursus et rescripta cognosces. Nam plerisque mutatis 10 ea quoque mutata videntur, quae manent. Vale.

## XXII.

## C. PLINIUS GEMINO SUO S.

1 Nostine hos, qui omnium libidinum servi sic aliorum vitiis irascuntur, quasi invideant, et gravissime 15 puniunt, quos maxime imitantur? cum eos etiam, qui non indigent clementia ullius, nihil magis quam lenitas deceat. Atque ego optimum et emendatissimum existimo, qui ceteris ita ignoscit, tamquam ipse cotidie peccet,  
 2 ita peccatis abstinet, tamquam nemini ignoscat. Proinde 3 hoc domi, hoc foris, hoc in omni vitae genere teneamus, ut nobis inplacabiles simus, exorabiles istis etiam, qui dare veniam nisi sibi nesciunt, mandemusque memoriae, quod vir mitissimus et ob hoc quoque maximus, Thrasea, crebro dicere solebat: 'Qui vitia odit, homines 25 odit.' Quaeris fortasse, quo commotus haec scribam.  
 4 Nuper quidam — sed melius coram; quamquam ne tunc quidem. Vereor enim, ne id, quod improbo, consecrari, carpere, referre huic, quod cum maxime praecipimus, repugnet. Quisquis ille, qualiscumque, sileatur, 30 quem insignire exempli nihil, non insignire humanitatis plurimum refert. Vale.

2 *sodalis M, K. I; ad p. 126. 10.* 8 *vel prius om. Mr, K. I.* 28 *consect. scr., eos sect. codd., insect. Gron., K.*  
 29 *referre a, K. II, fere Mr, K. I.*

## XXIII.

C. PLINIUS MARCELLINO SUO S.

Omnia mihi studia, omnes curas, omnia avocamenta 1  
 exemit, excussit, eripuit dolor, quem ex morte Iuni  
 5 Aviti gravissimum cepi. Latum clavum in domo mea 2  
 induerat, suffragio meo adiutus in petendis honoribus  
 fuerat, ad hoc ita me dilexerat, ita verebatur, ut me  
 formatore morum, me quasi magistro uteretur. Rarum 3  
 hoc in adolescentibus nostris. Nam quotus quisque  
 10 vel aetati alterius vel auctoritati ut minor cedit? Sta-  
 tim sapiunt, statim sciunt omnia, neminem verentur,  
 imitantur neminem atque ipsi sibi exempla sunt. Sed  
 non Avitus, cuius haec praecipua prudentia, quod alios  
 prudentiores arbitrabatur, haec praecipua eruditio, quod  
 15 discere volebat. Semper ille aut de studiis aliquid aut 4  
 de officiis vitae consulebat, semper ita recedebat ut  
 melior factus et erat factus vel eo, quod audierat, vel  
 quod omnino quaesierat. Quod ille obsequium Ser- 5  
 viano, exactissimo viro, praestitit! quem legatum tri-  
 20 bunus ita et intellexit et cepit, ut ex Germania in  
 Pannoniam transeuntem non ut commilito, sed ut  
 comes adsectatorque sequeretur. Qua industria, qua  
 modestia quaestor consulibus suis (et plures habuit)  
 non minus iucundus et gratus quam utilis fuit! Quo  
 25 discursu, qua vigilantia hanc ipsam aedilitatem, cui  
 praereptus est, petiit! quod vel maxime dolorem meum  
 exulcerat. Obversantur oculis cassi labores et infructuo- 6  
 sae preces et honor, quem meruit tantum. Redit  
 animo ille latus clavus in penetibus meis sumptus,  
 30 redeunt illa prima, illa postrema suffragia mea, illi  
 sermones, illae consultationes. Adficio adolescentia 7  
 ipsius, adficio necessitudinum casu. Erat illi grandis  
 natu parens, erat uxor, quam ante annum virginem  
 acceperat, erat filia, quam paulo ante sustulerat. Tot

7 dilexerat *a*, diligebat *M*, edd. V. Seyff. Loel. p. 221,  
*infr. pan. 63.* 7 contempserant.



8 spes, tot gaudia dies unus in diversa convertit. Modo designatus aedilis, recens maritus, recens pater intactum honorem, urbam matrem, viduam uxorem, filiam pupillam ignaramque patris reliquit. Accedit lacrimis meis, quod absens et inpendentis mali nescius pariter 5 aegrum, pariter decessisse cognovi, ne gravissimo dolori timore consuescerem. In tantis tormentis eram, cum scriberem haec, scriberem sola; neque enim nunc aliud aut cogitare aut loqui possum. Vale.

## XXIV.

10

## C. PLINIUS MAXIMO SUO S.

1 Amor in te meus cogit, non ut praecipiam (neque enim praeceptore eges), admoneam tamen, ut, quae  
2 scis, teneas et observes aut scias melius. Cogita te missum in provinciam Achaïam, illam veram et meram 15 Graeciam, in qua primum humanitas, litterae, etiam fruges inventae esse creduntur, missum ad ordinandum statum liberarum civitatum, id est ad homines maxime homines, ad liberos maxime liberos, qui ius a natura datum virtute, meritis, amicitia, foedere denique 20  
3 et religione tenuerunt. Reverere conditores deos et numina deorum, reverere gloriam veterem et hanc ipsam senectutem, quae in homine venerabilis, in urbibus sacra. Sit apud te honor antiquitati, sit ingentibus factis, sit fabulis quoque. Nihil ex cuiusquam 25 dignitate, nihil ex libertate, nihil etiam ex iactatione  
4 decerpseris. Habe ante oculos hanc esse terram, quae nobis miserit iura, quae leges non victis, sed petentibus dederit, Athenas esse, quas adeas, Lacedaemonem esse, quam regas; quibus reliquam umbram et residuum 30 libertatis nomen eripere durum, ferum, barbarum est.

1 diversa *a*, adv. *M*, *K*. 4 ignaramque *a*, *Otto* 304, ign. avi *Mr*, *K.I*, ign. [avi] *K.II*. 7 timore *a*, *Otto* 304, tempore *M*, *K*. 14 scias melius *Catan. a*, *K.I*, *Otto* 304 sq., nescire melius *Mr*, *K.II*. 19 qui ar, *K.II*, quod *M*, *K.I*. 22 nomina *M*, *K.I*.

Vides a medicis, quamquam in adversa valetudine 5  
 nihil servi ac liberi differant, mollius tamen liberos  
 clementiusque tractari. Recordare, quid quaeque civi-  
 tas fuerit, non ut despicias, quod esse desierit; absit  
 5 superbia, asperitas. Nec timueris contemptum. An 6  
 contemnitur, qui imperium, qui fasces habet, nisi hu-  
 milis et sordidus, et qui se primus ipse contemnit?  
 Male vim suam potestas aliorum contumeliis experitur,  
 male terrore veneratio acquiritur, longeque valentior  
 10 amor ad obtinendum, quod velis, quam timor. Nam  
 timor abit, si recedas, manet amor, ac sicut ille in  
 odium hic in reverentiam vertitur. Te vero etiam 7  
 atque etiam (repetam enim) meminisse oportet officii  
 tui titulum ac tibi ipsum interpretari, quale quantum-  
 15 que sit ordinare statum liberarum civitatum. Nam quid  
 ordinatione civilis, quid libertate pretiosius? Porro 8  
 quam turpe, si ordinatio eversione, libertas servitute  
 mutetur! Accedit, quod tibi certamen est tecum. Onerat  
 te quaesturae tuae fama, quam ex Bithynia optimam  
 20 revexisti, onerat testimonium principis, onerat tribuna-  
 tus, praetura atque haec ipsa legatio quasi praemium  
 data. Quo magis nitendum est, ne in longinqua pro- 9  
 vincia quam suburbana, ne inter servientes quam liberos,  
 ne sorte quam iudicio missus, ne rudis et incognitus  
 25 quam exploratus probatusque humanior, melior, peritior  
 fuisse videaris, cum sit alioqui, ut saepe audisti, saepe  
 legisti, multo deformius amittere quam non adsequi  
 laudem.

Haec velim credas, quod initio dixi, scripsisse me 10  
 30 admonentem, non praecipientem; quamquam praecipien-  
 tem quoque. Quippe non vereor, in amore ne modum  
 excesserim. Neque enim periculum est, ne sit nimium,  
 quod esse maximum debet. Vale.

---

6 nisi qui hum. a, Otto 305.

# C. PLINI CAECILI SECUNDI EPISTULARUM

## LIBER NONUS.

### I.

C. PLINIUS MAXIMO SUO S.

5

1 Saepe te monui, ut libros, quos vel pro te vel in  
Plantam, immo et pro te et in illum (ita enim materia  
cogebat) composuisti, quam maturissime emitteres,  
quod nunc praecipue morte eius audita et hortor et  
2 moneo. Quamvis enim legeris multis legendosque de- 10  
deris, nolo tamen quemquam opinari defuncto demum  
3 inchoatos, quos incolumi eo peregisti. Salva sit tibi  
constantiae fama. Erit autem, ni notum aequis iniquis-  
que fuerit non post inimici mortem scribendi tibi na-  
tam esse fiduciam, sed iam paratam editionem morte 15  
praeventam. Simul vitabis illud 'οὐχ ὁσίη φθιμέ-  
4 νοισιν'. Nam, quod de vivente scriptum, de vivente  
recitatum est, in defunctum quoque tamquam viventem  
adhuc editur, si editur statim. Igitur, si quid aliud in  
manibus, differ interim, hoc perface, quod nobis, qui 20  
legimus, olim absolutum videtur. Sed iam videatur et  
tibi, cuius cunctationem nec res ipsa desiderat et tem-  
poris ratio praecidit. Vale.

### II.

C. PLINIUS SABINO SUO S.

25

1 Facis iucunde, quod non solum plurimas epistulas  
meas, verum etiam longissimas flagitas; in quibus par-

12 incolomi M, K.I. 16 et simul M, K.I. — Hom.  
x 412. 17 de viv. recit. a, K.II (disp. II 7), om. MDpr,  
K.I. 20 diff. inter. Drp̄sa, int. diff. M, K.

cior fui, partim quia tuas occupationes verebar, partim quia ipse multum distringebar plerumque frigidis negotiis, quae simul et avocant animum et comminuunt. Praeterea nec materia plura scribendi dabatur. Neque 2  
 5 enim eadem nostra condicio quae M. Tulli, ad cuius exemplum nos vocas. Illi enim et copiosissimum ingenium et par ingenio qua varietas rerum qua magnitudo largissime suppetebat, nos quam angustis terminis 3  
 claudamur, etiam tacente me perspicis, nisi forte volumus scholasticas tibi atque, ut ita dicam, umbraticas  
 10 litteras mittere. Sed nihil minus aptum arbitramur, 4  
 cum arma vestra, cum castra, cum denique cornua, tubas, sudorem, pulverem, soles cogitamus. Habes, ut 5  
 puto, iustam excusationem, quam tamen dubito an tibi  
 15 probari velim. Est enim summi amoris negare veniam brevibus epistulis amicorum, quamvis scias illis constare rationem. Vale.

## III.

C. PLINIUS PAULINO SUO S.

20 Alius alium, ego beatissimum existimo, qui bonae 1  
 mansuraeque famae praesumptione perfruitur certusque posteritatis cum futura gloria vivit. Ac mihi nisi praemium aeternitatis ante oculos, pingue illud altumque otium placeat. Etenim omnes homines arbitror 2  
 25 oportere aut immortalitatem suam aut mortalitatem cogitare, et illos quidem contendere, eniti, hos quiescere, remitti nec brevem vitam caducis laboribus fatigare, ut video multos misera simul et ingrata imagine industriae ad vilitatem sui pervenire. Haec ego 3  
 30 tecum, quae cotidie tecum, ut desinam tecum, si dissenties tu; quamquam non dissenties, ut qui semper clarum aliquid et immortale meditare. Vale.

---

7 par ingenio qua *N. Heins.*, K. II (disp. II p. 20 sq.), par ingenio ingenium qua *M.*, par ingenio materia quanta var. rer. quam *a*, et ingenio qua *K. I.* 20 alium *a*, aliud *M D pr. K.*

## IV.

C. PLINIUS MACRINO SUO S.

- 1 Vererer, ne inmodicam orationem putares, quam cum hac epistula accipies, nisi esset generis eius, ut saepe incipere, saepe desinere videatur. Nam singulis  
 2 criminibus singulae velut causae continentur. Poteris ergo, undecumque coeperis, ubicumque desieris, quae deinceps sequentur, et quasi incipientia legere et quasi cohaerentia meque in universitate longissimum, brevissimum in partibus iudicare. Vale. 10

## V.

C. PLINIUS TIRONI SUO S.

- 1 Egregie facis (inquiero enim), et persevera, quod iustitiam tuam provincialibus multa humanitate commendas; cuius praecipua pars est honestissimum quem-  
 2 que complecti atque ita a minoribus amari, ut simul a principibus diligere. Plerique autem, dum verentur, ne gratiae potentium nimium impertire videantur, sinistritatis atque etiam malignitatis famam consequuntur.  
 3 A quo vitio tu longe recessisti (scio), sed temperare mihi non possum, quo minus laudem similis monenti, quod eum modum tenes, ut discrimina ordinum dignitatumque custodias; quae si confusa, turbata, permixta sunt, nihil est ipsa aequalitate inaequalius. Vale.

## VI.

25

C. PLINIUS CALVISIO SUO S.

- 1 Omne hoc tempus inter pugillares ac libellos iucundissima quiete transmisi. 'Quem ad modum' inquis 'in urbe potuisti?' Circenses erant, quo genere spectaculi ne levissime quidem teneor. Nihil novum, nihil varium,  
 2 nihil, quod non semel spectasse sufficiat. Quo magis miror tot milia virorum tam pueriliter identidem curre currentes equos, insistentes curribus homines videre. Si tamen aut velocitate equorum aut hominum arte traherentur, esset ratio non nulla; nunc favent 25

panno, pannum amant, et, si in ipso cursu medioque certamine hic color illuc, ille huc transferatur, studium favorque transibit, et repente agitadores illos, equos illos, quos procul noscitant, quorum clamitant nomina, relinquent. Tanta gratia, tanta auctoritas in una vilissima tunica, mitto apud vulgus, quod vilius tunica, sed 3 apud quosdam graves homines; quos ego cum recorder in re inani, frigida adsiduitate tam insatiabili desiderare, capio aliquam voluptatem, quod hac voluptate 10 non capior. Ac per hos dies libentissime otium meum 4 in litteris conloco, quos alii otiosissimis occupationibus perdunt. Vale.

## VII.

## C. PLINIUS ROMANO SUO S.

15 Aedificare te scribis. Bene est; inveni patrociniū; 1 aedifico enim iam ratione, quia tecum. Nam hoc quoque non dissimile, quod ad mare tu, ego ad Larium lacum. Huius in litore plures villae meae, sed duae 2 maxime ut delectant ita exercent. Altera inposita saxis 20 more Baiano lacum prospicit, altera aequae more Baiano lacum tangit. Itaque illam tragoediam, hanc appellare 3 comoediam soleo, illam, quod quasi cothurnis, hanc, quod quasi socculis sustinetur. Sua utrique amoenitas, et utraque possidenti ipsa diversitate iucundior. Haec 4 25 lacu propius, illa latius utitur; haec unum sinum molli curvamine amplectitur, illa editissimo dorso duos dirimit; illic recta gestatio longo limite super litus extenditur, hic spatiosissimo xysto leniter inflectitur; illa fluctus non sentit, haec frangit; ex illa possis despi- 30 cere piscantes, ex hac ipse piscari hamumque de cubiculo ac paene etiam de lectulo ut e navicula iacere. Haec mihi causae utrique, quae desunt, adstruendi ob

8 assiduitate tam insatiabili *Madv. adv. III 215sq.*, assidua tam insatiabiliter *codd., edd.* (assidue Schaefer). 28 leniter *Momms., K. II, leviter vulg.* 29 dispic. *K. I (disp. I 23) ut p. 120. 1.* 31 navicula *ad p. 77. 20.*

5 ea, quae supersunt. Sed quid ego rationem tibi? apud quem pro ratione erit idem facere. Vale.

## VIII.

C. PLINIUS AUGURINO SUO S.

1 Si laudatus a te laudare te coepero, vereor, ne non 5  
tam proferre iudicium meum quam referre gratiam videar. Sed, licet videar, omnia scripta tua pulcherrima existimo, maxime tamen illa, quae de nobis. Accidit hoc una eademque de causa. Nam et tu, quae de amicis, optime scribis, et ego, quae de me, ut optima lego. 10  
Vale.

## IX.

C. PLINIUS COLONO SUO S.

1 Unice probo, quod Pompei Quintiani morte tam  
dolenter adficeris, ut amissi caritatem desiderio exten- 15  
das, non ut plerique, qui tantum viventes amant seu potius amare se simulant ac ne simulant quidem, nisi quos florentes vident. Nam miserorum non secus ac defunctorum obliviscuntur. Sed tibi perennis fides tantaque in amore constantia, ut finiri nisi tua morte 20  
2 non possit. Et hercule is fuit Quintianus, quem diligi deceat ipsius exemplo. Felices amabat, miseros tuebatur, desiderabat amissos. Iam illa quanta probitas in ore, quanta in sermone cunctatio, quam pari libra gravitas comitasque! quod studium litterarum, 25  
quod iudicium! qua pietate cum dissimillimo patre vivebat! quam non obstat illi, quo minus vir optimus videretur, quod erat optimus filius! Sed quid dolorem tuum exulcero? Quamquam sic amasti iuvenem, 3  
ut hoc potius quam de illo sileri velis, a me praesertim, cuius praedicatione putas vitam eius ornari, memoriam prorogari, ipsamque illam, qua est raptus, aetatem posse restitui. Vale.

## X.

C. PLINIUS TACITO SUO S.

Cupio praeceptis tuis parere; sed aprorum tanta 1  
penuria est, ut Minervae et Dianae, quas ais pariter  
5 colendas, convenire non possit. Itaque Minervae tan- 2  
tum serviendum est, delicate tamen ut in secessu et  
aestate. In via plane non nulla leviora statimque de-  
lenda ea garrulitate, qua sermones in vehiculo serun-  
tur, extendi. His quaedam addidi in villa, cum aliud  
10 non liberet. Itaque poëmata quiescunt, quae tu inter  
nemora et lucos commodissime perfici putas, oratiun- 3  
culam unam, alteram retractavi; quamquam id genus  
operis inamabile, inamoenum magisque laboribus ruris  
quam voluptatibus simile. Vale.

## XI.

C. PLINIUS GEMINO SUO S.

Epistulam tuam iucundissimam recepi eo maxime, 1  
quod aliquid ad te scribi volebas, quod libris inseri  
posset. Obveniet materia vel haec ipsa, quam monstras,  
20 vel potior alia. Sunt enim in hac offendicula non nulla;  
circumfer oculos, et occurrent. Bibliopolas Lugduni 2  
esse non putabam ac tanto libentius ex litteris tuis  
cognovi venditari libellos meos, quibus peregre manere  
gratiam, quam in urbe collegerint, delector. Incipio  
25 enim satis absolutum existimare, de quo tanta diver-  
sitate regionum discreta hominum iudicia consentiunt.  
Vale.

## XII.

C. PLINIUS IUNIORI SUO S.

30 Castigabat quidam filium suum, quod paulo sum- 1  
ptuosius equos et canes emeret. Huic ego iuvene di-  
gresso: 'Heus tu, numquamne fecisti, quod a patre cor-

13 et inam. et inam. aut sim. Dpr̄s. 17 recepi Dsapr̄,  
acc. M, K. V. Gierig ad V 11 (12) 1, IX 17. 1, 28. 1, 35. 1.



ripi posset? fecisti, dico, non interdum facis, quod filius tuus, si repente pater ille, tu filius, pari gravitate reprehendat? Non omnes homines aliquo errore ducuntur? 2 non hic in illo sibi, in hoc alius indulget?' Haec tibi admonitus inmodicae severitatis exemplo pro amore 5 mutuo scripsi, ne quando tu quoque filium tuum acerbius duriusque tractares. Cogita et illum puerum esse et te fuisse atque ita hoc, quod es pater, utere, ut memineris et hominem esse te et hominis patrem. Vale.

10

## XIII.

## C. PLINIUS QUADRATO SUO S.

- 1 Quanto studiosius intentiusque legisti libros, quos de Helvidi ultione composui, tanto impensius postulas, ut perscribam tibi, quaeque extra libros quaeque circa 15 libros, totum denique ordinem rei, cui per aetatem non interfuisti.
- 2 Occiso Domitiano statui mecum ac deliberavi esse magnam pulchramque materiam insectandi nocentes, miseros vindicandi, se proferendi. Porro inter multa 30 scelera multorum nullum atrocius videbatur, quam quod in senatu senator senatori, praetorius consulari, reo iudex manus intulisset. Fuerat alioqui mihi cum Helvidio amicitia, quanta potuerat esse cum eo, qui metu temporum nomen ingens paresque virtutes se- 25
- 3 cessu tegebat, fuerat cum Arria et Fannia, quarum altera Helvidi noverca, altera mater novercae. Sed non ita me iura privata ut publicum fas et indignitas
- 4 facti et exempli ratio incitabat. Ac primis quidem diebus redditae libertatis pro se quisque inimicos suos 30 dumtaxat minores incondito turbidoque clamore postulaverant simul et oppresserant. Ego et modestius et constantius arbitratus immanissimum reum non communi temporum invidia, sed proprio crimine ur-

1 dico ad VII 6. 1.  
guere M, K.I.

15 quae extra M, K.I.

34 ur-

gere, cum iam satis primus ille impetus defervisset, et languidior in dies ira ad iustitiam redisset, quamquam tum maxime tristis amissa nuper uxore mitto ad Anteiam (nupta haec Helvidio fuerat), rogo, ut  
 5 veniat, quia me recens adhuc luctus limine contineret. Ut venit, 'destinatum est' inquam 'mihi maritum tuum non inultum pati. Nuntia Arriae et Fanniae' (ab  
 exilio redierant); 'consule te, consule illas, an velitis adscribi facto, in quo ego comite non egeo; sed non  
 10 ita gloriae meae faverim, ut vobis societate eius invideam.' Perfert Anteia mandata, nec illae morantur. Opportune senatus intra diem tertium. Omnia ego  
 semper ad Corellium rettuli, quem providentissimum aetatis nostrae sapientissimumque cognovi; in hoc  
 15 tamen contentus consilio meo fui veritus, ne vetaret; erat enim cunctantior cautiorque. Sed non sustinui inducere in animum, quo minus illi eodem die facturum me indicarem, quod an facerem, non deliberabam expertus usu de eo, quod destinaveris, non esse consu-  
 20 lendos, quibus consultis obsequi debeas. Venio in senatum, ius dicendi peto, dico paulisper maximo adsensu. Ubi coepi crimen attingere, reum destinare, adhuc  
 tamen sine nomine, undique mihi reclamari. Alius: 'Sciamus, quis sit, de quo extra ordinem referas', alius:  
 25 'Quis est ante relationem reus?' alius: 'Salvi simus, qui supersumus.' Audio inperturbatus, interritus; tantum susceptae rei honestas valet, tantumque ad fiduciam  
 vel metum differt, nolint homines, quod facias, an non probent. Longum est omnia, quae tunc hinc inde iacta  
 30 sunt, recensere. Novissime consul: 'Secunde, sententiae loco dices, si quid volueris.' 'Permiseras' inquam, 'quod usque adhuc omnibus permisisti.' Resido; aguntur alia. Interim me quidam ex consularibus amicis 10 secreto curatoque sermone quasi nimis fortiter incau-

1 defervisset *Dpra*, Otto 305, deferb. ε, defervisset *M, K*; cf. *IX 16 ex*. 31 Permiseras ε, *K. I*; v. *disp. II 21*.

- teque progressum corripit, revocat, monet, ut desistam, adicit etiam: 'Notabilem te futuris principibus fecisti'.  
 11 'Esto' inquam, 'dum malis.' Vix ille discesserat, rursus alter: 'Quid audes? quo ruis? quibus te periculis obicis? quid praesentibus confidis incertus futurorum? 5  
 lacessis hominem iam praefectum aerarii et brevi consulem, praeterea qua gratia, quibus amicitiiis fultum?' Nominat quendam, qui tunc ad orientem amplissimum et famosissimum exercitum non sine magnis dubiisque ru-  
 12 moribus obtinebat. Ad haec ego: 'Omnia praecepi 10  
 atque animo mecum peregi nec recuso, si ita casus attulerit, luere poenas ob honestissimum factum, dum  
 13 flagitiosissimum ulciscor.' Iam censendi tempus. Dicit Domitius Apollinaris, consul designatus, dicit Fabricius Veiento, Fabius Postumius, Vettius Proculus, collega Pu- 15  
 blici Certi, de quo agebatur, uxoris autem meae, quam amiseram, vitricus, post hos Ammius Flaccus. Omnes Certum nondum a me nominatum ut nominatum defendunt crimenque quasi in medio relictum defensione  
 14 suscipiunt. Quae praeterea dixerint, non est necesse 20  
 narrare; in libris habes. Sum enim cuncta ipsorum  
 15 verbis persecutus. Dicunt contra Avidius Quietus, Cornutus Tertullus, Quietus iniquissimum esse querellas dolentium excludi, ideoque Arriae et Fanniae ius querendi non auferendum, nec interesse, cuius ordinis 25  
 16 quis sit, sed quam causam habeat, Cornutus datum se a consulibus tutorem Helvidi filiae petentibus matre eius et vitrico; nunc quoque non sustinere deserere officii sui partes, in quo tamen et suo dolori modum inponere et optimarum feminarum perferre modestissimum adfectum; quas contentas esse admonere senatum Publici Certi cruentae adulationis et petere, si poena flagitii manifestissimi remittatur, nota certe quasi cen-  
 17 soria inuratur. Tum Satrius Rufus medio ambiguoque

2 me om. fecisti *M, K. I.* 9 et fam. a, *K. II, om. Dpr, K. I.* 10 *Verg. A. VI 105.* 15 Postumius (Posthuminus) *Dpr a, Otto 305, Maximinus M, K.* 16 autem *Dpr a, Otto, om. Mr, K.*

sermone 'Puto' inquit 'iniuriam factam Publicio Certo, si non absolvitur; nominatus est ab amicis Arriae et Fanniae, nominatus ab amicis suis. Nec debemus solliciti esse; iidem enim nos, qui bene sentimus de homine, et iudicaturi sumus. Si innocens est, sicut spero et malo et, donec aliquid probetur, credo, poteritis absolvere.' Haec illi, quo quisque ordine citabantur. 18 Venitur ad me. Consurgo, utro initio, quod in libro est, respondeo singulis. Mirum, qua intentione, quibus 10 clamoribus omnia exceperint, qui modo reclamabant. Tanta conversio vel negotii dignitatem vel proventum orationis vel actoris constantiam subsecuta est. Finio. 19 Incipit respondere Veiento. Nemo patitur; obturbatur, obstrepitur adeo quidem, ut diceret: 'Rogo, patres 15 conscripti, ne me cogatis inplorare auxilium tribunorum.' Et statim Murena tribunus: 'Permitto tibi, vir clarissime Veiento, dicere.' Tunc quoque reclamatur. Inter moras consul citatis nominibus et peracta discessione mittit senatum ac paene adhuc stantem temptantemque dicere Veientonem reliquit. Multum ille de hac (ita vocabat) contumelia questus est Homericō versu: 20  
*ὦ γέρον, ἧ μάλα δὴ σε νέοι τεύρουσι μαχητάι.*  
 Non fere quisquam in senatu fuit, qui non me com- 21 plecteretur, exoscularetur certatimque laude cumlaret, 25 quod intermissum iam diu morem in publicum consulendi susceptis propriis simultatibus reduxissem, quod denique senatum invidia liberassem, qua flagrabat apud ordines alios, quod severus in ceteros senatoribus solis dissimulatione quasi mutua parceret. 30  
 Haec acta sunt absente Certo; fuit enim seu tale 22 aliquid suspicatus sive, ut excusabatur, infirmus. Et relationem quidem de eo Caesar ad senatum non remisit; obtinui tamen, quod intenderam. Nam collega 23 Certi consulatum, successorem Certus accepit, plane- 35 que factum est, quod dixeram in fine: 'Reddat prae-

mium sub optimo principe, quod a pessimo accepit.  
 Postea actionem meam, utcumque potui, recollegi, ad-  
 24 didi multa. Accidit fortuitum, sed non tamquam for-  
 tuitum, quod editis libris Certus intra paucissimos dies  
 25 implicitus morbo decessit. Audivi referentes hanc imagi-  
 nem menti eius, hanc oculis oberrasse, tamquam videret  
 me sibi cum ferro imminere. Verane haec, adfirmare  
 non ausim; interest tamen exempli, ut vera videantur.  
 26 Habes epistulam, si modum epistulae cogites, libris,  
 quos legisti, non minorem; sed inputabis tibi, qui 10  
 contentus libris non fuisti. Vale.

## XIV.

C. PLENIUS TACITO SUO S.

Nec ipse tibi plaudis, et ego nihil magis ex fide  
 quam de te scribo. Posteris an aliqua cura nostri, 15  
 nescio, nos certe meremur, ut sit aliqua, non dico in-  
 genio (id enim superbum), sed studio et labore et re-  
 verentia posterorum. Pergamus modo itinere instituto,  
 quod ut paucos in lucem famamque provexit ita mul-  
 tos e tenebris et silentio protulit. Vale. 20

## XV.

C. PLINIUS FALCONI SUO S.

1 Refugeram in Tuscos, ut omnia ad arbitrium meum  
 facerem. At hoc ne in Tuscis quidem; tam multis un-  
 dique rusticorum libellis et tam querulis inquietor, 25  
 quos aliquanto magis invitus quam meos lego; nam  
 2 et meos invitus. Retracto enim actiunculas quasdam,  
 quod post intercapedinem temporis et frigidum et  
 acerbum est. Rationes quasi absente me negleguntur.  
 3 Interdum tamen equum conscendo et patrem familiae 30  
 hactenus ago, quod aliquam partem praediorum, sed  
 pro gestatione percurro. Tu consuetudinem serva no-  
 bisque sic rusticis urbana acta perscribe. Vale.

---

6 videret Helvidium respondere mihi Dpra.

## XVI.

C. PLINIUS MAMILIANO SUO S.

Summam te voluptatem percepisse ex isto copio- 1  
 sissimo genere venandi non miror, cum historicorum  
 5 more scribas numerum iniri non potuisse. Nobis  
 venari nec vacat nec libet, non vacat, quia vindemiae  
 in manibus, non libet, quia exiguae. Devehimus 2  
 tamen pro novo musto novos versiculos tibi*que* iucun-  
 dissime exigenti, ut primum videbuntur defervisse, mit-  
 10 temus. Vale.

## XVII.

C. PLINIUS GENITORI SUO S.

Recepi litteras tuas, quibus quereris taedio tibi 1  
 fuisse quamvis lautissimam cenam, quia scurrae, cin-  
 15 aedi, moriones mensis inerrabant. Vis tu remittere 2  
 aliquid ex rugis? Equidem nihil tale habeo, habentes  
 tamen fero. Cur ergo non habeo? Quia nequaquam  
 me ut inexpectatum festivumve delectat, si quid molle  
 a cinaedo, petulans a scurra, stultum a morione pro-  
 20 fertur. Non rationem, sed stomachum tibi narro. At 3  
 que adeo quam multos putas esse, quos ea, quibus ego  
 et tu capimur et ducimur, partim ut inepta, partim ut  
 molestissima offendant! Quam multi, cum lector aut  
 lyristes aut comoedus inductus est, calceos poscunt  
 25 aut non minore cum taedio recubant, quam tu ista  
 (sic enim appellas) prodigia perpessus es! Demus igi- 4  
 tur alienis oblectationibus veniam, ut nostris inpetre-  
 mus. Vale.

## XVIII.

C. PLINIUS SABINO SUO S.

Qua intentione, quo studio, qua denique memoria 1  
 legeris libellos meos, epistula tua ostendit. Ipse igitur  
 exhibes negotium tibi, qui elicis et invitas, ut quam  
 plurima communicare tecum velim. Faciam, per partes 2  
 30 tamen et quasi digesta, ne istam ipsam memoriam, cui  
*gratias ago*, adsiduitate et copia turbem oneratam*que*

et quasi oppressam cogam pluribus singula, posterioribus priora dimittere. Vale.

## XIX.

C. PLINIUS RUSONI SUO S.

1 Significas legisse te in quadam epistula mea iussisse  
Verginum Rufum inscribi sepulcro suo:

'Hic situs est Rufus, pulso qui Vindice  
quondam

imperium adseruit non sibi, sed patriae.'

Reprehendis, quod iusserit, addis etiam melius rectius- 10  
que Frontinum, quod vetuerit omnino monumentum  
sibi fieri, meque ad extremum, quid de utroque sen-  
2 tiam, consulis. Utrumque dilexi, miratus sum magis,  
quem tu reprehendis, atque ita miratus, ut non puta-  
rem satis umquam posse laudari, cuius nunc mihi 15  
3 subeunda defensio est. Omnes ego, qui magnum ali-  
quid memorandumque fecerunt, non modo venia, verum  
etiam laude dignissimos iudico, si immortalitatem, quam  
meruere, sectantur victurique nominis famam supremis  
4 etiam titulis prorogare nituntur. Nec facile quemquam 20  
nisi Verginium invenio, cuius tanta in praedicando  
5 verecundia quanta gloria ex facto. Ipse sum testis fa-  
miliariter ab eo dilectus probatusque semel omnino  
me audiente provectum, ut de rebus suis hoc unum  
referret; ita secum aliquando Cluvium locutum: 'Scis, 25  
Vergini, quae historiae fides debeatur. Proinde, si quid  
in historiis meis legis aliter, ac velles, rogo, ignoscas'.  
Ad hoc ille: 'Tunc ignoras, Cluvi, ideo me fecisse,  
quod feci, ut esset liberum vobis scribere, quae libuis-  
6 set?' Age dum, hunc ipsum Frontinum in hoc ipso, 30  
in quo tibi parcius videtur et pressior, comparemus.  
Vetuit extrui monumentum, sed quibus verbis? 'In-

32 sq. extrui moniment. — inp. monum. K.I. Monim. in  
utraq. ed. III 7. 8 ex., VII 29. 2, VIII 17. 5, monum. VIII 6. 1,  
14 ex., IX 19. 1 ex., pan. 95. 1; monim. ed. I, monum. II X 31. 4 ex.

pensa monumenti supervacua est; memoria nostri durabit, si vita meruimus.' An restrictius arbitraris per orbem terrarum legendum dare duraturam memoriam suam quam uno in loco duobus versiculis signare, quod  
 5 feceris? Quamquam non habeo propositum illum reprehendendi, sed hunc tuendi; cuius quae potest apud te iustior esse defensio quam ex conlatione eius, quem  
 praetulisti? Meo quidem iudicio neuter culpandus, quorum  
 8 uterque ad gloriam pari cupiditate, diverso  
 10 itinere contendit, alter, dum expetit debitos titulos, alter, dum mavult videri contempsisse. Vale.

## XX.

C. PLINIUS VENATORI SUO S.

Tua vero epistula tanto mihi iucundior fuit, quanto  
 15 longior erat, praesertim cum de libellis meis tota loqueretur; quos tibi voluptati esse non miror, cum omnia nostra perinde ac nos ames. Ipse cum maxime  
 2 vindemias graciles quidem, uberiores tamen, quam expectaveram, colligo, si colligere est non numquam  
 20 decerpere uvam, torculum invisere, degustare de lacu mustum, obrepere urbanis, qui nunc rusticis praesunt neque notariis et lectoribus reliquerunt. Vale.

## XXI.

C. PLINIUS SABINIANO SUO S.

Libertus tuus, cui suscensere te dixeras, venit ad  
 25 me advolutusque pedibus meis tamquam tuis haesit. Flevit multum, multum rogavit, multum etiam tacuit, in summa fecit mihi fidem paenitentiae. Vere credo emendatum, quia deliquisse se sentit. Irascaris, scio,  
 2 et irascaris merito, id quoque scio; sed tunc praecipua mansuetudinis laus, cum irae causa iustissima est. Amasti hominem et, spero, amabis; interim sufficit, ut  
 3 exorari te sinas. Licebit rursus irasci, si meruerit, quod exoratus excusatus facies. Remitte aliquid adulescentiae  
 35 ipsius, remitte lacrimis, remitte indulgentiae tuae;



4 ne torseris illum, ne torseris etiam te. Torqueris enim, cum tam lenis irasceris. Vereor, ne videar non rogare, sed cogere, si precibus eius meas iunxero. Iungam tamen tanto plenius et effusius, quanto ipsum acrius severiusque corripui destrictè minatus numquam me 5 postea rogaturum. Hoc illi, quem terreri oportebat, tibi non idem. Nam fortasse iterum rogabo, impetrabo iterum; sit modo tale, ut rogare me, ut praestare te deceat. Vale.

## XXII.

10

C. PLINIUS SEVERO SUO S.

1 Magna me sollicitudine adfecit Passenni Pauli valetudo et quidem plurimis iustissimisque de causis. Vir est optimus, honestissimus, nostri amantissimus; praeterea in litteris veteres aemulatur, exprimit, reddit, 15 Propertium in primis, a quo genus ducit, vera suboles 2 eoque simillima illi, in quo ille praecipuus. Si elegos eius in manum sumpseris, leges opus tersum, molle, iucundum et plane in Properti domo scriptum. Nuper ad lyrica deflexit, in quibus ita Horatium ut in illis 20 illum alterum effingit. Putes, si quid in studiis cognitio valet, et huius propinquum. Magna varietas, magna mobilitas. Amat ut qui verissime, dolet ut qui impatientissime, laudat ut qui benignissime, ludit ut qui facetissime, omnia denique tamquam singula absolvit. 25 3 Pro hoc ego amico, pro hoc ingenio non minus aeger animo quam corpore ille tandem illum, tandem me recepi. Gratulare mihi, gratulare etiam litteris ipsis, quae ex periculo eius tantum discrimen adierunt, quantum ex salute gloriae consequentur. Vale. 30

12 Paulli *K.I.*; ad p. 147. 31. — valit. *M.*, *K.I.*; ad p. 13. 26.  
16 soboles *MDpra.*, *K.I.* 26 hoc ingenio *Dapr.*, *Stangl* 668,  
hoc ego ingenio *Cort.*, *K.*, pro hoc aequo amico, pro hoc aequo  
ingenio *M.*

## XXIII.

C. PLINIUS MAXIMO SUO S.

Frequenter agenti mihi evenit, ut centumviri, cum 1  
 diu se intra iudicum auctoritatem gravitatemque te-  
 nuissent, omnes repente quasi victi coactique consur-  
 gerent laudarentque, frequenter e senatu famam, qua- 2  
 lem maxime optaveram, rettuli, numquam tamen ma-  
 iorem cepi voluptatem quam nuper ex sermone Cor-  
 neli Taciti. Narrabat sedisse secum circensibus proximis  
 10 equitem Romanum. Hunc post varios eruditosque  
 sermones requisisse: 'Italicus es an provincialis?' Se  
 respondisse: 'Nosti me et quidem ex studiis.' Ad hoc 3  
 illum: 'Tacitus es an Plinius?' Exprimere non possum,  
 quam sit iucundum mihi, quod nomina nostra quasi  
 15 litterarum propria, non hominum, litteris redduntur, quod  
 uterque nostrum his etiam ex studiis notus, quibus  
 aliter ignotus est.

Accidit aliud ante pauculos dies simile. Recum- 4  
 bebat mecum vir egregius, Fadius Rufinus, super eum  
 20 municeps ipsius, qui illo die primum venerat in urbem;  
 cui Rufinus demonstrans me: 'Vides hunc?' Multa  
 deinde de studiis nostris. Et ille: 'Plinius est' inquit.  
 Verum fatebor, capio magnum laboris mei fructum. 5  
 An, si Demosthenes iure laetatus est, quod illum anus  
 25 Attica ita noscitavit: 'Ὅντις ἐστὶ Δημοσθένης', ego  
 celebritate nominis mei gaudere non debeo? Ego vero  
 et gaudeo et gaudere me dico. Neque enim vereor, ne 6  
 iactantior videar, cum de me aliorum iudicium, non  
 meum profero, praesertim apud te, qui nec ullius in-  
 30 vides laudibus et faves nostris. Vale.

## XXIV.

C. PLINIUS SABINIANO SUO S.

Bene fecisti, quod libertum aliquando tibi carum  
 reducentibus epistulis meis in domum, in animum re-

<sup>9</sup> *secum circ. prox. equit. Rom. a Dpr., K.II., se cum quodam Circ. prox. M, K.I.*

cepisti. Iuvabit hoc te; me certe iuvat, primum quod te tam tractabilem video, ut in ira regi possis, deinde quod tantum mihi tribuis, ut vel auctoritati meae pareas vel precibus indulgeas. Igitur et laudo et gratias ago; simul in posterum moneo, ut te erroribus tuorum, etsi non fuerit, qui deprecetur, placabilem praestes. Vale.

## XXV.

C. PLINIUS MAMILIANO SUO S.

1 Quereris de turba castrensiū negotiorum et, tam-  
quam summo otio perfruare, lusus et ineptias nostras  
legis, amas, flagitas meque ad similia condenda non  
2 mediocriter incitas. Incipio enim ex hoc genere studiorum non solum oblectationem, verum etiam gloriam  
petere post iudicium tuum, viri eruditissimi, gravissimi  
3 ac super ista verissimi. Nunc me rerum actus modice,  
sed tamen dstringit; quo finito aliquid earundem  
Camenarum in istum benignissimum sinum mittam.  
Tu passerulis et columbulis nostris inter aquilas  
vestras dabis pennas, si tamen et sibi et tibi place-  
bunt, si tantum sibi, continendos cavea nidove curabis.  
Vale.

## XXVI.

C. PLINIUS LUPERCO SUO S.

1 Dixi de quodam oratore saeculi nostri recto qui-  
dem et sano, sed parum grandi et ornato, ut opinor,  
2 apte: 'Nihil peccat, nisi quod nihil peccat.' Debet enim  
orator erigi, attolli, interdum etiam effervescere, efferri  
ac saepe accedere ad praeceps. Nam plerumque altis  
et excelsis adiacent abrupta; tutius per plana, sed hu-  
milis et depressius iter; frequentior currentibus quam  
reptantibus lapsus, sed his non labentibus nulla, illis  
3 non nulla laus, etiamsi labantur. Nam ut quasdam  
artes ita eloquentiam nihil magis quam ancipitia com-

<sup>4</sup> prius et om. *M*, *K.I.* 15 graviss., erudit. a., *K.I.*  
17 destr. *M*, *K.I.*; v. ad II 14.1.

mendant. Vides, qui per funem in summa nituntur, quantos soleant excitare clamores, cum iam iamque casuri videntur. Sunt enim maxime mirabilia, quae 4 maxime insperata, maxime periculosa, utque Graeci 5 magis exprimunt, *παράβολα*. Ideo nequaquam par gubernatoris est virtus, cum placido et cum turbato mari vehitur; tunc admirante nullo inlaudatus, inglorius subit portum; at, cum stridunt funes, curvatur arbor, gubernacula gemunt, tunc ille clarus et dis maris 10 proximus. Cur haec? Quia visus es mihi in scriptis meis 5 adnotasse quaedam ut tumida, quae ego sublimia, ut improba, quae ego audentia, ut nimia, quae ego plena arbitrabar. Plurimum autem refert, reprehendenda adnotes an insignia. Omnis enim advertit, quod eminent 6 et extat; sed acri intentione diiudicandum est, inmodicum sit an grande, altum an enorme. Atque, ut Homerum potissimum attingam, quem tandem alterutram in partem potest fugere *Ἀμφὶ δὲ σάλπιγξεν μέγας οὐρανός· ἥ ἐρι δ' ἔγχος ἐκέκλιτο* et totum 20 illud *οὔτε θαλάσσης κύμα τόσον βοᾷ?* Sed opus 7 est examine et libra, incredibilia sint haec et inania an magnifica et caelestia. Nec nunc ego me his similia aut dixisse aut posse dicere puto. Non ita insanio; sed hoc intellegi volo, laxandos esse eloquentiae frenos, 25 nec angustissimo gyro ingeniorum impetus refringendos. At enim alia condicio oratorum, alia poetarum. 8 Quasi vero M. Tullius minus audeat. Quamquam hunc omitto; neque enim ambigi puto. Sed Demosthenes ipse, ille norma oratoris et regula, num se cohibet et 30 comprimit, cum dicit illa notissima: *Ἀνθρώποι μικροὶ καὶ κόλακες καὶ ἀλάστορες* et rursus *οὐ λίθοις ἐτείχισα τὴν πόλιν οὐδὲ πλίνθοις ἐγώ* et statim *οὐκ ἐκ μὲν θαλάττης τὴν Εὐβοίαν*

7 inglorius *Dpra*, *Otto* 305, ingloriosus *M*, *K*. (*disp.* II 22).

10 Cur haec? Quia *Dpa*, *K.II*, Haec quia *M*, *K.I*. 18 *Hom.*  
*Φ* 388. 20 *Hom.* E 356. 21 libra, inquit *M*, *K.I*. 30

not. illa *K.II*. — *Dem.* XVIII 296. 31 ib. 299. 33 ib. 301.

προβαλέσθαι πρὸ τῆς Ἀττικῆς' et alibi: 'Εγὼ δὲ οἶμαι μὲν, ὧ ἄνδρες Ἀθηναῖοι, νῆ τοὺς θεοὺς ἐκείνουν μεθύειν τῷ μεγέθει τῶν πεπραγμένων'?

9 *Iam quid audentius illo pulcherrimo excessu: 'νόσημα γάρ'?* Quid haec breviora superioribus, sed 5  
audacia paria? 'Τότε ἐγὼ μὲν τῷ Πύθωνι θρασυνομένῳ καὶ πολλῷ ῥέοντι καθ' ὑμῶν'. Ex eadem nota 'ὅταν δὲ ἐκ πλεονεξίας καὶ πονηρίας τις ὥσπερ οὗτος ἰσχύσῃ, ἡ πρώτη πρόφασις καὶ μικρὸν πταῖσμα ἅπαντα ἀνεχαίτισε καὶ διέλυσε'. 10  
Simile his 'ἀπεσχοινισμένος ἄπασι τοῖς ἐν τῇ πόλει δικαίοις' et ibidem 'σὺ τὸν εἰς ταῦτα ἔλεον προδέδωκας, Ἀριστόγειτον, μᾶλλον δ' ἀνῆρηνας ὅλως. μὴ δὴ, πρὸς οὓς αὐτὸς ἔχσας λιμένας καὶ προβόλων ἐνέπλησας, πρὸς τούτους 15 ὀρμίζου', et dixerat: 'Τούτῳ δ' οὐδένα ὀρῶ τῶν τόπων τούτων βάσιμον ὄντα, ἀλλὰ πάντα ἀποκρημνα, φάραγγας, βάραθρα'. Et deinceps: 'Ἄεδοικα, μὴ δόξητέ τισι τὸν αἰὲ βουλούμενον εἶναι πονηρὸν τῶν ἐν τῇ πόλει παιδοτριβεῖν', nec satis: 20  
'Οὐδὲ γὰρ τοὺς προγόνους ὑπολαμβάνω τὰ δικαστήρια ταῦτα ὑμῖν οἰκοδομῆσαι, ἵνα τοὺς τοιούτους ἐν αὐτοῖς μωσχεύητε', ad hoc: 'Εἰ δὲ κάπηλός ἐστι πονηρίας καὶ παλιγκάπηλος καὶ μεταβολεύς' et mille talia, ut praeteream, quae ab 25  
10 Aeschine 'θαύματα', non 'ρήματα' vocantur. In contrarium incidi; dices hunc quoque ob ista culpari. Sed vide, quanto maior sit, qui reprehenditur, ipso reprehendente et maior ob haec. In aliis enim vis, in  
11 his granditas eius elucet. Num autem Aeschines ipse 30 his, quae in Demosthene carpebat, abstinuit? 'Ἄρῃ γὰρ τὸ αὐτὸ φθέγγεσθαι τὸν ῥήτορα καὶ τὸν νόμον' ὅταν δὲ ἐτέρων μὲν φωνὴν ἀφίῃ ὁ νόμος,

1 Dem. IV 49. 5 Dem. XIX 259. 6 Dem. XVIII 136.  
8 Dem. II 9. 11 Dem. XXV 28. 12 ib. 84. 16 Dem.  
XXV 76. 18 ib. 7. 21 ib. 48. 23 ib. 46. 28 Aesch.  
Ctes. 167. 31 Aesch. Ctes. 16. Del K.I.

ἐτέραν δὲ ὁ ῥήτωρ. Alio loco: "Ἐπειτα ἀναφαίνε-  
 ται περὶ πάντων ἐν τῷ ψηφίσματι". Iterum alio:  
 'Ἄλλ' ἐγκαθήμενοι καὶ ἐνεδρεύοντες ἐν τῇ  
 ἀκροάσει εἰσελαύνετε αὐτὸν εἰς τοὺς παρανό-  
 5 μους λόγους'. Quod adeo probavit, ut repetat: 'Ἄλλ' 12  
 ὥσπερ ἐν ταῖς ἱπποδρομίαις εἰς τὸν τοῦ πράγμα-  
 τος αὐτὸν δρόμον εἰσελαύνετε'. Iam illa custoditius  
 pressiusque: 'Σὺ δὲ ἐλκοποιεῖς', 'ἢ συλλαβόντες ὡς  
 10 ληστὴν τῶν πραγμάτων διὰ τῆς πολιτείας πλέ-  
 οντα', et alia? Expecto, ut quaedam ex hac epistula 13  
 ut illud 'gubernacula gemunt' et 'dis maris  
 proximus' isdem notis quibus ea, de quibus scribo,  
 confodias. Intellego enim me, dum veniam prioribus  
 peto, in illa ipsa, quae adnotaveras, incidisse. Sed  
 15 confodias licet, dum modo iam nunc destines diem,  
 quo et de illis et de his coram exigere possimus.  
 Aut enim tu me timidum aut ego te temerarium fa-  
 ciam. Vale.

## XXVII.

20

C. PLINIUS PATERNO SUO S.

Quanta potestas, quanta dignitas, quanta maiestas, 1  
 quantum denique numen sit historiae, cum frequenter  
 alias tum proxime sensi. Recitaverat quidam verissimum  
 librum partemque eius in alium diem reservaverat.  
 25 Ecce amici cuiusdam orantes obsecrantesque, ne re- 2  
 liqua recitaret. Tantus audiendi, quae fecerint, pudor,  
 quibus nullus faciendi, quae audire erubescunt. Et  
 ille quidem praestitit, quod rogabatur; sinebat fides.  
 Liber tamen ut factum ipsum manet, manebit le-  
 30 geturque semper tanto magis, quia non statim. Inci-  
 tantur enim homines ad cognoscenda, quae differuntur.  
 Vale.

1 *ib.* 101. 2 ἐν τῷ πορί K.I. 3 *ib.* 206. 5 *Timarch.* 176.  
 7 custoditius a, K.II, commodius Dpς, K.I. 8 *Assch.*  
*Ctes.* 208, 253.

## XXVIII.

C. PLINIUS ROMANO SUO S.

- 1 Post longum tempus epistulas tuas, sed tres pariter  
recepi, omnes elegantissimas, amantissimas, et quales  
a te venire, praesertim desideratas, oportebat. Quarum 5  
una iniungis mihi iucundissimum ministerium, ad Plo-  
tinam, sanctissimam feminam, litterae tuae perferantur.  
2 Perferentur. Eadem commendas Popilium Artemisium.  
Statim praestiti, quod petebat. Indicas etiam modicas  
te vindemias collegisse. Communis haec mihi tecum, 10  
quamquam in diversissima parte terrarum, querella est.  
3 Altera epistula nuntias multa te nunc dictare, nunc  
scribere, quibus nos tibi repraesentes. Gratias ago;  
agerem magis, si me illa ipsa, quae scribis aut dictas,  
legere voluisses. Et erat aequum ut te mea ita me tua 15  
scripta cognoscere, etiamsi ad alium quam ad me per-  
tinerent. Polliceris in fine, cum certius de vitae nostrae  
ordinatione aliquid audieris, futurum te fugitivum rei  
familiaris statimque ad nos evolaturum, qui iam tibi  
compedes nectimus, quas perfringere nullo modo possis. 20  
5 Tertia epistula continebat esse tibi redditam orationem  
pro † Clario, eamque visam uberiores, quam dicente me,  
audiente te fuerit. Est uberior; multa enim postea in-  
serui. Adicis alias te litteras curiosius scriptas misisse;  
an acceperim, quaeris. Non accepi et accipere gestio. 25  
Proinde prima quaque occasione mitte adpositis quidem  
usuris, quas ego (num parcius possum?) centesimas  
computabo. Vale.

## XXIX.

C. PLINIUS RUSTICO SUO S.

30

- 1 Ut satius est unum aliquid insigniter facere quam  
plurima mediocriter, ita plurima mediocriter, si non  
possis unum aliquid insigniter. Quod intuens ego variis  
me studiorum generibus nulli satis confusus experior.

6 ut ad *Catan.*, K. 19 evol. pa, K. II, adv. Dr, K. I.  
22 sine cruce K. I. 31 est r5a, om. K.

Proinde, cum hoc vel illud leges, ita singulis veniam 2  
ut non singulis dabis. An ceteris artibus excusatio in  
numero, litteris durior lex, in quibus difficilior effectus  
est? Quid autem ego de venia quasi ingratus? Nam,  
5 si ea facilitate proxima acceperis qua priora, laus po-  
tius speranda quam venia obsecranda est. Mihi tamen  
venia sufficit. Vale.

## XXX.

C. PLINIUS GEMINO SUO S.

10 Laudas mihi et frequenter praesens et nunc per 1  
epistulas Nonium tuum, quod sit liberalis in quosdam.  
Et ipse laudo, si tamen non in hos solos. Volo enim  
eum, qui sit vere liberalis, tribuere patriae, propinquis,  
adfinibus, amicis, sed amicis dico pauperibus, non ut  
15 isti, qui iis potissimum donant, qui donare maxime  
possunt. Hos ego viscatis hamatisque muneribus non 2  
sua promere puto, sed aliena corripere. Sunt ingenio  
simili, qui, quod huic donant, auferunt illi famamque  
liberalitatis avaritia petunt. Primum est autem suo 3  
20 esse contentum, deinde, quos praecipue scias indigere,  
sustentantem foventemque orbe quodam socialitatis  
ambire. Quae cuncta si facit iste, usquequaque lau-  
dandus est, si unum aliquid, minus quidem, laudandus  
tamen. Tam rarum est etiam imperfectae liberalitatis 4  
25 exemplar. Ea invasit homines habendi cupido, ut pos-  
sideri magis quam possidere videantur. Vale.

## XXXI.

C. PLINIUS SARDO SUO S.

Postquam a te recessi, non minus tecum *sum*, quam 1  
30 cum ad te fui. Legi enim librum tuum identidem re-  
petens ea maxime (non enim mentiar), quae de me  
scripsisti, in quibus quidem percopiosus fuisti. Quam  
multa, quam varia, quam non eadem de eodem nec

5 haec proxima a. 21 societatis a, K.I; v. disp. II 21.  
29 sum add. 30 apud te r5 a, K.II.



- 2 tamen diversa dixisti! Laudem pariter et gratias agam? Neutrum satis possum et, si possem, timerem, ne arrogans esset ob ea laudare, ob quae gratias agerem. Unum illud addam, omnia mihi tanto laudabilia visa, quanto iucundiora, et tanto iucundiora, quanto lauda- 5 biliora erant. Vale.

## XXXII.

C. PLINIUS TITIANO SUO S.

Quid agis? quid acturus es? Ipse vitam iucundissimam, id est otiosissimam, vivo. Quo fit, ut 10 scribere longiores epistulas nolim, velim legere, illud tamquam delicatus, hoc tamquam otiosus. Nihil est enim aut pigrius delicatis aut curiosius otiosis. Vale.

## XXXIII.

C. PLINIUS CANINIO SUO S.

15

- 1 Incidi in materiam veram, sed simillimam fictae dignamque isto laetissimo, altissimo planeque poetico ingenio, incidi autem, dum super cenam varia miracula hinc inde referuntur. Magna auctori fides. Tametsi quid poetae cum fide? Is tamen auctor, cui bene vel 20 2 historiam scripturus credidisses. Est in Africa Hippo-nensis colonia mari proxima. Adiacet navigabile stagnum. Ex hoc in modum fluminis aestuarium emergit, quod vice alterna, prout aestus aut repressit aut im- 3 pulit, nunc infertur mari, nunc redditur stagno. Omnis 25 hic aetas piscandi, navigandi atque etiam natandi studio tenetur, maxime pueri, quos otium lususque sollicitat. His gloria et virtus altissime provehi. Victor ille, qui longissime ut litus ita simul natantes reliquit. 4 Hoc certamine puer quidam audentior ceteris in ulte- 30 riora tendebat. Delphinus occurrit et nunc praecedere puerum, nunc sequi, nunc circumire, postremo subire, deponere, iterum subire trepidantemque perferre pri-

mum in altum, mox flectit ad litus redditque terrae  
 et aequalibus. Serpit per coloniam fama. Concurren- 5  
 omnes, ipsum puerum tamquam miraculum aspicere,  
 interrogare, audire, narrare. Postero die obsident litus,  
 5 prospectant mare, et si quid est mari simile. Natant  
 pueri, inter hos ille, sed cautius. Delphinus rursus ad  
 tempus, rursus ad puerum. Fugit ille cum ceteris.  
 Delphinus, quasi invitet, revocet, exilit, mergitur vari-  
 osque orbes implicat expeditque. Hoc altero die, hoc 6  
 10 tertio, hoc pluribus, donec homines innutritos mari  
 subiret timendi pudor. Accedunt et adludunt et appel-  
 lant, tangunt etiam pertrectantque praeponentem. Crescit  
 audacia experimento. Maxime puer, qui primus ex-  
 pertus est, adnatat, insilit tergo, fertur referturque,  
 15 agnoscit se et amari putat, amat ipse; neuter timet, neuter  
 timetur; huius fiducia, mansuetudo illius augetur. Nec 7  
 non alii pueri dextra laevaque simul eunt hortantes  
 monentesque. Ibat una (id quoque mirum) delphinus  
 alius tantum spectator et comes. Nihil enim simile  
 20 aut faciebat aut patiebatur, sed alterum illum ducebat  
 reducebatque ut puerum ceteri pueri. Incredibile, tam 8  
 verum tamen quam priora, delphinum gestatorem col-  
 lusoremque puerorum in terram quoque extrahi solitum  
 harenisque siccatum, ubi incaluisset, in mare revolvi.  
 25 Constat Octavium Avitum, legatum proconsulis in litus 9  
 educto religione prava superfudisse unguentum, cuius  
 illum novitatem odoremque in altum refugisse nec  
 nisi post multos dies visum languidum et maestum,  
 mox redditus viribus priorem lasciviam et solita mini-  
 30 steria repetisse. Confluebant omnes ad spectaculum 10  
 magistratus, quorum adventu et mora modica res pu-

7 ad puerum venit. *g*, *K.I.*, ad puerum fugit venit puer  
 ille *Dp*, ad puer. venit ille fugit *r*; *v. K. disp. II 23.* 8 in-  
 vitet et revoc. *Dg*, *K.I.*, *Otto 305.* *V. Keil l. l.* 9 implicitat  
*a*, *K.I.* 14 adnatat, insil. *K.II (disp. l. l.)*, adnatanti insilit  
*Dprs*, adnatantis insilit *Sichard.*, *K.I.* 15 et om. *a*, *K.I.*  
 25 pro consule *K.I.*, procon. *pr*, proconsulem *D*.

- blica novis sumptibus atterebatur. Postremo locus ipse quietem suam secretumque perdebat. Placuit oc-  
 11 culte interfici; ad quod coibatur. Haec tu qua miseratione, qua copia deflebis, ornabis, attolles! Quamquam non est opus adfingas aliquid aut adstruas; 5 sufficit, ne ea, quae sunt vera, minuantur. Vale.

## XXXIV.

C. PLINIUS TRANQUILLO SUO S.

- 1 Explica aestum meum. Audio me male legere, dumtaxat versus; orationes enim commode, sed tanto 10 minus versus. Cogito ergo recitaturus familiaribus amicis experiri libertum meum. Hoc quoque familiare, quod elegi non bene, sed melius lecturum, si tamen  
 2 non fuerit perturbatus. Est enim tam novus lector quam ego poeta. Ipse nescio, quid illo legente interim 15 faciam, sedeam defixus et mutus et similis otioso an ut quidam, quae pronuntiabit, murmure, oculis, manu prosequar. Sed puto me non minus male saltare quam legere. Iterum dicam, explica aestum meum vereque rescribe, num sit melius pessime legere quam ista vel 20 non facere vel facere. Vale.

## XXXV.

C. PLINIUS ATRIO SUO S.

- 1 Librum, quem misisti, recepi et gratias ago. Sum tamen hoc tempore occupatissimus. Ideo nondum eum 25 legi, cum alioqui validissime cupiam. Sed eam reverentiam cum litteris ipsis tum scriptis tuis debeo, ut sumere illa nisi vacuo animo inreligiosum putem.  
 2 Diligentiam tuam in retractandis operibus valde probo. Est tamen aliquis modus, primum quod nimia cura 30 deterit magis quam emendat, deinde quod nos a recentioribus revocat simulque nec absolvit priora et *inchoare* posteriora non patitur. Vale.

<sup>10</sup> *commode*, sed *a*, *K.II*, *commodius*, sed *K.I*, *commodia*  
 et *D*, *commodius* et *pr*.      16 *prius* et *om*. *Dpr*, *K.I*.

## XXXVI.

C. PLINIUS FUSCO SUO S.

Quaeris, quem ad modum in Tuscis diem aestate dis- 1  
 ponam. Evigilo, cum libuit, plerumque circa horam  
 5 primam, saepe ante, tardius raro. Clausae fenestrae  
 manent. Mire enim silentio et tenebris ab iis, quae 2  
 avocant, abductus et liber et mihi relictus non oculos  
 animo, sed animum oculis sequor, qui eadem quae  
 mens vident, quotiens non vident alia. Cogito, si  
 10 quid in manibus, cogito ad verbum scribenti emen-  
 dantique similis nunc pauciora, nunc plura, ut vel  
 difficile vel facile componi tenerive potuerunt. Nota-  
 rium voco et die admisso, quae formaveram, dicto.  
 Abit rursusque revocatur rursusque dimittitur. Ubi 3  
 15 hora quarta vel quinta (neque enim certum dimen-  
 sumque tempus), ut dies suasit, in xystum me vel  
 cryptoporticum confero, reliqua meditator et dicto. Ve-  
 hiculum ascendo. Ibi quoque idem quod ambulans  
 aut iacens; durat intentio mutatione ipsa refecta.  
 20 Paulum redormio, dein ambulo, mox orationem Grae-  
 cam Latinamve clare et intente non tam vocis causa  
 quam stomachi lego; pariter tamen et illa firmatur.  
 Iterum ambulo, ungor, exerceor, labor. Cenanti mihi, 4  
 si cum uxore vel paucis, liber legitur; post cenam  
 25 comoedus aut lyristes; mox cum meis ambulo, quorum  
 in numero sunt eruditi. Ita variis sermonibus vespera  
 extenditur, et quamquam longissimus dies cito con-  
 dicitur. Non numquam ex hoc ordine aliqua mutantur. 5  
 Nam, si diu iacui vel ambulavi, post somnum demum  
 30 lectionemque non vehiculo, sed, quod brevius, quia  
 velocius, equo gestor. Interveniunt amici ex proximis  
 oppidis partemque diei ad se trahunt interdumque  
 lasso mihi opportuna interpellatione subveniunt. Venor 6  
 aliquando, sed non sine pugillaribus, ut, quamvis nihil  
 35 ceperim, non nihil referam. Datur et colonis, ut vi-

detur ipsis, non satis temporis, quorum mihi agrestes querellae litteras nostras et haec urbana opera commendant. Vale.

## XXXVII.

C. PLINIUS PAULINO SUO S.

5

- 1 Nec tuae naturae est translaticia haec et quasi publica officia a familiaribus amicis contra ipsorum commodum exigere, et ego te constantius amo, quam ut verear, ne aliter, ac velim, accipias, nisi te kalendis statim consulem videro, praesertim cum me necessitas 10 locandorum praediorum in plures annos ordinatura detineat, in qua mihi nova consilia sumenda sunt.
- 2 Nam priore lustro, quamquam post magnas remissiones, reliqua creverunt. Inde plerisque nulla iam cura minuendi aeris alieni, quod desperant posse persolvi; rapiunt etiam consumuntque, quod natum est, ut qui 15 iam putent se non sibi parcere. Occurrendum ergo augescentibus vitiis et medendum est. Medendi una ratio, si non nummo, sed partibus locem ac deinde ex meis aliquos operis exactores custodes fructibus 20 ponam. Et alioqui nullum iustius genus redditus, quam
- 4 quod terra, caelum, annus refert. At hoc magnam fidem, acris oculos, numerosas manus poscit. Experimentum tamen et quasi in veteri morbo quaelibet mutationis auxilia temptanda sunt. Vides, quam non 25 delicata me causa obire primum consulatus tui diem non sinat; quem tamen hic quoque ut praesens votis, gaudio, gratulatione celebrabo. Vale.

## XXXVIII.

C. PLINIUS SATURNINO SUO S.

30

Ego vero Rufum nostrum laudo, non quia tu, ut ita facerem, petisti, sed quia est ille dignissimus. Legi enim librum omnibus numeris absolutum, cui multum

11 in *add. mus. Rh.* 1865 p. 157 (an plures in ann. ?)  
23 *acris* *rs*, *K. II*, *acreis* *a*, *aeris* *Dp*, *acres* *K. I*. Ad p. 17. 28.

apud me gratiae amor ipsius adiecit. Iudicavi tamen. Neque enim soli iudicant, qui maligne legunt. Vale.

## XXXIX.

C. PLINIUS MUSTIO SUO S.

5 Haruspicum monitu reficienda est mihi aedes Cereris 1  
in praediis in melius et in maius vetus sane et angusta,  
cum sit alioqui stato die frequentissima. Nam idibus 2  
Septembribus magnus e regione tota coit populus,  
multae res aguntur, multa vota suscipiuntur, multa  
10 redduntur; sed nullum in proximo suffugium aut im-  
bris aut solis. Videor ergo munifice simul religioseque 3  
facturus, si aedem quam pulcherrimam extruxero, ad-  
didero porticus aedi, illam ad usum deae, has ad ho-  
minum. Velim ergo emas quattuor marmoreas colum-  
15 nas, cuius tibi videbitur generis, emas marmora, quibus  
solum, quibus parietes excolantur. Erit etiam vel fa- 4  
ciendum vel emendum ipsius deae signum, quia anti-  
quum illud e ligno quibusdam sui partibus vetustate  
truncatum est. Quantum ad porticus, nihil interim 5  
20 occurrit, quod videatur istinc esse repetendum, nisi  
tamen ut formam secundum rationem loci scribas.  
Neque enim possunt circumdari templo; nam solum  
templi hinc flumine et abruptissimis ripis, hinc via  
cingitur. Est ultra viam latissimum pratum, in quo 6  
25 satis apte contra templum ipsum porticus explicabuntur;  
nisi quid tu melius inveneris, qui soles locorum diffi-  
cultates arte superare. Vale.

## XL.

C. PLINIUS FUSCO SUO S.

30 Scribis pergratas tibi fuisse litteras meas, quibus 1  
cognovisti, quem ad modum in Tuscis otium aestatis  
exigerem. Requiris, quid ex hoc in Laurentino hieme  
permutem. Nihil, nisi quod meridianus somnus exi- 2  
mitur, multumque de nocte vel ante vel post diem  
35 sumitur, et, si agendi necessitas instat, quae frequens

hieme, non iam comoedo vel lystae post cenam locus, sed illa, quae dictavi, identidem retractantur, ac  
 3 simul memoriae frequenti emendatione proficitur. Habes  
 aestate, hieme consuetudinem; † non addas huc licet  
 ver et autumnum, quae inter hiemem aestatemque  
 media, ut nihil de die perdant, de nocte parvulum  
 5 adquirunt. Vale.

---

4 non add. *Dprsa*, nunc add. *K.I*, addas *Catan. a*, *K.II*,  
 colligas hinc *Momms*. Ne hieme consuet. *quidem scripsit Plin.*  
 (consuetum ordinem ? cf. vel *IX 36. 5*). 6 perdant *K.II*, per-  
 dunt *codd.*, perdunt, ita *Mod.*, *K.I*. — parvulum *K.I* nulla  
*auctoritate*; cf. ad p. 127. 17.

---

C. PLINI CAECILI SECUNDI  
AD TRAIANUM IMPERATOREM ET  
TRAIANI IMPERATORIS AD PLINIUM  
E P I S T U L A R U M

LIBER.

---

I.

C. PLINIUS TRAIANO IMPERATORI.

Tua quidem pietas, imperator sanctissime, optaverat, 1  
ut quam tardissime succederes patri; sed di immor-  
tales festinaverunt virtutes tuas ad gubernacula rei  
10 publicae, quam susceperas, admove. Precor ergo, 2  
ut tibi et per te generi humano prospera omnia, id  
est digna saeculo tuo, contingant. Fortem te et hi-  
larem, imperator optime, et privatim et publice opto.

II.

C. PLINIUS TRAIANO IMPERATORI.

Exprimere, domine, verbis non possum, quantum 1  
mihi gaudium attuleris, quod me dignum putasti iure  
trium liberorum. Quamvis enim Iuli Serviani, optimi  
20 viri tuique amantissimi, precibus indulseris, tamen  
etiam ex rescripto intellego libentius hoc ei te prae-  
stitisse, quia pro me rogabat. Videor ergo summam 2  
voti mei consecutus, cum inter initia felicissimi prin-  
cipatus tui probaveris me ad peculiarem indulgentiam  
25 tuam pertinere; eoque magis liberos concupisco, quos



habere etiam illo tristissimo saeculo volui, sicut potes  
 3 duobus matrimoniis meis credere. Sed di melius, qui  
 omnia integra bonitati tuae reservarunt; maluerunt  
 hoc potius tempore me patrem fieri, quo futurus essem  
 et securus et felix. 5

## III A. [XX.]

## C. PLINIUS TRAIANO IMPERATORI.

- 1 Ut primum me, domine, indulgentia vestra promovit  
 ad praefecturam aerarii Saturni, omnibus advocacioni-  
 bus, quibus alioqui numquam eram promiscue functus, 10  
 renuntiavi, ut toto animo delegato mihi officio vacarem.
- 2 Qua ex causa, cum patronum me provinciales optassent  
 contra Marium Priscum, et petii veniam huius muneris  
 et impetravi. Sed, cum postea consul designatus cen-  
 15 suisset agendum nobiscum, quorum erat excusatio re-  
 cepta, ut essemus in senatus potestate pateremurque  
 nomina nostra in urnam conici, convenientissimum  
 esse tranquillitati saeculi tui putavi praesertim tam  
 moderatae voluntati amplissimi ordinis non repugnare.
- 3 Cui obsequio meo opto ut existimes constare rationem, 20  
 cum omnia facta dictaque mea probare sanctissimis  
 moribus tuis cupiam.

## III B. [XXI.]

## TRAIANUS PLINIO.

Et civis et senatoris boni partibus functus es ob- 25  
 sequium amplissimi ordinis, quod iustissime exigebat,  
 praestando. Quas partes impleturum te secundum sus-  
 ceptam fidem confido.

## IV. [III.]

## C. PLINIUS TRAIANO IMPERATORI.

30

- 1 Indulgentia tua, imperator optime, quam plenissi-  
 mam experior, hortatur me, ut audeam tibi etiam pro  
 amicis obligari; inter quos sibi vel praecipuum locum

---

3 *malui a, K.I.*, maluere *Ern.*

vindicat Voconius Romanus, ab ineunte aetate condiscipulus et contubernalis meus. Quibus ex causis et 2 a divo patre tuo petieram, ut illum in amplissimum ordinem promoveret. Sed hoc votum meum bonitati  
 5 tuae reservatum est, quia mater Romani liberalitatem sestertii quadringenties, quod conferre se filio codicillis ad patrem tuum scriptis professa fuerat, nondum satis legitime peregerat; quod postea fecit admonita a nobis. Nam et fundos emancipavit et cetera, quae in eman-  
 10 cipatione implenda solent exigi, consummavit. Cum sit 4 ergo finitum, quod spes nostras morabatur, non sine magna fiducia sub signo apud te fidem pro moribus Romani mei, quos et liberalia studia exornant et eximia pietas, qua et hanc ipsam matris liberalitatem et statim  
 15 patris hereditatem et adoptionem a vitrico meruit. Auget haec et natalium et paternarum facultatum 5 splendor; quibus singulis multum commendationis accessurum etiam ex meis precibus indulgentiae tuae credo. Rogo ergo, domine, ut me exoptatissimae mihi 6  
 20 gratulationis compotem facias et honestis, ut spero, adfectibus meis praestes, ut non in me tantum, verum et in amico gloriari iudiciis tuis possim.

## V. [IV.]

## C. PLINIUS TRAIANO IMPERATORI.

25 Proximo anno, domine, gravissima valetudine us- 1 que ad periculum vitae vexatus iatralipten adsumpsi; cuius sollicitudini et studio tuae tantum indulgentiae beneficio referre gratiam parem possum. Quare rogo, 2 des ei civitatem Romanam. Est enim peregrinae con-  
 30 dicionis manumissus a peregrina. Vocatur ipse Harpocras, patronam habuit Thermuthin Theonis, quae iam pridem defuncta est. Item rogo, des ius Quiritium liber-  
 tis Antoniae Maximillae, ornatissimae feminae, Hediae et  
 † Antoniae Harmeridi; quod a te petente patrona peto.

14 prius et om. a, K. I. 34 [Antoniae] K. II, Agathemeridi Momms.

## VI. [XXII.]

## C. PLINIUS TRAIANO IMPERATORI.

- 1 Ago gratias, domine, quod et ius Quiritium liber-  
tis necessariae mihi feminae et civitatem Romanam  
Harpocrati, iatraliptae meo, sine mora indulxisti. Sed, 5  
cum annos eius et censum, sicut praeceperas, ederem,  
admonitus sum a peritioribus debuisse me ante ei  
Alexandrinam civitatem impetrare, deinde Romanam,  
2 quoniam esset Aegyptius. Ego autem, quia inter  
Aegyptios ceterosque peregrinos nihil interesse crede- 10  
bam, contentus fueram hoc solum scribere tibi, eum  
scilicet a peregrina manumissum patronamque eius iam  
pridem decessisse. De qua ignorantia mea non queror;  
per quam stetit, ut tibi pro eodem homine saepius  
obligarer. Rogo itaque, ut beneficio tuo legitime frui 15  
possim, tribuas ei et Alexandrinam civitatem et Ro-  
manam. Annos eius et censum, ne quid rursus indul-  
gentiam tuam moraretur, libertis tuis, quibus iusseras,  
misi.

## VII. [XXIII.]

30

## TRAIANUS PLINIO.

Civitatem Alexandrinam secundum institutionem  
principum non temere dare proposui. Sed, cum Har-  
pocrati, iatraliptae tuo, iam civitatem Romanam impe-  
traveris, huic quoque petitioni tuae negare non susti- 25  
neo. Tu, ex quo nomo sit, notum mihi facere debebis,  
ut epistulam tibi ad Pompeium Plantam, praefectum  
Aegypti, amicum meum, mittam.

## VIII. [XXIV.]

## C. PLINIUS TRAIANO IMPERATORI.

30

- 1 Cum divus pater tuus, domine, et oratione pulcher-  
rima et honestissimo exemplo omnes cives ad munifi-  
centiam esset cohortatus, petii ab eo, ut statuas prin-  
cipum, quas in longinquis agris per plures successiones  
*traditas mihi, quales acceperam, custodiebam, permit-* 35

teret in municipium transferre adiecta sua statua. Quod ille mihi cum plenissimo testimonio indulserat; 2 ego statim decurionibus scripseram, ut adsignarent solum, in quo templum pecunia mea extruerem; illi  
 5 in honorem operis ipsius electionem loci mihi obtulerant. Sed primum mea, deinde patris tui valetudine, 3 postea curis delegati a vobis officii retentus nunc videor commodissime posse in rem praesentem excurrere. Nam et menstruum meum kalendis Septembribus  
 10 finitur, et sequens mensis complures dies feriatos habet. Rogo ergo ante omnia, permittas mihi opus, 4 quod incohaturus sum, exornare et tua statua, deinde, ut hoc facere quam maturissime possim, indulgeas commeatum. Non est autem simplicitatis meae dissimu- 5  
 15 lare apud bonitatem tuam obiter te plurimum collaturum utilitatibus rei familiaris meae. Agrorum enim, quos in eadem regione possideo, locatio, cum alioqui CCCC excedat, adeo non potest differri, ut proximam putationem novus colonus facere debeat. Praeterea  
 20 continuae sterilitates cogunt me de remissionibus cogitare; quarum rationem nisi praesens inire non possum. Debeo ergo, domine, indulgentiae tuae et pietatis 6 meae celeritatem et status ordinationem, si mihi ob utraque haec dederis commeatum triginta dierum.  
 25 Neque enim angustius tempus praeфинire possum, cum et municipium et agri, de quibus loquor, sint ultra centesimum et quinquagesimum lapidem.

## IX. [XXV.]

TRAIANUS PLINIO.

30 † Et multas et omnes publicas causas petendi commeatus reddidisti; mihi autem vel sola voluntas tua suffecisset. Neque enim dubito te, ut primum potueris, ad tam districtum officium reversurum. Statuam poni

2 Quod quidem *K.I.*, quodque *a.* 12 incohatur. *a.*, inchoatur. *K.*  
*Ad p. 149. 16.* 30 Et *privatas* multas et omnes *Cotow.*, *K.I.*,  
*Et multas et [omnes] K.II con.* Multas et privatas et publ.

mihi a te eo, quo desideras loco, quamquam eius modi honorum parcellissimus, tamen patior, ne impedisse cursum erga me pietatis tuae videar.

## X. [V.]

C. PLINIUS TRAIANO IMPERATORI.

5

- 1 Exprimere, domine, verbis non possum, quanto me gaudio adfecerint epistolae tuae, ex quibus cognovi te Harpocrati, iatraliptae meo, et Alexandrinam civitatem tribuisse, quamvis secundum institutionem principum non temere eam dare proposuisses. Esse autem Har- 10  
2 pocran νομοῦ Μεμφίτου indico tibi. Rogo ergo, indulgentissime imperator, ut mihi ad Pompeium Plantam, praefectum Aegypti, amicum tuum, sicut promisisti, epistolam mittas. Obviam iturus, quo maturius, domine, exoptatissimi adventus tui gaudio frui possim, rogo, 15 permittas mihi quam longissime occurrere tibi.

## XI. [VI.]

C. PLINIUS TRAIANO IMPERATORI.

- 1 Proxima infirmitas mea, domine, obligavit me Postumio Marino medico; cui parem gratiam referre beneficio tuo possum, si precibus meis ex consuetudine 20  
2 bonitatis tuae indulseris. Rogo ergo, ut propinquis eius des civitatem, Chrysippo Mithridatis uxorique Chrysippi, Stratonicae Epigoni, item liberis eiusdem Chrysippi, Epigono et Mithridati, ita ut sint in patris 25 potestate, utque iis in libertos servetur ius patronorum. Item rogo, indulgeas ius Quiritium L. Satrio Abascanto et P. Caesio Phosphoro et Anchariae Soteridi; quod a te volentibus patronis peto.

## XII. [VII.]

30

C. PLINIUS TRAIANO IMPERATORI.

- 1 Scio, domine, memoriae tuae, quae est bene faciendi tenacissima, preces nostras inhaerere. Quia ta-

11 μεμφίτου α, νομοῦ Μεμφιτικοῦ H. Steph., K. I. 28  
Anchar. Momms. ind., Panchar. vulg.

men in hoc quoque indulsisti, admoneo simul et impense rogo, ut Accium Suram praetura exornare digneris, cum locus vacet. Ad quam spem aliqui quietissimum hortatur et natalium splendor et summa integritas in  
 5 paupertate et ante omnia felicitas temporum, quae bonam conscientiam civium tuorum ad usum indulgentiae tuae provocat et attollit.

## XIII. [VIII.]

C. PLINIUS TRAIANO IMPERATORI.

10 Cum sciam, domine, ad testimonium laudemque morum meorum pertinere tam boni principis iudicio exornari, rogo, dignitati, ad quam me provexit indulgentia tua, vel auguratum vel septemviratum, quia vacant, adicere digneris, ut iure sacerdotii precari deos  
 15 pro te publice possim, quos nunc precor pietate privata.

## XIV. [IX.]

C. PLINIUS TRAIANO IMPERATORI.

Victoriae tuae, optime imperator, maximae, pulcherrimae, antiquissimae et tuo nomine et rei publicae  
 20 gratulor deosque immortales precor, ut omnes cogitationes tuas tam laetus sequatur eventus, ut virtutibus tantis gloria imperii et novetur et augeatur.

## XV. [XXVI.]

C. PLINIUS TRAIANO IMPERATORI.

25 Quia confido, domine, ad curam tuam pertinere, nuntio tibi me Ephesum cum omnibus meis *ὠπὲρ Μαλέαν* navigasse quamvis contrariis ventis retentum. Nunc destino partim orariis navibus, partim vehiculis provinciam petere. Nam sicut itineri graves aestus ita  
 30 continuae navigationi etesiae reluctantur.

2 Attium K.I. 27 retentum. Nunc H. Steph., K.II.  
 Quamvis—retentus, nunc a, K.I.

## XVI. [XXVII.]

TRAIANUS PLINIO.

Recte renuntiasti, mi Secunde carissime. Pertinet enim ad animum meum, quali itinere *in* provinciam pervenias. Prudenter autem constituis interim navibus, 5 interim vehiculis uti, prout loca suaserint.

## XVII A. [XXVIII.]

C. PLINIUS TRAIANO IMPERATORI.

- 1 Sicut saluberrimam navigationem, domine, usque  
Ephesum expertus ita inde, postquam vehiculis iter 10  
facere coepi, gravissimis aestibus atque etiam febricu-  
2 lis vexatus Pergami substiti. Rursus, cum transissem  
in orarias naviculas, contrariis ventis retentus aliquanto  
tardius, quam speraveram, id est XV kal. Octobres,  
Bithyniam intravi. Non possum tamen de mora queri, 15  
cum mihi contigerit, quod erat auspicatissimum, na-  
3 talem tuum in provincia celebrare. Nunc rei publi-  
cae Prusensium impendia, redditus, debitores excutio;  
quod ex ipso tractatu magis ac magis necessarium in-  
tellego. Multae enim pecuniae variis ex causis a pri- 20  
vatis detinentur; praeterea quaedam minime legitimis  
4 sumptibus erogantur. Haec tibi, domine, in ipso in-  
gressu meo scripsi.

## XVII B.

C. PLINIUS TRAIANO IMPERATORI.

25

- Quinto decimo kalendas Octobres, domine, provin-  
ciam intravi, quam in eo obsequio, in ea erga te fide,  
5 quam de genere humano mereris, inveni. Dispice,  
domine, an necessarium putes mittere huc mensorem.  
Videntur enim non mediocres pecuniae posse revo- 30  
cari a curatoribus operum, si mensurae fideliter agun-  
tur. Ita certe prospicio ex ratione Prusensium, quam  
cum maxime tracto.

## XVIII. [XXIX.]

TRAIANUS PLINIO.

Cuperem sine querella corpusculi tui et tuorum 1  
 pervenire in Bithyniam potuisses, ac simile tibi iter  
 5 ab Epheso [ut] navigationi fuisset, quam expertus us-  
 que illo eras. Quo autem die pervenisses in Bithyniam, 2  
 cognovi, Secunde carissime, litteris tuis. Provinciales,  
 credo, prospectum sibi a me intellegent. Nam et tu  
 dabis operam, ut manifestum sit illis electum te esse,  
 10 qui ad † eosdem mei loco mittereris. Rationes autem 3  
 in primis tibi rerum publicarum excutiendae sunt;  
 nam et esse eas vexatas satis constat. Mensores vix  
 etiam iis operibus, quae aut Romae aut in proximo  
 fiunt, sufficienter habeo; sed in omni provincia in-  
 15 veniuntur, quibus credi possit, et ideo non deerunt  
 tibi, modo velis diligenter excutere.

## XIX. [XXX].

C. PLINIUS TRAIANO IMPERATORI.

Rogo, domine, consilio me regas haesitantem, utrum 1  
 20 per publicos civitatum servos, quod usque adhuc factum,  
 an per milites adservare custodias debeam. Vereor  
 enim, ne et per servos publicos parum fideliter custo-  
 dianantur, et non exiguum militum numerum haec cura  
 distringat. Interim publicis servis paucos milites ad- 2  
 25 didi. Video tamen periculum esse, ne id ipsum utris-  
 que negligentiae causa sit, dum communem culpam  
 hi in illos, illi in hos regerere se posse confidunt.

## XX. [XXXI.]

TRAIANUS PLINIO.

30 Nihil opus est, mi Secunde carissime, ad continen-  
 das custodias plures commilitones converti. Perseve-

5 ut *sine unc. K.I.* ei *all.*, saluberrimae? 10 † *add.*,  
 eos[dem] *K.II.* eos domini l. ? 20 civitatum *K.II* toc., non  
 facultatum *ex a* 4. 5 nec civitatum *ex eodem VIII 24.2 et 7,*  
*X 114. 1, 115 bis.* 27 se *add.*



remus in ea consuetudine, quae isti provinciae est, ut per publicos servos custodiantur. Etenim, ut fideliter hoc faciant, in tua severitate ac diligentia positum est. In primis enim, sicut scribis, verendum est, ne, si permisceantur servis publicis milites, mutua inter se fiducia negligetiores sint. Sed et illud haereat nobis, quam paucissimos milites a signis avocandos esse.

## XXI. [XXXII.]

C. PLINIUS TRAIANO IMPERATORI.

Gavius Bassus, praefectus orae Ponticae, et reverentissime et officiosissime, domine, venit ad me et compluribus diebus fuit mecum, quantum perspicere potui, vir egregius et indulgentia tua dignus. Cui ego notum feci praecepisse te, ut ex cohortibus, quibus me praeesse voluisti, contentus esset beneficiariis decem, equitibus duobus, centurione uno. Respondit non sufficere sibi hunc numerum, idque se scripturum tibi. Hoc in causa fuit, quo minus statim revocandos putarem, quos habet supra numerum.

## XXII. [XXXIII.]

30

TRAIANUS PLINIO.

Et mihi scripsit Gavius Bassus non sufficere sibi eum militum numerum, qui ut daretur illi, mandatis meis complexus sum. Cui quae rescripsissem, ut notum haberes, his litteris subici iussi. Multum interest † te poscat an homines in se ut latius velint. Nobis autem utilitas demum spectanda est, et, quantum fieri potest, curandum, ne milites a signis absint.

## XXIII. [XXXIV.]

C. PLINIUS TRAIANO IMPERATORI.

30

1 Prusenses, domine, balneum habent et sordidum et vetus. Id itaque indulgentia tua restituere desiderant.

Ego tamen aestimans . . . , novum fieri debere videris mihi desiderio eorum indulgere posse. Erit enim penultima, ex qua fiat, primum ea, quam revocare a privatis et exigere iam coepi, deinde quam ipsi erogare in oleum soliti parati sunt in opus balinei conferre; quod alioqui et dignitas civitatis et saeculi tui nitor postulat.

## XXIV. [XXXV.]

TRAIANUS PLINIO.

10. Si instructio novi balinei oneratura vires Prusensium non est, possumus desiderio eorum indulgere, modo ne quid ideo aut intribuatur aut minus illis in posterum fiat ad necessarias erogationes.

## XXV. [X.]

16. C. PLINIUS TRAIANO IMPERATORI.

Servilius Pudens legatus, domine, VIII. kal. Decembres Nicomediam venit meque longae expectationis sollicitudine liberavit.

## XXVI. [XI.]

20. C. PLINIUS TRAIANO IMPERATORI.

Rosianum Geminum, domine, artissimo vinculo mecum tua in me beneficia iunxerunt. Habui enim illum quaestorem in consulatu. Mei sum observantissimum expertus. Tantam mihi post consulatum reverentiam  
25 praestat et publicae necessitudinis pignera privatis cumulat officiis. Rogo ergo, ut ipse apud te pro dignitate eius precibus meis faveas, cui et, si quid mihi credis, indulgentiam tuam dabis. Dabit ipse operam, ut in iis, quae ei mandaveris, maiora mereatur. Par  
30 ciores me in laudando facit, quod spero tibi et integritatem eius et probitatem et industriam non solum ex eius honoribus, quos in urbe sub oculis tuis gessit,

*1 aest. nov. f. debere . . . videris R.I. 28 consulatu, mei summe obs. a, K.I.*

3 verum etiam ex commilitio esse notissimam. Illud unum, quod propter caritatem eius nondum mihi videor satis plene fecisse, etiam atque etiam facio teque, domine, rogo, gaudere me exornata quaestoris mei dignitate, id est per illum mea, quam maturissime 5 velis.

## XXVII. [XXXVI.]

## C. PLINIUS TRAIANO IMPERATORI.

Maximus, libertus et procurator tuus, domine, praeter decem beneficiarios, quos adsignari a me Gemel- 10 lino, optimo viro, iussisti, sibi quoque confirmat necessarios esse milites. Ex his interim . . . , sicut inveneram, in ministerio eius relinquendos existimavi, praesertim cum ad frumentum comparandum iret in Paphlagoniam. Quin etiam tutelae causa, quia ita de- 15 siderabat, addidi duos equites. In futurum quid servari velis, rogo rescribas.

## XXVIII. [XXXVII.]

## TRAIANUS PLINIO.

Nunc quidem proficiscentem ad comparationem 20 frumentorum Maximum, libertum meum, recte militibus instruxisti. Fungebatur enim et ipse extraordinario munere. Cum ad pristinum actum reversus fuerit, sufficient illi duo a te dati milites et totidem a Virdio Gemellino, procuratore meo, quem adiuvat. 25

## XXIX. [XXXVIII.]

## C. PLINIUS TRAIANO IMPERATORI.

1 Sempronius Caelianus, egregius iuvenis, repertos inter tirones duos servos misit ad me; quorum ego supplicium distuli, ut te conditorem disciplinae mili- 20 taris firmatoremque consularem de modo poenae. Ipse enim dubito ob hoc maxime, quod, ut iam dixerant sacramento militari, ita nondum distributi in numeros

*12 milites . . . ex his K.II. 33 ita K.II, om. K.I, etsi adacti erant sacr. mil. Momms.*

erant. Quid ergo debeam sequi, rogo, domine, scribas, praesertim cum pertineat ad exemplum.

## XXX. [XXXIX.]

TRAIANUS PLINIO.

5 Secundum mandata mea fecit Sempronius Caelianus 1  
mittendo ad te eos, de quibus cognosci oportebit, an  
capitale supplicium meruisse videantur. Refert autem,  
voluntarii se obtulerint an lecti sint vel etiam vicarii  
dati. Lecti *si* sunt, inquisitio peccavit, si vicarii dati, 2  
10 penes eos culpa est, qui dederunt, si ipsi, cum haberent  
condicionis suae conscientiam, venerunt, animadverten-  
dum in illos erit. Neque enim multum interest, quod  
nondum per numeros distributi sunt. Ille enim dies,  
[pro] quo primum probati sunt, veritatem ab iis originis  
15 suae exegit.

## XXXI. [XL.]

C. PLINIUS TRAIANO IMPERATORI.

Salva magnitudine tua, domine, descendas oportet 1  
ad meas curas, cum ius mihi dederis referendi ad te,  
20 de quibus dubito. In plerisque civitatibus, maxime 2  
Nicomediae et Nicaeae, quidam vel in opus damnati  
vel in ludum similiaque his genera poenarum publi-  
corum servorum officio ministerioque funguntur atque  
etiam ut publici servi annua accipiunt. Quod ego cum  
25 audissem, diu multumque haesitavi, quid facere deberem.  
Nam et reddere poenae post longum tempus plerosque 3  
iam senes et, quantum adfirmatur, frugaliter modeste-  
que viventes nimis severum arbitrabar, et in publicis  
officiis retinere damnatos non satis honestum putabam;  
30 eosdem rursus a re publica pasci otiosos inutile, non  
pasci etiam periculosum existimabam. Necessario ergo 4  
rem totam, dum te consulerem, in suspensio reliqui.  
Quaeres fortasse, quem ad modum evenerit, ut poenis, in  
quas damnati erant, exsolverentur; et ego quaesivi, sed

nihil comperi, quod adfirmare tibi possim. Ut decreta, quibus damnati erant, proferebantur, ita nulla monumenta, quibus liberati probarentur. Erant tamen, qui dicerent deprecantes iussu proconsulum legatorumve dimissos. Addebat fidem, quod credibile erat neminem hoc ausum sine auctore.

## XXXII. [XLI.]

TRAIANUS PLINIO.

1 Meminerimus idcirco te in istam provinciam missum, quoniam multa in ea emendanda apparuerunt. 10 Erit autem hoc vel maxime corrigendum, quod, qui damnati ad poenam erant, non modo ea sine auctore, ut scribis, liberati sunt, sed etiam in condicionem 2 proborum ministrorum retrahuntur. Qui igitur intra hos proximos decem annos damnati nec ullo idoneo 15 auctore liberati sunt, hos oportebit poenae suae reddi; si qui vetustiores invenientur et senes ante annos decem damnati, distribuamus illos in ea ministeria, quae non longe a poena sint. Solent enim eius modi ad balineum, ad purgationes cloacarum, item munitiones viarum et 20 vicorum dari.

## XXXIII. [XLII.]

C. PLINIUS TRAIANO IMPERATORI.

1 Cum diversam partem provinciae circumirem, Nicomediae vastissimum incendium multas privatorum 25 domos et duo publica opera quamquam via interiacente, 2 Gerusian et Iseon, absumpsit. Est autem latius sparsum primum violentia venti, deinde inertia hominum, quos satis constat otiosos et immobiles tanti mali spectatores perstitisse; et alioqui nullus usquam in publico sipo, 30 nulla hama, nullum denique instrumentum ad incendia conpescenda. Et haec quidem, ut iam praecepi, parabuntur. 3 Tu, domine, dispice, an instituendum putes colle-

2 monim. *K.I.* Ad p. 234. 32. 10 apparuerint a, *K.I.*  
30 siphon *K.I.* Cf. V 6. 23, 36.

gium fabrorum dumtaxat hominum CL. Ego attendam, ne quis nisi faber recipiatur neve iure concesso in aliud utatur; nec erit difficile custodire tam paucos.

## XXXIV. [XLIII.]

TRAIANUS PLINIO.

5 Tibi quidem secundum exempla complurium in 1  
mentem venit posse collegium fabrorum apud Nico-  
medenses constitui. Sed meminerimus provinciam istam  
et praecipue eam civitatem eius modi factionibus esse  
10 vexatam. Quodcumque nomen ex quacumque causa  
dederimus iis, qui in idem contracti fuerint . . . hetae-  
riaeque brevi fient. Satius itaque est comparari ea, quae 2  
ad coërcendos ignes auxilio esse possint, admonerique  
dominos praediorum, ut et ipsi inhibeant, ac, si res  
15 poposcerit, adcursum populi ad hoc uti.

## XXXV. [XLIV.]

C. PLINIUS TRAIANO IMPERATORI.

Sollemnia vota pro incolumitate tua, qua publica  
salus continetur, et suscepimus, domine, pariter et sol-  
20 vimus precati deos, ut velint ea semper solvi semper-  
que signari.

## XXXVI. [XLV.]

TRAIANUS PLINIO.

Et solvisse vos cum provincialibus dis immortalibus  
25 bus vota pro mea salute et incolumitate et nun-  
cupasse libenter, mi Secunde carissime, cognovi ex  
litteris tuis.

## XXXVII. [XLVI.]

C. PLINIUS TRAIANO IMPERATORI.

30 In aquae ductum, domine, Nicomedenses impen- 1  
derunt HS. [XXX] CCCXXIX, qui imperfectus adhuc  
relictus atque etiam destructus est; rursus in alium

3 utantur *Momms.*, K.II. 9 eas civitates—esse vexatas a.  
K.I. 24 diis hic et infra a, K.I; ad p. 159.30.

ductum erogata sunt  $\overline{CC}$ . Hoc quoque relicto novo impendio est opus, ut aquam habeant, qui tantam pecuniam male perdiderunt. Ipse perveni ad fontem purissimum, ex quo videtur aqua debere perducī, sicut initio temptatum erat, arcuato opere, ne tantum ad plana civitatis et humilia perveniat. Manent adhuc paucissimi arcus; possunt et erigi quidam lapide quadrato, qui ex superiore opere detractus est; aliqua pars, ut mihi videtur, testaceo opere agenda erit; id enim et facilius et vilius. Sed in primis necessarium est mitti a te vel aquilegem vel architectum, ne rursus eveniat, quod accidit. Ego illud unum adfirmo, et utilitatem operis et pulchritudinem saeculo tuo esse dignissimam.

## XXXVIII. [XLVII.]

TRAIANUS PLINIO.

15

Curandum est, ut aqua in Nicomedensem civitatem perducatur. Vere credo te ea, qua debebis, diligentia hoc opus adgressurum. Sed medius fidius ad eandem diligentiam tuam pertinet inquirere, quorum vitio ad hoc tempus tantam pecuniam Nicomedenses perdiderint, ne, dum inter se gratificantur, et inchoaverint aquae ductus et reliquerint. Quid itaque compereris, perfer in notitiam meam.

## XXXIX. [XLVIII.]

C. PLINIUS TRAIANO IMPERATORI.

25

1 Theatrum, domine, Nicaeae maxima iam parte constructum, imperfectum tamen, sestertium, ut audio (neque enim ratio operis excussa est) amplius centies  
2 hausit, vereor ne frustra. Ingentibus enim rimis descendit et hiat, sive in causa solum umidum et molle, sive lapis ipse gracilis et putris; dignum est certe deliberatione, sitne faciendum an sit relinquendum an etiam destruendum. Nam fulturae ac substructiones, quibus subinde suscipitur, non tam firmae mihi quam

<sup>22</sup> *Quidquid Schaefer, K.II.*    23 *operis scr. mss. Rhem. 1865. 156, K.II, [plus] K.I.*

sumptuosae videntur. Huic theatro ex privatorum pol- 3  
licitationibus multa debentur ut basilicae circa, ut por-  
ticus supra caveam. Quae nunc omnia differuntur  
cessante eo, quod ante peragendum est. Idem Nicae- 4  
5 enses gymnasium incendio amissum ante adventum  
meum restituere coeperunt longe numerosius laxiusque,  
quam fuerat, et iam aliquantum erogaverunt, periculum  
est, ne parum utiliter; incompositum enim et sparsum  
est. Praeterea architectus sane aemulus eius, a quo  
10 opus inchoatum est, adfirmat parietes quamquam  
viginti et duos pedes latos imposita onera sustinere  
non posse, quia sint caemento medii farti nec testaceo  
opere praecincti. Claudiopolitani quoque in depresso 5  
loco, imminente etiam monte ingens balineum defo-  
15 diunt magis quam aedificant, et quidem ex ea pecunia,  
quam buleutae additi beneficio tuo aut iam obtulerunt  
ob introitum aut nobis exigentibus conferunt. Ergo, 6  
cum timeam, ne illic publica pecunia, hic, quod est  
omni pecunia pretiosius, munus tuum male collocetur,  
20 cogor petere a te, non solum ob theatrum, verum etiam  
ob haec balinea mittas architectum dispecturum, utrum  
sit utilius post sumptum, qui factus est, quoquo modo  
consummare opera, ut inchoata sunt, an, quae viden-  
tur emendanda, corrigere, quae transferenda, transferre,  
25 ne, dum servare volumus, quod impensum est, male  
impendamus, quod addendum est.

## XL. [XLIX.]

TRAIANUS PLINIO.

Quid oporteat fieri circa theatrum, quod inchoatum 1  
30 apud Nicaeenses est, in re praesenti optime deliberabis  
et constitues. Mihi sufficiet indicari, cui sententiae  
accesseris. Tunc autem a privatis exigi opera tibi cu-  
rae sit, cum theatrum, propter quod illa promissa sunt,  
factum erit. Gymnasiis indulgent Graeculi; ideo for- 2  
35 sitan Nicaeenses maiore animo constructionem eius  
adgressi sunt. Sed oportet illos eo contentos esse, quod



3 possit illis sufficere. Quid Claudiopopolitanis circa balineum, quod parum, ut scribis, idoneo loco inchoaverunt, suadendum sit, tu constitues. Architecti tibi deesse non possunt. Nulla provincia est, quae non peritos et ingeniosos homines habeat; modo ne existimes brevius esse ab urbe mitti, cum ex Graecia etiam ad nos venire soliti sint. 5

## XLI. [L.]

## C. PLINIUS TRAIANO IMPERATORI.

1 Intuenti mihi et fortunae tuae et animi magnitudinem convenientissimum videtur demonstrare opera non minus aeternitate tua quam gloria digna quantum-  
 2 que pulchritudinis tantum utilitatis habitura. Est in Nicomedensium finibus amplissimus lacus. Per hunc marmora, fructus, ligna, materiae et sumptu modico et labore usque ad viam navibus, inde magno labore, maiore impendio vehiculis ad mare devehuntur. . . . Hoc opus multas manus poscit. At eae porro non desunt. Nam et in agris magna copia est hominum et maxima in civitate, certaue spes omnes libentissime  
 3 adgressuros opus omnibus fructuosum. Superest, ut tu libratores vel architectos, si tibi videbitur, mittas, qui diligenter exploret, sitne lacus altior mari, quem artifices regionis huius quadraginta cubitis altiore  
 4 esse contendunt. Ego per eadem loca invenio fossam a rege percussam, sed incertum, utrum ad colligendum umorem circumiacentium agrorum an ad committendum flumini lacum; est enim imperfecta. Hoc quoque dubium, intercepto rege mortalitate an desperato operis  
 5 effectum. Sed hoc ipso (feres enim me ambitiosum pro tua gloria) incitor et accendor, ut cupiam peragi a te, quae tantum coeperant reges. 10 15 20 25 30

---

1 illis *Catan.*, K.II, illi a, K.I, tibi *Momms.* 11 demonstrare *Catan.*, K.II, demonstrari A, K.I.

## XLII. [LI.]

TRAIANUS PLINIO.

Potest nos sollicitare lacus iste, ut committere illum mari velimus; sed plane explorandum est diligenter, ne, si dimissus in mare fuerit, totus effluat, certe quantum aquarum et unde accipiat. Poteris a Calpurnio Macro petere libratores, et ego hinc aliquem tibi peritum eius modi operum mittam.

## XLIII. [LII.]

10 C. PLINIUS TRAIANO IMPERATORI.

Requirenti mihi Byzantium rei publicae impendia, 1 quae maxima fecit, indicatum est, domine, legatum ad te salutandum annis omnibus cum psephismate mitti, eique dari nummorum duodena milia. Memor ergo 2 15 propositi tui legatum quidem retinendum, psephisma autem mittendum putavi, ut simul et sumptus levaretur, et impleretur publicum officium. Eidem civitati imputata sunt terna milia, quae viatici nomine annua dabantur legato eunti ad eum, qui Moesiae praeest, 20 publice salutandum. Haec ego in posterum circumcidenda existimavi. Te, domine, rogo, ut, quid sentias, rescribendo aut consilium meum confirmare aut errorem emendare digneris.

## XLIV. [LIII.]

25 TRAIANUS PLINIO.

Optime fecisti, Secunde carissime, duodena ista Byzantiis, quae ad salutandum me in legatum impendebantur, remittendo. Perpetuo . . . his partibus, etsi solum psephisma per te missum fuerit. Ignoscet illis 30 et Moesiae praeses, si minus illum sumptuose coluerint.

5 demiss. *Catan.*, *K.I.*  
solum eorum pseph. a.

12 facit *Catan.*, *K.I.*

28

## XLV. [LIV.]

C. PLINIUS TRAIANO IMPERATORI.

Diplomata, domine, quorum dies praeteriit, an omnino observari et quam diu velis, rogo scribas meque haesitatione liberes. Vereor enim, ne in alterutram 5 partem ignorantia lapsus aut inlicita confirmem aut necessaria impediam.

## XLVI. [LV.]

TRAIANUS PLINIO.

Diplomata, quorum praeteritus est dies, non debent 10 esse in usu. Ideo inter prima iniungo mihi, ut per omnes provincias ante mittam nova diplomata, quam desiderari possint.

## XLVII. [LVI.]

C. PLINIUS TRAIANO IMPERATORI.

15

- 1 Cum vellem, domine, Apameae cognoscere publicos debitores et redditum et impendia, responsum est mihi cupere quidem universos, ut a me rationes coloniae legerentur, numquam tamen esse lectas ab ullo proconsulum; habuisse privilegium et vetustissimum morem 20 arbitrio suo rem publicam administrare. Exegi, ut, quae dicebant, quaeque recitabant, libello complecterentur; quem tibi, qualem acceperam, misi, quamvis intellegerem pleraque ex illo ad id, de quo quaeritur, 2 non pertinere. Te rogo, ut mihi praecipere digneris, 25 quid me putes observare debere. Vereor enim, ne aut excessisse aut non implesse officii mei partes videar.

## XLVIII. [LVII.]

TRAIANUS PLINIO

30

- 1 Libellus Apamenorum, quem epistulae tuae iunxeras, remisit mihi necessitatem perpendendi, qualia essent, propter quae videri volunt eos, qui pro consulibus hanc provinciam obtinuerunt, abstinuisse inspectione

rationum suarum, cum †, ipse ut eas inspiceret, non recusaverint. Remuneranda est igitur probitas eorum, 2 ut iam nunc sciant hoc, quod inspecturus es, ex mea voluntate salvis, quae habent, privilegiis esse facturum.

5

## XLIX. [LVIII.]

C. PLINIUS TRAIANO IMPERATORI.

Ante adventum meum, domine, Nicomedenses priori 1 foro novum adicere coeperunt, cuius in angulo est aedes vetustissima Matris Magnae aut reficienda aut trans- 10 ferenda ob hoc praecipue, quod est multo depressior opere eo, quod cum maxime surgit. Ego cum quae- 2 rerem, num esset aliqua lex dicta templo, cognovi alium hic, alium apud nos esse morem dedicationis. Dispice ergo, domine, an putes aedem, cui nulla lex dicta est, 15 salva religione posse transferri. Alioqui commodissimum est, si religio non impedit.

## L. [LIX.]

TRAIANUS PLINIO.

Potes, mi Secunde carissime, sine sollicitudine re- 20 ligionis, si loci positio videtur hoc desiderare, aedem Matris deum transferre in eam, quae est accommodatior; nec te moveat, quod lex dedicationis nulla reperitur, cum solum peregrinae civitatis capax non sit dedicationis, quae fit nostro iure.

25

## LI. [XII.]

C. PLINIUS TRAIANO IMPERATORI.

Difficile est, domine, exprimere verbis, quantam per- 1 ceperim laetitiam, quod et mihi et socruī meae praestitisti, ut adfinem eius Caelium Clementem in hanc 20 provinciam transferres. Ex illo enim [et] mensuram 2 beneficii tui penitus intellego, cum tam plenam indul-

1 † *add.*, ipsum te a; tu ipse quominus vel sim. con.  
29 *Caelium K*, *Coelium Aa*.

gentiam cum tota domo mea experiar, cui referre gratiam parem ne audeo quidem, quamvis maxime pos-  
sim. Itaque ad vota confugio deosque precor, ut iis,  
quae in me adsidue confers, non indignus existimer.

## LII. [LX.]

5

## C. PLINIUS TRAIANO IMPERATORI.

Diem, domine, quo servasti imperium, dum suscipis,  
quanta mereris laetitia, celebravimus precati deos, ut  
te generi humano, cuius tutela et securitas saluti tuae  
innisa est, incolumem florentemque praestarent. Prae- 10  
ivimus et commilitonibus ius iurandum more sollemni  
eadem provincialibus certante pietate iurantibus.

## LIII. [LXI.]

## TRAIANUS PLINIO.

Quanta religione et laetitia commilitones cum pro- 15  
vincialibus te praeunte diem imperii mei celebra-  
verint, libenter, mi Secunde carissime, cognovi litte-  
ris tuis.

## LIV. [LXII.]

## C. PLINIUS TRAIANO IMPERATORI.

20

- 1 Pecuniae publicae, domine, providentia tua et mi-  
nisterio nostro et iam exactae sunt et exiguntur; quae  
vereor ne otiosae iaceant. Nam et praediorum compa-  
randorum aut nulla aut rarissima occasio est, nec in-  
veniuntur, qui velint debere rei publicae, praesertim 25  
2 duodenis assibus, quanti a privatis mutuantur. Dispice  
ergo, domine, numquid minuendam usuram ac per hoc  
idoneos debitores invitandos putes, et, si ne sic *quidem*  
reperiuntur, distribuendam inter decuriones pecuniam,  
ita ut recte rei publicae caveant; quod quamquam in- 30  
vitis recusantibus minus acerbum erit levioere usura  
constituta.

12 certante Momms., K. II cf. ep. 100, certant A, certatim  
Beroald., K. I. 28 ne sic quidem Caton., K. II (disp. II p. 13),  
nec sic Orelli, K. I.

## LV. [LXIII.]

TRAIANUS PLINIO.

Et ipse non aliud remedium dispicio, mi Secunde carissime, quam ut quantitas usurarum minuat, quo  
 5 facilius pecuniae publicae collocentur. Modum eius ex copia eorum, qui mutuabuntur, tu constitues. Invitos ad accipiendum compellere, quod fortassis ipsis otiosum futurum sit, non est ex iustitia nostrorum temporum.

## LVI. [LXIV.]

10

C. PLINIUS TRAIANO IMPERATORI.

Summas, domine, gratias ago, quod inter maximas 1  
 occupationes in iis, de quibus te consului, me quoque regere dignatus es; quod nunc quoque facias rogo. Adiit enim me quidam indicavitque adversarios suos a 2  
 15 Servilio Calvo, clarissimo viro, in triennium relegatos in provincia morari. Illi contra ab eodem se restitutos adfirmaverunt edictumque recitaverunt. Qua ex causa necessarium credidi rem integram ad te referre. Nam, 3  
 sicut mandatis tuis cautum est, ne restituam ab alio  
 20 aut a me relegatos, ita de iis, quos alius et relegaverit et restituerit, nihil comprehensum est. Ideo tu, domine, consulendus fuisti, quid observare me velles tam hercule de his quam de illis, qui in perpetuum relegati nec restituti in provincia deprehenduntur. Nam haec 4  
 25 quoque species incidit in cognitionem meam. Est enim adductus ad me in perpetuum relegatus a Iulio Basso proconsule. Ego, quia sciebam acta Bassi rescissa datumque a senatu ius omnibus, de quibus ille aliquid constituisset, ex integro agendi dumtaxat per biennium,  
 30 interrogavi hunc, quem relegaverat, an adisset docuissetque proconsulem. *Negavit.* Per quod effectum 5  
 est, ut te consulerem, reddendum eum poenae suae an gravius aliquid et quid potissimum constituendum pu-

12 in *comi. add.* Gierig, Ernesti, K. 17 ex causa K. II, causa *vulg.*; p. 126. 2. 23 de his quam de illis a, quam de iis K.

tares et in hunc et in eos, si qui forte in simili conditione invenirentur. Decretum Calvi et edictum, item decretum Bassi his litteris subieci.

## LVII. [LXV.]

TRAIANUS PLINIO.

5

- 1 Quid in persona eorum statuendum sit, qui a P. Servilio Calvo proconsule in triennium relegati et mox eiusdem edicto restituti in provincia remanserunt, proxime tibi rescribam, cum causas eius facti a Calvo  
2 requisiero. Qui a Iulio Basso in perpetuum relegatus 10  
est, cum per biennium agendi facultatem habuerit, si existimabat se iniuria relegatum, neque id fecerit atque in provincia morari perseverarit, vinctus mitti ad praefectos praetorii mei debet. Neque enim sufficit eum poenae suae restitui, quam contumacia elusit. 15

## LVIII. [LXVI.]

C. PLINIUS TRAIANO IMPERATORI.

- 1 Cum citarem iudices, domine, conventum inchoaturus, Flavius Archippus vacationem petere coepit ut  
2 philosophus. Fuerunt, qui dicerent non modo liberandum eum iudicandi necessitate, sed omnino tollendum 20  
de iudicum numero reddendumque poenae, quam fractis  
3 vinculis evasisset. Recitata est sententia Veli Pauli proconsulis, qua probabatur Archippus crimine falsi damnatus in metallum. Ille nihil proferebat, quo re- 25  
stitutum se doceret; adlegabat tamen pro restitutione et libellum a se Domitiano datum et epistulas eius ad honorem suum pertinentes et decretum Prusensium. Addebat his et tuas litteras scriptas sibi, addebat et patris tui edictum et epistulam, quibus confirmasset 30  
4 beneficia a Domitiano data. Itaque, quamvis eidem et alia crimina applicarentur, nihil decernendum putavi, donec

<sup>20</sup> non modo a, non K. 31 et alia Madv. adv. III 216  
(cf. ep. 60 si quid illi novi criminis obicitur), talia vulg.

te consulerem de eo, quod mihi constitutione tua dignum videbatur. Ea, quae sunt utrimque recitata, his litteris subieci.

## EPISTULA DOMITIANI AD TERENCEM MAXIMUM.

- 5 Flavius Archippus philosophus impetravit a me, ut agrum † ei adderem circa Prusiadam, patriam suam, tam uberem, cuius redditu suos alere posset. Quod ei praestari volo. Summam expensam liberalitati meae feres.

## EIVSDEM AD L. APPIUM MAXIMUM.

- 10 Archippum philosophum, bonum virum et professioni suae etiam moribus respondentem, commendatum habere velim, mi Maxime, et plenam ei humanitatem tuam praestes in iis, quae verecunde a te desideraverit.

## EDICTUM DIVI NERVAE.

- 15 Quaedam sine dubio, Quirites, ipsa felicitas temporum edicit, nec expectandus est in iis novus princeps, quibus illum intellegi satis est, cum hoc sibi civium meorum spondere possit vel non admonita persuasio, me securitatem omnium quieti meae praetulisse, ut et  
20 nova beneficia conferrem et ante me concessa servarem. Ne tamen aliquam gaudiis publicis adferat haesitationem vel eorum, qui impetraverunt, diffidentia vel eius memoria, qui praestitit, necessarium pariter credidi ac laetum obviam dubitantibus indulgentiam meam mittere. Nolo existimet quisquam, quod alio principe vel  
25 privatim vel publice consecutus sit, ideo saltem a me rescindi, ut potius mihi debeat. Sint rata et certa, nec gratulatio ullius instauratis eget precibus, quem fortuna imperii vultu meliore respexit. Me novis beneficiis vacare patiantur et ea demum sciant roganda esse, quae non habent.

6 ei DC circa a, K.I. — Prusiadem vulg., K.I. — emi inberem a, K.I. 16 expectandus est in iis novus Mado. adv. III 216, spectandus — bonus vulg. 28 eget Beroald., K. 18\*



## EPISTULA EIUSDEM AD TULLIUM IUSTUM.

- 10 Cum rerum omnium ordinatio, quae prioribus temporibus inchoatae consummatae sunt, observanda sit, tum epistulis etiam Domitiani standum est.

## LIX. [LXVII.]

5

## C. PLINIUS TRAIANO IMPERATORI.

Flavius Archippus per salutem tuam aeternitatem-  
que petit a me, ut libellum, quem mihi dedit, mitte-  
rem tibi. Quod ego sic roganti praestandum putavi,  
ita tamen, ut missurum me notum accusatrici eius 10  
facerem, a qua et ipsa acceptum libellum his epistulis  
iunxi, quo facilius velut audita utraque parte dispice-  
res, quid statuendum putares.

## LX. [LXVIII.]

## TRAIANUS PLINIO.

15

Potuit quidem ignorasse Domitianus, in quo statu  
esset Archippus, cum tam multa ad honorem eius per-  
tinentia scriberet; sed meae naturae accommodatius  
est credere etiam statui eius subventum interventu  
principis, praesertim cum etiam statuarum ei honor 20  
totiens decretus sit ab iis, qui *non* ignorabant, quid de  
illo Paulus proconsul pronuntiasset. Quae tamen, mi  
Secunde carissime, non eo pertinent, ut, si quid illi  
novi criminis obicitur, minus de eo audiendum putes.  
Libellos Furiae Primae accusatricis, item ipsius Ar- 25  
chippi, quos alteri epistulae tuae iunxeras, legi.

## LXI. [LXIX.]

## C. PLINIUS TRAIANO IMPERATORI.

- 1 Tu quidem, domine, providentissime vereris, ne  
commissus flumini atque ita mari lacus effluat; sed ego 30  
in re praesenti invenisse videor, quem ad modum huic  
2 *periculo* occurrerem. Potest enim lacus fossa usque ad  
*flumen adduci* nec tamen in flumen emitti, sed relicto  
*quasi margine* contineri pariter et dirimi. Sic conae-

quemur, ut nec vacuetur flumini mixtus et sit perinde, ac si misceatur. Erit enim facile per illam brevissimam terram, quæ interiacebit, advecta fossa onera transponere in flumen. Quod ita fiet, si necessitas coget, et, 3  
 5 spero, non coget. Est enim et lacus ipse satis altus et nunc in contrariam partem flumen emittit, quod interclusum inde et, quo volumus, aversum sine ullo detrimento lacus tantum aquae, quantum nunc portat, effundet. Praeterea per id spatium, per quod fossa faci- 4  
 10 cienda est, incidunt rivi; qui si diligenter colligantur, augebunt illud, quod lacus dederit. Enimvero, si placeat fossam longius ducere et altius pressam mari aequare nec in flumen, sed in ipsum mare emittere, percussus maris servabit et reprimet, quidquid e lacu 15  
 veniet. Quorum si nihil nobis loci natura praestaret, expeditum tamen erat cataractis aquae cursum temperare. Verum et haec et alia multo sagacius con- 5  
 quiret explorabitque librator, quem plane, domine, debes mittere, ut polliceris. Est enim res digna et 20  
 magnitudine tua et cura. Ego interim Calpurnio Macro, clarissimo viro, auctore te scripsi, ut libratores quam maxime idoneum mitteret.

## LXII. [LXX.]

TRAIANUS PLINIO S.

25 Manifestum est, mi Secunde carissime, nec prudentiam nec diligentiam tibi defuisse circa istum lacum, cum tam multa provisum habeas, per quae nec periclitetur exauriri et magis in usu nobis futurus sit. Elige igitur id, quod praecipue res ipsa suaserit. Calpurnium 30  
 Macrum credo facturum, ut te libratores instruat, neque provinciae istae his artificibus carent.

1 vacuetur *Madv. adv. III 216sq.*, vacuari videatur *K.II*, vacuo videatur *A*, vicino videatur *Catan., K.I.* 11 dein vero *Momms.* 12 altius *Gierig*, *Madv. adv. III 217*, artius vulg. 25 est *a*, *K.I*, om. *K.II.* 28 usu *Catan., K.II*, usua *A, K.I.*

## LXIII. [XIII.]

## C. PLINIUS TRAIANO IMPERATORI.

Scripsit mihi, domine, Lycormas, libertus tuus, ut, si qua legatio a Bosporo venisset urbem petitura, usque in adventum suum retineretur. Et legatio quidem dumtaxat in eam civitatem, in qua ipse sum, nulla adhuc venit, sed venit tabellarius Sauromatae regis, quem ego usus opportunitate, quam mihi casus obtulerat, cum tabellario, qui Lycormam ex itinere praecessit, mittendum putavi, ut posses et ex Lycormae et ex regis epistulis pariter cognoscere, quae fortasse pariter scire deberes.

## LXIV. [XIV.]

## C. PLINIUS TRAIANO IMPERATORI.

Rex Sauromates scripsit mihi esse quaedam, quae deberes quam maturissime scire. Qua ex causa festinationem tabellarii, quem ad te cum epistulis misit, diplomate adiuvi.

## LXV. [LXXI.]

## C. PLINIUS TRAIANO IMPERATORI.

20

- 1 Magna, domine, et ad totam provinciam pertinens quaestio est de condicione et alimentis eorum, quos  
 2 vocant *θηραιονες*. In qua ego auditis constitutionibus principum quia nihil inveniebam aut proprium aut universale, quod ad Bithynos referretur, consulendum te existimavi, quid observari velles, neque putavi posse me in eo, quod auctoritatem tuam posceret, exemplo  
 3 esse contentum. Recitabatur autem apud me edictum, quod dicebatur divi Augusti, ad Anniam pertinens; recitatae et epistolae divi Vespasiani ad Lacedaemonios et divi Titi ad eosdem et ad Achaeos et Domitiani ad

7 regis, quem ego *Schaefer*, *K. II*, cuius ego *A*, quem ego *a*, *K. I*. 10 et ex—et ex *scr.*, ex—et ex *a*, *K. I*, et—et *K. II*, ex—et *A*. 25 ferretur *A*, *K. I*, ferretur *a*. 26 Neque enim *a*, *K. I*. 31 eosdem [Achaeos] *K. II*, eosdem dein ad Achaeos *a*.

Avidium Nigrinum et Armenium Brocchum proconsules, item ad Lacedaemonios; quae ideo tibi non misi, quia et parum emendata et quaedam non certae fidei videbantur, et quia vera et emendata in scriniis tuis  
 5 esse credebam.

## LXVI. [LXXII.]

TRAIANUS PLINIO.

Quaestio ista, quae pertinet ad eos, qui liberi nati 1  
 expositi, deinde sublati a quibusdam et in servitute  
 10 educati sunt, saepe tractata est, nec quicquam invenitur in commentariis eorum principum, qui ante me fuerunt, quod ad omnes provincias sit constitutum. Epistulae sane sunt Domitiani ad Avidium Nigrinum 2  
 et Armenium Brocchum, quae fortasse debeant observari; sed inter eas provincias, de quibus rescripsit...  
 15 inter quas est Bithynia; et ideo nec adsertionem denegandam iis, qui ex eius modi causa in libertatem vindicabuntur, puto, neque ipsam libertatem redimendam pretio alimentorum.

20

## LXVII. [XV.]

C. PLINIUS TRAIANO IMPERATORI.

Legato Sauromatae regis, cum sua sponte Nicaeae, 1  
 ubi me invenerat, biduo substitisset, longiorem moram faciendam, domine, non putavi, primum quod incertum  
 25 adhuc erat, quando libertus tuus Lycormas venturus esset, deinde quod ipse proficiscebar in diversam provinciae partem ita officii necessitate exigente. Haec 2  
 in notitiam tuam perferenda existimavi, quia proxime scripseram petisse Lycormam, ut legationem, si qua venisset a Bosporo, usque in adventum suum retinerem.  
 30 Quod diutius faciendi nulla mihi probabilis ratio occurrit, praesertim cum epistulae Lycormae, quas detinere, ut ante praedixi, nolui, aliquot diebus hunc legatum antecessurae viderentur.

15 rescr. praeterita est Bith. Momms., intermissa Orell.

## LXVIII. [LXVIII.]

C. PLINIUS TRAIANO IMPERATORI.

Petentibus quibusdam, ut sibi reliquias suorum aut propter iniuriam vetustatis aut propter fluminis incursum aliaque his similia quaecumque secundum exemplum proconsulum transferre permetterem, quia sciebam in urbe nostra ex eius modi causa collegium pontificum adiri solere, te, domine, maximum pontificem consulendum putavi, quid observare me velis.

## LXIX. [LXXIV.]

10

TRAIANUS PLINIO.

Durum est iniungere necessitatem provincialibus pontificum adeundorum, si reliquias suorum propter aliquas iustas causas transferre ex loco in alium locum velint. Sequenda ergo potius tibi exempla sunt eorum, qui isti provinciae praefuerunt; ex causa cuique ita aut permittendum aut negandum.

## LXX. [LXXV.]

C. PLINIUS TRAIANO IMPERATORI.

- 1 Quaerenti mihi, domine, Prusae ubi posset balineum, 20 quod indulsisti, fieri, placuit locus, in quo fuit aliquando domus, ut audio, pulchra, nunc deformis ruinis. Per hoc enim consequemur, ut foedissima facies civitatis ornetur, atque etiam ut ipsa civitas ampliatur, nec ulla aedificia tollantur, sed, quae sunt vetustate sublapsa, 25  
2 relaxentur in melius. Est autem huius domus condicio talis: Legaverat eam Claudius Polyaeus Claudio Caesari iussitque in peristylio templum ei fieri, reliqua ex domo locari. Ex ea redditum aliquandiu civitas percepit; deinde paulatim partim spoliata, partim neglecta cum 30 peristylio domus tota collapsa est, ac iam paene nihil ex ea nisi solum superest; quod tu, domine, sive *dona-veris civitati* sive venire iusseris, propter opportuni-

tatem loci pro summo munere accipiet. Ego, si per- 3  
miseris, cogito in area vacua balineum collocare, eum  
autem locum, in quo aedificia fuerunt, exedra et por-  
ticibus amplecti atque tibi consecrare, cuius beneficio  
5 elegans opus dignumque nomine tuo fiet. Exemplar 4  
testamenti, quamquam mendosum, misi tibi; ex quo  
cognosces multa Polyaenum in eiusdem domus ornatum  
reliquisse, quae ut domus ipsa perierunt, a me tamen,  
in quantum potuerit, requirentur.

10

## LXXI. [LXXVI.]

TRAIANUS PLINIO.

Possumus apud Prusenses area ista cum domu col-  
lapsa, quam vacare scribis, *ad* extructionem balinei  
uti. Illud tamen parum expressisti, an aedes in peri-  
15 stylio Claudio facta esset. Nam, si facta est, licet  
collapsa sit, religio eius occupavit solum.

## LXXII. [LXXVII.]

C. PLINIUS TRAIANO IMPERATORI.

Postulantibus quibusdam, ut de agnoscendis liberis  
20 restituendisque natalibus et secundum epistulam Do-  
mitiani scriptam Minicio Rufo et secundum exempla  
proconsulum ipse cognoscerem, respexi ad senatus  
consultum pertinens ad eadem genera causarum, quod  
de iis tantum provinciis loquitur, quibus proconsules  
25 praesunt; ideoque rem integram distuli, dum *tu*, do-  
mine, praeceperis, quid observare me velis.

## LXXIII. [LXXVIII.]

TRAIANUS PLINIO.

Si mihi senatus consultum miseris, quod haesita-  
30 tionem tibi fecit, aestimabo, an debeas cognoscere de  
agnoscendis liberis et natalibus veris restituendis.

## LXXIV. [XVI.]

## C. PLINIUS TRAIANO IMPERATORI.

- 1 Appuleius, domine, miles, qui est in statione Nicomedensi, scripsit mihi quendam nomine Callidromum, cum detineretur a Maximo et Dionysio pistoribus, quibus operas suas locaverat, confugisse ad tuam statuam perductumque ad magistratus indicasse servisse se aliquando Laberio Maximo captumque a Susago in Moesia et a Decibalo muneri missum Pacoro, Parthiae regi, pluribusque annis in ministerio eius fuisse, deinde 10  
2 fugisse atque ita in Nicomediam pervenisse. Quem ego perductum ad me, cum eadem narrasset, mittendum ad te putavi; quod paulo tardius feci, dum requiro gemmam, quam sibi habentem imaginem Pacori †, et  
3 quibus ornatus fuisset, subtractam indicabat. Volui enim hanc quoque, si inveniri potuisset, simul mittere, sicut glebulam misi, quam se ex Parthico metallo attulisse dicebat. Signata est anulo meo, cuius est aposphragisma quadriga.

## LXXV. [LXXIX.]

30

## C. PLINIUS TRAIANO IMPERATORI.

- 1 Iulius, domine, Largus ex Ponto nondum mihi visus ac ne auditus quidem (scilicet iudicio tuo credidit) dispensationem quandam mihi erga te pietatis suae  
2 ministeriumque mandavit. Rogavit enim testamento, ut hereditatem suam adirem cerneremque ac deinde praeceptis quinquaginta milibus nummum reliquum omne Heracleotarum et Tianorum civitatibus redderem, ita ut esset arbitrii mei, utrum opera facienda, quae honori tuo consecrarentur, putarem an instituendos quinquen- 30  
nales agonas, qui Traiani appellarentur. Quod in notitiam tuam perferendum existimavi ob hoc maxime, ut dispiceres, quid eligere debeam.

7 *se add.* 9 Deceb. *K.I.* 14. † *add.*, quibus insignibus *Catan.*, cum aliis quibus orn. *Momms.*, ab iis, quibus locatus fuisset?

## LXXVI. [LXXX.]

TRAIANUS PLINIO.

Iulius Largus fidem tuam, quasi te bene nosset, elegit. Quid ergo potissimum ad perpetuitatem me-  
 5 moriae eius faciat, secundum cuiusque loci condicio-  
 nem ipse dispice et, quod potissimum existimaveris, id sequere.

## LXXVII. [LXXXI.]

C. PLINIUS TRAIANO IMPERATORI.

10 Providentissime, domine, fecisti, quod praecepisti 1  
 Calpurnio Macro, clarissimo viro, ut legionarium cen-  
 turionem Byzantium mitteret. Dispice, an etiam Iulio- 2  
 politanis simili ratione consulendum putes, quorum  
 civitas, cum sit perexigua, onera maxima sustinet  
 15 tantoque graviore in iurias, quanto est infirmior, pa-  
 titur. Quidquid autem Iuliopolitanis praestiteris, id 3  
 etiam toti provinciae proderit. Sunt enim in capite  
 Bithyniae plurimisque per eam commeantibus transitum  
 praebent.

## LXXVIII. [LXXXII.]

TRAIANUS PLINIO.

Ea condicio est civitatis Byzantium confluente 1  
 undique in eam commeantium turba, ut secundum con-  
 suetudinem praecedentium temporum honoribus eius  
 25 praesidio centurionis legionarii consulendum habuerimus.  
 Si Iuliopolitanis succurrendum eodem modo putaveri-  
 mus, onerabimus nos exemplo. Plures enim, et quanto 2  
 infirmiores erunt, idem . . . fiduciam diligentiae ha-  
 beo, ut credam te omni ratione id acturum, ne sint  
 30 obnoxii iniuriis. Si qui autem se contra disciplinam 3  
 meam gesserint, statim coërceantur; aut, si plus ad-  
 miserint, quam ut in re praesenti satis puniantur, si

---

15 est *a*, et *K*. 27 enim tanto magis eadem requirent,  
 quanto inf. *a* — idem petent Beroald., *K*. I. 28 diligentiae  
 tuae *Catan.*, *K*. I., idem. Fiduc. dil. habeo defend. Stangl 674.



milites erunt, legatis eorum, quod deprehenderis, notum facies aut, si in urbem versus venturi erunt, mihi scribes.

## LXXIX. [LXXXIII.]

C. PLINIUS TRAIANO IMPERATORI.

- 1 Cautum est, domine, Pompeia lege, quae Bithynis 5  
data est, ne quis capiat magistratum neve sit in senatu  
minor annorum triginta. Eadem lege comprehensum  
2 est, ut, qui ceperint magistratum, sint in senatu. Se-  
cutum est dein edictum divi Augusti, quo permisit  
minores magistratum ab annis duobus et viginti capere. 10  
3 Quaeritur ergo, an, qui minor triginta annorum gessit  
magistratum, possit a censoribus in senatum legi, et,  
si potest, an ii quoque, qui non gesserint, possint per  
eandem interpretationem ab ea aetate senatores legi,  
a qua illis magistratum gerere permissum est; quod 15  
alioqui factitatum adhuc et esse necessarium dicitur,  
quia sit aliquanto melius honestorum hominum liberos  
4 quam e plebe in curiam admitti. Ego a destinatis  
censoribus, quid sentirem, interrogatus eos quidem,  
qui minores triginta annis gessissent magistratum, pu- 20  
tabam posse in senatum et secundum edictum Augusti  
et secundum legem Pompeiam legi, quoniam Augustus  
gerere magistratus minoribus annis triginta permisisset,  
lex senatorem esse voluisset, qui gessisset magistratum.  
5 De iis autem, qui non gessissent, quamvis essent aeta- 25  
tis eiusdem cuius illi, quibus gerere permissum est,  
haesitabam; per quod effectum est, ut te, domine, con-  
sulerem, quid observari velles. Capita legis, tum edi-  
ctum Augusti litteris subieci.

## LXXX. [LXXXIV.]

30

TRAIANUS PLINIO.

Interpretationi tuae, mi Secunde carissime . . .  
ut existimo hactenus edicto divi Augusti novatam esse

*1* quod *Rittersh.*, *K.II*, quae *A*, *K.I*. 10 ab annis *V*  
*Nipperd.* 'die leges ann.' p. 15 n., item *infr.* 80. 12 magistratus  
*A*, *K.I*. 33 ut *om.* *K.I*.

legem Pompeiam, ut magistratum quidem capere possent ii, qui non minores duorum et viginti annorum essent, et, qui cepissent, in senatum cuiusque civitatis pervenirent. Ceterum non capto magistratu eos, qui  
 5 minores triginta annorum sint, quia magistratum capere possint, in curiam etiam loci cuiusque non existimo legi posse.

## LXXXI. [LXXXV.]

C. PLINIUS TRAIANO IMPERATORI.

10 Cum Prusae ad Olympum, domine, publicis negotiis intra hospitium eodem die exiturus vacarem, Asclepiades magistratus indicavit appellatum me a Claudio Eumolpo. Cum Cocceianus Dion in bule assignari civitati opus, cuius curam egerat, vellet, tum  
 15 Eumolpus adsistente Flavio Archippo dixit exigendam esse a Dione rationem operis, ante quam rei publicae traderetur, quod aliter fecisset, ac debuisset. Adiecit 2 etiam esse in eodem opere positam tuam statuum et corpora sepulcorum, uxoris Dionis et filii, postulavitque,  
 20 ut cognoscerem pro tribunali. Quod cum ego me protinus facturum dilaturumque protectionem dixissem, ut longiorem diem ad instruendam causam darem, utque in alia civitate cognoscerem, petiit. Ego me auditurum 4 Nicaeae respondi. Ubi *cum* consedissem cogniturus,  
 25 idem Eumolpus tamquam adhuc parum instructus dilationem petere coepit, contra Dion, ut audiretur, exigere. Dicta sunt utrimque multa etiam de causa. 5 Ego cum dandam dilationem ad te consulendum existimarem in re ad exemplum pertinenti, dixi utrique  
 30 parti, ut postulationum suarum libellos darent. Volebam enim te ipsorum potissimum verbis ea, quae erant proposita, cognoscere. Et Dion quidem se datu-

2 V *Nipperd.* ut 79. 2. 15 adsistente *Beroald. a, K.II.*  
 absistente *A.*, adsistens *Catan., K.I.* 18 eodem opere *a,*  
 eodem *K.II.*, aedem *A.*, aede *Beroald., K.I.* 25 (si) adhuc *K.,*  
 si *om. a,* scilicet *Stangl* 679. 28 ad te *scr., et A., et te*  
*Schaefer, K.I.*, et cons. te *K.II.*

rum dixit, at Eumolpus respondit complexurum se libello,  
 6 quae rei publicae peteret, ceterum, quod ad sepultos  
 pertineret, non accusatorem se, sed advocatum Flavi  
 Archippi, cuius mandata pertulisset. Archippus, qui  
 Eumolpo sicut Prusiade adsistebat, dixit se libellum 5  
 daturum. Ita nec Eumolpus nec Archippus quamquam  
 plurimis diebus expectatis adhuc mihi libellos dede-  
 7 runt; Dion dedit, quem huic epistolae iunxi. Ipse in  
 re praesenti fui et vidi tuam quoque statuam in  
 bibliotheca positam, id autem, in quo dicuntur sepulti 10  
 filius et uxor Dionis, in area collocatum, quae porti-  
 8 cibus includitur. Te, domine, rogo, ut me in hoc prae-  
 cipue genere cognitionis regere digneris, cum alioqui  
 magna sit expectatio, ut necesse est in ea re, quae et  
 in confessum venit et exemplis defenditur. 15

## LXXXII. [LXXXVI.]

TRAIANUS PLINIO.

1 Potuisti non haerere, mi Secunde carissime, circa  
 id, de quo me consulendum existimasti, cum proposi-  
 tum meum optime nosses non ex metu nec terrore 20  
 hominum aut criminibus maiestatis reverentiam nomini  
 2 meo adquirendi. Omissa ergo ea quaestione, quam non  
 admitterem, etiam si exemplis adiuveretur, ratio potius  
 operis effecti sub cura [tua] Cocceiani Dionis excutiatur,  
 cum et utilitas civitatis exigit, nec aut recuset Dion 25  
 aut debeat recusare.

---

1 at *Stangl* 679, et *K.II*, [et] *K.I*. 4 qui Eumolpo  
*Beroald.*, *K.II*, qui Eumolpus sinit *A*, cui Eumolpus *a*, *K.I*.  
 6 At nec Eum. *Schaefer*, interim *coni. K. probab.* — quamquam  
*K.II*, quam *A*, *vulg.* 15 nec exempl. *Momms.* 22 ad-  
 quirendi *Madv. adv. III* 217, adquiri *A*, *K.I*, adquirere *K.II*.  
 23 potius *P. de Winterfeld sched. crit. 1895 p. 33*, totius *vulg.*  
 25 eius finem litis exig. nec aut rec. *D.* aut deb. accusator  
 (*v. Eumolpus*) rec. *P. de Winterf. p. 32sq.*

## LXXXIII. [LXXXVII.]

C. PLINIUS TRAIANO IMPERATORI.

Rogatus, domine, a Nicaeensibus publice per ea,  
 quae mihi et sunt et debent esse sanctissima, id est  
 5 per aeternitatem tuam salutemque, ut preces suas ad  
 te perferrem, fas non putavi negare acceptumque ab  
 iis libellum huic epistulae iunxi.

## [LXXXIV. [LXXXVIII.]

TRAIANUS PLINIO.

10 Nicaeensibus, qui intestatorum civium suorum con-  
 cessam vindicationem bonorum a divo Augusto adfir-  
 mant, debebis vacare contractis omnibus personis ad  
 idem negotium pertinentibus adhibitis Virdio Gemellino  
 et Epimacho, liberto meo, procuratoribus, ut aestima-  
 15 tis etiam iis, quae contra dicuntur, quod optimum  
 credideritis, statuatis.

## LXXXV. [XVII.]

C. PLINIUS TRAIANO IMPERATORI.

Maximum, libertum et procuratorem tuum, domine,  
 20 per omne tempus, quo fuimus una, probum et indu-  
 strium et diligentem ac sicut rei tuae amantissimum  
 ita disciplinae tenacissimum expertus libenter apud te  
 testimonio prosequor ea fide, quam tibi debeo.

## LXXXVI A. [XVIII.]

25 C. PLINIUS TRAIANO IMPERATORI.

Gavium Bassum, domine, praefectum orae Ponticae, 1  
 integrum, probum, industrium atque inter ista reve-  
 rentissimum mei expertus voto pariter et suffragio  
 prosequor ea fide, quam tibi debeo.

---

11 sibi vindic. *Momms.* 26 Gabium a, *K. I.*, Galbium A.  
*Ad 21 in.* 29 'Novae epistulae initium recte constituerat *Caton.*  
*in prima editione* *K. II.*, debeo † quam ea *K. I.*

## LXXXVIB. [XVIII.]

C. PLINIUS TRAIANO IMPERATORI.

... quam ea, quae speret, instructum commilitio tuo,  
 cuius disciplinae debet, quod indulgentia tua dignus  
 2 est. Apud me et milites et pagani, a quibus iustitia 5  
 eius et humanitas penitus inspecta est, certatim ei  
 qua privatim qua publice testimonia pertribuerunt.  
 Quod in notitiam tuam perfero ea fide, quam tibi  
 debeo.

## LXXXVII. [XIX.]

10

C. PLINIUS TRAIANO IMPERATORI.

1 Nymphidium Lupum, domine, primipilarem com-  
 militonem habui, cum ipse tribunus essem, ille prae-  
 fectus. Inde familiariter diligere coepi. Crevit postea  
 2 caritas ipsa mutuae vetustate amicitiae. Itaque et 15  
 quieti eius inieci manum et exegi, ut me in Bithynia  
 consilio instrueret. Quod ille amicissime et otii et  
 senectutis ratione postposita et iam fecit et facturus  
 3 est. Quibus ex causis necessitudines eius inter meas  
 numero, filium in primis, Nymphidium Lupum, iuvenem 20  
 probum, industrium et egregio patre dignissimum,  
 suffecturum indulgentiae tuae, sicut primis eius ex-  
 perimentis cognoscere potes, cum praefectus cohortis  
 plenissimum testimonium meruerit Iuli Ferocis et Fusci  
 Salinatoris, clarissimorum virorum. Meum gaudium 25  
 meamque gratulationem filii honore † continerent.

## LXXXVIII. [LXXXIX.]

C. PLINIUS TRAIANO IMPERATORI.

Opto, domine, et hunc natalem et plurimos alios  
 quam felicissimos agas aeternae laude florentem vir-  
 tutis tuae gloriam [quam] incolumis et fortis aliis super  
 alia operibus augeas.

---

26 continebo *K.*, continebis *Catan.*, honores complebunt ?

## LXXXIX. [XC.]

TRAIANUS PLINIO.

Agnosco vota tua, mi Secunde carissime, quibus  
 precaris, ut plurimos et felicissimos natales florente  
 5 statu rei publicae nostrae agam.

## XC. [XCI.]

C. PLINIUS TRAIANO IMPERATORI.

Sinopenses, domine, aqua deficiuntur; quae videtur 1  
 et bona et copiosa ab sexto decimo miliario posse  
 10 perducī. Est tamen statim ab capite paulo amplius  
 mille passuum locus suspectus et mollis, quem ego  
 interim explorari modico impendio iussi, an recipere  
 et sustinere opus possit. Pecunia curantibus nobis 2  
 contracta non deerit, si tu, domine, hoc genus operis  
 15 et salubritati et amoenitati valde sitientis coloniae in-  
 dulseris.

## XCI. [XCII.]

TRAIANUS PLINIO.

Ut coepisti, Secunde carissime, explora diligenter,  
 20 an locus ille, quem suspectum habes, sustinere opus  
 aquae ductus possit. Neque enim dubitandum puto,  
 quin aqua perducenda sit in coloniam Sinopensem, si  
 modo et viribus suis adsequi potest, cum plurimum  
 ea res et salubritati et voluptati eius collatura sit.

25

## XCII. [XCIII.]

C. PLINIUS TRAIANO IMPERATORI.

Amisenorum civitas libera et foederata beneficio  
 indulgentiae tuae legibus suis utitur. In hac datum  
 mihi libellum ad eranos pertinentem his litteris subieci,  
 30 ut tu, domine, dispiceres, quid et quatenus aut per-  
 mittendum aut prohibendum putares.

11 passuum *Catan.*, K.II, passibus α, K.I, om. A. 23  
 id vir. *Catan.*, et vir. suis ipsa id ads. α, ipsa vir. ?

## XCHL. [XCIV.]

TRAIANUS PLINIO.

Amisenos, quorum libellum epistolae tuae iunxeras, si legibus ipsorum, quibus beneficio foederis utuntur, concessum est erant habere, possumus, quo minus 5 habeant, non impedire, eo facilius, si tali collatione non ad turbas et ad illicitos coetus, sed ad sustinendam tenuiorum inopiam utuntur. In ceteris civitatibus, quae nostro iure obstrictae sunt, res huius modi prohibenda est. 10

## XCIV. [XCV.]

C. PLINIUS TRAIANO IMPERATORI.

- 1 Suetonium Tranquillum, probissimum, honestissimum, eruditissimum virum, et mores eius secutus et studia iam pridem, domine, in contubernium adsumpsi tantoque magis diligere coepi, quanto nunc propius 15 in-  
 2 inspexi. Huic ius trium liberorum necessarium faciunt duae causae; nam et iudicia amicorum promeretur et parum felix matrimonium expertus est impetrandumque a bonitate tua per nos habet, quod illi fortunae 20  
 3 malignitas denegavit. Scio, domine, quantum beneficium petam, sed peto a te, cuius in omnibus desideriis meis indulgentiam experior. Potes enim colligere, quanto opere cupiam, quod non rogarem absens, si mediocriter cuperem. 25

## XCV. [XCVI.]

TRAIANUS PLINIO.

Quam parce haec beneficia tribuam, utique, mi Secunde carissime, haeret tibi, cum etiam in senatu adfirmare soleam non excessisse me numerum, quem 30 apud amplissimum ordinem suffecturum mihi professus sum. Tuo tamen desiderio subscripsi et dedisse me

4 ipsorum *Orell.*, *Madr. adr. III 217*, istorum *culg.* —  
 beneficio *Madr.*, de officio *culg.* 14 intuitus? 16 nunc  
*Wintersfeld sched. crit.* 1895 p. 33. hunc *culg.*, [hunc] K. II.  
 ssimam indulg. a.

ius trium liberorum Suetonio Tranquillo ea condicione, qua adsuevi, referri in commentarios meos iussi.

XCVI. [XCVII.]

C. PLINIUS TRAIANO IMPERATORI.

5 Sollemne est mihi, domine, omnia, de quibus du-  
bito, ad te referre. Quis enim potest melius vel cun-  
tationem meam regere vel ignorantiam instruere?  
Cognitionibus de Christianis interfui numquam. Ideo  
nescio, quid et quatenus aut puniri soleat aut quaeri.  
10 Nec mediocriter haesitavi, sitne aliquod discrimen 2  
aetatum, an quamlibet teneri nihil a robustioribus  
differant, detur paenitentiae venia, an ei, qui omnino  
Christianus fuit, desisse non prosit, nomen ipsum, si  
flagitiis careat, an flagitia cohaerentia nomini punian-  
15 tur. Interim *in* iis, qui ad me tamquam Christiani  
deferebantur, hunc sum secutus modum. Interrogavi 3  
ipsos, an essent Christiani. Confitentes iterum ac ter-  
tio interrogavi supplicium minatus. Perseverantes duci  
iussi. Neque enim dubitabam, quaecumque esset, quod  
20 faterentur, pertinaciam certe et inflexibilem obstinatio-  
nem debere puniri. Fuerunt alii similis amentiae; quos, 4  
quia cives Romani erant, adnotavi in urbem remitten-  
dos. Mox ipso tractatu, ut fieri solet, diffundente se  
crimine plures species inciderunt. Propositus est li- 5  
25 bellus sine auctore multorum nomina continens. Qui  
negabant esse se Christianos aut fuisse, cum praeunte  
me deos appellarent et imagini tuae, quam propter hoc  
iusseram cum simulacris numinum adferri, ture ac vino  
supplicarent, praeterea male dicerent Christo, quorum  
30 nihil posse cogi dicuntur, qui sunt re vera Christiani,  
dimittendos esse putavi. Alii ab indice nominati esse 6  
se Christianos dixerunt et mox negaverunt; fuisse qui-  
dem, sed desisse, quidam ante triennium, quidam ante

7 instruere *a*, *K. II*, extruere *A*, *R. I*. 33 ante triennium,  
quidam ante *om.* *K. I*.



plures annos, non nemo etiam ante viginti. *Hi* quoque omnes et imaginem tuam deorumque simulacra venerati sunt et Christo male dixerunt. Adfirmabant autem hanc fuisse summam vel culpaе suae vel erroris, quod essent soliti stato die ante lucem convenire carmenque Christo quasi deo dicere secum invicem seque sacramento non in scelus aliquod obstringere, sed ne furta, ne latrocinia, ne adulteria committerent, ne fidem fallerent, ne depositum appellati abnegarent. Quibus peractis morem sibi discedendi fuisse rursusque coeundi ad capiendum cibum, promiscuum tamen et innoxium; quod ipsum facere desisse post edictum meum, quo secundum mandata tua hetaerias esse vetueram. Quo magis necessarium credidi ex duabus ancillis, quae ministrae dicebantur, quid esset veri, et per tormenta quaerere. Nihil aliud inveni quam superstitionem pravam immodicam. Ideo dilata cognitione ad consulendum te decucurri. Visa est enim mihi res digna consultatione, maxime propter periclitantium numerum. Multi enim omnis aetatis, omnis ordinis, utriusque sexus etiam vocantur in periculum et vocabuntur. Neque civitates tantum, sed vicos etiam atque agros superstitionis istius contagio pervagata est; quae videtur sisti et corrigi posse. Certe satis constat prope iam desolata templa coepisse celebrari, et sacra sollemnia diu intermissa repeti, passimque venire victimas, quarum adhuc rarissimus emptor inveniebatur. Ex quo facile est opinari, quae turba hominum emendari possit, si sit paenitentiae locus.

## XCVII. [XCVIII.]

30

TRAIANUS PLINIO.

1 Actum, quem debuisti, mi Secunde, in excutiendis causis eorum, qui Christiani ad te delati fuerant, se-

1 Hi quoque omnes *K. II*, viginti quoque. Omnes *A, K. I.*  
 10 coeundi *a, K. II, om. A, K. I.* 26 passimque venire victimas, quarum *a*, passimque venire victimarum: cuius *A*, passimque ven. victimarum, cuius Beroald., *K.*

cutus es. Neque enim in universum aliquid, quod quasi certam formam habeat, constitui potest. Conquirendi non sunt; si deferantur et arguantur, puniendi sunt, ita tamen, ut, qui negaverit se Christianum esse idque re ipsa manifestum fecerit, id est supplicando nostris, quamvis suspectus in praeteritum, veniam ex paenitentia impetret. Sine auctore vero propositi libelli in nullo crimine locum habere debent. Nam et pessimi exempli nec nostri saeculi est.

10

## XCVIII. [XCIX.]

C. PLINIUS TRAIANO IMPERATORI.

Amastrianorum civitas, domine, et elegans et ornata 1  
habet inter praecipua opera pulcherrimam eandemque  
longissimam plateam; cuius a latere per spatium omne  
15 porrigitur nomine quidem flumen, re vera cloaca foedissima ac sicut turpis immundissimo aspectu ita pestilens odore taeterrimo. Quibus ex causis non minus 2  
salubritatis quam decoris interest eam contegi; quod fiet, si permiseris, curantibus nobis, ne desit † quoque  
20 pecunia operi tam magno quam necessario.

## XCIX. [C.]

TRAIANUS PLINIO.

Rationis est, mi Secunde carissime, contegi aquam istam, quae per civitatem Amastrianorum fuit, si in-  
25 tecta salubritati obest. Pecunia ne huic operi desit, curaturum te secundum diligentiam tuam certum habeo.

## C. [CL.]

C. PLINIUS TRAIANO IMPERATORI.

Vota, domine, priorum annorum nuncupata alacres  
30 laetique persolvimus novaque rursus certante commilitonum et provincialium pietate suscepimus precati deos, ut te remque publicam florentem et incolumentem ea

17 teterr. K.I. 19 † add., quoque displicuit Gierigio quoque.

benignitate servarent, quam super magnas plurimasque virtutes praecipua sanctitate, obsequio, deorum honore meruisti.

CI. [CII.]

TRAIANUS PLINIO.

5

Solvisse vota dis immortalibus te praeunte pro mea incolumitate commilitones cum provincialibus laetissimo consensu et in futurum nuncupasse libenter, mi Secunde carissime, cognovi litteris tuis.

CII. [CIII.]

10

C. PLINIUS TRAIANO IMPERATORI.

Diem, quo in te tutela generis humani felicissima successione translata est, debita religione celebravimus commendantes dis imperii tui auctoribus et vota publica et gaudia.

15

CIII. [CIV.]

TRAIANUS PLINIO.

Diem imperii mei debita laetitia et religione commilitonibus et provincialibus praeunte te celebratum libenter cognovi litteris tuis.

20

CIV. [CV.]

C. PLINIUS TRAIANO IMPERATORI.

Valerius, domine, Paulinus excepto Paulino ius Latinorum suorum mihi reliquit; ex quibus rogo tribus interim ius Quiritium des. Vereor enim, ne sit immodicum pro omnibus pariter invocare indulgentiam tuam, qua debeo tanto modestius uti, quanto plenioris experior. Sunt autem, pro quibus peto, C. Valerius Astraeus, C. Valerius Dionysius, C. Valerius † Axer.

CV. [CVI.]

30

TRAIANUS PLINIO.

Cum honestissime iis, qui apud fidem tuam a Valerio Paulino depositi sunt, consultum velis, matura per

<sup>29</sup> *Aper a, K.I.*      <sup>33</sup> *mature per me, iis Beroald., K.I.*

me. Iis interim, quibus nunc petisti, dedisse me ius Quiritium referri in commentarios meos iussi idem facturum in ceteris, pro quibus petieris.

## CVI. [CVII.]

C. PLINIUS TRAIANO IMPERATORI.

Rogatus, domine, a P. Accio Aquila, centurione cohortis sextae equestris, ut mitterem tibi libellum, per quem indulgentiam pro statu filiae suae implorat, durum putavi negare, cum scirem, quantam soleres militum precibus patientiam humanitatemque praestare.

## CVII. [CVIII.]

TRAIANUS PLINIO.

Libellum P. Acci Aquilae, centurionis cohortis sextae equestris, quem mihi misisti, legi; cuius precibus motus dedi filiae eius civitatem Romanam. Libellum rescripti, quem illi redderes, misi tibi.

## CVIII. [CIX.]

C. PLINIUS TRAIANO IMPERATORI.

Quid habere iuris velis et Bithynas et Ponticas civitates in exigendis pecuniis, quae illis vel ex locationibus vel ex venditionibus aliisve causis debeantur, rogo, domine, rescribas. Ego inveni a plerisque proconsulibus concessam iis protopraxian, eamque pro lege valuisse. Existimo tamen tua providentia constitutum aliquid et sancendum, per quod utilitatibus eorum in perpetuum consulatur. Nam, quae sunt ab illis instituta, sint licet sapienter indulta, brevia tamen et infirma sunt, nisi illis tua contingit auctoritas.

## CIX. [CX.]

TRAIANUS PLINIO.

Quo iure uti debeant Bithynae vel Ponticae civitates in iis pecuniis, quae ex quaque causa rei publi-

6 Attio K. I. 13 Accii K. II, Attii K. I. 28 contingat  
Catan. a.

cae debebuntur, ex lege cuiusque animadvertendum est. Nam, sive habent privilegium, quo ceteris creditoribus anteponan- tur, custodiendum est, sive non habent, in iniuriam id dari a me non oportebit.

## CX. [CXI.]

5

## C. PLINIUS TRAIANO IMPERATORI.

- 1 Ecdicus, domine, Amisenorum civitatis petebat apud me a Iulio Pisone denariorum circiter quadraginta milia donata ei publice ante viginti annos bule et ecclesia consentiente utebaturque mandatis tuis, quibus 10  
2 eius modi donationes vetantur. Piso contra plurima se in rem publicam contulisse ac prope totas facultates erogasse dicebat. Addebat etiam temporis spatium postulabatque, ne id, quod pro multis et olim accepisset, cum eversione reliquae dignitatis reddere cogere- 15  
tur. Quibus ex causis integram cognitionem differendam existimavi, ut te, domine, consulerem, quid sequendum putares.

## CXI. [CXII.]

## TRAIANUS PLINIO.

20

Sicut largitiones ex publico fieri mandata prohibent, ita, ne multorum securitas subruatur, factas ante aliquantum temporis retractari atque in inritum vindicari non oportet. Quidquid ergo ex hac causa actum ante viginti annos erit, omittamus. Non minus enim homi- 25  
nibus cuiusque loci quam pecuniae publicae consul- tum volo.

## CXII. [CXIII.]

## C. PLINIUS TRAIANO IMPERATORI.

- 1 Lex Pompeia, domine, qua Bithyni et Pontici so  
utuntur, eos, qui in bulen a censoribus leguntur, dare pecuniam non iubet; sed ii, quos indulgentia tua quibusdam civitatibus super legitimum numerum adi-  
*cere permisit, et singula milia denariorum et bina in-*  
2 *tulerunt.* Anicius deinde Maximus proconsul eos etiam, 35

qui a censoribus legerentur, dumtaxat in paucissimis civitatibus aliud aliis iussit inferre. Superest ergo, ut ipse dispicias, an in omnibus civitatibus certum aliquid omnes, qui deinde buleutae legentur, debeant pro introitu dare. Nam, quod in perpetuum mansurum est, a te constitui decet, cuius factis dictisque debetur aeternitas.

## CXIII. [CXIV.]

TRAIANUS PLINIO.

10 Honorarium decurionatus omnes, qui in quaque civitate Bithyniae decuriones fiunt, inferre debeant necne, in universum a me non potest statui. Id ergo quod semper tutissimum est, sequendam cuiusque civitatis legem puto scilicet adversus eos, qui inviti fiunt decuriones . . . id existimo acturos, ut † praefatio ceteris praeferatur.

## CXIV. [CXV.]

C. PLINIUS TRAIANO IMPERATORI.

Lege, domine, Pompeia, permissum Bithynicis civi- 1  
20 tatibus adscribere sibi, quos vellent, cives, dum ne quem earum civitatum, quae sunt in Bithynia. Eadem lege sancitur, quibus de causis e senatu a censoribus eiciantur. Inde me quidam ex censoribus consulendum 2  
putaverunt, an eicere deberent eum, qui esset alterius civitatis. Ego, quia lex sicut adscribi civem alienum 3  
25 vetabat, ita eici e senatu ob hanc causam non iubebat, praeterea, quia a quibusdam adfirmabatur mihi in omni civitate plurimos esse buleutas ex aliis civitatibus, futurumque ut multi homines multaeque civitates cōn-

---

4 legentur *Schaefer, K. II*, leguntur *vulg.* 14sq. decuriones: id exist. act.: ut erogatio cet. praef. *Catan. a*, decuriones. ceteros exist. id act., ut erogatio praef. *Schaefer*, decuriones. eos qui super legitimum numerum adiecti sunt, id exist. act., ut pretio dato cet. praef. *coni. K.* 27 quia a quibusdam add. *scr.*, quibus add. *A*, quia ab aliquibus add. *a*, quod add. *Be- roald., K.*

cuterentur, . . . ea pars legis, quae iam pridem consensu quodam exolevisset, necessarium existimavi consulere te, quid servandum putares. Capita legis his litteris subieci.

## CXV. [CXVI.]

5

TRAIANUS PLINIO.

Merito haesisti, Secunde carissime, quid a te rescribi oporteret censoribus consulentibus, an . . . in senatum aliarum civitatum, eiusdem tamen provinciae cives. Nam et legis auctoritas et longa consuetudo 10 usurpata contra legem in diversum movere te potuit. Mihi hoc temperamentum eius placuit, ut ex praeterito nihil novarem, sed manerent quamvis contra legem adsciti quarumcumque civitatum cives, in futurum autem lex Pompeia observaretur; cuius vim si retro 15 quoque velimus custodire, multa necesse est perturbari.

## CXVI. [CXVII.]

C. PLINIUS TRAIANO IMPERATORI.

- 1 Qui virilem togam sumunt vel nuptias faciunt vel 20 ineunt magistratum vel opus publicum dedicant, solent totam bulen atque etiam e plebe non exiguum numerum vocare binosque denarios vel singulos dare. Quod 2 an celebrandum et quatenus putes, rogo scribas. Ipse enim sicut arbitror, praesertim ex sollemnibus cau- 25 sis, concedendum ius invitationis, ita vereor, ne ii, qui mille homines, interdum etiam plures vocant, modum excedere et in speciem dianomes incidere videantur.

---

1 ea parte legis quae a, si revocaretur ea p. l. quae *Catan.*, eaque pars legis iam pr. *Beroald.*, ea p. l. cum iam pr. *Orelli*, cum ea p. l. iam pr. *K.I.* 8 an legerent in sen. a, an in sen. — cives adscriberentur *Beroald.*; an in senatu manere possent aliarum *Catan.* 26 concedendum ius invitationis *Scheffer, K.II.* conc. iussi immutationes A, concedendas esse invitationes *Orelli, K.I.*

## CXVII. [CXVIII.]

TRAIANUS PLINIO.

Merito vereris, ne in speciem dianomes incidat invitatio, quae et in numero modum excedit et quasi  
 5 per corpora, non viritim singulos ex notitia ad sollemnes sportulas contrahit. Sed ego ideo prudentiam tuam elegi, ut formandis istius provinciae moribus ipse moderareris et ea constitueres, quae ad perpetuam eius provinciae quietem essent profutura.

## CXVIII. [CXIX.]

C. PLINIUS TRAIANO IMPERATORI.

Athletae, domine, ea, quae pro iselasticis certami-  
 nibus constituisti, deberi sibi putant statim ex eo die,  
 quo sunt coronati; nihil enim referre, quando sint  
 15 patriam invecti, sed quando certamine vicerint, ex quo invehi possint. Ego contra servo iselastici nomine data; quo fit, ut vehementer addubitem, an sit potius id tempus, quo *εἰσῆλασαν*, intuendum. Idem obsonia 2  
 petunt pro eo agone, qui a te iselasticus factus est,  
 20 quamvis vicerint, ante quam fieret. Aiunt enim congruens esse, sicut non detur sibi pro iis certaminibus, quae esse iselastica, postquam vicerunt, desierunt, ita pro iis dari, quae esse coeperunt. Hic quoque non 3  
 mediocriter haereo, ne cuiusquam retro habeatur ratio,  
 25 dandaque, quae tunc, cum vincerent, non debebantur. Rogo ergo, ut dubitationem meam regere, id est beneficia tua interpretari, ipse digneris.

## CXIX. [CXX.]

TRAIANUS PLINIO.

30 Iselasticum tunc primum mihi videtur incipere deberi, cum quis in civitatem suam ipse *εἰσῆλασεν*. Obsonia eorum certaminum, quae iselastica esse placuit

16 servo is. nom. data: quo fit ut *K. II*, scribo *Isel.* nomine: itaque eorum vehem. *A*, scribo 'isel. nom.': † itaque eorum veh. *K. I*. 21 his *A*, *K. I*.



mihi, si ante iselastica non fuerunt, retro non debentur. Nec proficere pro desiderio athletarum potest, quod eorum, quae postea iselastica non esse constitui, quam vicerant, accipere desierunt. Mutata enim conditione certaminum nihilo minus, quae ante peregerant, 5 non revocantur.

## CXX. [CXXI.]

C. PLINIUS TRAIANO IMPERATORI.

- 1 Usque in hoc tempus, domine, neque cuiquam diplomata commodavi neque in rem ullam nisi tuam misi. 10 Quam perpetuam servationem meam quaedam necessitas rupit. Uxori enim meae audita morte avi volenti ad amitam suam excurrere usum eorum negare durum putavi, cum talis officii gratia in celeritate consisteret, sciremque te rationem itineris probaturum, cuius causa 15 erat pietas. Haec tibi scripsi, quia mihi parum gratus fore videbar, si dissimulassem inter alia beneficia hoc quoque me debere indulgentiae tuae, quod fiducia eius quamquam inconsulto te non dubitavi facere, quae, si consuluissem, sero fecissem. 20

## CXXI. [CXXII.]

TRAIANUS PLINIO.

Merito habuisti, Secunde carissime, fiduciam animi mei, † nec dubitandum fuisse, si expectasses, donec me consuleres, an iter uxoris tuae diplomatibus, quae officio tuo dedi, adiuvandum esset, cum apud amitam suam uxor tua deberet etiam celeritate gratiam adventus sui augere.

3 quod eorum, q. p. isel. non esse const., quam vicerant *Schaefer*, *K. II*, quid eor., q. p. is. non lege const., quam qui ierant *A*, cum cruce *K. I*. 15 te *Catan. a*, om. *K*. 17 hoc quoque me *Gesner*, *K. II*, hoc uno quod me *A*, hoc unum quod me *a*, hoc unum quoq. me *K. I*, hoc novum *Orelli*. 24 *cruc. add.*, *dub. fuit tibi facere*, quae sero fecisses, si exp. *Momms.*, *K. II*.

C. PLINI CAECILI  
SECUNDI  
P A N E G Y R I C U S.

Bene ac sapienter, patres conscripti, maiores insti- 1  
5 tuerunt ut rerum agendarum ita dicendi initium a pre-  
cationibus capere, quod nihil rite, nihil providenter  
homines sine deorum immortalium ope, consilio, honore  
auspicarentur. Qui mos cui potius quam consuli aut 2  
quando magis usurpandus colendusque est, quam cum  
10 imperio senatus, auctoritate rei publicae ad agendas  
optimo principi gratias excitamur? Quod enim prae- 3  
stabilius est aut pulchrius munus deorum quam castus  
et sanctus et dis simillimus princeps? Ac, si adhuc 4  
dubium fuisset, forte casuque rectores terris an aliquo  
15 numine darentur, principem tamen nostrum liqueret  
divinitus constitutum. Non enim occulta potestate fa- 5  
torum, sed ab Iove ipso coram ac palam repertus est,  
electus quippe inter aras et altaria eodemque loci,  
quem deus ille tam manifestus ac praesens quam cae-  
20 lum ac sidera insedit. Quo magis aptum piumque est 6  
te, Iuppiter optime maxime, antea conditorem, nunc  
conservatorem imperii nostri, precari, ut mihi digna  
consule, digna senatu, digna principe contingat oratio,  
utque omnibus, quae dicentur a mè, libertas, fides,  
25 veritas constet, tantumque a specie adulationis absit |  
gratiarum actio mea, quantum abest a necessitate.

Equidem non consuli modo, sed omnibus civibus 2  
enitendum reor, ne quid de principe nostro ita dicant,  
ut idem illud de alio dici potuisse videatur. Quare 2

abeant ac recedant voces illae, quas metus exprimebat; nihil quale ante dicamus; nihil enim quale antea patimur; nec eadem de principe quae prius praedicemus; 3 neque enim eadem quae prius secreto loquimur. Discernatur orationibus nostris diversitas temporum, et 5 ex ipso genere gratiarum agendarum intellegatur, cui, quando sint actae. Nusquam ut deo, nusquam ut numini blandiamur; non enim de tyranno, sed de cive, 7 non de domino, sed de parente loquimur. Et hoc magis excellit atque eminet, quod unum ille se ex nobis 10 putat nec minus hominem esse quam hominibus praesse meminit. Intellegamus ergo bona nostra dignosque nos illis usu probemus atque identidem cogitemus, 12 quam sit indignum, si maius principibus praestemus obsequium, qui servitute civium quam qui libertate 15 laetantur. Et populus quidem Romanus dilectum principum servat, quantoque paulo ante concentu formosum alium, hunc fortissimum personat, quibusque aliquando clamoribus gestum alterius et vocem, huius pietatem, 17 abstinentiam, mansuetudinem laudat. Quid? nos ipsi divinitatem principis nostri an humanitatem, temperantiam, facilitatem, ut amor et gaudium tulit, celebrare universi solemus? Iam quid tam civile, tam senatorium quam illud additum a nobis 'Optimi' cognomen? 20 quod peculiare huius et proprium arrogantia priorum 8 principum fecit. Enimvero quam commune, quam ex aequo, quod felices nos, felicem illum praedicamus alternisque votis 'Haec faciat, haec audiat' quasi non dicturi, nisi fecerit, conprecamur! Ad quas ille voces lacrimis etiam ac multo pudore suffunditur. Agnoscit 22 enim sentitque sibi, non principi dici.

9 loquimur. Et h. m. exc. a. em., quod unum ille se ex n. Reiffersch. mus. Rhen. XVI 17 n. 2 et nisi quod eminet ille quod unum se Baehr., loquimur. Unum ille se ex nobis, et hoc m. exc. a. em., quod unum ex nobis vulg. 11 esse Baehr., se vulg., esse se? 14 quam sit indignum Cuspin., vulg., K. I., Baehr., om. K. II. 22 celebr. univ. Baehr. ex suis, univ. praedicare K. ex suo A.

Igitur, quod temperamentum omnes in illo subito 3  
 pietatis calore servamus, hoc singuli quoque medita-  
 tique teneamus sciamusque nullum esse neque sincerius  
 neque acceptius genus gratiarum, quam quo illas ac-  
 5 clamationes aemulemur, quae fingendi non habent tem-  
 pus. Quantum ad me pertinet, laborabo, ut orationem 2  
 meam ad modestiam principis moderationemque sub-  
 mittam, nec minus considerabo, quid aures eius pati  
 possint, quam quid virtutibus debeat. Magna et in- 3  
 10 usitata principis gloria, cui gratias acturus non tam  
 vereor, ne me in laudibus suis parcum quam ne  
 nimium putet. Haec me cura, haec difficultas sola 4  
 circumstat; nam merenti gratias agere facile est, patres  
 conscripti. Non enim periculum est, ne, cum loquar  
 15 de humanitate, exprobrari sibi superbiam credat, cum  
 de frugalitate, luxuriam, cum de clementia, crudelita-  
 tem, cum de liberalitate, avaritiam, cum de benignitate,  
 livorem, cum de continentia, libidinem, cum de labore,  
 inertiam, cum de fortitudine, timorem. Ac ne illud 6  
 20 quidem vereor, ne gratus ingratusve videar, prout satis  
 aut parum dixerō. Animadverto enim etiam deos  
 ipsos non tam accuratis adorantium precibus quam  
 innocentia et sanctitate laetari, gratioremque existimari,  
 qui delubris eorum puram castamque mentem quam  
 25 qui meditatum carmen intulerit. Sed parendum est 4  
 senatus consulto, quo ex utilitate publica placuit, ut  
 consulis voce sub titulo gratiarum agendarum boni  
 principes, quae facerent, recognoscerent, mali, quae  
 facere deberent. Id nunc eo magis sollemne ac ne- 2  
 30 cessarium est, quod parens noster privatas gratiarum  
 actiones cohibet et comprimit intercessurus etiam  
 publicis, si permetteret sibi vetare, quod senatus iube-  
 ret. Utrumque, Caesar Auguste, moderate, et quod 3  
 alibi tibi gratias agi non sinis, et quod hic sinis.

2 servavimus *K. I ex 5.* 4 quo — aemulemur *Boehr., quod —*  
*aemulemur codd., quod — aemuletur Cusp., vulg. fort. recte.*

Non enim a te ipsi tibi honor iste, sed agentibus habetur. Cedis affectibus nostris, nec nobis munera tua praedicare, sed audire tibi necesse est.

- 4 Saepe ego mecum, patres conscripti, tacitus agitavi, qualem quantumque esse oporteret, cuius dicione nu- 5  
tuque maria, terrae, pax, bella regerentur; cum interea fingenti formantique mihi principem, quem aequata dis immortalibus potestas deceret, numquam voto saltem concipere succurrit similem huic, quem videmus. 5  
Enituit aliquis in bello, sed obsolevit in pace; alium 10  
toga, sed non et arma honestarunt; reverentiam ille terrore, alius amorem humilitate captavit; ille quaesitam domi gloriam in publico, hic in publico partam domi perdidit; postremo adhuc extitit, cuius vir- 6  
tutes nullo vitiorum confinio laederentur. At principi 15  
nostro quanta concordia quantusque concentus omnium laudum omnisque gloriae contigit! Ut nihil severitati eius hilaritate, nihil gravitati simplicitate, nihil maie- 7  
stati humanitate detrahitur! Iam firmitas, iam proceritas corporis, iam honor capitis et dignitas oris, ad hoc aetatis inflexa maturitas nec sine quodam munere deum festinatis senectutis insignibus ad augendam maiestatem ornata caesaries nonne longe lateque prin- 5  
cipem ostentant? Talem esse oportuit, quem non bella civilia nec armis oppressa res publica, sed pax et 25  
adoptio et tandem exorata terris numina dedissent. An fas erat nihil differre inter imperatorem, quem homines et quem di fecissent? quorum quidem in te, Caesar Auguste, iudicium et favor tunc statim, cum ad exercitum proficisceris, et quidem inusitato *omine* eno- 30  
tuit. Nam ceteros principes aut largus cruor hostiarum 3

1 ipsi—sed agent. *Schwarz, K.II, Baehr.*, ipso—sed ab agent. *codd., K.I.* 5 ditione *K.I.*, item 32.1, 38 ex. 21 inflexa *Beroald.*, indefessa *Patarol.*, indeversa *Momms.*, infecta *Baehr.* 29 studium et favor *Baehr.*, prob. *Burkhard p. 162.* 30 *omine enot. con. K.*, prob. *Burkh. p. 162.*, *omine enotuit Baehr.*, *enotuit v. innotuit codd.*, indicio enotuit *K.I.*

aut sinister volatus avium consulentibus nuntiavit, tibi  
 ascendenti de more Capitolium quamquam non id agen-  
 tium civium clamor ut iam principi occurrit, siquidem 4  
 omnis turba, quae limen insederat, ad ingressum tuum  
 5 foribus reclusis illa quidem, ut tunc arbitrabatur, deum,  
 ceterum, ut docuit eventus, te consalutavit imperatorem.  
 Nec aliter a cunctis omen acceptum est. Nam ipse 5  
 intellegere nolebas; recusabas enim imperare, recusabas,  
 quod bene erat imperaturi. Igitur cogendus fuisti. 6  
 10 Cogi porro non poteras nisi periculo patriae et nuta-  
 tione rei publicae. Obstinatum enim tibi non suscipere  
 imperium, nisi servandum fuisset. Quare ego illum 7  
 ipsum furorem motumque castrensem reor extitisse,  
 quia magna vi magnoque terrore modestia tua vincenda  
 15 erat. Ac, sicut maris caelique temperiem turbines 8  
 tempestatesque commendant, ita ad augendam pacis  
 tuae gratiam illum tumultum praecessisse crediderim.  
 Habet has vices condicio mortalium, ut adversa ex 9  
 secundis, ex adversis secunda nascentur. Occultat  
 20 utrorumque semina deus, et plerumque bonorum malo-  
 rumque causae sub diversa specie latent. Magnum 6  
 quidem illud saeculo dedecus, magnum rei publicae  
 vulnus impressum est, imperator et parens generis  
 humani obsessus, captus, inclusus, ablata mitissimo  
 25 seni servandorum hominum potestas ereptumque prin-  
 cipi illud in principatu beatissimum, quod nihil cogitur.  
 Si tamen haec sola erat ratio, quae te publicae salutis 2  
 gubernaculis admoveret, prope est, ut exclamem tanti  
 fuisse. Corrupta est disciplina castrorum, ut tu cor-  
 30 rector emendatorque contingeres, inductum pessimum  
 exemplum, ut optimum opponeretur, postremo coactus  
 princeps, quos nolebat, occidere, ut daret principem,  
 qui cogi non posset. Olim tu quidem adoptari me 3  
 rebare; sed nescissemus, quantum tibi deberet imperium,  
 35 si ante adoptatus esses. Expectatum est tempus, quo  
 liqueret non tam accepisse te beneficium quam dedis-  
 se. *Confugit in sinum tuum concussa res publica, ruens-*

que imperium super imperatorem imperatoris tibi voce  
 4 delatum est. Imploratus adoptione et accitus es, ut  
 olim duces magni a peregrinis externisque bellis ad  
 opem patriae ferendam revocari solebant. Ita filius ac  
 parens uno eodemque momento rem maximam invicem 5  
 praestitistis; ille tibi imperium dedit, tu illi reddidisti.  
 5 Solus ergo ad hoc aevi pro munere tanto paria acci-  
 piendo fecisti, immo ultro dantem obligasti; communi-  
 cato enim imperio sollicitior tu, ille securior factus est.  
 7 O novum atque inauditum ad principatum iter! Non 10  
 te propria cupiditas, proprius metus, sed aliena utili-  
 2 tas, alienus timor principem fecit. Videaris licet, quod  
 est amplissimum, consecutus inter homines, felicius  
 tamen erat illud, quod reliquisti, sub bono principe  
 3 privatus esse desisti. Assumptus es in laborum cu- 15  
 rarumque consortium, nec te prospera et laeta stationis  
 istius, sed aspera et dura ad capessendam eam com-  
 pulerunt; suscepisti imperium, postquam alium suscepti  
 4 paenitebat. Nulla adoptati cum eo, qui adoptabat,  
 cognatio, nulla necessitudo, nisi quod uterque optimus 20  
 erat, dignusque alter eligi, alter eligere. Itaque adopta-  
 tus es non ut prius alius atque alius in gratiam uxoris.  
 Adscivit enim te filium non vitricus, sed princeps,  
 eodemque animo divus Nerva pater tuus factus est,  
 5 quo erat omnium. Nec decet aliter filium adsumi, si 25  
 adsumatur a principe. An senatum populumque Ro-  
 manum, exercitus, provincias, socios transmissurus uni  
 successorem e sinu uxoris accipias summaeque potesta-  
 tis heredem tantum intra domum tuam quaeras? non  
 totam per civitatem circumferas oculos et hunc tibi 30  
 proximum, hunc coniunctissimum existimes, quem  
 6 optimum, quem dis simillimum inveneris? Imperaturus  
 omnibus eligi debet ex omnibus. Non enim servulis  
 tuis dominum, ut possis esse contentus quasi necessa-  
 rio herede, sed principem civibus daturus es imperator. 35  
*Superbum istud et regium, nisi adoptes eum, quem*  
*constet imperaturum fuisse, etiamsi non adoptasses.*

Fecit hoc Nerva nihil interesse arbitratus, genueris an 7  
 elegeris, si perinde sine iudicio adoptentur liberi, ac  
 nascuntur; nisi quod tamen aequiore animo ferunt  
 homines, quem princeps parum feliciter genuit, quam  
 5 quem male elegit. Sedulo ergo vitavit hunc casum 8  
 nec modo iudicium hominum, sed deorum etiam in  
 consilium adsumpsit. Itaque non in cubiculo, sed in  
 templo, nec ante genialem torum, sed ante pulvinar  
 Iovis optimi maximi adoptio peracta est; qua tandem  
 10 non servitus nostra, sed salus et libertas et secu-  
 ritas fundabatur. Sibi enim gloriam illam di vin- 2  
 dicaverunt; horum opus illud, horum imperium. Nerva  
 tantum minister fuit adiutorque; cum adoptaret, tam  
 paruit quam tu, qui adoptabar. Adlata erat ex  
 15 Pannonia laurea id agentibus dis, ut invicti im-  
 peratoris exordium victoriae insigne decoraret. Hanc 3  
 imperator Nerva in gremio Iovis collocarat, cum  
 repente solito maior et augustior advocata contione  
 hominum deorumque te filium sibi, hoc est unicum  
 20 auxilium fessis rebus, adsumpsit. Inde quasi depositi 4  
 imperii qua securitate qua gloria laetus (nam quan-  
 tulum refert, deponas an partiaris imperium? nisi quod  
 difficilior hoc est), non secus ac praesenti tibi innixus,  
 tuis umeris se patriamque sustentans tua iuventa, tuo  
 25 robore invaluit. Statim consedit omnis tumultus. Non 5  
 adoptionis opus istud, sed adoptati fuit; atque adeo  
 temere fecerat Nerva, si adoptasset alium. Oblitine

6 modo iudicium *R, K. II (ind. p. XII sqq.)*, *Baehr.*, iudicia  
 ex suo *A K. I*, iudicio *pleriq. codd.* 7 non *RA, K. II*, non  
 tu *M*, non tum *Baehr.*, non tua *Burkh. 164*, tui non *Schaefer*,  
*K. I*. 10 salus et libertas *R*, libertas et salus *vulg.* 12  
 opus illud, horum *R, K. II (ind. p. XV)*, *Baehr.*, opus, horum  
 illud *rell. codd., K. I*. 13 adiutorque: cum *Burkh. 164*, adi-  
 iutorque: qui cum *Baehr.*, uterque *v. utrique v. utque v. ut qui*  
*codd.*, utique qui *Ernesti, K.*, teque qui *K. disp. II 15 ex.*  
 16 exordium *R, K. II (ind. p. XII)*, *Baehr.*, exortum *vulg.* 18  
 cont. hom. *R, Baehr.*, hom. cont. *vulg.* 28 sed adopt. fuit  
*RA, K. II, Baehr.*, fuit, sed adopt. *rell. codd., K. I.*



sumus, ut nuper post adoptionem non desierit seditio, sed coeperit? Inritamentum istud irarum et fax tumultus fuisset, nisi incidisset in te. An dubium est, ut dare posset imperium imperator, qui reverentiam amiserat, auctoritate eius effectum, cui dabatur? Simul filius, simul Caesar, mox imperator et consors tribuniciae potestatis et omnia pariter et statim factus es, quae proxime parens verus tantum in alterum filium contulit.

9 Magnum hoc tuae moderationis indicium, quod non solum successor imperii, sed particeps etiam sociusque placuisti. Nam successor, etiamsi nolis, habendus est, non est habendus socius, nisi velis. Credentne posteripatricio et consulari et triumphali patre genitum, cum fortissimum, amplissimum, amantissimum sui exercitum regeret, imperatorem non ab exercitu factum? eidem, cum Germaniae praesideret, Germanici nomen hinc missum? nihil ipsum, ut imperator fieret, agitasse, nihil fecisse, nisi quod meruit et paruit? Paruisti enim, Caesar, et ad principatum obsequio pervenisti, nihilque magis a te subiecti animo factum est, quam quod imperare coepisti iam Caesar, iam imperator, iam Germanicus, absens et ignarus et post tanta nomina, quantum ad te pertinet, privatus. Magnum videretur, si dicerem: 'Nescisti te imperatorem futurum'; eras imperator et esse te nesciebas. Ut vero ad te fortunae tuae nuntius venit, malebas quidem hoc esse, quod fueras, sed non erat liberum. An non obsequeris principi civis, legatus imperatori, filius patri?

5 Ubi deinde disciplina, ubi mos a maioribus traditus, quodcumque imperator munus iniungeret, aequo animo paratoque subeundi? Quid enim, si provincias ex provinciis, ex bellis bella mandaret? Eodem illo † uti

9 iudicium *Bachr.* 20 subiecti animo *pleriq. codd., K.I.*, subiecti animi *Catan., K.II*, subiecto animo *deterr. codd., Bachr.* 32 illum uti *Duebner, K.I.*, illum uti iure posse putes *Cuspin., illo uti iure posse putes Catan.*, adparet eodem illo u. i. *Haupt Herm. VI 26*, claret eodem illum u. i. *Bachr.*

iure, cum ad imperium revocet, quo sit usus, cum ad exercitum miserit, nihilque interesse, ire legatum an redire principem iubeat, nisi quod maior sit obsequii gloria in eo, quod quis minus velit. Augebat aucto-  
 5 ritatem iubentis in summum discrimen auctoritas eius adducta, utque magis parendum imperanti putares, efficiebatur eo, quod ab aliis minus parebatur. Ad hoc  
 2 audiebas senatus populique consensum. Non unius Nervae iudicium illud, illa electio fuit. Nam, qui ubi-  
 10 que sunt homines, hoc idem votis expetebant; ille tantum iure principis occupavit primusque fecit, quod facturi omnes erant. Nec hercule tanto opere cunctis factum placeret, nisi placuisset, ante quam fieret. At  
 3 quo, di boni, temperamento potestatem tuam fortunamque moderatus es! Imperator tu titulis et imagi-  
 15 nibus et signis, ceterum modestia, labore, vigilantia dux et legatus et miles, cum iam tua vexilla, tuas aquilas magno gradu anteires neque aliud tibi ex illa adoptione quam filii pietatem, filii obsequium adsereres  
 20 longamque huic nomini aetatem, longam gloriam precarere. Iam te providentia deorum primum in locum  
 4 provexerat, tu adhuc in secundo resistere atque etiam senescere optabas; privatus tibi videbaris, quam diu imperator et alius esset. Audita sunt vota tua, sed in  
 25 quantum optimo illi et sanctissimo seni utile fuit, quem di ideo caelo vindicaverunt, ne quid post illud divinum et immortale factum mortale faceret. Deberi  
 5 quippe maximo operi hanc venerationem, ut novissimum esset, auctoremque eius statim consecrandum, ut quan-  
 30 doque inter posteros quaereretur, an illud iam deus fecisset. Ita ille nullo magis nomine publicus parens,  
 6 quam quia tuus. Ingens gloria ingensque fama; cum abunde expertus esset, quam bene umeris tuis sederet imperium, tibi terras, te terris reliquit eo ipso carus om-  
 35 nibus ac desiderandus, quod prospexerat, ne desideraretur.

1 te vocet *Baudius*, *Baehr*. 24 non sunt *Schnelle* p. 21.  
 26 ideo *Baehr*., de *codd.*, del. *vulg.*

- 11 Quem tu lacrimis primum, ita ut filium decuit, mox templis honestasti non imitatus illos, qui hoc idem, sed alia mente fecerunt. Dicavit caelo Tiberius Augustum, sed ut maiestatis crimen induceret, Claudium Nero, sed ut irrideret, Vespasianum Titus, Domitianus Titum, sed  
 2 ille, ut dei filius, hic, ut frater videretur. Tu sideribus patrem intulisti non ad metum civium, non in contumeliam numinum, non in honorem tuum, sed quia deum  
 3 credis. Minus est hoc, cum fit ab iis, qui et sese deos putant. Sed, licet illum turibus, aris, pulvinaribus,  
 4 flamine colas, non alio tamen magis deum et facis et probas, quam quod ipse talis es. In principe enim, qui electo successore fato concessit, una eademque cer-  
 5 tissima divinitatis fides est bonus successor. Num ergo tibi ex immortalitate patris aliquid arrogantiae acces-  
 6 sit? num hos proximos divinitate parentum desides ac  
 7 superbos potius quam illos veteres et antiquos aemuleris? qui hoc ipsum imperium . . . .  
 8 cuius pulsi fugatique non aliud maius habebatur  
 9 indicium, quam si triumpharet. Ergo sustulerant ani-  
 10 mos et iugum excusserant nec iam nobiscum de sua libertate, sed de nostra servitute certabant ac ne indu-  
 11 tias quidem nisi aequis condicionibus inibant legesque,  
 12 ut acciperent, dabant. At nunc rediit omnibus terror et metus et votum imperata faciendi. Vident enim Ro-  
 13 manum ducem unum ex illis veteribus et priscis, quibus imperatorium nomen addebant contacti caedibus campi  
 14 et infecta victoriis maria. Accipimus obsides ergo, non emimus nec ingentibus damnis immensisque muneribus paciscimur, ut vicerimus. Rogant, supplicant; largimur,  
 15 negamus, utrumque ex imperii maiestate. Agunt gratias, qui impetraverunt, non audent queri, quibus ne-  
 16 gatum est. An audeant, qui sciant te adsedissee fero-  
 17 cissimis populis eo ipso tempore, quod amicissimum

9 his Baehr. 10 turibus Baehr. p. XXI, turis A, om. rel.  
 11 tamen magis K.II, Baehr., magis tamen M, K.I.  
 20 quam quod triumph. cod. Livin., Baehr.

illis, difficillimum nobis, cum Danubius ripas gelu iungit duratusque glacie ingentia tergo bella transportat, cum ferae gentes non telis magis quam suo caelo, suo sidere armantur? Sed, ubi in proximo tu, non secus 4  
 5 ac si mutatae temporum vices essent, illi quidem latibulis suis clausi tenebantur, nostra agmina percursare ripas et aliena occasione, si permitteres, uti ultroque hiemem suam barbaris inferre gaudebant.

Haec tibi apud hostes veneratio. Quid? apud mi-13  
 10 lites quam admirationem quem ad modum comparasti? cum tecum inediam, tecum ferrent sitim, cum in illa meditatione campestri militaribus turmis imperatorum pulverem sudoremque misceres, nihil a ceteris nisi robore ac praestantia *diversus* libero Marte nunc eminus  
 15 tela vibrares, nunc vibrata susciperes, alacer virtute militum et laetus, quotiens aut cassidi tuae aut clipeo gravior ictus incideret (laudabas quippe ferientes, hor- 2  
 tabarisque, ut auderent, et audebant iam), cum spectator moderatorque ineuntium certamina virorum arma  
 20 componeres, tela temptares ac, si quod durius accipienti videretur, ipse vibrares. Quid cum solacium fessis, 3  
 aegris opem ferres? Non tibi moris tua inire tentoria, nisi commilitonum ante lustrasses, nec requiem corpori nisi post omnes dare. Hac mihi admiratione dignus 4  
 25 imperator *vix* videretur, si inter Fabricios et Scipiones et Camillos talis esset. Tunc enim illum imitationis ardor semperque melior aliquis accenderet. Postquam 5  
 vero studium armorum a manibus ad oculos, ad voluptatem a labore translatum est, postquam exercitationi-  
 30 bus nostris non veteranorum aliquis, cui decus muralis

1 et infra Danuu. Baehr. 12 velitatione Momms. probab.  
 13 nihilque ceteris K.I. 14 diversus add. Baehr., dispar (K.I.), differens, distans all., \* libero K.II. 15 libares—vibrata pleriq. codd., libares—librata all., K.I (Cort. Luc. IV 386), vibr. omn. 21. 25 vix add., non dett. codd., K.I, nec mihi admir. K.II, haut m. adm. Baehr., minus dignus Momms., Burkh. 165 sq., hac mihi—talis esset? Schmelle 27.

aut civica, sed Graeculus magister assistit, quam magnum est unum ex omnibus patrio more, patria virtute laetari et sine aemulo, sine exemplo secum certare, secum contendere ac, sicut imperare solum, ita solum esse, qui debeat imperare!

- 14 Non incunabula haec tibi, Caesar, et rudimenta, cum puer admodum Parthica lauro gloriam patris augeres nomenque Germanici iam tum mererere, cum ferociam superbiamque Parthorum ex proximo auditis magno terrore cohiberes Rhenumque et Euphratem admirationis tuae societate coniungeres? cum orbem terrarum non pedibus magis quam laudibus peragrare apud eos semper maior et clarior, quibus postea contigisses? Et necdum imperator, necdum dei filius eras.
- 2 Germaniam *Hispaniam*que cum plurimae gentes ac prope infinita vastitas interiacentis soli tum Pyrenaeus, Alpes immensique alii montes, nisi his comparentur, muniunt
- 3 dirimuntque. Per hoc omnè spatium cum legiones duceres seu potius (tanta velocitas erat) raperes, non vehiculum umquam, non equum respexisti. Levis hic, non subsidium itineris, sed decus † et cum subsequeretur, ut cuius nullus tibi usus, nisi cum die stativorum proximum campum alacritate discursus pulvere attollerer.
- 4 Initium laboris mirer an finem? Multum est, quod perseverasti, plus tamen, quod non timuisti, ne 5 perseverare non posses. Nec dubito, quin ille, qui te inter illa Germaniae bella ab Hispania usque ut validissimum praesidium exciverat, iners ipse alienisque virtutibus tunc quoque invidus imperator, cum ope earum indigeret, tantam admirationem tui non sine quodam timore conceperit, quantam ille genitus Iove

4 imperare solum, ita solum *Baehr.*, imperaret solus solum ita *codd.*, imperat solus, solum ita *vulg.* 9 barbarorum *pro* Parth. *Schwarz*, *K.I.* 10 Euphraten *K.* 21 et cum *pluriq. codd.*, et cum ceteris *edd. antiquiss.*, *K.I.* et cum *del. Haupt Herm. V.26sq., Burkh. 167sq.,* et tutamen *Baehr. cf. Verg. A. V.262,* et ornamentum *coni. K.II,* equitatum? 23 discursus *Baehr., discursu vulg.* 27 inter ipsa *A.*

post saevos labores duraque imperia regi suo indomitus  
 semper indefessusque referebat, cum aliis super alias  
 expeditionibus itinere illo dignus invenireris. Tribunus 15  
 vero disiunctissimas terras teneris adhuc annis viri fir-  
 5 mitate lustrasti iam tunc praemonente fortuna, ut diu  
 penitusque perdisceres, quae mox praecipere deberes.  
 Neque enim prospexisse castra brevemque militiam 2  
 quasi transisse contentus ita egisti tribunum, ut dux  
 esse statim posses nihilque discendum haberes tempore  
 10 docendi. Cognovisti per stipendia decem mores gentium, 3  
 regionum situs, opportunitates locorum et diversam  
 aquarum caelique temperiem ut patrios fontes patri-  
 umque sidus ferre consuesti. Quotiens equos, quotiens  
 emerita arma mutasti! Veniet ergo tempus, quo posterius 4  
 15 visere visendumque tradere minoribus suis gestient,  
 quis sudores tuos hauserit campus, quae refectiones  
 tuas arbores, quae somnum saxa praetexerint, quod  
 denique tectum magnus hospes impleveris, ut tunc ipsi  
 tibi ingentium ducum sacra vestigia isdem in locis  
 20 monstrabantur. Verum haec olim; in praesentia quidem, 5  
 quisquis paulo vetustior miles, hic te commilitone cen-  
 setur. Quotus enim quisque, cuius tu non ante com-  
 milito quam imperator? Inde est, quod prope omnes  
 nomine appellas, quod singulorum fortia facta comme-  
 25 moras; nec habent adnumeranda tibi pro re publica  
 vulnera, quibus statim et laudator et testis contigisti.

Sed tanto magis praedicanda moderatio tua, quod 16  
 innutritus bellicis laudibus pacem amas nec, quia vel  
 pater tibi triumphalis vel adoptionis tuae die dicata  
 30 Capitolino Iovi laurus, idcirco ex occasione omni quaeris  
 triumphos. Non times bella nec provocas. Magnum 2  
 est, imperator Auguste, magnum est stare in Danubii  
 ripa, si transeas, certum triumphi nec decertare cupere  
 cum recusantibus; quorum alterum fortitudine, alterum

---

8 transilisse Arntzen, K.II, Baehr. — dux esse ex suo A.  
 K.II, Baehrensi W, esse dux alii, K.I, Baehr., esse statim dux all.

- 3 moderatione efficitur. Nam, ut ipse nolis pugnare,  
moderatio, fortitudo tua praestat, ut neque hostes tui  
velint. Accipiet ergo aliquando Capitolium non mimi-  
cos currus nec falsae simulacra victoriae, sed impera-  
torem veram ac solidam gloriam reportantem tranquilli-  
tatem et tam confessa hostium obsequia, ut vincendus  
4 nemo fuerit. Pulchrius hoc omnibus triumphis. Neque  
enim umquam nisi ex contemptu imperii nostri factum  
5 est, ut vinceremus. Quodsi quis barbarus rex eo in-  
solentiae furorisque processerit, ut iram tuam indigna-  
tionemque mereatur, ne ille, sive interfuso mari seu  
fluminibus immensis seu praecipiti monte defenditur,  
omnia haec tam prona tamque cedentia virtutibus tuis  
sentiet, ut subsedissemontes, flumina exaruisse, inter-  
ceptum mare illatasque sibi non classes nostras, sed 15  
terras ipsas arbitretur.
- 17 Videor iam cernere non spoliis provinciarum et  
extorto sociis auro, sed hostilibus armis captorumque  
2 regum catenis triumphum gravem, videor ingentia du-  
cum nomina nec indecora nominibus corpora noscitare, 20  
videor intueri immanibus ausis barbarorum onusta fer-  
cula et sua quemque facta vinctis manibus sequentem,  
mox ipsum te sublimem instantemque curru domitarum  
gentium tergo, ante currum autem clipeos, quos ipse  
3 perfoderis. Nec tibi opima defuerint, si quis regum 25  
venire in manus audeat nec modo telorum tuorum, sed  
oculorum etiam minarumque coniectum toto campo  
4 totoque exercitu opposito perhorrescat. Meruisti proxima  
moderatione, ut, quandocumque te vel inferre vel pro-  
pulsare bellum coegerit imperii dignitas, non ideo vicisse 30  
videaris, ut triumphares, sed triumphare, quia viceris.
- 18 Aliud ex alio mihi occurrit. Quam speciosum est  
enim, quod disciplinam castrorum lapsam extinctamque  
refovisti depulso prioris saeculi malo, inertia et con-

14 subsedissemontes e deterr. codd. K. II, Baehr., subsid. pleriq. codd.,  
K. I; p. 155. 12. 23 curru inst. Heumann, Baehr. 26 nec non modo  
Gesner, K. I. 33 extinctamque e deterr. codd. K., et ext. Baehr.

tumacia et dedignatione parendi! Tutum est reveren- 2  
 tiam, tutum caritatem mereri, nec ducum quisquam  
 aut non amari a militibus aut amari timet; [et] inde  
 offensae pariter gratiaeque securi instant operibus, as-  
 5 sunt exercitationibus, arma, moenia, viros aptant. Quippe 3  
 non is princeps, qui sibi imminere, sibi intendi putet,  
 quod in hostes paretur; quae persuasio fuit illorum,  
 qui, hostilia cum facerent, timebant. Idem ergo tor-  
 pere militaria studia nec animos modo, sed et corpora  
 10 ipsa languescere, gladios etiam incuria hebetari retun-  
 didique gaudebant. Duces porro nostri non tam regum  
 exterorum quam suorum principum insidias nec tam  
 hostium quam commilitonum manus ferrumque metue-  
 bant. Est haec natura sideribus, ut parva et exilia 19  
 15 validiorum exortus obscuret; similiter imperatoris ad-  
 ventu legatorum dignitas inumbratur. Tu tamen maior 2  
 omnibus quidem eras, sed sine ullius deminutione maior;  
 eandem auctoritatem praesente te quisque quam absente  
 retinebat; quin etiam plerisque ex eo reverentia acces-  
 20 serat, quod tu quoque illos reverebare. Itaque perinde 3  
 summis atque infimis carus sic imperatorem commili-  
 tonemque miscueras, ut studium omnium laboremque  
 et tamquam exactor intenderes et tamquam particeps  
 sociusque relevares. Felices illos, quorum fides et in- 4  
 25 dustria non per internuntios et interpretes, sed ab ipso  
 te nec auribus tuis, sed oculis probabantur! Consecuti  
 sunt, ut absens quoque de absentibus nemini magis  
 quam tibi crederes.

Iam te civium desideria revocabant, amoremque 20  
 30 castrorum superabat caritas patriae. Iter inde placidum  
 ac modestum et plane a pace redeuntis. Nec vero ego 2  
 in laudibus tuis ponam, quod adventum tuum non pater  
 quisquam, non maritus expavit; affectata aliis castitas,  
 tibi ingenita et innata interque ea, quae imputare non  
 35 possis. Nullus in exigendis vehiculis tumultus, nullum 3

3 [et] *K.II, Burkh. 168, exinde Boehr.*



- circa hospitium fastidium; annona quae ceteris; ad hoc comitatus accinctus et parens. Diceret magnum aliquem ducem ac te potissimum ad exercitus ire; adeo nihil aut certe parum intererat inter imperatorem factum et  
 4 futurum. Quam dissimilis nuper alterius principis transitus! si tamen transitus ille, non populatio fuit, cum  
 † abactus hospitium exerceret, omniaque dextra laeva-  
 que perusta et attrita, ut si vis aliqua vel ipsi illi barbari, quos fugiebat, inciderent. Persuadendum provinciis  
 5 erat illud iter Domitiani fuisse, non principis. Itaque 10  
 non tam pro tua gloria quam pro utilitate communi edicto subiecisti, quid in utrumque vestrum esset impensum. Assuescat imperator cum imperio calculum ponere; sic exeat, sic redeat tamquam rationem redditurus;  
 6 edicat, quid absumpserit. Ita fiet, ut non absumat, quod pudeat edicere. Praeterea futuri principes, 15  
 velint nolint, sciant † tanti tuum constat, propositisque duobus exemplis meminerint perinde coniecturam de moribus suis homines esse facturos, prout hoc vel illud elegerint. 20
- 21 Nonne his tot tantisque meritis novos aliquos honores, novos titulos merebare? At tu etiam patris patriae recusabas. Quam longa nobis cum modestia tua  
 2 pugna! quam tarde vicimus! Nomen illud, quod alii primo statim principatus die ut imperatoris et Caesaris 25  
 receperunt, tu usque eo distulisti, donec tu quoque, beneficiorum tuorum parcissimus aestimator, iam te  
 3 mereri fatereris. Itaque soli omnium contigit tibi, ut pater patriae esses, ante quam fieres. Eras enim in animis, in iudiciis nostris, nec publicae pietatis intererat, 30

---

7 abactus hospitium exerceret v. execeret v. exereret (ABC, Haupt Herm. V 27) codd., exederet Baehr., abactus hospitium exerceret antiq. edd., K. 9 inciderint Schwarz, Baehr. 16 edicere Lips., K. II, Baehr., dicere codd., K. I. 17 † tanti tuum e codd. plerisq. K. II, Tanti [tuum] K. I, tuum tanti Haupt l. l., tanti constare, quantum constat Momms., tanti sua itinera constare debere, quanti tuum constat Baehr.

quid vocarere, nisi quod ingrata sibi videbatur, si te imperatorem potius vocaret et Caesarem, cum patrem experiretur. Quod quidem nomen qua benignitate, qua indulgentia exerces! ut cum civibus tuis quasi cum liberis parens vivis! ut reversus imperator, qui privatus exieras, agnoscis, agnosceris! Eosdem nos, eundem te putas, par omnibus et hoc tantum ceteris maior, quod melior.

Ac primum quidem qui dies ille, quo expectatus 22  
 10 desideratusque urbem tuam ingressus es! Iam hoc ipsum, quod ingressus es, quam mirum laetumque! Nam priores invehi et importari solebant, non dico quadriugo curru et albibus equis, sed umeris hominum, quod arrogantius erat. Tu sola corporis pro- 2  
 15 ceritate elatior aliis et excelsior non de patientia nostra quendam triumphum, sed de superbia principum egisti. Ergo non aetas quemquam, non valetudo, non sexus retardavit, quo minus oculos insolito spectaculo impleret. Te parvuli noscere, ostentare iuvenes, mirari senes, 3  
 20 aegri quoque neglecto medentium imperio ad conspectum tui quasi ad salutem sanitatemque prorere. Inde alii se satis vixisse te viso, te recepto, alii nunc magis esse vivendum praedicabant. Feminas etiam tunc fecunditatis suae maxima voluptas subiit, cum cernerent, cui  
 25 principi cives, cui imperatori milites peperissent. Videres referta tecta ac laborantia ac ne eum quidem vacantem locum, qui non nisi suspensum et instabile vestigium caperet, oppletas undique vias angustumque tramitem relictum tibi, alacrem hinc atque inde popu- 4  
 30 lum, ubique par gaudium paremque clamorem. Tam aequalis ab omnibus ex adventu tuo laetitia percepta est, quam omnibus venisti; quae tamen ipsa cum ingressu tuo crevit ac prope in singulos gradus adaucta est. Gratum erat cunctis, quod senatum osculo exci- 23

9 quidem qui dies Schwarz, Baehr., quidem v. quid (ABC)  
 v. qui dies (K.) codd. 11 quomodo Baehr.; v. Burkh. 170.

- peres, ut dimissus osculo fueras, gratum, quod equestris ordinis decora honore nominum sine monitore signares, gratum, quod tantum *non* ultro clientibus salutatis  
 2 quasdam familiaritatis notas adderes, gratius tamen, quod sensim et placide, et quantum respectantium turba 5 pateretur, incederes, quod occursantium populus te quoque, te immo maxime artaret, quod primo statim die  
 3 latus tuum crederes omnibus. Neque enim stipatus satellitum manu, sed circumfusus undique nunc senatus, nunc equestris ordinis flore, prout alterutrum frequen- 10 tia genus invaluisset, silentes quietosque lictores tuos subsequebare; nam milites nihil a plebe habitu, tranquillitate, modestia differebant. Ubi vero coepisti Capitolium ascendere, quam laeta omnibus adoptionis 4 tuae recordatio, quam peculiare gaudium eorum, qui 15 te primi eodem loco salutaverant imperatorem! Quin etiam deum ipsum *patrem* tuum praecipuam voluptatem  
 5 operis sui percepisse crediderim. Utque *isdem* vestigiis institisti quibus parens tuus ingens illud deorum prolaturus arcanum, quae circumstantium gaudia, quam 20 recens clamor, quam similis illi diei, qui hunc genuit, dies! ut plena altaribus, angusta victimis cuncta, ut in unius salutem collata omnium vota! cum sibi se ac liberis suis intellegerent precari, quae pro te precarentur. 6 Inde tu in palatium quidem, sed eo vultu, ea 25 moderatione, ut si privatam domum peteres; ceteri ad penates suos quisque iteraturus gaudii fidem, ubi nulla necessitas gaudendi est.
- 24 Onerasset alium eius modi introitus, tu cotidie admirabilior et melior, talis denique, quales alii principes 30 futuros se tantum pollicentur. Solum ergo te commen-

---

17 ipsum patrem tuum *Beroald., K.II, Baehr.*, ipsum tuum *codd.*, ipsum tum *Livin.*, ipsum tunc *K.I.* 18 Utque *Burkh. 170sq.*, ut quidem *codd., K.*, utque dein *Baehr.* 21 illi diei qui hunc genuit dies *Livin.*, illi dies, qui hunc gen. diem *codd., K.*, illi qui hunc gen. dies *Haupt Herm. V 27, illi dies qui hunc genuit Baehr.*

dat augetque temporis spatium. Iunxisti enim ac miscuisti res diversissimas, securitatem olim imperantis et incipientis pudorem. Non tu civium amplexus ad pedes 2 tuos deprimis nec osculum manu reddis; manet imperatori quae prius oris humanitas. Incedebas pedibus, 5 incedis; laetabar laboribus, laetaris, eademque alia omnia circa te, nihil *in* ipso te fortuna mutavit. Liberum est 3 ingrediente per publicum principe subsistere, occurrere, comitari, praeterire. Ambulas inter nos, non quasi contingas, et copiam tui, non ut imputes, facis. Haeret 10 lateri tuo, quisquis accessit, finemque sermoni suus cuique pudor, non tua superbia facit. Regimur quidem 4 a te et subiecti tibi, sed quem ad modum legibus sumus. Nam et illae cupiditates nostras libidinesque moderantur, nobiscum tamen et inter nos versantur. 15 Emines, excellis ut honor, ut potestas, quae super homines quidem, hominum sunt tamen. Ante te principes fastidio nostri et quodam aequalitatis metu usum pedum amiserant. Illos ergo umeri cervicesque servorum super 20 ora nostra, te fama, te gloria, te civium pietas, te libertas super ipsos principes vehunt; te ad sidera tollit humus ista communis et confusa principis vestigia.

Nec vereor, patres conscripti, ne longior videar, cum 25 sit maxime optandum, ut ea, pro quibus aguntur principii gratiae, multa sint; quae quidem reverentius fuerit 25 integra inlibataque cogitationibus vestris reservari quam carptim breviterque perstringi, quia fere sequitur, ut illa quidem, de quibus taceas, tanta, quanta sunt, esse videantur . . . , nisi vero leviter attingi placet locuple- 30 tatas tribus datumque congiarium populo et datum

5 quae prius *A*, *Baehr. p. XXII*, quae prior *vulg.*, quoque prior *Baehr.* 6 eademque alia omnia *scr.*, eademq. illa omnia (omnia illa) *codd.*, eadem quae omnia illa *Gesn., K.I.*, eademque illa quae omnia *K.II.*, eadem illa quae omnia *Baehr.*

7 nihil ipsum *Livin., Baehr.* 9 non quasi non *Baehr.* 11 sermonis *Baehr. Cf. ep. III 18. 4 ex., V 21 ex.* 21 super priores princ. *Baehr.* 28 haut tanta *Baehr., impr. Burkh. 166, non videantur Novak Ztschr. f. d. oest. G. 1891. 1068, alii alia.*

totum, cum donativi partem milites accepissent. An mediocris animi est his potius repraesentare, quibus magis negari potest? quamquam in hac quoque diversitate aequalitatis ratio servata est. Aequati sunt enim populo milites eo, quod partem, sed priores, populus militibus, quod posterior, sed totum statim accepit. Enimvero qua benignitate divisum est, quantaeque curae tibi fuit, ne quis expers liberalitatis tuae fieret! Datum est his, qui post edictum tuum in locum erasorum subditi fuerant, aequatique sunt ceteris illi etiam, quibus non erat promissum. Negotiis aliquis, valetudine alius, hic mari, ille fluminibus distinebatur; expectatus est, provisumque, ne quis aeger, ne quis occupatus, ne quis denique longe fuisset, veniret quisque, cum vellet, veniret quisque, cum posset. Magnificum, Caesar, et tuum disiunctissimas terras munificentiae ingenio velut admovere immensaue spatia liberalitate contrahere, intercedere casibus, occursare fortunae atque omni ope adniti, ne quis e plebe Romana dante congiarium te hominem se magis sentiret fuisse quam civem.

- 26 Adventante congiarii die observare principis egressum in publicum, insidere vias examina infantium futurisque populus solebat. Labor parentibus erat ostentare parvulos impositosque cervicibus adulantia verba blandasque voces edocere. Reddebant illi, quae monebantur; ac plerique irritis precibus surdas principis aures obstrepebant ignarique, quid rogassent, quid non impetrassent, donec plane scirent, differebantur. Tu ne rogari quidem sustinuisti et, quamquam laetissimum oculis tuis esset conspectu Romanae sobolis impleri, omnes tamen, ante quam te viderent adirentve, recipi, incidi iussisti, ut iam inde ab infantia parentem publicum munere educationis experirentur, crescerent de tuo,

2 dat. et (v. etiam) iis Schnelle p. 28. — iis K. 27 at-  
qui Baehr., at Gesner. 28 erogass. Schenkl.

qui crescerent tibi, alimentisque tuis ad stipendia tua  
 pervenirent, tantumque omnes uni tibi, quantum pa-  
 rentibus suis quisque deberet. Recte, Caesar, quod spem 4  
 Romani nominis sumptibus tuis suscipis. Nullum est  
 5 enim magno principe immortalitatemque merituro im-  
 pendii genus dignius, quam quod erogatur in posteros.  
 Locupletes ad tollendos liberos ingentia praemia et 5  
 pares poenae adhortantur, pauperibus educandi una  
 ratio est bonus princeps. Hic fiducia sui procreatos 6  
 10 nisi larga manu fovet, auget, amplectitur, occasum im-  
 perii, occasum rei publicae accelerat frustra pro-  
 cures plebe neglecta ut desectum corpore caput nuta-  
 turumque instabili pondere tuetur. Facile est coniectare, 7  
 quod perceperis gaudium, cum te parentum, liberorum,  
 15 senum, infantium, puerorum clamor exciperet. Haec pri-  
 ma parvulorum civium vox aures tuas imbuat, quibus tu  
 daturus alimenta hoc maximum praestitisti, ne rogarent.

Super omnia est tamen, quod talis es, ut sub te 27  
 liberos tollere libeat, expediat. Nemo iam parens filio  
 20 nisi fragilitatis humanae vices horret, nec inter insana-  
 biles morbos principis ira numeratur. Magnum quidem  
 est educandi incitamentum tollere liberos in spem ali-  
 mentorum, in spem congiariorum, maius tamen in spem  
 libertatis, in spem securitatis. Atque adeo nihil largiatur 2  
 25 princeps, dum nihil auferat, non alat, dum non occi-  
 dat; nec deerunt, qui filios concupiscant. Contra lar-  
 giatur et auferat, alat et occidat; ne ille idem brevi  
 tempore effecerit, ut omnes non posterorum modo, sed  
 sui parentumque paeniteat. Quocirca nihil magis in 3  
 30 tua tota liberalitate laudaverim, quam quod congiarium  
 das de tuo, alimenta de tuo, neque a te liberi civium  
 ut ferarum catuli sanguine et caedibus nutriuntur;

12 defectum *mell. codd.*, *K.I.* 15 pueror., puellarum  
*H. Sauppe Phil. XXX 134sq.*, puerorum *om. A.*, *del. Baehr.*  
*p. XXII.* 27 idem *scr.*, in tam *v. uitam codd.*, etiam *Schwarz.*  
*K.I.* iam *Gesner*, *K.II.* quam *Buchner*, mihi iam *Baehr.*, ita  
*Schnelle 28.* 30 tuta *Baehr.*

- 4 quodque gratissimum est accipientibus, sciunt dari sibi,  
quod nemini est ereptum, locupletatisque tam multis  
pauperiorem esse factum principem tantum; quamquam  
ne hunc quidem. Nam, cuius est, quidquid est omnium,  
tantum ipse quantum omnes habet. 5
- 28 Alio me vocat numerosa gloria tua. Alio autem?  
quasi vero iam satis veneratus miratusque sim, quod  
tantam pecuniam profudisti, non ut flagitii tibi con-  
scius ab insectatione eius averteres famam, nec ut tri-  
stes hominum maestosque sermones laetiore materia 10  
2 detineres. Nullam congiario culpam, nullam alimentis  
crudelitatem redemisti, nec tibi bene faciendi fuit causa,  
ut, quae male feceras, impune fecisses. Amor impendio  
isto, non venia quaesita est, populusque Romanus obli-  
3 gatus a tribunali tuo, non exoratus recessit. Obtulisti 15  
enim congiarium gaudentibus gaudens securusque se-  
curis; quodque antea principes ad odium sui leniendum  
tumentibus plebis animis obiectabant, id tu tam inno-  
4 cens populo dedisti, quam populus accepit. Paulo  
minus, patres conscripti, quinque milia ingenuorum 20  
fuerunt, quae liberalitas principis nostri conquisivit,  
invenit, adscivit. Hi subsidium bellorum, ornamentum  
pacis publicis sumptibus aluntur patriamque non ut  
patriam tantum, verum ut altricem amare discunt,  
5 ex his castra, ex his tribus replebuntur, ex his quan- 25  
6 doque nascentur, quibus alimentis opus non sit. Dent  
tibi, Caesar, aetatem di, quam mereris, serventque  
animum, quem dederunt; et quanto maiorem infantium  
7 turbam iterum atque iterum iubebis incidi! Augetur enim  
cotidie et crescit, non quia cariores parentibus liberi, sed 30  
quia principi cives. Dabis congiaria, si voles, praestabis  
alimenta, si voles; illi tamen propter te nascuntur.
- 29 Instar ego perpetui congiarii reor affluentiam an-  
nonae. Huius aliquando cura Pompeio non minus ad-

29 iubebis *Baehrensi* BV, *Livin.*, K.II, *Baehr.*, videbis  
e suis *ABcd K.I.*

didit gloriae quam pulsus ambitus campo, exactus hostis  
 mari, oriens triumphis occidensque lustratus. Nec vero 2  
 ille civilius quam parens noster auctoritate, consilio,  
 fide reclusit vias, portus patefecit, itinera terris, lito-  
 5 ribus mare, litora mari reddidit diversasque gentes ita  
 commercio miscuit, ut, quod genitum esset usquam,  
 id apud omnes natum esse videretur. Nonne cernere 3  
 datur, ut sine ullius iniuria omnis usibus nostris annus  
 exuberet? Quippe non ut ex hostico raptae periturae-  
 10 que in horreis messes nequiquam quiritantibus sociis  
 auferuntur. Devehunt ipsi, quod terra genuit, quod 4  
 sidus aluit, quod annus tulit, nec novis indictionibus  
 pressi ad vetera tributa deficiunt. Emit fiscus, quid- 5  
 quid videtur emere. Inde copiae, inde annona, de qua  
 15 inter licentem vendentemque conveniat, inde hic sa-  
 tietas nec fames usquam.

Aegyptus alendis augendisque seminibus ita gloriata 30  
 est, ut nihil imbribus caeloque deberet, siquidem proprio  
 semper amne perfusa nec alio genere aquarum solita  
 20 pinguescere, quam quas ipsa devexerat, tantis segetibus  
 induebatur, ut cum feracissimis terris quasi numquam  
 cessura certaret. Haec inopina siccitate usque in iniuriam 2  
 sterilitatis exaruit, quia piger Nilus cunctanter alveo sese  
 ac languide extulerat ingentibus ille quidem tunc quoque  
 25 fluminibus, fluminibus tamen conferendus. Hinc pars 3  
 magna terrarum mergi repararique amne consueta alto  
 pulvere incanduit. Frustra tunc Aegyptus nubila optavit  
 caelumque respexit, cum ipse fecunditatis parens con-  
 tractor et exilior isdem ubertatem eius anni angustis  
 30 quibus abundantiam suam cohibuisset. Neque enim 4

4 itineribus terras, itin. terris *Momms.*, [litora mari]  
*Schnelle* 28. 7 nonne nunc *Schnelle*. 10 querit. *codd. praeter*  
*A, L. Mueller Fleckeis. ann. XCVII* 427. 14 videtur ei e re  
*coni. Baehr.*, venditur *Stangl* 679. 22 ad ini. *ex suis Ac K.*  
 24 ille quidem tunc quoque *K. II, Baehr.*, quidem tunc quoq.  
 ille (*sic. K. I*) v. quidem quoq. tunc ille v. *sim. codd.* 29 anni  
*vulg., om. Baehr.*, ubertatis eius *ang. mell. codd.*



solum vagus ille, cum expanditur, amnis intra usurpatam saepem collium substiterat atque haeserat, sed supino etiam ac declivi solo non placido se mollique lapsu refugum abstulerat necdum satis umentes terras  
 5 addiderat arentibus. Igitur inundatione, id est ubertate, regio fraudata sic opem Caesaris invocavit, ut solet amnem suum; nec longius illi adversorum fuit spatium, quam dum nuntiat. Tam velox, Caesar, potentia tua est tamque in omnia pariter intenta bonitas et accincta, ut tristius aliquid saeculo tuo passis ad remedium sa-  
 10 lutemque sufficiat, ut scias. Omnibus equidem gentibus fertiles annos gratasque terras precor; crediderim tamen per hunc Aegypti statum tuas fortunam vires experiri tuamque vigilantiam spectare voluisse. Nam, cum omnia ubique secunda merearis, nonne manifestum est,  
 15 si quid adversi cadat, tuis laudibus tuisque virtutibus materiam campumque praesterni, cum secunda felices, adversa magnos probent? Percrebruerat antiquitus urbem nostram nisi opibus Aegypti ali sustentarique non posse. Superbiebat ventosa et insolens natio, quod  
 20 victorem quidem populum pasceret tamen, quodque in suo flumine, in suis navibus vel abundantia nostra vel fames esset. Refudimus Nilo suas copias; recepit frumenta, quae miserat, deportatasque messes revexit. Discat igitur Aegyptus credatque experimento non ali-  
 25 menta se nobis, sed tributa praestare, sciat se non esse populo Romano necessariam et tamen serviat. Post haec, si volet, Nilus amet alveum suum et fluminis modum servet; nihil hoc ad urbem ac ne ad Aegyptum quidem, nisi ut inde navigia inania et vacua et similia  
 30 redeuntibus, hinc plena et onusta, et qualia solent venire,

1 expandatur e suis codd. Baehr. — usurpatam (semper) saepem *Madv. adv. III 217 sq.*, usurpata semper *codd., vulg., usurpata* semper vallium Baehr. 3 declivi *scr.*, detinenti *vulg.*, clementi *K. I.*, non detinenti solo plac. Baehr. 4 refugus Baehr. 5 indeque ubertate Baehr. 15 sec. ubiq. *K. I ex Ac.* 18 percrebuerat *K. I.*, Baehr. tac.; cf. ep. VI 2. 5.

mittantur, conversoque munere maris hinc potius venti  
ferentes et brevis cursus optentur. Mirum, Caesar, vi-  
deretur, si desidem Aegyptum cessantemque Nilum  
non sensisset urbis annona; quae tuis opibus, tua cura  
5 usque illuc redundavit, ut simul probaretur et nos  
Aegypto posse et nobis Aegyptum carere non posse.  
Actum erat de fecundissima gente, si libera fuisset; 6  
pudebat sterilitatis insolitae, nec minus erubescere  
fame quam torquebatur, cum pariter a te necessitatibus  
10 eius pudorique subventum est. Stupebant agricolae  
plena horrea, quae non ipsi referisissent, quibus de cam-  
pis illa subvecta messis, quae in Aegypti parte alius  
amnis. Ita beneficio tuo nec maligna tellus, et obse-  
quens Nilus Aegypto quidem saepe, sed gloriae nostrae  
15 numquam largior fluxit.

Quam nunc iuvat provincias omnes in fidem no-32  
stram dicionemque venisse, postquam contigit princeps,  
qui terrarum fecunditatem nunc huc, nunc illuc, ut  
tempus et necessitas posceret, transferret referretque,  
20 qui diremptam mari gentem ut partem aliquam populi  
plebisque Romanae aleret ac tueretur! Et caelo quidem 2  
numquam benignitas tanta, ut omnes simul terras uber-  
tet foveatque; hic omnibus pariter, si non sterilitatem,  
at mala sterilitatis exturbat, hic, si non fecunditatem,  
25 at bona fecunditatis importat, hic alternis commeatibus  
orientem occidentemque conectit, ut, quae ferunt quae-  
que expetunt, omnes gentes invicem capiant et discant,  
quanto libertati discordi servientibus sit utilius unum  
esse, cui serviant. Quippe discretis quidem bonis om- 3  
30 nium sua cuiusque ad singulos mala, sociatis autem

14 Nilus: is Aeg. Baehr. 27 opes gentes discant inv. cap.  
quanto codd., quae ubique feruntur (seruntur Livin.) quaeque  
expetuntur omnes gent. inv. capiant et disc. Catan., Livin., quae  
feruntur quaeque exp. opes invic. cap. gent. et disc. K. II., quae  
seruntur (Livin.) quaeque emetuntur omnes invic. cap. gent.  
discantque Haupt. Herm. V 28, quae ferunt quaeque exportant  
orae, inv. cap. gentes discantque Baehr. 28 libertati Germ.,  
Haupt, Baehr. libertate vulg.

atque permixtis singulorum mala ad neminem, ad omnes omnium bona pertinent. Sed, sive terris divinitas quaedam sive aliquis amnibus genius, et solum illud et flumen ipsum precor, ut hac principis benignitate contentum molli gremio semina recondat, multiplicata  
 4 restituat. Non quidem reposcimus fenus; putet tamen esse solvendum fallacemque unius anni fidem omnibus annis omnibusque postea saeculis tanto magis, quia non exigimus, excuset.

33 Satis factum qua civium qua sociorum utilitatibus. 10  
 Visum est spectaculum inde non enerve nec fluxum, nec quod animos virorum molliret et frangeret, sed quod ad pulchra vulnera contemptumque mortis accenderet, cum in servorum etiam noxiorumque corporibus  
 2 amor laudis et cupido victoriae cerneretur. Quam deinde 15  
 in edendo liberalitatem, quam iustitiam exhibuit omni affectione aut intactus aut maior! Impetratum est, quod postulabatur, oblatum, quod non postulabatur. Institit ultro et, ut concupisceremus, admonuit, ac sic  
 3 quoque plura inopinata, plura subita. Iam quam libera 20  
 spectantium studia, quam securus favor! Nemini impietas, ut solebat, obiecta, quod odisset gladiatorem, nemo e spectatore spectaculum factus miseras voluptates  
 4 unco et ignibus expiavit. Demens ille verique honoris ignarus, qui crimina maiestatis in harena colligebat ac 25  
 se despici et contemni, nisi etiam gladiatores eius veneraremur, sibi male dici in illis, suam divinitatem, suum numen violari interpretabatur, cumque se idem  
 34 quod deos, idem gladiatores quod se putabat. At tu, Caesar, quam pulchrum spectaculum pro illo nobis ex- 30  
 crabili reddidisti! Vidimus delatorum iudicium quasi grassatorum, quasi latronum. Non solitudinem illi, non iter, sed templum, sed forum insederant; nulla iam testamenta secuta, nullus status certus; non orbitas, non  
 2 liberi proderant. Auxerat hoc malum partim ... avaritia. 35

35 malum principum avar. vulg., K.1.

Advertisti oculos atque ut ante castris ita postea pacem  
 foro reddidisti; excidisti intestinum malum et provida  
 severitate cavisti, ne fundata legibus civitas eversa le-  
 gibus videretur. Licet ergo cum fortuna tum libera- 3  
 5 litas tua visenda nobis praeberit, ut praebuilt, nunc  
 ingentia robora virorum et pares animos, nunc imma-  
 nitatem ferarum, nunc mansuetudinem incognitam, nunc  
 secretas illas et arcanas ac sub te primum communes  
 opes, nihil tamen gratius, nihil saeculo dignius, quam  
 10 quod contigit desuper intueri delatorum supina ora re-  
 tortasque cervices. Agnoscebamus et fruebamur, cum 4  
 velut piaculares publicae sollicitudinis victimae supra  
 sanguinem noxiorum ad lenta supplicia gravioresque  
 poenas ducerentur. Congesti sunt in navigia raptim 5  
 15 inquisita ac tempestatibus dediti; abirent, fugerent  
 vastatas delationibus terras, ac, si quem fluctus ac pro-  
 cellae scopulis reservassent, hic nuda saxa et inhospita-  
 le litus incoleret, ageret duram et anxiam vitam re-  
 lictaque post tergum totius generis humani securitate  
 20 maereret. Memoranda facies, delatorum classis permissa 35  
 omnibus ventis coactaque vela tempestatibus pandere  
 iratosque fluctus sequi, quoscumque in scopulos detu-  
 lissent. Iuvabat prospectare statim a portu sparsa na-  
 vigia et apud illud ipsum mare agere principi gratias,  
 25 qui clementia sua salva ultionem hominum terrarum-  
 que dis maris commendasset. Quantum diversitas tem- 2  
 porum posset, tum maxime cognitum est, cum isdem  
 quibus antea cautibus innocentissimus quisque tunc  
 nocentissimus adfigeretur, cumque insulas omnes, quas  
 30 modo senatorum, iam delatorum turba compleret; quos  
 quidem non in praesens tantum, sed in aeternum re-  
 pressisti mille poenarum indagine inclusos. Ereptum 3  
 alienas pecunias eunt, perdant, quas habent; expellere  
 penatibus gestiunt, suis exturbentur neque ut antea

14 Congesti—dediti aut post terras coll. aut del. Haase  
 misc. phil. V p. 78qq. 27 nunc K.I ex suo A. 32 in illa  
 poen. e suo A K.I.

exsanguem illam et ferream frontem nequiquam convulnerandam praebeant punctis et notas suas rideant, sed expectent paria praemio damna nec maiores spes quam metus habeant timeantque, quantum timebantur.

4 Ingenti quidem animo divus Titus securitati nostrae ultionique prospexerat ideoque numinibus aequatus est; 5 sed quanto tu quandoque dignior caelo, qui tot res illis adiecisti, propter quas illum deum fecimus! Id hoc magis arduum fuit, quod imperator talis Nerva te filio, te successore dignissimus perquam magna quaedam 10 edictis Titi adstruxerat nihilque reliquisse nisi tibi videbatur, qui tam multa excogitasti, ut si ante te nihil 5 esset inventum; quae singula quantum tibi gratiae dispensata adiecissent! At tu simul omnia profudisti, ut sol et dies non parte aliqua, sed statim totus nec 15 uni aut alteri, sed omnibus in commune profertur.

36 Quam iuvat cernere aerarium silens et quietum, et quale ante delatores erat! Nunc templum illud, nunc vere aedes, non spoliarium civium cruentarumque praedarum saevum receptaculum ac toto in orbe terrarum 20 adhuc locus unus, in quo optimo principe boni malis 2 impares essent. Manet tamen honor legum, nihilque ex publica utilitate convulsum, nec poena cuiquam remissa, sed addita est ultio, solumque mutatum, quod 3 iam non delatores, sed leges timentur. At fortasse non 25 eadem severitate fiscum qua aerarium cohibes. Immo tanto maiore, quanto plus tibi licere de tuo quam de publico credis. Dicitur actori atque etiam procuratori 4 tuo: 'In ius veni, sequere ad tribunal'. Nam tribunal quoque excogitatum principatui est par ceteris, nisi illud 30 litigatoris amplitudine metiaris. Sors et urna fisco iudicem assignat; licet reicere, licet exclamare: 'Hunc nolo, timidus est et bona saeculi parum intellegit;

9 imperator talis *Baehr. p. XXII*, imperialis *A*, talis *om. rell.* 11 edictis *Baehr. p. XXII*, edicti *A*, edicto *vulg.* 19 aedes *Gron., K. II, Baehr.*, deus *codd., K. I, dei sedes Schwarz, deum Stangl 679.*

illum volo, quia Caesarem fortiter amat'. Eodem foro  
utuntur principatus et libertas, quaeque praecipua tua  
gloria est, saepius vincitur fiscus; cuius mala causa  
numquam est nisi sub bono principe. Ingens hoc me- 5  
ritum, maius illud, quod eos procuratores habes, ut  
plerumque cives tui non alios iudices malint. Liberum  
est autem discrimini suo locum eligere. Neque enim  
ullam necessitatem muneribus tuis addis, ut qui scias  
hanc esse beneficiorum principalium summam, si illis  
10 et non uti licet.

Onera imperii pleraque vectigalia institui ut pro 37  
utilitate communi ita *sine* singulorum iniuriis coëgerunt.  
His vicesima reperta est, tributum tolerabile et facile  
heredibus dumtaxat extraneis, domesticis grave. Itaque 2  
15 illis irrogatum est, his remissum, videlicet quod mani-  
festum erat, quanto cum dolore laturi seu potius non  
laturi homines essent destringi aliquid et abradi bonis,  
quae sanguine, gentilitate, sacrorum denique societate  
meruissent, quaeque numquam ut aliena et speranda,  
20 sed ut sua semperque possessa ac deinceps proximo  
cuique transmittenda cepissent. Haec mansuetudo legis 3  
veteribus civibus servabatur; novi, seu per Latium in  
civitatem seu beneficio principis venissent, nisi simul  
cognitionis iura impetrassent, alienissimi habebantur,  
25 quibus coniunctissimi fuerant. Ita maximum beneficium 4  
vertebatur in gravissimam iniuriam, civitasque Romana  
instar erat odii et discordiae et orbitatis, cum carissima  
pignora salva ipsorum pietate distraheret. Inveniebantur 5  
tamen, quibus tantus amor nominis nostri inesset,  
30 ut Romanam civitatem non vicesimae modo, verum

1 nolo *Baehrensi B Vur, Sauppe Phil. XXX 136.* 2  
quaeque *Lips., K. II, Baehr., quae codd., K. I.* 7 discrimi-  
mini suo locum elig. *Madv. adv. III 218, discriminis 'nolo*  
*eum eligere' vulg.* 12 *sine add. Madv. adv. III 218sq., om.*  
*cett., sing. cum iniur. Baehr. — coegere. in his Baehr.,*  
*cogerent v. cogerent his codd., coegerunt. in his K. II, impr.*  
*Burkhard p. 174.*

etiam affinitatum damno bene compensari putarent;  
 sed iis maxime debebat gratuita contingere, a quibus  
 6 tam magno aestimabatur. Igitur pater tuus sanxit, ut,  
 quod ex matris ad liberos, ex liberorum bonis perve-  
 nisset ad matrem, etiamsi cognationum iura non rece- 5  
 pissent, cum civitatem adipiscerentur, eius vicesimam  
 7 ne darent. Eandem immunitatem in paternis bonis  
 filio tribuit, si modo reductus esset in patris potesta-  
 tem, ratus improbe et insolenter ac paene impie his  
 nominibus inseri publicanum, nec sine piaculo quodam 10  
 sanctissimas necessitudines velut intercedente vicesima  
 scindi, nullum tanti esse vectigal, quod liberos ac pa-  
 38 rentes faceret extraneos. Hactenus ille parcius fortasse,  
 quam decuit optimum principem, sed non parcius quam  
 optimum patrem, qui adoptaturus hoc quoque parentis 15  
 indulgentissimi fecit, quod delibasse quaedam seu po-  
 tius demonstrasse contentus largam ac prope intactam  
 2 bene faciendi materiam filio reservavit. Statim ergo  
 muneri eius liberalitas tua astruxit, ut, quem ad modum  
 in patris filius, sic in hereditate filii pater esset im- 20  
 munis nec eodem momento, quo pater esse desisset,  
 3 hoc quoque amitteret, quod fuisset. Egregie, Caesar,  
 quod lacrimas parentum vectigales esse non pateris.  
 Bona filii pater sine deminutione possideat, nec socium  
 hereditatis accipiat, qui non habet luctus; nemo recen- 25  
 tem et attonitam orbitatem ad computationem vocet  
 4 cogatque patrem, quid reliquerit filius, scire. Augeo,  
 patres conscripti, principis munus, cum ostendo libe-  
 ralitati eius inesse rationem. Ambitio enim et iactantia  
 et effusio et quidvis potius quam liberalitas existimanda 30  
 5 est, cui ratio non constat. Dignum ergo, imperator,  
 mansuetudine tua minuere orbitatis iniurias nec pati  
 quemquam filio amisso insuper affici alio dolore. Sic  
 quoque abunde misera res est, pater filio solus heres;

quid si coheredem non a filio accipiat? Adde, quod, 6  
 cum divus Nerva sanxisset, ut in paternis bonis liberi  
 necessitate vicesimae solverentur, congruens erat ean-  
 dem immunitatem parentes in liberorum bonis obtinere.  
 5 Cur enim posteris amplior honor quam maioribus ha-  
 beretur, curve non retro quoque recurreret aequitas  
 [non] eadem? Tu quidem, Caesar, illam exceptionem  
 removisti, si modo filius in potestate patris fuisset,  
 intuitus, opinor, vim legemque naturae, quae semper  
 10 in dicione parentum esse liberos iussit nec uti inter  
 pecudes sic inter homines potestatem et imperium va-  
 lentioribus dedit. Nec vero contentus primum cognat- 39  
 ionis gradum abstulisse vicesimae secundum quoque  
 exemit cavitque, ut in sororis bonis frater et contra in  
 15 fratris soror, utque avus et avia in neptis nepotisque,  
 et invicem illi servarentur immunes. His quoque, quibus 2  
 per Latium civitas Romana patuisset, idem indulsit  
 omnibusque inter se cognationum iura commisit simul  
 et pariter et more naturae, quae priores principes a  
 20 singulis rogari gestiebant non tam praestandi animo  
 quam negandi. Ex quo intellegi potest, quantae beni- 3  
 gnitatis, quanti spiritus fuerit sparsas atque, ut ita  
 dicam, laceras gentilitates colligere atque conectere et  
 quasi renasci iubere, deferre, quod negabatur, atque id  
 25 praestare cunctis, quod saepe singuli non impetrassent,  
 postremo ipsum sibi eripere tot beneficiorum occasi-  
 ones, tam numerosam obligandi imputandique materiam.  
 Indignum, credo, ei visum ab homine peti, quod di 4  
 dedissent. Soror estis et frater, avus et nepotes; quid  
 30 est ergo, cur rogetis, ut sitis? † vobis est is, qui pro  
 cetera sua moderatione non minus invidiosum putat  
 dare hereditatem quam auferre. Laeti ergo adite ho- 5

6 aequitas? an non eadem? *Baehr.* 16 *Iis e suo A K.*  
 18 concessit *K.II*, permisit '*primum*' *Schwarz*, '*verum non*  
*necesse est*'. 29 soror *Livin.*, *K.I*, *Baehr.*, sorores *codd.*, *K.II*.  
 30 vobis estis. Quid? *K.I*, vobis estis. quippe *K.II*, vobis adeat  
*is qui Baehr.* Testis vobis est is, qui ?



nores, capessite civitatem; neminem hoc necessitudinibus abruptum velut truncum amputatumque destituet; isdem omnes quibus ante pignoribus, sed honestiores perfruentur.

- Ac ne remotioris quidem iamque deficientis affinitatis gradus a qualibet quantitate vicesimam ut prius inferre cogentur. Statuit enim communis omnium par-  
 40rens summam, quae publicanum pati posset. Carebit onere vicesimae parva et exilis hereditas et, si ita gratus heres volet, tota sepulcro, tota funeri serviet; nemo  
 10 observator, nemo castigatorem adisset. Cuicumque modica pecunia ex hereditate alicuius obvenerit, securus habeat  
 2 quietusque possideat. Ea lex vicesimae dicta est, ut ad periculum eius perveniri nisi opibus non possit. Conversa est iniquitas in gratulationem, iniuria in vo-  
 15 tum; optat heres, ut vicesimam debeat. Additum est, ut, qui eius modi ex causis in diem edicti vicesimam deberent, nondum tamen intulissent, non inferrent. At in praeteritum subvenire ne di quidem possunt; tu tamen subvenisti cavistique, ut desineret quisque de-  
 20 bere, quod *non* esset postea debiturus, id est effecisti, ne malos principes habuissemus. Quo ingenio, si natura pateretur, quam libenter tot spoliatis, tot trucidatis  
 5 sanguinem et bona refudisses! Vetuisti exigi, quod deberi non tuo saeculo coeperat. Alius ut contumaci-  
 25 bus irasceretur tarditatemque solvendi dupli vel etiam quadrupli irrogatione multaret, tu nihil referre iniquitatis existimas, exigas, quod deberi non oportuerit, an constituas, ut debeat.
- 41 Feres, Caesar, curam et sollicitudinem consularem. 30  
 Nam mihi cogitanti eundem te collationes remisisses,

1 necessitudinibus *Madv. adv. III 219, necessitudinis vulg.*  
 5 remotioris *A, Baehr. p. XXII, remotius cett. codd., remotus vulg., remoti—cogentur Baehr., cogetur (v. cogeretur) dett. codd., vulg.* 6 ut prius *A, om. cett. codd. et edd.* 8 posset *Livin., K. II, Baehr., possit vulg.* 26 vel etiam *A, vett. edd., Baehr., vel et M, K.*

donativum reddidisse, congiarium obtulisse, delatores abegisse, vectigalia temperasse, interrogandus videris, satisne computaveris imperii reditus. An tantas vires habet frugalitas principis, ut tot impendiis, tot erogationibus sola sufficiat? Nam quid est causae, cur aliis 2 quidem, cum omnia raperent et rapta retinerent, ut si nihil rapuissent, nihil retinuissent, defuerint omnia, tibi, cum tam multa largiaris et nihil auferas, ut si nihil largiaris et auferas *omnia*, omnia supersint? Numquam 3 principibus defuerunt, qui fronte tristi et gravi supercilio utilitatibus fisci contumaciter adessent. Et erant principes ipsi sua sponte avidi et rapaces, et qui magistris non egerent; plura tamen semper a nobis contra nos didicerunt. Sed ad tuas aures cum ceteris omnibus 15 tum vel maxime avaris adulationibus obstructus est aditus. Silent ergo et quiescunt, et, postquam non 4 est, cui suadeatur, qui suadeant, non sunt. Quo evenit, ut, cum plurimum tibi pro tuis, plus tamen pro nostris moribus debeamus.

20 Locupletabant et fiscum et aerarium non tam Voconiae et Iuliae leges quam maiestatis singulare et unicum crimen eorum, qui crimine vacarent. Huius tu metum penitus sustulisti contentus magnitudine, qua nulli magis caruerunt, quam qui sibi maiestatem vindicabant. Reddita est amicis fides, liberis pietas, obsequium 25 servis; verentur et parent et dominos habent. Non enim iam servi nostri principis amici, sed nos 3 sumus, nec pater patriae alienis se mancipiis cariorum quam civibus suis credit. Omnis accusatore domestico liberasti unoque salutis publicae signo illud, ut sic 30 dixerim, servile bellum sustulisti. In quo non minus servis quam dominis praestitisti; nos enim securos, illos bonos fecisti. Non vis in te ea laudari; nec for- 4

7 nihil retinuissent *A, Livin., om. vulg.* 8 ut si nihil larg. et auf. *ABV, Baehr., om. CW, K.* 9 omnia duplac. *Schwarz, Baehr.* 29 omnes ex suis *Ad K.* 32 hos vett. edd., *K. I.* 33 in te ea *K. II, Baehr., interea v. in terra codd., K. I.*

tasse laudanda sint, grata sunt tamen recordantibus principem illum in capita dominorum servos subornantem monstrantemque crimina, quae tamquam delata puniret, magnum et inevitabile ac totiens cuique experiendum malum, quotiens quisque similes principi servos haberet.

- 43 In eodem genere ponendum est, quod testamenta nostra secunda sunt, nec unus omnium, nunc quia scriptus, nunc quia non scriptus, heres. Non tu falsis, non tu iniquis tabulis advocaris. Nullius ad te iracundia, nullius impietas, nullius furor confugit, nec quia offendit  
 2 alius, nuncuparis, sed quia ipse meruisti. Scriberis ab amicis, ab ignotis praeteriris, nihilque inter privatum et principem interest, nisi quod nunc a pluribus amaris; nam et plures amas. Tene, Caesar, hunc cursum, et probabitur experimento, sitne feracius et uberius non ad laudem modo, sed ad pecuniam principi, si herede illo homines mori velint, quam si cogantur.  
 4 Donavit pater tuus multa, multa et ipse donasti. † Cesserit parum gratus; manent tamen hi, qui bonis eius, nihilque ex illis ad te nisi gloria redit. Nam liberalitatem iucundiores debitor gratus, clariorem ingratus facit. Sed quis ante te laudem istam pecuniae praetulit? quotus quisque principum ne id quidem in patrimonii nostris suum duxit, quod esset de suo? Nonne ut regum ita Caesarum munera illitos cibis hamos, opertos praeda laqueos aemulabantur, cum privatis facultatibus velut aucta et multiplicata retro secum, quidquid attigerant, referrent?  
 44 Quam utile est ad usum secundorum per adversa

15 et tu plures? 16 probabitur *A*, *Cuspin.*, *K.*, probe-  
 tur *B V*, *Baehr.*, probiter *C W*. 19 multa *repet. Ernesti*, *Baehr.*  
 — † *add.*, Decesserit *Madv. adv. II 220*, cesserint par. gratis  
*Livin.*, *Baehr.*, ceperit p. gratus *Lips.* 20 bonis eius fruuntur  
*Catan.*, fruuntur *K. I*, bonis eius \* *K. II*, tamen aequae in bonis  
 eius *Momms.*, digni bonis eis *Baehr.* 28 post velut *add. fau-*  
*tores Baehr.* — aucta *Livin.*, *Baehr.*, hausta *codd.*, vulg.

venisse! Vixisti nobiscum, periclitatus es, timuisti, quae tunc erat innocentium vita. Scis et expertus es, quanto opere detestentur malos principes, etiam qui malos faciunt. Meministi, quae optare nobiscum, quae sis queri solitus. Iam privato iudicio principem geris, meliorem 2 immo te praestas, quam tibi alium precabare. Itaque sic imbuti sumus, ut, quibus erat summa votorum melior pessimo princeps, iam non possimus nisi optimum ferre. Nemo est ergo tam tui, tam ignarus sui, ut 3 locum istum post te concupiscat. Facilius est, ut esse aliquis successor tuus possit, quam ut velit. Quis enim 4 curae tuae molem sponte subeat? quis comparari tibi non reformidet? Expertus et ipse es, quam sit onerosum succedere bono principi, et afferebas excusationem 15 adoptati. An parva pronaque sunt ad aemulandum, 5 quod nemo incolumitatem turpitudine rependit? Salva est omnibus vita et dignitas vitae, nec iam consideratus ac sapiens, qui aetatem in tenebris agit. Eadem quippe 6 sub principe virtutibus praemia quae in libertate, nec 20 bene factis tantum ex conscientia merces. Amas constantiam civium rectosque ac vividos animos non ut alii contundis ac deprimis, sed foves et attollis. Prod- 7 est bonos esse, cum sit satis abundeque, si non nocet; his honores, his sacerdotia, his provincias offers, hi 25 amicitia tua, hi iudicio florent. Acuuntur isto integritatis et industriae pretio similes, dissimiles alliciuntur; nam praemia bonorum malorumque bonos ac malos faciunt. Pauci adeo ingenio valent, ut non turpe honestumque, prout bene aut secus cessit, expetant fugi- 8 antve; ceteri, ubi laboris inertiae, vigilantiae somno, 30 frugalitatis luxuriae merces datur, eadem ista, quibus alios artibus assecutos vident, consectantur, qualesque sunt illi, tales esse et videri volunt et, dum volunt, fiunt.

5 Iam *Madv. adv. III 220*, nunc *Livin.*, nam *vulg.* — privati *Lips.*, *Baehr.* 16 rependit, salva — agit? *K.II.* 18 et sap. *A.* 21 et rectos *Baehr.* p. XXIII, que om. *AW.* 27 [*malorumque*] bonos ec malis *Baehr.* 30 somni *Baehr.*

45 Et priores quidem principes excepto patre tuo, praeterea uno aut altero, et nimis dixi, vitis potius civium quam virtutibus laetabantur, primum quod in alio sua quemque natura delectat, deinde quod patientiores servitutis arbitrabantur, quos non deceret esse 5 nisi servos. Horum in sinum omnia congerebant, bonos autem otio ac situ abstrusos et quasi sepultos non nisi delationibus et periculis in lucem ac diem proferebant. 2 Tu amicos ex optimis *sumis*, et hercule aequum est esse eos carissimos bono principi, qui invisissimi malo 10 fuerint. Scis, ut sunt diversa natura dominatio et principatus, ita non aliis esse principem gratiorem, quam 4 qui maxime dominum graventur. Hos ergo provehis et ostentas quasi specimen et exemplar, quae tibi secta vitae, quod hominum genus placeat; et ideo non cen- 15 suram adhuc, non praefecturam morum recepisti, quia tibi beneficiis potius quam remediis ingenia nostra experiri placet. Et alioqui nescio an plus moribus conferat princeps, qui bonos esse patitur, quam qui cogit. 5 Flexibiles quamcumque in partem ducimur a principe 20 atque, ut ita dicam, sequaces sumus. Huic enim cari, huic probati esse cupimus, quod frustra speraverint dissimiles, eoque obsequii continuatione pervenimus, ut prope omnes [homines] unius moribus *vivamus*. Porro non tam sinistre constitutum est, ut, qui malum 25 principem possumus, bonum non possimus imitari. Perge inodo, Caesar, et vim effectumque censurae tuum propositum, tui actus obtinebunt. Nam vita principis censura est eaque perpetua; ad hanc dirigimur, ad hanc convertimur, nec tam imperio nobis opus est quam 30 exemplo. Quippe infidelis recti magister est metus. Melius homines exemplis docentur, quae in primis hoc

2 nec nimis *Baehr.* 4 deinde *Ald.*, *K. II (disp. I p. 14)*, *Baehr.*, denique *codd.*, ... denique *K. I.* 9 *sumis K. con.*, *Baehr.*, *legis Catan.*, *K. I.*, optimis \* *K. II.* — hercule *A.* 10 invisissimi *Baehr. p. XXIII*, in *mus (superscr. 2)* si in *A.*, *invisi vulg.* 18 alioquin *Baehr.* 24 [homines] *Schaefero auct. K. II*, hominis *Baehr.*

in se boni habent, quod approbant, quae praecipunt,  
 fieri posse. Et quis terror valuisset efficere, quod re-46  
 verentia tui effecti? Obtinuit aliquis, ut spectaculum  
 pantomimorum populus Romanus tolli pateretur, sed  
 5 non obtinuit, ut vellet. Rogatus es tu, quod cogebat 2  
 alius, coepitque esse beneficium, quod necessitas fuerat.  
 Neque enim a te minore contentu, ut tolleres panto-  
 mimos, quam a patre tuo, ut restitueret, exactum est.  
 Utrumque recte; nam et restitui oportebat, quos sustu- 3  
 10 lerat malus princeps, et tolli restitutos. In iis enim,  
 quae a malis bene fiunt, hic tenendus est modus, ut  
 appareat auctorem displicuisse, non factum. Idem ergo 4  
 populus ille aliquando scaenici imperatoris spectator  
 et plausor nunc in pantomimis quoque aversatur et  
 15 damnat effeminatas artes et indecora saeculo studia. Ex 5  
 quo manifestum est principum disciplinam capere etiam  
 vulgus, cum rem, si ab uno fiat, severissimam fecerint  
 omnes. Macte hac gravitatis gloria, Caesar, qua con-  
 secutus es, ut, quod antea vis et imperium, nunc mores  
 20 vocarentur. Castigaverunt vitia sua ipsi, qui castigari 6  
 merebantur, idemque emendatores qui emendandi fue-  
 runt. Itaque nemo de severitate tua queritur, et libe-  
 rum est queri. Sed, cum ita comparatum sit, ut de 7  
 nullo minus principe querantur homines, quam de quo  
 25 maxime licet, tuo in saeculo nihil est, quo non omne  
 hominum genus laetetur et gaudeat. Boni provehuntur, 8  
 mali, qui est tranquillissimus status civitatis, nec timent  
 nec timentur. Vitorum paenitentiam expectas, mederis  
 erroribus, sed implorantibus, omnibusque, quos bonos  
 30 facis, hanc astruis laudem, ne coëgissee videaris.

Quid? vitam, quid? mores iuventutis quam princi-47  
 paliter formas! quem honorem dicendi magistris, quam  
 dignationem sapientiae doctoribus habes! ut sub te  
 spiritum et sanguinem et patriam receperunt studia!

10 his *Baehr.* 17 a bono *Baehr.* 21 *idemq. K.* 28  
*Vitorum poenitentiam expectas A, Cuspini, om. vell.*

quae priorum temporum immanitas exiliis puniebat,  
 cum sibi vitiorum omnium conscius princeps inimicas  
 vitiis artes non odio magis quam reverentia relegaret.  
 2 At tu easdem artes in complexu, oculis, auribus habes.  
 Praestas enim, quaecumque praecipiant, tantumque eas 5  
 3 diligis, quantum ab illis probaris. An quisquam studia  
 humanitatis professus non cum omnia tua tum vel in  
 primis laudibus ferat admissionum tuarum facilitatem?  
 4 Magno quidem animo parens tuus hanc ante vos prin-  
 cipes arcem publicarum aedium nomine inscripserat, 10  
 frustra tamen, nisi adoptasset, qui habitare ut in pu-  
 blicis posset. Quam bene cum titulo isto moribus tuis  
 5 convenit, quamque omnia sic facis, tamquam non alius  
 inscripserit! Quod enim forum, quae templa tam re-  
 serata? Non Capitolium ipsaque illa adoptionis tuae 15  
 sedes magis publica, magis omnium. Nullae obices,  
 nulli contumeliarum gradus superatisque iam mille li-  
 6 minibus ultra semper aliqua dura et obstantia. Magna  
 ante te, magna post te, iuxta te tamen maxima quies;  
 tantum ubique silentium, tam altus pudor, ut ad par- 20  
 vos penates et larem angustum ex domo principis mo-  
 48 destiae et tranquillitatis exempla referantur. Ipse autem  
 ut excipis omnes, ut expectas! ut magnam partem  
 dierum inter tot imperii curas quasi per otium trans-  
 igis! Itaque non alienati et attoniti nec ut periculum 25  
 capitis adituri tardi ad te, sed securi et hilares, cum  
 2 commodum est, convenimus. Et admittente principe,  
 si interdum est aliquid, quod nos domi quasi magis  
 necessarium teneat, excusati semper tibi nec umquam  
 excusandi sumus. Scis enim sibi quemque praestare, 30  
 quod te videat, quod frequentet, ac tanto liberalius ac

16 Nulli *K. I e suo A et Mediol.* 25 alienati *scr.*, alii  
*codd.*, *K.*, anxii *e K. con.* *Baehr.*, albi *Madv. adv. III 220.*  
 26 tardi ad te *Lips.*, *Baehr.*, tarditate *codd.*, *vulg.* — et cum  
*comm. con.* *K.*, *scr. Baehr.* 27 et adm. princ. si *Baehr.*  
*p. XXIII*, principes *A*, et si adm. *Burkh.* 175, sin adm. *Baehr.*,  
*si om. vulg.*, *K.*

diutius voluptatis huius copiam praebes. Nec salutati- 3  
 ones tuas fuga et vastitas sequitur. Remoramur, resi-  
 stimus ut in communi domo, quam nuper illa imma-  
 nissima belua plurimo terrore munierat, cum velut  
 5 quodam specu inclusa nunc propinquorum sanguinem  
 lamberet, nunc se ad clarissimorum civium strages  
 caedesque proferret. Obversabantur foribus horror et  
 minae et par metus admissis et exclusis. Ad hoc ipse 4  
 occurso quoque visuque terribilis; superbia in fronte,  
 10 ira in oculis, femineus pallor in corpore, in ore impu-  
 dentia multo rubore suffusa. Non adire quisquam, non 5  
 alloqui audebat tenebras semper secretumque captantem  
 nec umquam ex solitudine sua prodeuntem, nisi ut  
 solitudinem faceret. Ille tamen, quibus sibi parietibus 49  
 15 et muris salutem suam tueri videbatur, dolum secum  
 et insidias et ultorem scelerum deum inclusit. Dimovit  
 perfregitque custodias poena angustosque per aditus et  
 obstructos non secus ac per apertas fores et invitantia  
 limina irrupit; longeque tunc illi divinitas sua, longe  
 20 arcana illa cubilia saevique secessus, in quos timore et  
 superbia et odio hominum agebatur. Quanto nunc tu 2  
 tior, quanto securior eadem domus, postquam erus non  
 crudelitatis, sed amoris excubiis, non solitudine et clau-  
 stris, sed civium celebritate defenditur! Ecquid ergo 3  
 25 discimus experimento fidissimam esse custodiam prin-  
 cipis ipsius innocentiam? Haec arx inaccessa, hoc inex-  
 pugnabile munimentum, munimento non egere. Frustra  
 se terrore succinxerit, qui saeptus caritate non fuerit;  
 armis enim arma irritantur. Num autem serias tantum 4  
 30 partes dierum in oculis nostris coetuque consumis? non  
 remissionibus tuis eadem frequentia eademque illa so-  
 cialitas interest? non tibi semper in medio cibus sem- 5  
 perque mensa communis? non ex convictu nostro mutua  
 voluptas? non provocas reddisque sermones? non ipsum

3 in communi in domo Schnelle 29. 22 eras Lips., Boehr.,  
 eius *codd.*, *del. vulg.* 28 sept. K.



tempus epularum tuarum, cum frugalitas contrahat,  
6 extendit humanitas? Non enim ante medium diem  
distentus solitaria cena spectator adnotatorque convivis  
tuis immines nec ieiunis et inanibus plenus ipse et  
ructans non tam apponis quam obicis cibos, quos de- 5  
digneris attingere, aegreque perpressus superbam illam  
convictus simulationem rursus te ad clandestinam ga-  
7 neam occultumque luxum refers. Ergo non aurum nec  
argentum nec exquisita ingenia cenarum, sed suavitatem  
tuam iucunditatemque miramur, quibus nulla satietas 10  
adest, quando sincera omnia et vera et ornata gravitate.  
8 Neque enim aut peregrinae superstitionis ministeria  
aut obscaena petulantia mensis principis oberrat, sed  
benigna invitatio et liberales ioci et studiorum honor.  
Inde tibi parvus et brevis somnus, nullumque amore 15  
nostri tempus angustius, quam quod sine nobis agis.  
50 Sed, cum rebus tuis ut participes perfruamur, quae  
habemus ipsi, quam propria, quam nostra sunt! Non  
enim exturbatis prioribus dominis omne stagnum, om-  
nem lacum, omnem etiam saltum immensa possessione 20  
circumvenis, nec unius oculis flumina, fontes, maria  
2 deserviunt. Est, quod Caesar non suum videat, tandem-  
que imperium principis quam patrimonium maius est.  
Multa enim ex patrimonio refert in imperium, quae  
priores principes occupabant, non ut ipsi fruerentur, 25  
3 sed ne quis alius. Ergo in vestigia sedesque nobilium  
immigrant pares domini, nec iam clarissimorum viro-  
rum receptacula habitatore servo teruntur aut foeda  
4 vastitate procumbunt. Datur intueri pulcherrimas aedes  
deterso situ auctas ac vigentes. Magnum hoc tuum 30  
non erga homines modo, sed erga tecta ipsa meritum,  
sistere ruinas, solitudinem pellere, ingentia opera eodem,  
quo exstructa sunt, animo ab interitu vindicare. Muta  
quidem illa et anima carentia sentire tamen et laetari  
videntur, quod niteant, quod frequententur, quod ali- 35  
5 quando coeperint esse domini scientis. Circumfertur  
*sub nomine Caesaris tabula ingens rerum venalium,*

quo sit detestanda avaritia illius, qui tam multa concupiscebat, cum haberet supervacua tam multa. Tum exitialis erat apud principem huic laxior domus, illi amoenior villa; nunc princeps in haec eadem dominos 6  
 5 quaerit, ipse inducit; ipsos illos magni aliquando imperatoris hortos, illud numquam nisi Caesaris suburbanum licemur, emimus, implemus. Tanta benignitas 7 principis, tanta securitas temporum est, ut ille nos principalibus rebus existimet dignos, nos non timeamus, 10 quod esse digni videmur. Nec vero emendi tantum civibus tuis copiam praebes, sed amoenissima quaeque largiris et donas, ista, inquam, donas, in quae electus, in quae adoptatus es. Transfers, quod iudicio accepisti, ac nihil magis tuum credis, quam quod per amicos habes.  
 15 Idem tam parvus in aedificando quam diligens in 51 tuendo. Itaque non ut ante immanium transvectione saxorum urbis tecta quatiuntur; stant securae domus nec iam templa nutantia. Satis est tibi nimiumque, cum successeris frugalissimo principi, magnum recidere 2  
 20 aliquid et amputare ex his, quae princeps tamquam necessaria reliquit. Praeterea pater tuus usibus suis detrahebat, quae fortuna imperii dederat, tu tuis, quae pater. At quam magnificus in publicum es! Hinc porticus, inde delubra occulta celeritate properantur, ut  
 25 non consummata, sed tantum commutata videantur. Hinc immensum latus circi templorum pulchritudinem provocat, digna populo victore gentium sedes nec minus ipsa visenda, quam quae ex illa spectabuntur, visenda autem cum cetera specie, tum quod aequatus plebis ac  
 30 principis locus, siquidem per omne spatium una facies, 4 omnia continua et paria, nec magis proprius spectanti Caesari suggestus quam propria, quae spectet. Licebit 5

1 sit *codd.*, fit *Periz.*, *K.*, *Baehr.* 3 latior *Baehr.* 10  
 digni esse ex uno suo *B K.I.* 19 magnum vero *Baehr.* —  
 recidere *Gron.*, *Baehr.*, reicere *vulg.* 20 iis *K.* 31 spec-  
 tandi *codd.*, *K.I.*

ergo civibus tuis te invicem contueri; dabitur non cubiculum principis, sed ipsum principem cernere in publico, in populo sedentem, populo, cui locorum quinque milia adiecisti. Auxeras enim numerum eius congiarii facilitate maioremque in posterum suscipi liberalitatis 5 tuae fide iusseras.

52 Horum unum si praestitisset alius, iam dudum illi radiatum caput et media inter deos sedes auro staret, aut ebore augustioribusque aris et grandioribus victimis 2 invocaretur. Tu delubra non nisi adoraturus intras, 10 tibi maximus honor excubare pro templis postibusque praetexi. Sic fit, ut tibi di summum inter homines 3 fastigium servant, cum deorum ipse non adfectes. Itaque tuam statuam in vestibulo Iovis optimi maximi unam alteramve et hanc aeream cernimus. At paulo 15 ante aditus omnes, omnes gradus totaque area hinc auro, hinc argento relucebat seu potius polluebatur, cum incesti principis statuis permixta deorum simulacra sorderent. Ergo istae quidem aerae et paucae 4 manent manebuntque quam diu templum ipsum, illae 20 autem aureae et innumerabiles strage et ruina publico gaudio litaverunt. Iuvabat illidere solo superbissimos vultus, instare ferro, saevire securibus, ut si singulos 5 ictus sanguis dolorque sequeretur. Nemo tam temperans gaudii seraeque laetitiae, quin instar ultionis videretur 25 cernere laceros artus, truncata membra, postremo truces horrendasque imagines obiectas excortasque flammis, ut ex illo terrore et minis in usum hominum ac voluptates ignibus mutarentur. Simili reverentia, Caesar, non apud genium tuum bonitati tuae gratias agi, sed 30 apud numen Iovis optimi maximi pateris; illi debere nos, quidquid tibi debeamus, illius, quod bene facias,

1 tibi et civibus tuis inv. *Baehr.*, tuis et invicem *Kroll diss. Vrat. 1891 thes. 9 probab., nihil mut. Schnelle p. 29.*  
 12 tibi add. *K.II* (di tibi), dei tibi *Baehr.* 13 adfectes *scr., adeptus codd., appetas Livin., K.II, Baehr., adeptes Lips., K.I.* 27 flammis excortasque *K.II, Baehr.*

muneris esse, qui te dedit. Ante quidem ingentes ho- 7  
stiarum greges per Capitolinum iter magna sui parte  
velut intercepti devertere via cgebantur, cum saevis-  
simi domini atrocissima effigies tanto victimarum cruore  
5 coleretur, quantum ipse humani sanguinis profunde-  
bat.

Omnia, patres conscripti, quae de aliis principibus 53  
a me aut dicuntur aut dicta sunt, eo pertinent, ut  
ostendam, quam longa consuetudine corruptos deprava-  
tosque mores principatus parens noster reformet et  
10 corrigat. Alioquin nihil non parum grate sine com-  
paratione laudatur. Praeterea hoc primum erga opti-  
mum imperatorem piorum civium officium est, insequi  
dissimiles. Neque enim satis amarit bonos principes,  
qui malos [satis] non oderit. Adice, quod imperatoris 3  
15 nostri non aliud amplius ac diffusius meritum est, quam  
quod insectari malos principes tutum est. An excidit 4  
dolori nostro modo vindicatus Nero? Permitteret, credo,  
famam vitamque eius carpi, qui mortem ulcisceretur,  
nec ut in se dicta interpretaretur, quae de simillimo  
20 dicerentur. Quare † ego te, Caesar, muneribus tuis 5  
omnibus comparo, multis antepono, quod licet nobis  
et in praeteritum de malis imperatoribus cotidie vin-  
dicari et futuros sub exemplo praemonere nullum locum,  
nullum esse tempus, quo funestorum principum manes  
25 a posterorum execrationibus conquiescant. Quo con- 6  
stantius, patres conscripti, et dolores nostros et gaudia  
proferamus, laetemur his, quibus fruimur, ingemiscamus  
illis, quae patiebamur. Simul utrumque faciendum est  
sub bono principe. Hoc secreta nostra, hoc sermones,  
30 hoc ipsae gratiarum actiones agant meminerintque sic  
maxime laudari incolumem imperatorem, si priores  
securi meriti reprehendantur. Nam, cum malos principes

10 et alioquin *Livin.*, *Baehr.*, (alioqui) *K. II.* 14 satis  
*del. Madv. adv. III 220.* 20 ego [te] *K. I.*, ego vero *K. II.*,  
ego in te *Baehr.*, circa te *Schnelle 29*, ergo te *codd. Baehrenst.*,  
equidem? 27 laet.—fruimur *A.*, *Cuspin.*, *K. I.* tamq. insidit.  
*Baehr.*, om. *K. II.* 32 malos principes *Baehr.*, malo principe  
*codd.*, de malo pr. *vulg.*

- posteri tacent, manifestum est eadem facere praesentem.
- 54 Equis iam locus miserae adulationis manebat ignarus, cum laudes imperatorum ludis etiam et commissionibus celebrarentur, saltarentur atque in omne ludibrium effeminatis vocibus, modis, gestibus frangerentur? Sed illud indignum, quod eodem tempore in senatu et in scaena, ab histrione et a consule laudabantur. Tu procul a tui cultu ludicras artes removisti. Seria ergo te carmina honorque aeternus annalium, non haec brevis et pudenda praedicatio colit; quin etiam tanto maiore consensu in venerationem tui theatra ipsa consurgunt, quanto magis de te scaenae silebunt. Sed quid ego istud admiror, cum eos quoque honores, qui tibi a nobis offeruntur, aut delibare parcissime aut omnino soleas recusare? Nihil ante tam vulgare, tam parvum in senatu agebatur, ut non laudibus principum immorarentur, quibuscumque censendi necessitas accidisset.
- 4 De ampliando numero gladiatorum aut de instituendo collegio fabrorum consulebamur et quasi prolatis imperii finibus nunc ingentes arcus excessurosque templorum fastigium titulos, nunc menses etiam nec hos singulos nomini Caesarum dicabamus. Patiebantur illi et, quasi meruissent, laetabantur. At nunc quis nostrum tamquam oblitus eius, de quo refertur, censendi officium principis honore consumit? Tuae moderationis laus haec constantia nostra est. Tibi obsequimur, quod in curiam non ad certamen adulationum, sed ad usum munusque iustitiae convenimus hanc simplicitati tuae veritatique gratiam relaturi, ut te, quae vis, velle, quae non vis, nolle credamus. Incipimus inde, desinimus ibi, a quo incipi, in quo desini sub alio principe non posset. Nam plerosque ex decretis honoribus et alii non receperunt; nemo ante te tantus fuit, ut crederetur

2 Equis *Cuspin.*, *Stangl* 675sqg., Et quis *vulg.* 4 saltarenturque *all.*, *Baehr.* 25 laus haec const. nostra est *Gesm.*, *K. II* (om. est *K. I*), *Baehr.*, haec laus const. n. et codd. 33 te *Livin.*, *K. II*, *Baehr.*, om. *vulg.*

noluisse decerni; quod ego titulis omnibus speciosius 7  
 reor, quando non trabibus aut saxis nomen tuum, sed  
 monumentis aeternae laudis inciditur. Ibit in saecula 55  
 fuisse principem, cui florenti et incolumi numquam  
 5 nisi modici honores, saepius nulli decernerentur. Et 2  
 sane, si velimus cum priorum temporum necessitate  
 certare, vincemur; ingeniosior est enim ad excogitandum  
 simulatio veritate, servitus libertate, metus amore. Si 3  
 mul, cum iam pridem novitas omnis adulatione con-  
 10 sumpta sit, non alius erga te novus honor superest,  
 quam si aliquando de te tacere audeamus. Age, si 4  
 quando pietas nostra silentium rupit et verecundiam  
 tuam vicit, quae qualiaque aut decernimus nos aut tu  
 non recusas! ut appareat non superbia et fastidio te  
 15 amplissimos honores repudiare, qui minores non dedi-  
 gneris. Pulchrius hoc, Caesar, quam si recusares omnes; 5  
 nam recusare omnes ambitionis, moderationis est eligere  
 parcissimos. Quo temperamento et nobis et aerario  
 consulis, nobis quidem, quod omni liberas suspicione,  
 20 aerario autem, quod sumptibus eius adhibes modum,  
 ut qui exhaustum non sis innocentium bonis repleturus.  
 Stant igitur effigies tuae, quales olim ob egregia in 6  
 rem publicam merita privatis dicabantur; visuntur eadem  
 e materia Caesaris statuæ qua Brutorum, qua Camillo-  
 25 rum. Nec discrepat causa. Illi enim reges hostemque 7  
 victorem moenibus depulerunt, hic regnum ipsum, quae-  
 que alia captivitas gignit, arcet ac summovet sedemque  
 obtinet principis, ne sit domino locus. Ac mihi intu- 8  
 enti sapientiam tuam minus mirum videtur, quod mor-  
 30 tales istos caducosque titulos aut deprecereis aut tem-  
 peres. Seis enim, ubi vera principis, ubi sempiterna  
 sit gloria, ubi sint honores, in quos nihil flammis, nihil  
 senectuti, nihil successoribus liceat. Arcus enim et 9  
 statuas, aras etiam templaque demolitur et obscurat

17 moderationis est *V* et *om.* est *B*, *Baehr.*, moderatio est  
*ACW*, *K*. 32 ubi sint *vulg.*, hi sint (*sunt*) *codd.*, gloria. hi  
*sinceri Baehr.*

oblivio, negligit carpitque posteritas; contra contemptor ambitionis et infinitae potestatis domitor ac frenator animus ipsa vetustate florescit nec ab ullis magis laudatur, quam quibus minime necesse est. Praeterea, ut quisque factus est princeps, extemplo fama eius, incertum bona an mala, ceterum aeterna est. Non ergo perpetua principi fama, quae invitum manet, sed bona concupiscenda est; ea porro non imaginibus et statu-  
 10 sed virtute ac meritis prorogatur. Quin etiam leviora haec, formam principis figuramque, non aurum melius vel argentum quam favor hominum exprimat teneatque. Quod quidem prolixè tibi cumulateque contingit, cuius laetissima facies et amabilis vultus in omnium civium ore, oculis, animo sedet.

56 Adnotasse vos credo, patres conscripti, iam dudum me non eligere, quae referam. Propositum est enim mihi principem laudare, non principis facta. Nam laudabilia multa etiam mali faciunt, ipse laudari nisi optimus non potest. Quare non alia maior, imperator auguste, gloria tua, quam quod agentibus tibi gratias  
 2 nihil velandum est, nihil omittendum. Ecquid est enim in principatu tuo, quod cuiusquam praedicatio vel transilire vel praetervehi debeat? Quod momentum, quod immo temporis punctum aut beneficio sterile aut vacuum laude? Non omnia eius modi, ut is optime te laudasse videatur, qui narraverit fidelissime? Quo fit, ut prope in immensum diffundatur oratio mea, et necdum de biennio loquor. Quam multa dixi de moderatione, et quanto plura adhuc restant! ut illud, quod secundum consulatum recepisti, quia princeps et pater  
 3 deferebat. At, postquam ad te imperii summam et cum omnium rerum tum etiam tui potestatem di transtulerunt, tertium consulatum recusasti, cum agere tam bo-

2 ac fr. e suo B K.I., e suis codd. praeter W Baehr., et Keili codd. praeter B, K.II; Ad p. 49. 23. 4—6 Praeterea— aeterna est A, Cuspin., K.I tamq. insitic., om. vell. codd., K.II, Baehr. 21 omittendum. Ecquid Livin., Baehr., om. est. Quid vulg.

num consulem posses. Magnum est differre honorem, 4  
 gloriam maius. Gestum consulatum mirer an non re-  
 ceptum? gestum non in hoc urbis otio et intimo sinu  
 pacis, sed iuxta barbaras gentes, ut illi solebant, quibus  
 5 erat moris paludamento mutare praetextam ignotasque  
 terras victoria sequi. Pulchrum imperio, gloriosum tibi, 5  
 cum te socii atque amici sua in patria, suis in sedibus  
 adierunt. Decora facies, consulis multa post saecula tri- 6  
 bunal viridi caespite exstructum nec fascium tantum, sed  
 10 pilorum signorumque honore circumdatum. Augebant  
 maiestatem praesidentis diversi postulantium habitus ac  
 dissonae voces raraque sine interprete oratio. Magni- 7  
 ficum est civibus iura, quid hostibus reddere? speciosum  
 certam fori pacem, quid immanes campos sella curuli  
 15 victorisque vestigio premere, imminere minacibus ripis  
 tutum quietumque, spernere barbaros fremitus hostilem-  
 que terrorem non armorum magis quam togarum osten-  
 tatione compescere? Itaque non te apud imagines, sed 8  
 ipsum praesentem audientemque consalutabant impe-  
 20 ratorem, nomenque, quod alii domitis hostibus, tu  
 contemptis merebare.

Haec laus acti consulatus, illa dilati, quod adhuc 57  
 initio principatus ut iam exsatiatus honoribus et ex-  
 pletus consulatum recusasti, quem novi imperatores de-  
 25 stinatum aliis in se transferebant. Fuit etiam, qui in 2  
 principatus sui fine consulatum, quem dederat ipse,  
 magna ex parte iam gestum extorqueret et raperet. Hoc  
 ergo honore, quem et incipientes principes et desinentes  
 adeo concupiscunt, ut auferant, tu otioso ac vacante  
 30 privatis cessisti. Invidiosusne erat aut tibi tertius con- 3  
 sulatus aut principi primus? Nam secundum imperator  
 quidem, sub imperatore tamen inisti, nihilque imputari  
 in eo vel honori potest vel exemplo nisi obsequium.  
 Ita vero, quae civitas quinquies atque etiam sexies 4  
 35 consules vidit, non illos, qui expirante iam libertate

9 *caesp.* K. 23 *exsatiatus* A, *Cuspin.*, *Baehr.* p. XXIV,  
*excusatus cett. codd.*, K., *excuratus* *Baehr.*



per vim ac tumultum creabantur, sed quibus sepositis et absentibus in rura sua consulatus ferebantur, in hac civitate tertium consulatum princeps generis humani  
 5 ut praegravem recusasti? Tantone Papiriis etiam et Quintiis moderatior Augustus et Caesar et pater patriae? 5  
 At illos res publica ciebat. Quid? te non eadem res publica, non senatus, non consulatus ipse, qui sibi tuis  
 58 umeris attolli et augescere videtur? Non te ad exemplar eius voco, qui continuis consulatibus fecerat longum quendam et sine discrimine annum, iis te confero, 10  
 quos certum est, quotiens consules fuerunt, non sibi praestitisse. Erat in senatu ter consul, cum tu tertium  
 2 consulatum recusabas. Onerosum nescio quid verecundiae tuae consensus noster indixerat, ut princeps totiens consul esses quotiens senator tuus; nimia modestia 15  
 3 istud etiam privatus recusasses. An consularis viri triumphalisque filius, cum tertio consul creatur, ascendit? non debitum hoc illi, non vel sola generis claritate promeritum? Contigit ergo privatis aperire annum fastosque reserare, et hoc quoque redditae libertatis 20  
 indicium fuit, quod consul alius quam Caesar esset. Sic exactis regibus coepit liber annus, sic olim servitus  
 5 pulsa privata fastis nomina induxit. Miseros ambitionis, qui ita consules semper ut semper principes erant! Quamquam non tam ambitio quam livor et malignitas 25  
 videri potest omnes annos possidere summumque illud purpurae decus non nisi praecceptum praefloratumque  
 6 transmittere. Tuam vero magnanimitatem an modestiam an benignitatem prius mirer? Magnanimitatis fuit expetito semper honore abstinere, modestiae cedere, be- 30  
 nignitatis per alios frui.  
 59 Sed iam tempus est te ipsi consulatui praestare, ut maiorem eum suscipiendo gerendoque facias. Nam saepius recusare ambiguum ac potius illam interpreta-

10 *his Baehr.* 25 *tam amb. quam cod. Mediol., Baehr., tam om. Baehrensi codd., Keil b c, non amb. magis quam dett. codd., K.*

tionem habet, tamquam minorem putes. Tu quidem ut maximum recusasti; sed hoc persuadere nemini poteris, nisi aliquando et non recusaveris. Cum arcus, 2 cum tropaea, cum statuas deprecaris, tribuenda est v<sup>5</sup> recundiae tuae venia; illa enim sane tibi dicantur. Nunc vero postulamus, ut futuros principes doceas inertiae renuntiare, paulisper delicias differre, paulisper et saltem ad brevissimum tempus ex illo felicitatis somno velut excitari, induere praetextam, quam, cum dare possent, 10 occuparint, ascendere curulem, quam detineant, esse denique, quod concupierint, nec ideo tantum velle consules fieri, ut fuerint. Gessisti alterum consulatum, 3 scio; illum exercitibus, illum provinciis, illum etiam exteris gentibus poteris imputare, non potes nobis. 15 Audimus quidem te omne munus consulis obisse, sed audimus; diceris iustissimus, humanissimus, patientissimus fuisse, sed diceris. Aequum est aliquando nos iudicio nostro, oculis nostris, non famae semper et rumoribus credere. Quousque absentes de absente gaude- 4 20 bimus? Liceat experiri, an aliquid superbiae tibi ille ipse secundus consulatus attulerit. Multum in commutandis moribus hominum medius annus valet, in principum plus. Didicimus quidem, cui virtus aliqua con- 5 tingat, omnes inesse, cupimus tamen experiri, an nunc 25 quoque una eademque res sit bonus consul et bonus princeps. Nam praeter id, quod est arduum, duas eas- 6 que summas potestates simul capere, tum inest utrique non nulla diversitas, cum principem quam *simillimum* esse privato, consulem quam *dissimillimum* deceat. 30 Atque ego video proximo anno consulatus recusandi 60 hanc praecipuam fuisse rationem, quod eum absens

4 troph. Baehr. 9 excitari A, Livin., Baehr., excitatos dett., K. 11 concupierint e suo d K. II, Baehr., concupierunt pleriq. codd., K. I. 23 didicimus A, Cuspin., Baehr., dicimus rell. codd., K. 26 duas—capere A, Baehr. p. XXIV, duas easq. sim. cap. pot. summ. rell. codd., K., duas sim. cap. pot. easque summ. Baehr. 28 simill.—quam om. K. II.

gerere non poterat. Sed iam urbi votisque publicis redditus quid est, in quo magis sis approbaturus, quae quantaque fuerint, quae desiderabamus? Parum est, ut in curiam venias, nisi et convocas, ut intersis senatui, nisi et praesides, ut censes audias, nisi et perrogas. 5  
 2 Vis illud augustissimum consulum aliquando tribunal maiestati suae reddere? ascende. Vis constare reverentiam magistratibus, legibus auctoritatem, modestiam  
 3 postulantibus? adi. Quod enim interesset rei publicae, si privatus esses, consulem te haberet tantum an et 10 senatorem, hoc nunc scito interesse, principem te habere tantum an et consulem. His tot tantisque rationibus quamquam multum reluctata verecundia principis nostri tandem tamen cessit. At quem ad modum cessit? Non se ut privatis, sed ut privatos sibi pares faceret. 15  
 5 Recepit enim tertium consulatum, ut daret. Noverat moderationem hominum, noverat pudorem, qui non sustinerent tertio consules esse nisi cum ter consule. Bellorum istud sociis olim, periculorum consortibus, parce tamen tribuebatur, quod tu singularibus viris ac 20 de te quidem bene ac fortiter, sed in toga meritis  
 6 praestitisti. Utriusque cura, utriusque vigilantia obstrictus es, Caesar. Sed in principe rarum ac prope insolitum est, ut se putet obligatum aut, si putet, amet. Debes ergo, Caesar, et solvis et, cum ter consules facis, 25 non tibi magnus princeps, sed non ingratus amicus  
 7 videris; quin etiam perquam modica quaedam civium merita fortunae tuae viribus in maius extollis. Efficis enim, ut tantum tibi quisque praestitisse videatur, quantum a te recepit. Quid isti benignitati precer, nisi 30

4sq. convoces—praesideas—perroges *dett.*, K. 6 tribun. aliq. K.II, Baehr. 9 postulatibus Baehr. — adi *vulg. edd.*, K.I, adire *codd.*, audi *Lips.*, K.II, adside Baehr., adnitere Schnelle 30. 19 ut peric. Baehr. 21 in toga mer. praest. A, Livin., K.II, Baehr., praest. in toga mer. *cett. codd.*, K.I 25 et cum Gruter., K.II, Baehr., Sed cum *codd.*, *vulg.* 30 recepit A, K.II, Baehr., recipit *pleriq. codd.*, K.I.

ut semper obliges, obligeris incertumque facias, utrum magis expediat civibus tuis debere tibi an praestitisse?

Equidem illum antiquum senatum contueri videbar, <sup>61</sup> cum ter consule adsidente tertio consulem designatum  
<sup>5</sup> rogari sententiam cernerem. Quanti tunc illi, quantus-  
 que tu! Accidit quidem, ut corpora quamlibet ardua <sup>2</sup>  
 et excelsa procerioribus admota decrescant, item ut al-  
 tissimae civium dignitates collatione fastigii tui quasi  
 deprimantur, quantoque propius ad magnitudinem tuam  
<sup>10</sup> ascenderint, tantum etiam a sua descendisse videantur.  
 Illos tamen tu, quamquam non potuisti tibi aequare, <sup>3</sup>  
 cum velles, adeo in edito collocasti, ut tantum super  
 ceteros quantum infra te cernerentur. Si unius tertium <sup>4</sup>  
 consulatum eundem in annum in quem tuum contu-  
<sup>15</sup> lisses, ingentis animi specimen haberetur. Ut enim fe-  
 licitatis est, quantum velis, posse, sic magnitudinis velle,  
 quantum possis. Laudandus quidem et ille, qui consu- <sup>5</sup>  
 latum tertium meruit, sed magis, sub quo meruit; magnus  
 memorandusque, qui tantum praemium cepit, sed maior,  
<sup>20</sup> qui capienti dedit. Quid, quod duos pariter tertio con- <sup>6</sup>  
 sulatu, duos collegii tui sanctitate decorasti? ut sit  
 nemini dubium hanc tibi praecipuam causam fuisse  
 extendendi consulatus tui, ut duorum consulatus ample-  
 cteretur collegamque te non uni daret. Uterque nuper <sup>7</sup>  
<sup>25</sup> consulatum alterum gesserat a patre tuo, id est quanto  
 minus quam a te, datum! utriusque adhuc oculis paulo  
 ante dimissi fasces oberrabant, utriusque sollemnis ille  
 lictorum et praenuntius clamor auribus insederat, cum  
 rursus curulis rursusque purpura; ut olim, cum hostis  
<sup>30</sup> in proximo et in summum discrimen adducta res pu-  
 blica expertum honoribus virum posceret, non consu-  
 latus hominibus isdem, sed idem homines consulatibus  
 reddebantur. Tanta tibi bene faciendi vis, ut indul-

17 tert. cons. *K.* 21 collegii *Lips., K.II, Baehr.,* col-  
 legit *A.,* collegas *cett. codd., K.I.* 24 te collegam. quem te  
 non uni dare licuisse claret: uterque *Baehr.,* et collegam *que*  
*(quae) codd.* 32 iidem *K.II.*

- gentia tua necessitates aemuletur. Modo praetextas exuerant; resumant; modo lectores abire iusserant; revocent; modo gratulantes amici recesserant; revertantur.
- 9 Hominisne istud ingenium est, hominis potestas, renovare gaudia, redintegrare laetitiam nullamque requiem 5 gratulationibus dare neque alia repetendis consulatibus intervalla permittere, nisi dum finiuntur? Facias ista 10 semper, nec umquam in hoc opere aut animus tuus aut fortuna lassetur, des quam plurimis tertios consulatus, et, cum plurimis tertios consulatus dederis, semper 10 tamen plures, quibus debeas dare, supersint.
- 62 Omnium quidem beneficiorum, quae merentibus tribuuntur, non ad ipsos gaudium maius quam ad similes redundat; praecipue tamen ex horum consulatu non ad partem aliquam senatus, sed ad totum senatum 15 tanta laetitia pervenit, ut eundem honorem omnes sibi et dedisse et accepisse videantur. Nempe enim hi sunt, quos senatus, cum publicis sumptibus minuendis optimum quemque praeficeret, elegit, et quidem primos. Hoc est igitur, hoc est, quod penitus illos animo Caesaris 20 insinuavit. An parum saepe experti sumus hanc esse rerum condicionem, ut senatus favor apud principem aut non prosit aut noceat? Nonne paulo ante nihil magis exitiale erat quam illa principis cogitatio: 'hunc senatus probat, hic senatui carus est'? Oderat, quos 25 nos amaremus, sed et nos, quos ille. Nunc inter principem senatumque dignissimi cuiusque caritate certatur. Demonstramus invicem, credimus invicem, quodque maximum amoris mutui signum est, eosdem amamus.
- 5 Proinde, patres conscripti, favete aperte, diligite constanter. Non iam dissimulandus est amor, ne noceat, non premendum odium, ne prosit. Eadem Caesar quae senatus probat improbatque. Vos ille praesentes, vos etiam absentes in consilio habet. Tertio consules fecit,

5 *que om. aliquott codd., K.I.* 23 non *add. (an parum ?), haut prosit, at noc. Baehr., aut pros. aut del. Novak Ztschr. f. d. oest. G. XLII 1068, aut — aut defend. Burkh. p. 186 sq.*

quos vos elegeratis, et fecit hoc ordine, quo electi a vobis erant. Magnus uterque honor vester, sive eosdem 6 maxime diligit, quos scit vobis esse carissimos, sive illis neminem praefert, quamvis aliquem magis amet. 5 Proposita sunt senioribus praemia, iuvenibus exempla. 7 Adeant, frequentent securas tandem ac patentes domos. Quisquis probatos senatui viros suscipit, hic maxime principem promeretur. Sibi enim accrescere putat, 8 quod cuique adstruatur, nullamque in eo gloriam ponit, 10 quod sit omnibus maior, nisi maximi fuerint, quibus maior est. Persta, Caesar, in ista ratione propositi 9 talesque nos crede, qualis fama cuiusque est. Huic aures, huic oculos intende; ne respexeris clandestinas existimationes nullisque magis quam audientibus insi- 15 dantes susurros. Melius omnibus quam singulis creditur. Singuli enim decipere et decipi possunt, nemo omnes, neminem omnes fefellerint.

Praevertor iam ad consulatum tuum, etsi sunt 63 quaedam ad consulatum quidem pertinentia, ante consulatum tamen, in primis quod comitiis tuis interfuisti 20 candidatus non consulatus tantum, sed immortalitatis et gloriae et exempli, quod sequerentur principes boni, mali mirarentur. Vidit te populus Romanus in illa 2 vetere potestatis suae sede; perpessus es longum illud 25 carmen comitiorum nec iam irridendam moram consulque sic factus es ut unus ex nobis, quos facis consules. Quotus quisque principum antecedentium honorem istum aut consulatui habuit aut populo? Non alii marcidi somno hesternaque cena redundantes co- 30 mitiorum suorum nuntios opperiebantur, alii sane pervigiles et insomnes, sed intra cubilia sua illis ipsis consulibus, a quibus consules renuntiabantur, exilia et

2 utique *Lips., K.I.* 7 suspicit *Livin., K., Baehr.*  
*V. Schwarz, Hofmann Cic. ep. sel. V 20 (fam. X 11) 1 ex.* 17  
 fefellerint 'maluisse legere' *Schwarz, scr. K.II, Baehr., fefellerunt codd., vulg.* 18 Revertor dett. *codd., K.I. K.II cf. V 14. 7.*  
 22 etiam glor. *Baehr., etiam et gl. coni. K.* 28 Nam ex *Ad K.*

4 caedes machinabantur. O prava et inscia verae maie-  
 statis ambitio, concupiscere honorem, quem dedigneris,  
 dedignari, quem concupieris, cumque ex proximis hor-  
 tis campum et comitia prospectes, sic ab illis abesse,  
 5 tamquam Danubio Rhenoque dirimare! Averseris tu  
 honori tuo sperata suffragia renuntiarique te consulem  
 iussisse contentus liberae civitatis ne simulationem qui-  
 dem serves, abstineas denique comitiis abstrusus atque  
 abditus, quasi illic tibi non consulatus detur, sed abro-  
 6 getur imperium? Haec persuasio superbissimis domi-  
 nis erat, ut sibi viderentur principes esse desinere, si  
 quid facerent tamquam senatores. Plerique tamen non  
 7 tam superbia quam metu quodam submovebantur. An  
 stuprorum sibi incestarumque noctium conscii auspicia  
 polluere sacratumque campum nefario auderent conta-  
 8 minare vestigio? Non adeo deos hominesque contem-  
 pserant, ut in illa speciosissima sede hominum deorum-  
 que coniectos in se oculos ferre ac perpeti possent.  
 8 Tibi contra et moderatio tua suasit et sanctitas, ut te  
 64 et religioni deorum et iudiciis hominum exhiberes. Alii  
 consulatum, ante quam acciperent, tu, et dum accipis,  
 meruisti. Peracta erant sollemnia comitiorum, si prin-  
 cipem cogitares, iamque se omnis turba commoverat,  
 cum tu mirantibus cunctis accedis ad consulis sellam,  
 adigendum te praebes in verba principibus ignota, nisi  
 9 cum iurare cogerent alios. Vides, quam necessarium  
 fuerit consulatum non recusare. Non putassemus istud  
 2 te facturum fuisse, si recusasses. Stupeo, patres con-  
 scripti, necdum satis aut oculis meis aut auribus credo  
 atque identidem me, an audierim, an viderim, interrogo.  
 10 Imperator ergo et Caesar et Augustus et pontifex maxi-  
 mus stetit ante gremium consulis, seditque consul prin-  
 cipe ante se stante et sedit inturbatus, interritus, et  
 3 tamquam ita fieri soleret. Quin etiam sedens stanti

1 caedes Keil cod. Monac., Bachr., caedem vulg.  
 stanti A, Gron., K. II post sedens, ante Bachr., om. K. I.

praeiit ius iurandum, et ille iuravit, expressit explana-  
vitque verba, quibus caput suum, domum suam, si  
sciens fefellisset, deorum irae consecraret. Ingens,  
Caesar, et par gloria tua, sive fecerint istud postea  
5 principes sive non fecerint. Ullane satis digna prae- 4  
dicatio est idem tertio consulem fecisse quod primo,  
idem principem quod privatum, idem imperatorem  
quod sub imperatore? Nescio iam, nescio, pulchriusne  
sit illud, quod praeunte nullo, an hoc, quod alio  
10 praeunte iurasti. In rostris quoque simili religione 65  
ipse te legibus subiecisti, legibus, Caesar, quas nemo  
principi scripsit. Sed tu nihil amplius vis tibi licere  
quam nobis. Sic fit, ut nos tibi plus velimus. Quod  
ego nunc primum audio, nunc primum disco, non est  
15 princeps supra leges, sed leges supra principem, idem-  
que Caesari consuli quod ceteris non licet. Iurat in 2  
leges attendentibus dis (nam cui magis quam Caesari  
attendant?), iurat observantibus his, quibus idem iuran-  
dum est, non ignarus alioqui nemini religiosius, quod  
20 iuraverit, custodiendum, quam cuius maxime interest  
non peierari. Itaque et abiturus consulatu iurasti te  
nihil contra leges fecisse. Magnum hoc erat, cum pro-  
mitteres, maius, postquam praestitisti. Iam totiens pro- 3  
cedere in rostra inascensumque illum superbiae princi-  
25 pum locum terere, hic suscipere, hic ponere magistratus  
quam dignum te quamque diversum consuetudini illo-  
rum, qui pauculis diebus gestum consulatum, immo  
non gestum abiciebant per edictum! Hoc pro contione,  
pro rostris, pro iure iurando, scilicet ut primis extrema  
30 congruerent, utque hoc solo intellegerentur ipsi con-  
sules fuisse, quod alii non fuissent.

1 praeiit (preiit) *A*, prebuit *cett. codd.*, praeivit *edd.*  
9 istud *K*. 15 supra—supra *vulg.*, *Bachr.*, super—supra  
*codd.*, super—super *K*. 17 leges *Lips.*, *K.II*, *Bachr.*, legem  
*codd.*, *K.I*. 18 iis *K*. 19 et infra alioquin *Bachr.* 24  
que *om. Keili A*, *Bachrensi W, K*. 28 consuetudini *Bachr.*,  
*Madv. adv. III 221*, consuetudine *vulg.*



- 66 Non transilui, patres conscripti, principis nostri  
 consulatum, sed eundem in locum contuli, quidquid  
 de iure iurando dicendum erat. Neque enim ut in sterili  
 ieiunaque materia eandem speciem laudis diducere  
 2 ac spargere atque identidem tractare debemus. Illuxerat  
 primus consulatus tui dies, quo tu curiam ingressus  
 nunc singulos, nunc universos adhortatus es resumere  
 libertatem, capessere quasi communis imperii curas,  
 3 invigilare publicis utilitatibus et insurgere. Omnes  
 ante te eadem ista dixerunt, nemini tamen ante te cre- 10  
 ditum est. Erant sub oculis naufragia multorum, quos  
 insidiosa tranquillitate provectos improvisus turbo per-  
 culerat. Quod enim tam infidum mare quam blanditiae  
 principum illorum, quibus tanta levitas, tanta fraus, ut  
 facilius esset iratos quam propitios habere? Te vero 15  
 4 securi et alacres, quo vocas, sequimur. Iubes esse li-  
 beros; erimus; iubes, quae sentimus, promere in medium;  
 proferemus. Neque enim adhuc ignavia quadam et  
 insito torpore cessavimus; terror et metus et misera  
 illa ex periculis facta prudentia monebat, ut a re pu- 20  
 blica (nulla erat autem omnino res publica) oculos,  
 5 aures, animos averteremus. At nunc tua dextera tuis-  
 que promissis freti et innixi obsaepta diutina servitute  
 ora reseramus frenatamque tot malis linguam resolvimus.  
 Vis enim tales esse nos, quales iubes, nihilque 25  
 exhortationibus tuis fucatum, nihil subdolum, nihil  
 denique, quod credentem fallere paret non sine peri-  
 culo fallentis. Neque enim umquam deceptus est  
 princeps, nisi qui prius ipse decepit.
- 67 Equidem hunc parentis publici sensum cum ex 30  
 oratione eius tum pronuntiatione ipsa perspexisse vi-

1 transilui *A V, K.* (transsilui *K. I.*), transilivi *BC, Baehr.*  
*Cf. 73. 2.* 15 felicius *Lips.*, securius *Baehr.* 21 nulla erat  
 autem *dett. codd.* (nulla aut. erat, erat autem om. nulla *all.*), *K.*,  
 erat autem *M.*, aberat autem *Baehr.* 22 dextera *codd.*, *Baehr.*,  
 dextra *K.* 23 obsepta *K.* 26 nihil denique *K. diss. I 14,*  
*Baehr.*, denique nihil *K. I ex suo A,* denique om. *M, K. II.*

deor. Quae enim illa gravitas sententiarum, quam inaf-  
fectata veritas verborum, quae adseveratio in voce,  
quae affirmatio in vultu, quanta in oculis, habitu, ge-  
stu, toto denique corpore fides! Tenebit ergo semper, 2  
5 quid suaserit, scietque nos, quotiens libertatem, quam  
dedit, experiemur, sibi parere. Nec verendum est, ne 3  
incautos putet, si fidelitate temporum constanter uta-  
mur, quos meminit sub malo principe aliter vixisse.  
Nuncupare vota et pro aeternitate imperii et pro sa-  
10 lute principum, immo pro salute principum ac propter  
illos pro aeternitate imperii solebamus. Haec pro im- 4  
peratore nostro in quae sint verba suscepta, operae  
pretium est adnotare: 'Si bene rem publicam et ex  
utilitate omnium . . .'. Digna vota, quae semper sus-  
15 cipiantur semperque solvantur. Egit cum dis ipso te 5  
auctore, Caesar, res publica, ut te sospitem incolumem-  
que praestarent, si tu ceteros praestitisses; si contra,  
illi quoque a custodia tui capitis oculos dimoverent  
teque relinquerent votis, quae non palam susciperentur.  
20 Alii se superstites rei publicae optabant faciebantque, 6  
tibi salus tua invisita est, si non sit cum rei publicae  
salute coniuncta. Nihil pro te pateris optari, nisi ex-  
pediat optantibus, omnibusque annis in consilium de  
te deos mittis exisquisque, ut sententiam suam mutent,  
25 si talis esse desieris, qualis electus es. Sed ingenti 7  
conscientia, Caesar, quasi pacisceris cum dis, ut te, si  
merueris, servent, cum scias, an merearis, neminem  
magis quam deos scire. Nonne vobis, patres conscripti, 8  
haec diebus ac noctibus agitare secum videtur: 'Ego  
30 quidem in me, si omnium utilitas ita posceret, etiam  
praefecti manum armavi; sed ne deorum quidem aut

1 quae quam *ex suo Monac. K.II.* 2 verborum! tum  
quae *Baehr.*, verbo rerum quae *v. que codd.* 11 imperatore  
*Periz., Gesn., K.II, Baehr.*, imperio *vulg., K.I.* 14 rexeris  
*ex antiq. edd. add. K.I.* 25 tu talis esse *Baehr.*, tulisse *codd.*  
— *el. es, et ing. Baehr. probab.* 26 quasi *Baehr.*, qua *codd.,*  
*om. vulg.* 27 merueris *K.II, Baehr., mereberis codd., K.I.*

iram aut negligentiam deprecor; quaeso immo et ob-  
 testor, ne umquam pro me vota res publica invita  
 68 suscipiat aut, si susceperit invita, ne debeat? Capis  
 ergo, Caesar, salutis tuae gloriosissimum fructum ex  
 consensu deorum. Nam, cum excipias, ut ita demum 5  
 te dei servent, si bene rem publicam et ex utilitate  
 omnium rexeris, certus es bene te rem publicam regere,  
 2 cum servent. Itaque securus tibi et laetus dies exit,  
 qui principes alios cura et metu distinebat, cum sus-  
 pensis et attoniti parumque confisi patientia nostra 10  
 hinc atque inde publicae servitutis nuntios expectarent.  
 3 Ac, si forte aliquos flumina, nives, venti praepedissent,  
 statim hoc illud esse credebant, quod verebantur; nec  
 erat discrimen ullum pavoris, propterea quod, cum a  
 malo principe tamquam successor timeatur, quisquis 15  
 est dignior, cum sit nemo non dignior, omnes timen-  
 4 tur. Tuam securitatem non mora nuntiorum, non lit-  
 terarum tarditas differt. Scis tibi ubique iurari, cum  
 ipse iuraveris omnibus. Nemo hoc non sibi praestat.  
 5 Amamus quidem te, in quantum mereris; istud tamen 20  
 non tui facimus amore, sed nostri, nec umquam illu-  
 cescat dies, quo pro te nuncupet vota non utilitas  
 6 nostra, sed fides, Caesar. Turpis tutela principis, cui  
 potest imputari. Queri libet, quod in secreta nostra  
 7 non inquirant principes, nisi quos odimus. Nam, si 25  
 eadem cura bonis ac malis esset, quam ubique admi-  
 rationem tui, quod gaudium exultationemque deprehen-  
 deres, quos omnium cum coniugibus ac liberis, quos  
 etiam cum domesticis aris focusque sermones! Scires  
 mollissimis istis auribus parci. Et alioqui, cum sint 30  
 odium amorque contraria, hoc perquam simile habent,  
 quod ibi intemperantius amamus bonos principes, ubi  
 liberius malos odimus.

6 dii K.I, di K.II. 7 bene te K.II, *Bachr. e suis codd.*  
*praeter C*, te bene C, K.I. 18 vereb. *Bachr.*, mer. *vulg.* 19  
*sibi non unus Baehrensi* W, Keili A, K.I. 26 ac mal.  
*A(?) BW, Bachr.*, et mal. CV, K.II, quae mal. edd. ant., K.I.

Cepisti tamen et affectus nostri et iudicii experimen-  
 tum, quantum maximum praesens capere potuisti, illo  
 die, quo sollicitudini pudorique candidatorum ita con-  
 sultuisti, ne ullius gaudium alterius tristitia turbaret.  
 5 Alii cum laetitia, alii cum spe recesserunt, multis gra-  
 tulandum, nemo consolandus fuit. Nec ideo segnius 2  
 iuvenes nostros exhortatus es, senatum circumirent, se-  
 natui supplicarent atque ita a principe sperarent hono-  
 res, si a senatu petissent. Quo quidem in loco, si 3  
 10 quibus opus exemplo, adiecisti, ut te imitarentur. Ar-  
 duum, Caesar, exemplum, et quod imitari non magis  
 quisquam candidatorum quam principum possit. Quia  
 enim vel uno die reverentior senatus candidatus quam  
 tu cum omni vita tum illo ipso tempore, quo iudicas  
 15 de candidatis? An aliud a te quam senatus reverentia 4  
 obtinuit, ut iuvenibus clarissimae gentis debitum generi  
 honorem, sed ante quam deberetur, offerres? Tandem 5  
 ergo nobilitas non obscuratur, sed illustratur a prin-  
 cipe, tandem illos ingentium virorum nepotes, illos  
 20 posteros libertatis nec terret Caesar nec pavet, quin  
 immo festinatis honoribus amplificat atque auget et  
 maioribus suis reddit. Si quid usquam stirpis antiquae,  
 si quid residuae claritatis, hoc amplexatur et refovet  
 et in usum rei publicae promit. Sunt in honore ho- 6  
 25 minum et in ore famae magna nomina ex tenebris  
 oblivionis indulgentia Caesaris, cuius haec intentio  
 est, ut nobiles et conservet et efficiat.

Praefuerat provinciae quaestor unus ex candidatis 70  
 inque ea civitatis amplissimae reditus egregia consti-  
 30 tutione fundaverat. Hoc senatui allegandum putasti. 2  
 Cur enim te principe, qui generis tui claritatem virtute  
 superasti, deterior esset condicio eorum, qui posteros

17 et anteq. *Bachr.* 22 maiores maioribus *Eusner Floeckis.*  
*ann.* 1886. 114. 26 ore *Liv., Bachr., Eusner,* honore *vulg.*  
 26 *Caes.* asserta *Bachr., extracta Lips.,* excitata ex tenebr.  
*coni. K. prob.* — haec intentio est *A.,* haec via *K. II., Bachr.,*  
*haec (hec, hoc) cett. codd.,* hoc est *Schwarz, K. I.*

habere nobiles mererentur, quam eorum, qui parentes habuissent? O te dignum, qui de magistratibus nostris semper haec nunties nec poenis malorum, sed bonorum  
 3 praemiis bonos facias! Accensa est iuventus erexitque animos ad aemulandum, quod laudari videbat, nec fuit  
 5 quisquam, quem non haec cogitatio subiret, cum scires, quidquid a quoque in provinciis bene fieret, omnia te  
 7 scire. Utile est, Caesar, et salutare praesidibus provinciarum hanc habere fiduciam, paratum esse sanctitati et industriae suae maximum praemium, iudicium prin-  
 10 cipis, suffragium principis. Adhuc autem quamlibet sincera rectaque ingenia, etsi non detorquebat, hebe-  
 12 tabat tamen misera, sed vera reputatio, † vides enim: si quid bene fecero, sciet Caesar? aut, si scierit, testi-  
 14 monium reddet? Ita eadem illa seu neglegentia seu 15 malignitas principum, cum male consultis impunitatem, recte factis nullum praemium polliceretur, nec illos a  
 17 crimine et hos deterrebat a laude. At nunc, si bene aliquis provinciam rexerit, huic quaesita virtute dignitas offertur. Patet enim omnibus honoris et gloriae campus. 20  
 Ex hoc quisque, quod concupiit, petat et assecutus sibi debeat. Provinciis quoque in posterum et iniuriarum metum et accusandi necessitatem remisisti. Nam, si profuerint, quibus gratias egerint, de nullo queri cogentur. Decet alioquin nihil magis prodesse candi-  
 22 dato ad sequentes honores quam peractos. Optime  
 24 magistratus magistratu, honore honor petitur. Volo ego, qui provinciam rexerit, non tantum codicillos amicorum nec urbana coniuratione eblanditis preces, sed decreta coloniarum, decreta civitatum alleget. Bene 30  
 suffragiis consularium virorum urbes, populi, gentes inseruntur. Efficacissimum pro candidato genus est ro-

6 scires *K. II*, sciret *vulg.*, [cum sciret] *Baehr.* 9 sanct. suae, ind. *Baehr.* 13 multi multa coniecerunt, nihil mutat *Schnelle 27*, cui rest? num si *Baehr.* Quiescendi verbum subesse suspicor.  
 21 concupiit *A*, cupiit *B V W*, cupit *C*, edd. 25 Decet *Duebner*, *A. I.*, . . . et alioqui *K. II*, . . et alioquin (sic codd.) *Baehr.*

gandi gratias agere. Iam quo assensu senatus, quo 71  
gaudio exceptum est, cum candidatis, ut quemque nomi-  
naverat, osculo occurreres devexus quidem in planum  
et quasi unus ex gratulantibus! Te mirer magis an 2  
improbem illos, qui effecerunt, ut istud magnum vide-  
retur, cum velut adfixi curulibus suis manum tantum  
et hanc cunctanter et pigre et imputantibus similes  
promerent? Contigit ergo oculis nostris † ante facies, 3  
princeps aequatus candidatis et † simul stantis intueri  
10 parem accipientibus honorem, qui dabat. Quod factum 4  
tuum a cuncto senatu quam vera acclamatione celebra-  
tum est: 'Tanto maior, tanto augustior!' Nam, cui  
nihil ad augendum fastigium superest, hic uno modo  
crescere potest, si se ipse summittat securus magnitu-  
15 dinis suae. Neque enim ab ullo periculo fortuna prin-  
cipum longius abest quam humilitatis. Mihi quidem  
non tam humanitas tua quam intentio eius admirabilis  
videbatur. Quippe, cum orationi oculos, vocem, manum 6  
commodares, ut si alii eadem ista mandasses, omnes  
20 comitatus numeros obibas. Atque etiam, cum suffra-  
gatorum nomina honore, quo solent, exciperentur, tu  
quoque inter excipientes eras, et ex ore principis ille  
senatorius assensus audiebatur, quodque apud principem 7  
perhibere testimonium merentibus gaudebamus, perhi-  
25 bebatur a principe. Faciebas ergo, cum diceres opti-  
mos; nec ipsorum modo vita a te, sed iudicium sena-  
tus comprobabatur, ornarique se, non illos magis, quos  
laudabas, laetabatur.

Iam, quod precatus es, ut illa ipsa ordinatio comi- 72

8 insolita ante *vulg. edd. post Iuntin*; invisita ante *Baehr.*  
C. 35. 1 est memoranda facies. 9 princeps aequatus candidatis  
*Schwarz, K. II*, pr. cand. aeq. *Baehr.*, pr. equitus candidatus  
*A W*, pr. candidatus equitus *BCV*, — simul stans; *contigit*  
intueri *K. II*, similis sectantis; *licuit* intueri *Baehr.*, principem  
aequatam candidatis et simul stantem intueri *K. I*, simulatus  
intuenti *v. sim.* ? 10 accipientibus qui honorem *Livin.*, *Baehr.*  
20 nomina suffr. *Schaefer, K. I*. 21 ornari qui se *Schwarz.*, qui  
orn. se *Baehr.* 29 Iam *Hearn.*, *K. II*, *Baehr.*, Nam codd., *vulg.*

tiorum bene ac feliciter eveniret nobis, rei publicae, tibi, nonne tale est, ut nos hunc ordinem votorum convertere debeamus deosque obsecrare, ut omnia, quae facis, quaeque facies, prospere cedant tibi, rei publicae, nobis, vel, si brevius sit optandum, ut uni tibi, in quo  
 2 et res publica et nos sumus? Fuit tempus, ac nimium diu fuit, quo alia adversa, alia secunda principi et nobis; nunc communia tibi nobiscum tam laeta quam tristia, nec magis sine te nos esse felices quam tu sine  
 3 nobis potes. An, si posses, in fine votorum adiecisses, ut ita precibus tuis di annuerent, si iudicium nostrum mereri perseverasses? Adeo nihil tibi amore civium antiquius, ut ante a nobis, deinde a dis atque ita ab  
 4 illis amari velis, si a nobis ameris. Et sane priorum principum exitus docuit ne a dis quidem amari, nisi quos homines ament. Arduum erat has preces tuas  
 5 laudibus adaequare; adaequavimus tamen. Qui amoris ardor, qui stimuli, quae facies illas nobis exclamationes subiecerunt! Non nostri, Caesar, ingenii, sed tuae virtutis tuorumque meritorum voces fuerunt, quas nulla  
 6 umquam adulatio invenit, nullus cuiusquam terror expressit. Quem sic timuimus, ut haec fingeremus? quem sic amavimus, ut haec fateremur? Nosti necessitatem servitutis; ecquando simile aliquid audisti, ecquando  
 7 dixisti? Multa quidem excogitat metus, sed quae appareant quaesita ab invitis. Aliud sollicitudinis, aliud securitatis ingenium est; alia tristium inventio, alia gaudentium; neutrum simulationes expresserint. Habent  
 8 sua verba miseri, sua verba felices, utque iam maxime  
 9 eadem ab utrisque dicantur, aliter dicuntur. Testis ipse es, quae in omnium ore laetitia. Non amictus cuiquam, non habitus, quem modo extulerat. Inde resultantia  
 10 vocibus tecta, nihilque tantis clamoribus satis clausum.

3 deosque *Livii*, *Burkh.* 176 sq., eos v. deos denique (*sic K.I.*) v. eosdemque *codd.*, deosque enixe *Baehr.* 29 atqui iam max. — dicuntur *del.* aliter dicuntur *Baehr.* 31 es. Quae in *omn.* o. laetitia! *Mad. adv.* III 221.

Quis tunc non e vestigio suo exiluit? quis exiluisse se 2  
 sensit? Multa fecimus sponte, plura instinctu quodam  
 et imperio; nam gaudio quoque cogendi vis inest. Num 3  
 ergo modum ei tua saltem modestia inposuit? Non,  
 5 quanto magis a te reprimebatur, exarsimus? non con-  
 tumacia, Caesar; sed, ut in tua potestate est, an gaude-  
 amus, ita, in quantum, nec in nostra. Comprobasti et 4  
 ipse acclamationum nostrarum fidem lacrimarum tu-  
 arum veritate. Vidimus humescentes oculos tuos demis-  
 10 sumque gaudio vultum tantumque sanguinis in ore  
 quantum in animo pudoris. Atque hoc magis incensi 5  
 sumus, ut precaremur, ne quando tibi non eadem causa  
 lacrimarum, utque numquam frontem tuam . . . . Hoc 6  
 ipsum has sedes nos quasi responsuras interrogemus,  
 15 viderintne umquam principis lacrimas. At senatus saepe  
 viderunt. Onerasti futuros principes, sed et posteros  
 nostros. Nam et hi a principibus suis exigent, ut eadem  
 audire mereantur, et illi, quod non audiant, indigna-  
 buntur. Nihil magis possum proprie dicere, quam quod 74  
 20 dictum est a cuncto senatu: 'O te felicem'! Quod  
 cum diceremus, non opes tuas, sed animum mirabamur.  
 Ea enim demum vera felicitas, felicitate dignum videri.  
 Sed, cum multa illo die dicta sunt sapienter et graviter 2  
 tum vel in primis: 'Crede nobis, crede tibi'. Magna  
 25 hoc fiducia nostri, maiore tamen tui diximus. Alius  
 enim fortasse alium, ipsum se nemo deceperit, intro-  
 spiciat modo vitam seque, quid mereatur, interroget.  
 Proinde dabat vocibus nostris fidem apud optimum  
 principem, quod apud malos detrahebat. Quamvis enim  
 30 faceremus, quae amantes solent, illi tamen non amari  
 se credebant sibi. Super haec precati sumus, ut sic te 4  
 amarent di quem ad modum tu nos. Quis hoc aut de  
 se aut principi diceret mediocriter amanti? Pro nobis  
 ipsis quidem haec fuit summa votorum, ut nos sic

1 se *add. Madv.* 4 saltim *Baehr.* 9 umesc. *K.* 19  
 pro re *Baehr.* 22 Ea enim conî. *K.*, scr. Est enim cum  
*vulg., est enim haec Baehr.*



amarent di quo modo tu. Estne verum, quod inter ista clamavimus: 'O nos felices'? Quid enim felicius nobis, quibus non iam illud optandum est, ut nos diligat princeps, sed *ut* di quem ad modum princeps? Civitas religionibus dedita semperque deorum indulgentiam pietate merita nihil felicitati suae putat astrui posse, nisi ut di Caesarem imitentur.

75 Sed quid singula consector et colligo? quasi vero aut oratione complecti aut memoria consequi possim, quae vos, patres conscripti, ne qua interciperet oblivio, et in publica acta mittenda et incidenda in aere censuistis. Ante orationes principum tantum eius modi genere monumentorum mandari aeternitati solebant, acclamationes quidem nostrae parietibus curiae claudiebantur. Erant enim, quibus nec senatus gloriari nec principes possent. Has vero et in vulgus exire et posteris prodi cum ex utilitate tum ex dignitate publica fuit, primum ut orbis terrarum pietatis nostrae adhiberetur testis et conscius, deinde ut manifestum esset audere nos de bonis malisque principibus non tantum post ipsos iudicare, postremo ut experimento cognosceretur et ante nos gratos, sed miseros fuisse, quibus esse nos gratos probare antea non licuit. At qua contentione, quo nisu, quibus clamoribus expostulatum est, ne affectus nostros, ne tua merita supprimeres, denique ut in posterum exemplo provideres! Discant et principes acclamationes veras falsasque discernere habeantque muneris tui, quod iam decipi non poterunt. Non instruendum illis iter ad bonam famam, sed non deserendum, non submovenda adulatio, sed non reducenda est. Certum est, et quae facere et quae debeant audire, si faciant. Quid nunc ego super ea, quae sum cum toto senatu precatus, pro senatu precer, nisi ut haereat animo tuo gaudium, quod tunc oculis protulisti, ames

4 ut *add. K. II, Baehr.* 12 Ante te comi. Keil. prob.  
22 *mis. eos Baehr.* 29 struend. ?

illum diem, et tamen vincas, nova merearis, nova audias? eadem enim dici nisi *ob eadem* facta non possunt.

Iam quam antiquum, quam consulare, quod triduum <sup>76</sup> totum senatus sub exemplo patientiae tuae sedit, cum  
<sup>5</sup> interea nihil praeter consulem ageres! Interrogatus *cen-* 2  
sui quisque, quod placuit; *licuit* dissentire, discedere  
et copiam iudicii sui rei publicae facere; consulti  
omnes atque etiam dinumerati sumus, vicitque sen-  
tentia non prima, sed melior. At quis antea loqui, <sup>3</sup>  
<sup>10</sup> quis hiscere audebat praeter miseros illos, qui primi  
interrogabantur? Ceteri quidem defixi et attoniti ipsam  
illam mutam ac sedentariam assentiendi necessitatem  
quo cum dolore animi, quo cum totius corporis hor-  
rore perpetiebantur! Unus solusque censebat, quod se <sup>4</sup>  
<sup>15</sup> quarentur omnes et omnes improbarent, in primis ipse,  
qui censuerat. Adeo nulla magis omnibus displicent,  
quam quae sic fiunt, tamquam omnibus placeant. For- <sup>5</sup>  
tasse imperator in senatu ad reverentiam eius compo-  
nebatur; ceterum egressus statim se recipiebat in prin-  
<sup>20</sup> cipem omniaque consularia officia abicere, neglegere,  
contemnere solebat. Ille vero ita consul, ut si tantum <sup>6</sup>  
consul foret, nihil infra se putabat, nisi quod infra  
consulem esset. Ac primum ita domo progrediebatur, <sup>7</sup>  
ut illum nullus apparatus arrogantiae principalis, nul-  
<sup>25</sup> lus praecursorum tumultus detineret. Una erat in li-  
mine mora consultare aves revererique numinum mo-  
nitus. Nemo proturbabatur, nemo submovebatur; tanta <sup>8</sup>  
viatoribus quies, tantus pudor fascibus, ut plerumque  
aliena turba subsistere et consulem et principem coge-  
<sup>30</sup> ret. Ipsius quidem officium tam modicum, tam tem-  
peratum, ut antiquus aliquis magnusque consul sub

2 *ob eadem add. Catan., K. I, II coni.* nisi facta sint eadem, ed.  
facta . . . facta nova assunt *Baehr.* 4 patientiae tuae *A, Cusp.*,  
tui (*v. tuo*) *rell., edd.* 5 interrogatus censuit *scr.*, interrogavit  
*codd., vulg.*, interrogatus oravit *Baehr.* 6 *licuit add. Haupt*  
*ind. Ber. aest. 1866. 12, Baehr.*, . . . dissentire *K. II coni.*: interro-  
gatus — placuit sentiebat, *licuit dissent., K. I* facere tutum fuit.

- bono principe incedere videretur. Iter illi saepius in  
 77 forum, frequenter tamen et in campum. Nam comitia  
 consulum obibat ipse; tantum ex renuntiatione eorum  
 voluptatis quantum prius ex destinatione capiebat.
- 2 Stabant candidati ante curulem principis, ut ipse ante 5  
 consulis steterat, adigebanturque in verba, in quae  
 paulo ante ipse iuraverat princeps, qui tantum putat  
 esse in iure iurando, ut illud et ab aliis exigat. Reliqua  
 3 pars diei tribunali dabatur. Ibi vero quanta religio  
 aequitatis, quanta legum reverentia! Adibat aliquis ut 10  
 principem; respondebat se consulem esse. Nullius ab  
 eo magistratus ius, nullius auctoritas imminuta est,  
 aucta etiam, siquidem pleraque ad praetores remittebat,  
 atque ita ut collegas vocaret, non quia populare gra-  
 5 tumque audientibus, sed quia ita sentiebat. Tantum 15  
 dignationis in ipso honore ponebat, ut non amplius  
 esse censeret, quod aliquis collega appellaretur a prin-  
 cipe, quam quod praetor esset. Ad hoc tam assiduum  
 6 in tribunali, ut labore refici ac reparari videretur. Quis  
 nostrum idem curae, idem sudoris insumit? quis adeo 20  
 7 expetitis honoribus aut deservit aut sufficit? Et sane  
 aequum est tantum ceteris praestare consulibus ipsum,  
 qui consules facit. Quippe etiam fortuna videatur in-  
 dignum, si possit honores dare, qui gerere non possit.
- 8 Facturus consules doceat accepturisque amplissimum 25  
 honorem persuadeat scire se, quid sit, quod dabit. Sic  
 fit, ut illi quoque sciant, quid acceperint.
- 78 Quo iustius senatus, ut susciperes quantum consu-  
 latum, et rogavit et iussit. Imperii hoc verbum, non  
 adulationis esse obsequio tuo crede, quod non alia in 30  
 re magis aut senatus exigere a te aut tu praestare se-  
 2 natui debes. Ut enim ceterorum hominum ita principum,  
 illorum etiam, qui di sibi videntur, aevum omne et

23 videatur—possit—possit *Madv. ad. III 221*, videba-  
 tar—posset—posset *vulg.*, possit—possit *partim codd.*, pos-  
 sit—posset *Baehrensi* *mel.* omnes. 31 tu tamq. iussit. *K. II*,  
*Baehr.*, habet *A.* 33 sibi dii *A.*

breve et fragile est. Itaque optimum quemque niti et contendere decet, ut post se quoque rei publicae prosit, moderationis scilicet iustitiaeque monumentis, quae plurima statuere consul potest. Haec nempe intentio 3  
 5 tua, ut libertatem revoces ac reducas. Quem ergo honorem magis amare, quod nomen usurpare saepius debes, quam quod primum invenit recuperata libertas? Non est minus civile et principem esse pariter et con- 4  
 sulem quam tantum consulem. Habe etiam rationem 5  
 10 verecundiae collegarum tuorum, collegarum inquam; ita enim et ipse loqueris et nos loqui vis. Onerosa 6  
 erit modestiae illorum tertii consulatus sui recordatio, donec te saepius consulem videant. Neque enim potest non nimium esse privatis, quod principi satis est.  
 15 Adnuas, Caesar, optantibus, quibusque apud deos adesse consuesti, quorum potes ipse votorum, compotes facias. Tibi fortasse sufficiat tertius consulatus, sed nobis tanto 79  
 minus sufficit. Ille nos instituit et induxit, ut te iterum iterumque consulem habere cupiamus. Remissius istud 2  
 20 contenderemus, si adhuc nesciremus, qualis esses futurus. Tolerabilius fuit experimentum tui nobis quam usum negari. Dabitarne rursus videre consulem illum? 3  
 Audiet, reddet quas proxime voces praestabitque gaudium, quantum ipse percipiet? Praesidebit laetitiae  
 25 publicae auctor eius et causa temptabitque affectus nostros, ut solet, cohibere? non poterit. Erit pietati senatus cum modestia principis felix speciosumque certamen, seu fuerit victa seu vicerit. Equidem incognitam quandam proximaque maiorem praesumo laetitiam. Quis  
 30 enim est tam imbecilli ingenii, qui non tanto meliorem consulem speret, quanto saepius fuerit? Alius se a 5

9 Habe *Livin.*, *K. II*, *Baehr.*, Habes *codd.*, *vulg.* 20 nescir. *R.*, *K. II* (*ind. p. XII*), *Baehr.*, non scir. *vulg.* 26 non *RA*, *Baehr.*, nec poterit? *dett. codd.*, *K.* — Erit *Lips.*, *Baehr.* 30 imbecilli ingenii *A*, imbecilli ingenio *vulg. vet.*, *Baehr.*, imbecilli modicello, modicilli, indocili *codd.* (*v. ep. I 12. 12, III 19. 6, IV 7. 4, 17. 6*), imbecillo ingenio *K.* 31 se a continuo labore et si *R.*, *K. II* (*ind. p. IX sq.*), *Baehr.*, Alius labores si cett. *codd.*, *vulg.*

continuo labore, etsi non desidia ac voluptatibus dedisset, otio tamen et quiete recreasset, hic consularibus curis exsolutus principales resumpsit tam diligens temperamenti, ut nec consulis officium princeps nec principis  
 6 consul adpeteret. Videmus, ut provinciarum desideriiis, 5  
 ut singularum etiam civitatum precibus occurrat. Nulla in audiendo difficultas, nulla in respondendo mora. Adeunt statim, dimittuntur statim, tandemque principis  
 80 fores exclusa legationum turba non obsidet. Quid? in  
 omnibus cognitionibus quam mitis severitas, quam non 10  
 dissoluta clementia! Non tu locupletando fisco operatus sedes, nec aliud tibi sententiae tuae pretium quam  
 2 bene iudicasse. Stant ante te litigatores non de fortunis suis, sed de tua existimatione solliciti nec tam verentur, quid de causa sua quam quid de moribus 15  
 3 sentias. O veras principis atque etiam dei curas reconciliare aemulas civitates tumentesque populos non im-  
 4 perio magis quam ratione compescere, intercedere iniquitatibus magistratuum infectumque reddere, quidquid fieri non oportuerit, postremo velocissimi sideris more 20  
 omnia invisere, omnia audire et undecumque invocatum  
 5 statim velut *numen* adesse et assistere! Talia esse crediderim, quae ille mundi parens temperat nutu, si quando oculos demisit in terras et fata mortalium inter  
 6 divina opera numerare dignatus est; qua nunc parte 25  
 liber solutusque tantum caelo vacat, postquam te dedit, qui erga omne hominum genus vice sua fungereris. Fungeris enim sufficisque mandanti, cum tibi dies omnis summa cum utilitate nostra, summa cum tua laude condatur.

30

1 voluptati *vulg.*, K. I, *Baehr.*, voluntatibus R. 6 civitatum R, *Baehr.*, alibi nusq. nisi VIII 24. 2 et 7, X 114. 1, 115 bis a. 11 clementia tua K. ind. p. X. — Non tu loc. f. operatus R, K. II (ind. p. X), *Baehr.*, tu et operatus om. *rell.*, K. I. 16 O veras princ. atq. et. dei curas K. II (ind. p. Xsq.), *Baehr.*, o veras princ. atque . . . R, o vere pr. atq. et. decoris *rell. codd.*, — atq. etiam consulis *Catan.*, K. I. 22 numen *vett. edd.*, K. I, *Baehr.*, om. K. II. 23 ille A, ipse *vulg.*

Quodsi quando cum influentibus negotiis paria fe-81  
 cisti, instar refectionis existimas mutationem laboris.  
 Quae enim remissio tibi nisi lustrare saltus, excutere  
 cubilibus feras, superare immensa montium iuga et hor-  
 5 rentibus scopulis gradum inferre nullius manu, nullius  
 vestigio adiutum atque inter haec pia mente adire lu-  
 cos et occurrere numinibus? Olim haec experientia 2  
 iuventutis, haec voluptas erat, his artibus futuri duces  
 imbuebantur, certare cum fugacibus feris cursu, cum  
 10 audacibus robore, cum callidis astu; nec mediocre pacis  
 decus habebatur submota campis irruptio ferarum et  
 obsidione quadam liberatus agrestium labor. Usurpa- 3  
 bant gloriam istam illi quoque principes, qui obire non  
 poterant; usurpabant autem ita, ut domitas fractasque  
 15 claustris feras ac deinde in ipsorum quidem ludibrium  
 emissas mentita sagacitate colligerent. Huic par capiendi  
 quaerendique sudor summusque et idem gratissimus  
 labor invenire. Enimvero, si quando placuit idem cor- 4  
 poris robur in maria proferre, non ille fluitantia vela  
 20 aut oculis sequitur aut manibus, sed nunc gubernaculis  
 assidet, nunc cum valentissimo quoque sodalium certat  
 frangere fluctus, domitare ventos reluctantis remisque  
 transfretare obstantia freta quantum dissimilis illi, qui  
 non Albani lacus otium Baianique torporem et silen-82  
 25 tium ferre, non pulsum saltem fragoremque remorum  
 perpeti poterat, quin ad singulos ictus turpi formidine  
 horresceret! Itaque procul ab omni sono inconcussus 2  
 ipse et immotus religato revinctoque navigio non secus  
 ac piaculum aliquod trahebatur. Foeda facies, cum populi 3  
 30 Romani imperator alienum cursum alienumque rectorem  
 velut capta nave sequeretur. Nec deformitate ista sal-  
 tem flumina carebant, atque etiam Danubius ac Rhenus 4

14 ita habet *A*, tamq. *insit. edd.* 23 transfretare *Catan.*,  
 transferre *codd.*, transilire *K.*, transnare *Baehr.*, transforare ?  
 25 et 31 saltim *Baehr.* 28 et iam immotus *Baehr.*, etiam  
 motus *codd.* 31 ista *extera Baehr.* 32 atqui etiam *Danubius*  
*Baehr.* — Rhen. ostentum illum nostri *Baehr.*

tantum illud nostri dedecoris vehere gaudebant non  
 minore cum pudore imperii, quod haec Romanae aquilae,  
 Romana signa, Romana denique ripa, quam quod  
 5 hostium prospectaret, hostium, quibus moris est eadem  
 illa nunc rigentia gelu flumina aut campis superfusa, 5  
 nunc liquida ac deferentia lustrare navigiis nandoque  
 6 superare. Nec vero per se magnopere laudaverim du-  
 ritiam corporis ac lacertorum; sed, si his validior toto  
 corpore animus imperitet, quem non fortunae indul-  
 gentia emolliat, nec copiae principales ad segnitiam 10  
 luxumque detorqueant, tunc ego, seu montibus seu mari  
 exerceatur, et laetum opere corpus et crescentia labori-  
 7 bus membra mirabor. Video enim iam inde antiquitus  
 maritos dearum ac deorum liberos . . . nec dignitate  
 8 nuptiarum magis quam his artibus inclaruisset. Simul 15  
 cogito, cum sint ista ludus et avocamentum, quae quan-  
 taeque sint huius curae seriae et intentae, et a quibus  
 se in tale otium recipit. Voluptates sunt enim, volu-  
 ptates, quibus optime de cuiusque gravitate, sanctitate,  
 9 temperantia creditur. Nam quis adeo dissolutus, cuius 20  
 non occupationibus aliqua species severitatis inseat?  
 Otio prodimur. An non plerique principes hoc idem tem-  
 pus in aleam, stupra, luxum conferebant, cum seriarum  
 laxamenta curarum vitiorum contentione supplerent?  
 83 Habet hoc primum magna fortuna, quod nihil tectum, 25  
 nihil occultum esse patitur; principum vero non domus  
 modo, sed cubacula ipsa intimosque secessus recludit  
 omniaque arcana noscenda famae proponit atque ex-  
 plicat. Sed tibi, Caesar, nihil accommodatius fuerit ad

4 hostium *turba* Baehr. 6 defer. *plaustris* Baehr. 7  
 per se magnop. laud. A, laud. per se magnop. (magno op. K.)  
*vulg.* 10 emoll. Baehr. p. XXV, indulgentie moll. A, ind.  
 molliat *vulg.* — nec A, non *vulg.* 14 nec divinitate parentum  
*add. Schnelle* 30 cf. 11. 4. 16 cuius sint Baehr. — quae quan-  
 taeque sint huius curae ser. *scr.*, que quantaque sint huius ille  
*serie* A, *avoc.* huius . . . illae seriae K., Baehr., *avoc.*, cuius  
*modi* sint illa seria *Madv. adv.* III. 221sq. 28 domus modo  
 A, m. domus Baehr., m. domos K.

gloriam quam penitus inspicī. Sunt quidem praeclara, 2  
 quae in publicum profers, sed non minora ea, quae  
 limine tenes. Est magnificum, quod te ab omni con-  
 tagione vitiorum reprimis ac revocas, sed magnificen-  
 5 tius, quod tuos. Quanto enim magis arduum est alios 3  
 praestare quam se, tanto laudabilius, quod, cum ipse  
 sis optimus, omnes circa te similes tui effecisti. Multis 4  
 illustribus dedecori fuit aut inconsultius uxor assumpta  
 aut retenta patientius; ita foris claros domestica de-  
 10 struebat infamia, et, ne maximi cives haberentur, hoc  
 efficiebat, quod mariti minores erant. Tibi uxor in 5  
 decus et gloriam cedit. Quid enim illa sanctius, quid  
 antiquius? Nonne, si pontifici maximo eligenda sit  
 coniunx, aut hanc aut similem (ubi est autem similis?)  
 15 elegerit? Quam illa nihil sibi ex fortuna tua nisi gau- 6  
 dium vindicat, quam constanter non potentiam tuam,  
 sed ipsum te reveretur! Idem estis invicem, quod fu-  
 istis, probati ex aequo, nihilque vobis felicitas addidit,  
 nisi quod scire coepistis, quam bene uterque vestrum  
 20 felicitatem ferat. Eadem quam modica cultu, quam 7  
 parca comitatu, quam civilis incessu! Mariti hoc opus,  
 qui ita imbuunt, ita instituit; nam uxori sufficit obsequii  
 gloria. An, cum videat, quam te nullus terror, nulla 8  
 comitetur ambitio, non et ipsa cum silentio incedat  
 25 ingredientemque pedibus maritum, in quantum patitur  
 sexus, imitetur? Decuerit hoc illam, etiamsi diversa  
 tu facias. Sub hac vero modestia viri quantam debet  
 verecundiam uxor marito, femina sibi! Soror autem 84  
 tua ut se sororem esse meminit! ut in illa tua simpli-  
 30 citas, tua veritas, tuus candor agnoscitur! ut, si quis  
 eam uxori tuae conferat, dubitare cogatur, utrum sit  
 efficacius ad recte vivendum bene institui an feliciter  
 nasci. Nihil est tam primum ad similitudines quam ae- 2  
 mulatio, in feminis praesertim; ea porro maxime na-  
 35 scitur ex coniunctione, alitur aequalitate, exardescit in-

7 fecisti A. 14 coniux K.II tac. 16 quam illa A.  
 34 maxime K.I, Baehr. e suis codd., om. K.II.



- 3 vidia, cuius finis est odium. Quo quidem admirabilius existimandum est, quod mulieribus duabus in una domo parique fortuna nullum certamen, nulla contentio est.
- 4 Suspiciunt invicem, invicem cedunt, cumque te utraque effusissime diligit, nihil sua putant interesse, utram tu 5 magis ames. Idem utrique propositum, idem tenor vitae, 5 nihilque, ex quo sentias duas esse. Te enim imitari, te subsequi student. Ideo utraque mores eosdem, quia utraque tuos habet. Inde moderatio, inde etiam perpetua securitas. Neque enim umquam periclitabuntur 10 esse privatae, quae non desierunt. Obtulerat illis senatus cognomen Augustarum, quod certatim deprecatae sunt, quam diu appellationem patris patriae tu recusasses, seu quod plus esse in eo iudicabant, si uxor 15 et soror tua quam si Augustae dicerentur. Sed, quae 15 cumque illis ratio tantam modestiam suasit, hoc magis dignae sunt, quae in animis nostris et sint et habeantur 8 augustae, quia non vocantur. Quid enim laudabilius feminis, quam si verum honorem non in splendore titulorum, sed in iudiciis hominum reponant magnisque 20 nominibus pares se faciant, et dum recusant?
- 85 Iam etiam in privatorum animis exoleverat priscum mortalium bonum, amicitia, cuius in locum migraverant adsentationes, blanditiae et peior odio amoris simulatio. Etenim in principum domo nomen tantum amicitiae 25 inane scilicet irrisumque remanebat. Nam qui poterat esse inter eos amicitia, quorum sibi alii domini, alii servi videbantur? Tu hanc pulsam et errantem re- 3 duxisti; habes amicos, quia amicus ipse es. Neque enim ut alia subiectis ita amor imperatur, neque est ullus 30 affectus tam erectus et liber et dominationis impatiens, 4 nec qui magis vices exigit. Potest fortasse princeps

13 seu quamdiu *Schnelle* p. 30. 14 vel quod *Baehr.* 15 dicentur . . . sed *K. II*, Seu quaec. *coni. mus. Rhen.* 1865. 156; sed v. 'Über den Gebrauch von sive' *Berl.* 1871. 28. 22 Iam et in *Livin., Baehr.*, iam etiam et in *codd.* 26 quae *K.* 27 domini alii *W., Baehr.* 32 princeps fort. *coni. K.*, scr. *Baehr.*

inique, potest tamen odio esse non nullis, etiamsi ipse  
 non oderit; amari, nisi ipse amet, non potest. Diligis 5  
 ergo, cum diligaris, et in eo, quod utrimque honestis-  
 simum est, tota gloria tua est; qui superior factus  
 10 descendis in omnia familiaritatis officia et in amicum  
 ex imperatore submitteris, immo tunc maxime impe-  
 rator, cum amicum agis. Etenim, cum plurimis ami- 6  
 citiis fortuna principum indigeat, praecipuum est prin-  
 cipis opus amicos parare. Placeat tibi semper haec 7  
 15 secta, et cum reliquas virtutes tuas tum hanc constan-  
 tissime teneas, nec umquam tibi persuadeatur humile  
 esse principi nisi odisse. Lucundissimum est in rebus  
 humanis amari, sed non minus amare. Quorum utroque  
 ita frueris, ut, cum ipse ardentissime diligas, adhuc  
 20 tamen ardentius diligaris, primum quia facilius est 8  
 unum amare quam multos, deinde quia tibi amicos tuos  
 obligandi adest facultas tanta, ut nemo te possit nisi  
 ingratus non magis amare. Operae pretium est referre, 86  
 quod tormentum tibi iniunxeris, ne quid amico negares.  
 25 Dimisisti optimum virum tibi que carissimum invitus  
 et tristis, et quasi retinere non posses. Quantum amares  
 eum, desiderio expertus es distractus separatusque, dum  
 cedis et vinceris. Ita, quod fando inauditum, cum prin- 2  
 ceptis et principis amicus diversa velletis, id potius fa-  
 30 ctum est, quod amicus volebat. O rem memoriae liti-  
 terisque mandandum! praefectum praetorio non ex  
 ingredientibus se, sed ex subtrahentibus legere eundem-  
 que otio, quod pertinaciter amet, reddere, cumque sis  
 ipse distentus imperii curis, non quietis gloria cuiquam  
 30 invidere. Intellegimus, Caesar, quantum tibi pro labo- 3

1 [potest] tamen *Baehr.* 6 imperatorem *K. II, Baehr.*,  
 imperator es *Livin.* 10 reliquas *R, K. II (ind. p. XII), Baehr.*,  
 alias *vulg.* 11 tibi *R, K. II, Baehr., om. cett.* 17 tanta  
 fac. inest *R, Schnelle p. 30; v. K. ind. p. IX.* 21 quantumque *R,*  
*Baehr.; v. K. ind. IX.* 27 ex *R, K. II, Baehr., e vulg.* 29  
 quietis gratiam '*vellet in codd. MSS. reperisset*' Schwarz, scr.  
*Baehr., gloria unus Keil d, K. II, gloriam vulg. Cf. ep. I 10. 12,*  
*II 10. 2, 20. 8, III 8. 2, VII 28. 2, IX 13. 5; Keil disp. II p. 6.*

riosa ista statione et exercita debeamus, cum otium a  
 te tamquam res optima et petatur et detur. Quam ego  
 audio confusionem tuam fuisse, cum digredientem pro-  
 sequeris! Prosecutus es enim nec temperasti tibi, quo  
 minus exeunti in litore amplexus, in litore osculum <sup>5</sup>  
 4 ferres. Stetit Caesar in illa amicitiae specula, stetit  
 precatusque est abeunti prona maria celeremque, si  
 tamen ipse voluisset, recursum nec sustinuit recedentem  
 5 non etiam atque etiam votis et lacrimis sequi. Nam  
 de liberalitate taceo. Quibus enim muneribus aequari <sup>10</sup>  
 haec cura principis, haec patientia potest, qua meruisti,  
 ut ille sibi nimium fortis ac prope durus videretur?  
 Nec dubito, quin agitaverit secum, an gubernacula re-  
 torqueret, et fecisset, nisi quod paene ipso contubernio  
 principis felicius iucundiusque est desiderare principem <sup>15</sup>  
 6 desiderantem. Et ille quidem ut maximo fructu sus-  
 cepti ita maiore depositi officii gloria fruitur, tu autem  
 facilitate ista consecutus es, ne quem retinere videaris  
 87 invitum. Civile hoc et parenti publico convenientissi-  
 mum, nihil cogere semperque meminisse nullam tantam <sup>20</sup>  
 potestatem cuiquam dari posse, ut non sit gratior po-  
 2 testate libertas. Dignus es, Caesar, qui officia mandes  
 deponere optantibus, qui petentibus vacationem invitus  
 quidem, sed tamen tribuas, qui ab amicis orantibus  
 requiem non te relinqui putes, qui semper invenias, et <sup>25</sup>  
 3 quos ex otio revoces et quos otio reddas. Vos quoque,  
 quos parens noster familiariter inspicere dignatur, fo-  
 vete iudicium eius, quod de vobis habet; hic vester  
 4 labor est. Princeps enim, cum in uno probavit amare  
 se scire, vacat culpa, si alios minus amat. Ipsum qui- <sup>30</sup>  
 dem quis mediocriter diligit, cum leges amandi non

4 es *in ras.* R, K. II, Baehr., *om. cett.* 5 ampl., in litore  
 osc. R, K. II, ampl., oscul. *vulg.* 7 est abeunti prona R,  
 K. II, Baehr., precatusque est prona K. I, *om. vulg.* 9 votis  
 et lacr. R, K. II (*ind. p. XI*), votis lacrimisque *dett. codd.*, votis,  
 lacr. *plur. codd.*, K. I, Baehr. 19 hoc erat *codd. praeter*  
*A et edd.*

det, sed accipiat? Hic praesens, ille mavult absens  
amari; uterque amatur, ut mavult; nemo in taedium prae-  
sentia, nemo in oblivionem absentia venit. Tenet quisque 5  
locum, quem semel meruit, faciliusque est, ut oculis  
eius vultus absentis quam ut animo caritas excidat.

Plerique principes, cum essent civium domini, liber- 88  
torum erant servi; horum consiliis, horum nutu rege-  
bantur, per hos audiebant, per hos loquebantur, per  
hos praeturae etiam et sacerdotia et consulatus, immo  
10 ab his petebantur. Tu libertis tuis summum quidem 2  
honorem, sed tamquam libertis habes abundeque suf-  
ficere his credis, si probi et frugi existimentur. Scis  
enim praecipuum esse indicium non magni principis  
magnos libertos. Ac primum neminem in usu habes 3  
15 nisi aut tibi aut patri tuo aut optimo cuique princi-  
pum dilectum spectatumque † hos ipsos cotidie, deinde  
ita formas, ut se non tua fortuna, sed sua metiantur;  
et tanto magis digni, quibus honor omnis praestetur  
a nobis, quia non est necesse. Iustisne de causis sena- 4  
20 tus populusque Romanus optimi tibi cognomen adiecit?  
Paratum id quidem et in medio positum, novum tamen.  
Scias neminem ante meruisse, quod non erat excogi-  
tandum, si quis meruisset. An satius fuit felicem vo- 5  
care? quod non moribus, sed fortunae datum est, satius  
25 magnum? cui plus invidiae quam pulchritudinis inest.  
Adoptavit te optimus princeps in suum, senatus in  
optimi nomen. Hoc tibi tam proprium quam paternum; 6  
nec magis distincte definiteque designat, qui Traianum  
quam qui optimum appellat, ut olim frugalitate Pisones,  
30 sapientia Laelii, pietate Metelli monstrabantur; quae  
simul omnia uno isto nomine continentur. Nec videri  
potest optimus, nisi qui est omnibus optimis in sua

2 amatur *Schaefer, Baehr.*, ametur *vulg.* 3 venit *dett. codd.*,  
*K. II, Baehr.*, veniat *vulg.*, *K. I.* 10 et ab his *codd. praeter A, edd.*  
12 iis *ex suo A K.* 16 spectatumque *Gesm., Baehr.*, statimque  
*codd., K.*, probatumque *Burkh.* p. 178sq. — † *add., cotidie; hos*  
*ipsos Baehr.*, deinde hos ita formas *Burkh.* 18 digni sunt *A.*

- 7 cuiusque laude praestantior. Merito tibi ergo post ce-  
teras appellationes haec est addita ut maior. Minus  
est enim imperatorem et Caesarem et Augustum quam  
omnibus imperatoribus et Caesaribus et Augustis esse  
8 meliorem. Ideoque ille parens hominum deorumque 5  
optimi prius, deinde maximi nomine colitur. Quo prae-  
clarior laus tua, quem non minus constat optimum  
9 esse quam maximum. Assecutus es nomen, quod ad  
alium transire non possit, nisi ut appareat in bono  
principi alienum, in malo falsum, quod licet omnes 10  
postea usurpent, semper tamen agnoscetur ut tuum.
- 10 Etenim, ut nomine Augusti admonemur eius, cui pri-  
mum dicatum est, ita haec optimi appellatio numquam  
memoriae hominum sine te recurret, quotiensque posteri  
nostri optimum aliquem vocare cogentur, totiens re- 15  
cordabuntur, quis meruerit vocari.
- 89 Quanto nunc, dive Nerva, gaudio frueris, cum vides  
et esse optimum et dici, quem tamquam optimum ele-  
gisti! quam laetum tibi, quod comparatus filio tuo vin-  
ceris! Neque enim alio magis approbatur animi tui 20  
magnitudo, quam quod optimus ipse non timuisti eli-  
gere meliorem. Sed et tu, pater Traiane, (nam tu  
quoque, si non sidera, proximam tamen sideribus ob-  
tines sedem) quantam percipis voluptatem, cum illum  
tribunum, illum militem tuum tantum imperatorem, 25  
tantum principem cernis cumque eo, qui adoptavit,  
amicissime contendis, pulchrius fuerit genuisse talem  
3 an elegisse! Macte uterque ingenti in rem publicam  
merito, cui hoc tantum boni contulistis! Licet alteri  
vestrum filii virtus triumphalia, caelum alteri dederit, 30  
non minor tamen vestra laus, quod ista per filium,  
quam si ipsi meruissetis.
- 90 Scio, patres conscripti, cum ceteros cives tum prae-  
cipue consules oportere sic affici, ut se publice magis  
2 quam privatim obligatos putent. Ut enim malos prin- 35

cipes rectius pulchriusque est ex communibus iniuriis  
 odisse quam propriis, ita boni speciosius amantur ob  
 ea, quae generi humano quam quae hominibus praestant.  
 Quia tamen in consuetudinem vertit, ut consules pu-  
 5 blica gratiarum actione perlata, suo quoque nomine  
 quantum debeant principi, profiteantur, concedite me  
 non pro me magis munere isto quam pro collega meo  
 Cornuto Tertullo, clarissimo viro, fungi. Cur enim non 4  
 pro illo quoque gratias agam, pro quo non minus de-  
 10 beo? praesertim cum indulgentissimus imperator in con-  
 cordia nostra ea praestiterit ambobus, quae si tantum  
 in alterum contulisset, ambos tamen aequaliter obli-  
 gasset. Utrumque nostrum ille optimi cuiusque spoliator 5  
 et carnifex stragibus amicorum et in proximum iacto  
 15 fulmine adflaverat. Isdem enim amicis gloriabamur,  
 eosdem amissos lugebamus, ac sicut *nunc* spes gaudi-  
 umque ita tunc communis nobis dolor et metus erat.  
 Habuerat hunc honorem periculis nostris divus Nerva, 6  
 ut nos, etsi minus ut bonos, promovere vellet, quia  
 20 mutati saeculi signum et hoc esset, quod florent,  
 quorum praecipuum votum ante fuerat, ut memoriae  
 principis elaberentur. Nondum biennium complevera-91  
 mus in officio laboriosissimo et maximo, cum tu nobis,  
 optime principum, fortissime imperatorum, consulatum  
 25 obtulisti, ut ad summum honorem gloria celeritatis ac-  
 cederet. Tantum inter te et illos principes interest, 2  
 qui beneficiis suis commendationem ex difficultate  
 captabant gratioresque accipientibus honores arbitra-  
 bantur, si prius illos desperatio et taedium et similis  
 30 repulsae mora in notam quandam pudoremque ver-  
 tissent. Obstat verecundia, quo minus percenseamus, 3  
 quo utrumque nostrum testimonio ornaris, ut amore  
 recti, amore rei publicae priscis illis consulibus aequa-  
 veris. Merito necne, neutram in partem decernere 4

5 peracta Ernest., perorata coni. Baehr., impr. Burkh. p. 179.  
 25 gratia celerit. Baehr. 29 desp. in taedium Baehr. 30  
 vertisset BV, Baehr.

audemus, quia nec fas est affirmationi tuae derogare  
 et onerosum confiteri vera esse, quae de nobis, prae-  
 5 sertim tam magnifica, dixisti. Tu tamen dignus es,  
 qui eos consules facias, de quibus ista possis praedicare.  
 Tribuas veniam, quod inter haec beneficia tua gratissi- 5  
 mum est nobis, quod nos rursus collegas esse voluisti.  
 6 Ita caritas mutua, ita congruens tenor vitae, ita una  
 eademque ratio propositi postulabat, cuius ea vis, ut  
 morum similitudo concordiae nostrae gloriam minuatur,  
 ac perinde sit. mirum, si alter nostrum a collega ac 10  
 7 si a se ipse dissentiat. Non ergo temporarium et su-  
 bitum est, quod uterque collegae consulatu tamquam  
 iterum suo gaudet, nisi quod tamen, qui rursus consules  
 fiunt, bis quidem, sed temporibus diversis obligantur,  
 nos duos consulatus accepimus simul, simul gerimus, 15  
 alterque in altero consules et iterum et pariter sumus.  
 92 Illud vero quam insigne, quod nobis praefectis ae-  
 rario consulatum ante quam successorem dedisti! Aucta  
 est dignitas dignitate, nec continuatus tantum, sed ge-  
 minatus est honor, finemque potestatis alterius, tamquam 20  
 2 parum esset excipere, praevenit altera. Tanta tibi inte-  
 gritatis nostrae fiducia fuit, ut non dubitares te salva  
 diligentiae tuae ratione facturum, si nos post maximum  
 officium privatos esse non sineres. Quid, quod eundem  
 in annum consulatum tuum et nostrum contulisti? Ergo 25  
 non alia nos pagina quam te consulem accipiet, et  
 nostra quoque nomina addentur fastis, quibus ipse  
 3 praescriberis. Tu comitiis nostris praesidere, tu nobis  
 sanctissimum illud carmen praeire dignatus es, tuo  
 iudicio consules facti, tua voce renuntiati sumus, ut 30

1 audemus *A*, audeamus *vulg.* — ne fas *A*. 15 accipimus  
*vett. edd.*, *K.I.* 16 consules et *Baehr. p. XXV*, cons. sed *A*,  
 consul sed *CW, K.*, consules *BV, Baehr.*, consules sed *Lips.*  
 21 altera ante praev. add. *Livin.*, *Baehr.*, post alterius *K.II.*  
 25 tuum et add. *Sauppe Phil. XXX 136, Baehr., Madv. adv.*  
*III 222*, in quem tuum consul., nostrum *Schnelle 30 cf. 61. 4.*  
 26 quam quae ex uno cod. *Paris. Schwarz, Baehr.*

idem honoribus nostris suffragator in curia, in campo  
 declarator existeres. Nam, quod ei nos potissimum 4  
 mensi attribuisti, quem tuus natalis exornat, quam  
 pulchrum nobis! quibus edicto, quibus spectaculo cele-  
 5 brare continget diem illum triplici gaudio laetum; qui  
 principem abstulit pessimum, dedit optimum, meliorem  
 optimo genuit. Nos sub oculis tuis augustior solito 5  
 currus accipiet, nos inter secunda omina et vota cer-  
 tantia, quae praesenti tibi conferentur, vehemur alacres  
 10 et incerti, ex utra parte maior auribus nostris accidat  
 clamor. Super omnia tamen praedicandum videtur, 93  
 quod pateris consules esse, quos fecisti; quippe nullum  
 periculum, nullus ex principe metus consulares animos  
 debilitat et frangit, nihil invitis audiendum, nihil co-  
 15 actis discernendum erit. Manet manebitque honori ve-  
 neratio sua, nec securitatem auctoritate perdemus. Ac, 2  
 si quid forte ex consulatus fastigio fuerit diminutum,  
 nostra haec erit culpa, non saeculi. Licet enim, quan-  
 tum ad principem, licet tales consules agere, quales  
 20 ante principes erant. Ullamne tibi pro beneficiis referre 3  
 gratiam parem possumus? nisi tamen illam, ut semper  
 nos meminerimus consules fuisse et consules tuos, ea  
 sentiamus, ea censeamus, quae consularibus digna sunt,  
 ita versemur in re publica, ut credamus esse rem pu-  
 25 blicam, nec consilium nostrum, non operam subtraha- 4  
 mus nec defunctos nos et quasi dimissos consulatu, sed  
 quasi astrictos et devinctos putemus eundemque locum  
 laboris et curae quem reverentiae dignitatisque teneamus.

In fine orationis praesides custodesque imperii divos 94  
 30 ego consul pro rebus humanis ac te praecipue, Capi-  
 toline Iuppiter, precor, ut beneficiis tuis faveas tantis-  
 que muneribus addas perpetuitatem. Audisti, quae malo 2

2 iam *K. II, Baehr.* — ei nos *Schwarz, K., Baehr.*, eos *codd.*  
 17 demin. *K. II tac., A.* 21 tantum *K.* 26 defunctos *codd.*,  
*K. II, Baehr.*, deiunctos *Duebn., K. I.* 29 divos (dives) *codd.*,  
*Baehr.*, deos *vulg., K.* 32 malo principi *ant. edd., K. I, Baehr.*,  
 malo principe *mell. codd.*, pro m. principe *dett. codd., K. II.*



principi precabamur, exaudi, quae pro dissimillimo optamus. Non te distringimus votis; non enim pacem, non concordiam, non securitatem, non opes oramus, non honores; simplex cunctaque ista complexum omnium votum est, salus principis. Nec vero novam tibi iniungimus curam. Tu enim iam tunc illum in tutelam recepisti, cum praedonis avidissimi faucibus eripuisti. Neque enim sine auxilio tuo, cum altissima quaeque quaterentur, hic, qui omnibus excelsior erat, inconcussus stetit. Praeteritus est a pessimo principe, qui praeteriri ab optimo non poterat. Tu clara iudicii tui signa misisti, cum proficiscenti ad exercitum tuo nomine, tuo honore cessisti. Tu voce imperatoris, quid sentires, locutus filium illi, nobis parentem, tibi pontificem maximum elegisti. Quo maiore fiducia isdem illis votis, quae ipse pro se nuncupari iubet, oro et obtestor, si bene rem publicam, si ex utilitate omnium regit, primum ut illum nepotibus nostris ac pronepotibus serves, deinde ut quandoque successorem ei tribuas, quem genuerit, quem formaverit similemque fecerit adoptato, aut, si hoc fato negatur, in consilio sis eligenti monstresque aliquem, quem adoptari in Capitolio deceat.

95 Vobis, patres conscripti, quantum debeam, publicis etiam monumentis continetur. Vos mihi in tribunatu quietis, in praetura modestiae, vos in istis etiam officiis, quae studiis nostris circa tuendos socios iniunxeratis, cum fidei tum constantiae antiquissimum testimonium perhibuistis. Vos proxime destinationem consulatus mei his acclamationibus approbavistis, ut intellegam etiam atque etiam enitendum mihi, ut hunc consensum

5 novam — curam *A*, *Cuspin.*, *Gierig*, novam *M*, nova *vulg.*  
 11 poterat *Keili cod. Mediol.*, *K.II*, *Baehr.*, poterit *pleriq. codd.*, potuit *vulg.*, *K.I*. 21 monstresque *pleriq. codd.*, *K.II*, *Baehr. tac.*, monstres *K.I ex suis Ad.* 24 monim. *Baehr.*  
 25 etiam officiis *A*, off. etiam *vulg.* 26 studiis *Madv. adv. III 222*, e studiis *pleriq. Keili codd.*, *K.*, et e stud. *AM*, ex stud. *Baehr.* 27 fidei *K.II cf. ep. III 9.23, I 7.2, II 9.4, V 13.2, Baehr., om. codd.*, cuncti const. *vulg.*, *K.I*.

vestrum complectar et teneam et in dies augeam.  
Etenim memini tunc verissime iudicari, meruerit quis 3  
honorem necne, cum adeptus est. Vos modo favete 4  
huic proposito et credite, si cursu quodam provectus  
5 ab illo insidiosissimo principe, ante quam profiteretur  
odium bonorum, postquam professus est, substiti, cum 5  
viderem, quae ad honores compendia paterent, longius  
iter malui, si malis temporibus inter maestos et pa-  
ventes, bonis inter securos gaudentesque numeror, si  
10 denique in tantum diligo optimum principem, in quan-  
tum invisus pessimo fui. Ego reverentiae vestrae sic 6  
semper inserviam, non ut me consulem et mox con-  
sulare, sed ut candidatum consulatus putem.

---

6 si, cum vid. *Heumann, Baehr. fort. non necess.*, et cum  
vid. *K.I.*

## INDEX NOMINUM.

- Abascantus v. Satrius.  
 Accius poeta V 3. 6.  
 P. Accius Aquila centurio X  
     106, 107.  
 Accius Sura X 12.  
 Achaia VIII 20. 2, 24. 2. [Achaei]  
     X 65. 3.  
 Achaici VIII 6. 2.  
 Achilles V 6. 43.  
 Acilianus II 16. V. Minicius.  
 Acilius III 14. P. Acilius I 14. 6.  
     Acil. Rufus V 20. 6, VI 13. 5.  
 Acutius Nerva II 12. 2.  
 Aefulanus Marcellinus V 16,  
     VIII 23.  
 Aegyptus V 19. 6, VIII 20. 2,  
     X 7, 10. 2, pan. 30, 31.  
 Aegyptius X 6. 1 sq.  
 Aemilia via V 14. 1.  
 Aeneas V 6. 43.  
 Aeschines I 20. 4, II 3. 10, IV 5. 1,  
     IX 26. 9 sqq.  
 Afer v. Domitius.  
 Afranius Dexter V 13. 4 sq.,  
     VIII 14. 12.  
 Africa II 11. 19, III 7. 12, 9. 2,  
     VII 27. 2, IX 33. 2. Afri II 11. 2.  
 Africanus v. Iulius.  
 Africani VIII 6. 2.  
 Albana villa IV 11. 6. Albanus  
     lacus pan. 82. 1.  
 Albinus VI 10. V. Luceius.  
 Alexandrina civitas X 6, 7, 10.  
 Alpes pan. 14. 2.  
 Alsiensis villa VI 10.  
 Altinates III 2. 2.  
 Amastriani X 98, 99.  
 Amerina praedia VIII 20. 3.  
 Amiseni X 92, 93, 110.  
 Ammius Flaccus IX 13. 13.  
 Ancharia Soteris X 11.  
 Anicius Maximus X 112. 2.  
 Anio VIII 17. 3.  
 Annaeus Seneca V 3. 5.  
 Annia X 65. 3.  
 Annii II 16. Annii Bassus  
     VII 31. 5. Ann. Severus III 6,  
     V 1.  
 Anteia IX 13. 4 sqq.  
 Antonia † Harmeris X 5. 2. Ant.  
     Maximilla X 5. 2.  
 Antoninus v. Arrius.  
 M. Antonius V 20. 5.  
 Apamea X 47. Apameni X 48.  
 Aper v. Flavius.  
 Apollinaris v. Domitius.  
 Appenninus V 6. 2 et 14. Ap-  
     penninae valles V 6. 29.  
 L. Appius Maximus X 58. 6.  
 Appuleius X 74.  
 Aquila v. Accius.  
 Aratus V 6. 43.  
 Archippus v. Flavius.  
 Aristion v. Claudius.  
 Aristo v. Titius.  
 Aristophanes I 20. 19.  
 Armenius Broechus X 65. 3, 66. 2.  
 Arpinae chartae III 21. 5.

- Arria maior III 16, VI 24. 5,  
 minor III 11. 3, 16, VII 19. 5  
 et 9sq., IX 13. 5.  
 Arrianus Maturus I 2, II 11, 12,  
 IV 8, 12, VIII 21; III 2. 2.  
 Arrionilla I 5. 5.  
 Arrius Antoninus IV 3, 18, V  
 15; IV 27. 5.  
 Artemidorus III 11.  
 Artemisius v. Popilius.  
 Arulenus Rusticus I 5. 2 et 5,  
 14. 1sq., III 11. 3, V 1. 8.  
 Asclepiades X 81.  
 Asia III 7. 3, IV 3. 1, VIII 20. 2.  
 Asinius Bassus IV 15. 6sqq.  
 As. Gallus IV 17. As. Gallus  
 As. Pollionis filius VII 4. 3  
 et 6. As. Pollio I 20. 4, V 3. 5,  
 VI 29. 5. As. Rufus IV 15.  
 Astraeus v. Valerius.  
 Asudius Curianus V 1.  
 Athenae IV 3. 5, VII 25. 4, 27.  
 5 et 7, VIII 24. 4.  
 Athenodorus VII 27. 7sqq.  
 Atilius Crescens I 9. 8, II 14. 2,  
 VI 8. At. Scaurus VI 25.  
 Atrius IX 35.  
 Attia Viriola VI 33. 2.  
 Atticinus v. Montanius.  
 Atticus v. Iulius.  
 Atticus sermo II 3. 1, Athenae  
 IV 3. 5, anus IX 23. 5.  
 Attius Clemens I 10, IV 2.  
 Aufidius Bassus III 5. 6.  
 Augurinus v. Serius.  
 Augusta pan. 84. 6.  
 Augustus V 3. 5, VIII 8. 6, X  
 65. 3, 79, 80, 84, pan. 11. 1,  
 88. 10.  
 Aurelia II 20. 10sq.  
 Avidius Nigrinus X 65. 3, 66. 2.  
 Av. Quietus VI 29. 1.  
 Avitus II 6. V. Iulius et Innius  
 et Octavius.  
 † Axer v. Valerius.  
 Baebius Hispanus I 24. Macer  
 III 5, IV 9. 16sqq., 12. 4.  
 Massa III 4. 4, VI 29. 8, VII  
 33. 4sqq. Probus III 9. 12sqq.  
 Baetica provincia III 4. 2, 9,  
 VII 16. 3, 33. 4. Baetici I  
 7. 2sqq., III 4. 6, 9. 6, VI 29. 8.  
 Baianus mos IX 7. 2, lacus  
 pan. 82. 11.  
 Bassus v. Annius et Asinius  
 et Aufidius et Gavius et Iu-  
 lius et Pomponius.  
 Bithyni V 20, VI 13, VII 6,  
 10. 1, X 65, 79, 112. Bithynia  
 IV 9. 2, VIII 24. 8, X 17, 18,  
 32, 33, 66. 2, 77. 3, 79, 87. 2,  
 113, 114. Bithynae civitates  
 X 108, 109, Bithynicae 114.  
 Blaesus v. Velleius.  
 Bosphorus X 63, 67. 2.  
 Brixia I 14. 4.  
 Brocchus v. Armenius.  
 Bructerum rex II 7. 2.  
 Bruttianus v. Lustricus.  
 M. Brutus V 3. 5. Bruti I 17. 3,  
 pan. 55. 6.  
 Byzantii X 43, 44, 78. Byzan-  
 tium X 77.  
 Caecilius Celer I 5. 8. Classicus  
 III 4. 2 et 7, 9. 2sqq., VI 29. 8.  
 Macrinus III 4, VII 6, 10, ?  
 II 7, VIII 17, IX 4. V. Strabo.  
 Caecina Paetus III 16. 3sqq.  
 Caelianus v. Sempronius.  
 M. Caelius I 20. 4. Clemens  
 X 51. 1.  
 Caepio Hispano IV 9. 16sqq.  
 Caesar, C. Iul. I 20. 4, III 12. 2,  
 divus Iulius V 3. 5, VIII 6. 13.  
 V. Augustus et Tiberius et  
 Domitianus. Caesar Augustus  
 Traianus II 7. 1, 11. 10 et 15,  
 13. 8, III 7. 6, 13, 18, IV  
 8. 1 etc.  
 Caesennius Silvanus III 8. 1, 4.

- P. Caesius Phosphorus X 11. 2.  
 Calestrianus Tiro I 12, VI 1, 22,  
 IX 5; VII 16, 23, 32. 1.  
 Callidromus X 74.  
 Callimachus IV 3. 4.  
 Calpurnia VI 4. 7, VII 5; IV  
 1. 1 et 7, 19, V 14. 8, VIII 10,  
 11. 3, 19. 1, X 120. 2, 121.  
 Calp. Hispulla IV 19, VIII 11;  
 IV 1. 7, V 14. 8, X 120. 2, 121.  
 Calpurnius Fabatus IV 1, V 11,  
 VI 12, 30, VII 11, 16, 23, 32,  
 VIII 10; V 14. 8, X 120. 2.  
 Calp. Flaccus V 2. Macer  
 V 18; X 42, 61. 5, 62, 77.  
 V. Piso.  
 Calvina II 14.  
 C. Calvisius Rufus II 20, III 1,  
 19, V 7, VIII 2, IX 6; I 12. 12,  
 IV 4.  
 C. Calvus I 2. 2, 16. 5, IV 27. 4,  
 V 3. 5. V. Servilius.  
 Camenae IX 25. 3.  
 Camerinus I 5. 3.  
 Camilli pan. 13. 4, 55. 6.  
 Camilliana villa VI 30. 2.  
 Campania III 7. 6, V 14. 9, VI  
 4. 1, 20. 3, 28, 30. 2, VII 3. 1.  
 Uxor Praesentis Campana  
 VII 3. 1.  
 Candidus v. Iulius.  
 Caninius Rufus I 3, III 7, II 8,  
 VI 21, VII 18, VIII 4, IX 33.  
 Capito Claudius VI 13. 2. V.  
 Titinius.  
 Capitolium pan. 5. 3, 16. 3,  
 23. 4, 47. 5, 94 ex. Capitoli-  
 num iter 52. 7. V. Iuppiter.  
 Capreae VI 20. 11.  
 Carsulanum I 4. 1.  
 Carthago VII 27. 3.  
 Carus v. Mettius.  
 Carystiae columellae V 6. 36.  
 C. Cassius VII 24. 8. Cassii I 17. 3.  
 Casta, Classici uxor, III 9. 19  
 et 29 et 34.  
 Catilius Severus I 22, III 12.  
 Catius Lepidus IV 7. T. Catius  
 IV 28. 1. V. Fronto.  
 Cato I 20. 4, III 12, 21. 5, IV  
 7. 5. Catones I 17. 3, IV 27. 4.  
 Catullus I 16. 5, IV 14. 5, 27. 4.  
 Messalinus IV 22. 5.  
 Q. Catulus V 3. 5.  
 Celer VII 17; eques Rom. IV  
 11. 10. V. Caecilius et Nonius.  
 Celerina v. Pompeia.  
 Celsus v. Iuventius.  
 Centum Cellae VI 31. 1 et 13 sqq.  
 Cereris aedes IX 39.  
 Cerialis II 19. V. Tuccius et  
 Velius.  
 Certus v. Publicius.  
 Christus X 96. 5 sqq. Christiani  
 X 96, 97.  
 Chrysippus X 11. 2.  
 Cicero I 2. 4, 5. 11 sq., 20. 4 sqq.,  
 III 15. 1, IV 8. 4, V 3. 5, VII  
 4. 3 et 6, 17. 13, IX 2. 2, 26. 8.  
 † Clarius IX 28. 5.  
 Clarus v. Erucius et Septicius.  
 Classicus v. Caecilius.  
 Claudiopolitani X 39. 5, 40. 3.  
 Claudius Aristion VI 31. 3. Cae-  
 sar I 13. 3, III 16. 7, 9, X  
 70. 2, 71, pan. 11. 1. Eumol-  
 pus X 81. Fuscus (an Clu-  
 vius ?) III 9. 18. Marcellinus  
 II 11. 15. Pollio VII 31. Po-  
 lyaeus X 70. Restitutus III  
 9. 16. V. Capito.  
 Clemens v. Attius et Caelius.  
 Clitumnus VIII 8. 5. Clitumni  
 fons VIII 8.  
 Cluentius I 20. 8.  
 Cluvius Rufus IX 19. 5. V.  
 Claudius.  
 Cocceianus Dion X 81, 82.  
 Collega v. Pompeius.  
 Colonus IX 9.  
 Commum I 3. 1, III 6. 4, IV 13. 3.  
 Concordiae aedes V 1. 9.

- Corellia, soror Corelli Rufi, VII 14; I 12. 3, VII 11. Hispula, filia Corelli, III 3; I 12. 3, IV 17.
- Corellius Rufus I 12, III 3. 1, IV 17. 2sq., V 1. 5, VII 11. 3, 31. 4, IX 13. 6.
- Cornelia IV 11. 6sq.
- Cornelianus VI 31.
- C. Cornelius I 20. 8. Corn. Minicianus III 9, IV 11, VII 22, VIII 12. Nepos IV 28. 1, V 3. 6. Priscus III 21, V 20. 7. Tacitus I 6, 20, IV 13, VI 9, 16, 20, VII 20, 33, VIII 7, IX 10, 14; II 1. 6, 11. 2 et 17 et 19, IV 15. 1, IX 23. 2sq. Titianus I 17, ? IX 32. V. Ursus.
- Cornutus Tertullus VII 21, 31; II 11. 19sq., 12. 2, IV 17. 9, V 14, IX 13. 15 sq., pan. 90. 3 sq.
- Cottia III 10; 1. 5.
- Cottius II 7. 3sq.
- Crassus I 5. 3.
- Cremutius Ruso IX 19; VI 23. 2sq.
- Crescens v. Atilius.
- Crispus v. Metilius et Passienus.
- Ctesiphon, oratio pro Ctes. VI 33. 11.
- Curianus v. Asudius.
- Curtilius Mancina VIII 18. 4.
- Curtius Rufus VII 27. 2sq.
- Dacia VI 31. 8. Dacicum bellum VIII 4.
- Danubius pan. 12. 3, 16. 2, 63. 4, 82. 4.
- Decibalus X 74. 1.
- Demosthenes I 2. 2, 20. 4, II 3. 10, IV 5. 1, 7. 6, VI 33. 11, VII 30. 4, IX 23. 5, 26. 8sq.
- Dexter v. Afranius.
- Diana I 6. 3, IX 10. 1.
- Diomedes V 2. 2.
- Dion v. Cocceianus.
- Dionysius pistor X 74.
- Domitianus I 5. 1 et 5 et 14, 12. 6, 18. 3, III 9. 31, 33, IV 9. 2, 11. 5 sq., 22. 5, VII 27. 14, IX 13. 2, X 58. 3 et 10, 60, 65. 3, 66. 2, 72, pan. 11. 1, 20. 4, 33. 4, 42. 4, 48. 3sq., 52. 3 et 7, 82. 1, 90. 5, 94. 3, 95. 4 sq.
- Domitius Afer II 14. 10 sq., VIII 18. 5 et 7. Apollinaris II 9, V 6; IX 13. 13. Lucanus VIII 18. 4. Tullus VIII 18.
- Drusus Nero III 5. 4.
- Egnatius Marcellinus IV 12.
- Encolpius VIII 1. 2.
- Ennius V 3. 6.
- Ephesus X 15, 17. 1, 18. Ephesii VI 31. 3.
- Epigonus X 11. 2.
- Epimachus X 84.
- Erucius Clarus I 16, II 9. 4. Sext. Er. Clarus filius II 9.
- Esquiliae III 21. 5.
- Eumolpus v. Claudius.
- Euphrates philosophus I 10. Flumen pan. 14. 1.
- Eupolis I 20. 17.
- Euripides IV 11. 9, 27. 6.
- Eurythmus VI 31. 8sq.
- Fabatus v. Calpurnius.
- Fabius Hispanus III 9. 12sq. Iustus I 11, ? VII 2; I 5. 8. Postumius IX 13. 13. Valens IV 24.
- Fabricius Veiento IV 22. 4, IX 13. 13 sq. Fabricii pan. 13. 4.
- Fadius Rufinus IX 23. 4.
- Falco v. Pompeius.
- Fannia III 11. 3, 16. 2, VII 19, IX 13. 3sq.
- C. Fannius V 5.

- Ferox v. Iulius.  
 Festus v. Valerius.  
 Firmani VI 18.  
 Firminus v. Hostilius.  
 Firmus v. Romatius et Satrius.  
 Flaccus v. Ammius et Calpurnius.  
 Flavius Aper V 13. 5. Fl. Archippus X 58, 59, 60, 81.  
 Fl. Marcianus II 11. 8sqg.  
 Fonteius Magnus V 20. 4, VII 6. 2 et 6, 10. 1.  
 Formiana villa III 14. 2. Formianum VI 14. 1.  
 Forum Iuli V 19. 7.  
 Frontinus, Iulius IV 8. 3, V 1. 5, IX 19.  
 Fronto, Catus II 11. 3, 18, IV 9. 15, VI 13. 2.  
 Frugi v. Libo.  
 Fundanus, Minicius I 9, IV 15, VI 6; V 16.  
 Furia Prima X 60.  
 Fuscus Salinator pater VI 26. 1, X 87. 3.  
 Fuscus Salinator filius VII 9, IX 36, 40; VI 11, 26. V. Claudius.  
 Gaditanus II 3. 8. Gaditanae I 15. 3.  
 Gaetulicus v. Lentulus.  
 Galba II 20. 2.  
 Galla v. Pomponia.  
 Gallitta VI 31. 4.  
 Gallus II 17, VIII 20; I 7. 4. V. Asinius.  
 Gavius Bassus X 21, 22, 86.  
 Gemellinus v. Virdius.  
 C. Geminus I 12. 9.  
 Geminus Rosianus VII 1, 24, VIII 5, 22, IX 11, 30; X 26.  
 Genialis VIII 13.  
 Genitor v. Iulius.  
*Germania* III 5. 4, VIII 23. 5, *pan.* 9. 2, 14. 2 et 5.  
 Gracchi I 20. 4.  
 Graecia VIII 24, X 40. 3.  
 Gratilla III 11. 3, V 1. 8.  
 † Harmeris v. Antonia.  
 Harpocras X 5, 6, 7, 10.  
 Hedia X 5. 2.  
 Helvidia IX 13. 16. Helvidiae IV 21.  
 Helvidius Priscus VII 19. 3sqg. Filius III 11. 3, IV 21. 3, VII 30. 4, IX 13. Nepos IV 21. 4.  
 Heracleotae X 75. 2.  
 Hercules *pan.* 14. 5.  
 Herennius Pollio IV 9. 14. Senecio I 5. 3, III 11. 3, IV 7. 5, 11. 12, VII 19. 5, 33. 4sq. Severus IV 28.  
 Hermes VII 11.  
 Herodes IV 3. 4.  
 Hipponensis colonia IX 33. 2.  
 Hispania III 5. 17. VI 20. 5 et 10, *pan.* 14. 2 et 5, ceterior II 13. 4.  
 Hispanus VI 25. V. Baebius et Fabius.  
 Hissellates VIII 8. 6.  
 Hispo v. Caepio.  
 Hispulla I 12. 3 et 7 et 9 et 10. V. Calpurnia et Corellia.  
 Homerus I 7. 1 et 4, 18. 1 et 4, 20. 22, II 14. 2, III 9. 28, IV 3. 3, V 6. 43, 19. 2, 20. 8, VI 8. 3, VIII 2. 8, 4. 4, IX 1. 3, 13. 20, 26. 6.  
 Homullus v. Titius.  
 Honoratus v. Vitellius.  
 Horatius IX 22. 2.  
 Q. Hortensius V 3. 5.  
 Hostilius Firminus II 11. 23, 12.  
 Hyperides I 20. 4.  
 Iavolenus Priscus VI 15.  
 Icaria VII 4. 3.  
 Illyricum III 16. 7.  
 Isaeus II 3.  
 Isocrates VI 29. 6.

- Iseon X 33. 1.  
 Italia I 14. 4, II 11. 19, IV 7. 2,  
     VI 19. 4 Italica praedia VI  
     19. 6.  
 Italicus IX 23. 2. V. Silius.  
 Iuliopolitani X 77, 78.  
 Iulius Africanus VII 6. 11. Avi-  
     tus V 21. 3sq., ? II 6. Atti-  
     cus I 12. 10. Bassus IV 9,  
     V 20. 1, VI 29. 10, X 56. 4sq.,  
     57. 2. Candidus V 20. 5. Fe-  
     rox II 11. 5, X 87. 3, ? VII 13.  
     Genitor III 11, VII 30, IX 17;  
     III 3. 5sq. Largus X 75, 76.  
     Naso IV 6, VI 6. 9. Piso X  
     110. Servianus III 17, VI 26;  
     VII 6. 8, VIII 23. 5, X 2. Tiro  
     VI 31. 7. Valens V 21. Vale-  
     rianus II 15, V 4, 13. V. Cae-  
     sar et Frontinus et Sparsus.  
 Iulia lex VI 31. 6, pan. 42. 1,  
     basilica V 9. 1.  
 Iunia VII 19. 1.  
 Iunior v. Terentius.  
 Iunius Avitus VIII 23, ? II. 6.  
     Mauricus I 14, II 18, VI 14;  
     I 5. 10 et 15sq., III 11. 3, IV  
     22. 3. Pastor I 18. 3.  
 Iuppiter I 7. 1, III 6. 5, pan.  
     1. 5sq., 8. 1 et 3, 14. 5, 52.  
     3 et 6, Capitolinus pan. 16. 1,  
     94. 1.  
 Iustus Fabius I 11, ? VII 2; I  
     5. 8. Tullius X 58. 10. V.  
     Minicius.  
 Inventius Celsus VI 5. 4.  
 Laberius Maximus X 74. 1.  
 Lacedaemon VIII 24. 4. Lace-  
     daemonii X 65. 3.  
 Laelii pan. 88. 6.  
 Larcus Licinus II 14. 9, 11,  
     III 5. 17. Macedo III 14.  
 Largus v. Iulius.  
 Larius lacus II 8, IV 30. 2, VI  
     24, VII 11. 5, IX 7.  
 Latium pan. 37. 3, 39. 2. La-  
     tini libertini X 104.  
 Laurentinum I 9. 4, 22. 11, II  
     17, IV 6, V 2, VII 4. 3, X 40.  
 Laurentina via II 17. 2.  
 Lentulus Gaetulicus V 3. 5.  
 Lepidus v. Catius.  
 Leptitani II 11. 23.  
 Liberalis v. Salvius.  
 Libo Frugi III 9. 33.  
 Licinianus v. Narbonus et Va-  
     lerius.  
 Licinius Nepos IV 29. 2, V 4. 2,  
     9. 3, 13. 1, VI 5. Sura IV 30,  
     VII 27.  
 Licinus v. Larcus.  
 Liviae porticus I 5. 9.  
 T. Livius II 3. 8, VI 20. 5.  
 Lucania VII 3. 1.  
 Lucanus v. Domitius.  
 Lucceius Albinus III 9. 7, IV  
     9. 13.  
 Lucretius IV 18. 1.  
 Lugdunum IX 11. 2.  
 Luperus II 5, IX 26.  
 Lupus v. Nymphidius.  
 Lustricius (v. Lustricus) Brut-  
     tianus VI 22.  
 Lyaeus III 21. 5.  
 Lycormas X 63, 67.  
 Lysias I 20. 4.  
 Macedo v. Larcus.  
 Macer VI 24. V. Baebius et  
     Calpurnius.  
 Macrinus v. Minicius et Cae-  
     cilius.  
 Magnus v. Fonteius.  
 Malea X 15.  
 Mamilianus IX 16, 25.  
 Mancius v. Curtilius.  
 Marcellinus v. Aefulanus et  
     Claudius et Egnatius.  
 Marcellus v. Neratius.  
 Marcianus v. Flavius.  
 Marcus libertus VII 27. 12.



- Marinus v. Postumius.**  
**Marii** VIII 6. 2. **Marius** Priscus II 11, 12, III 9. 2 et 4, VI 29. 9, X 3. 2.  
**Mars** VII 9. 11.  
**Marsi** II 15. 1.  
**Martialis v. Valerius.**  
**Massa v. Baebius.**  
**Mater Magna** X 49, 50.  
**Maturus v. Arrianus.**  
**Mauricus v. Iunius.**  
**Maximilla v. Antonia.**  
**Maximus libertus** X 27, 28, 35.  
     **Max. pistor** X 74. **V. Anicius** et **L. Appius** et **Laberius** et **Messius** et **Nonius** et **Vibius.**  
**Mediolanum** IV 13. 3, VII 23. 1.  
**C. Memmius** V 3. 5.  
*Μεμφτιος ρουός* X 10.  
**Menander** VI 21. 4.  
**M. Messala** V 3. 5.  
**Messalinus v. Catullus.**  
**Messius Maximus** III 20, IV 25.  
**Metelli** pan. 88. 6.  
**Metilius Crispus** VI 25. 2. **V. Nepos.**  
**Mettius Carus** I 5. 3, VII 19. 5, 27. 14. **Mett. Modestus** I 5. 5 sqq.  
**Minerva** I 6. 3, III 21. 5, VII 9. 11, IX 10. 1.  
**Minicianus v. Cornelius.**  
**Minicius** VII 12. **Acilianus** I 14. 3 sqq. **Iustus** VII 11. 4, ? VII 2. **Macrinus** I 14. 5, VIII 5; ? II 7, VIII 17, IX 4 (v. **Caecilius**). **Rufus** X 72. **V. Fundanus.**  
**Misenum** VI 16. 4 et 21, 20. 1 et 11 et 15 et 19.  
**Mithridates** X 11. 2.  
**Modestus servus** IV 10. **V. Mettius.**  
**Moesia** X 43. 3, 44, 74.  
**Montarius Atticinus** VI 22.  
**Montanus** VII 29, VIII 6.  
**Murena tribunus** IX 13. 19.  
     **Cicero pro Mur.** I 20. 7.  
**Musa** III 21. 5.  
**C. Musonius** III 11. 5 et 7.  
**Mustius** IX 39.  
**Narbonensis provincia** VII 25. 2.  
**Narniense** I 4. 1.  
**Naso v. Iulius.**  
**Neapolis** III 7. 8. **Neapolitanum** III 7. 1.  
**Nepos, Metilius** II 3, III 16, IV 26, VI 19. **V. Cornelius** et **Licinius** et **Varisidius.**  
**Neratius Marcellus** III 8. 1. **V. Priscus.**  
**Nero** I 5. 1 et 3, III 5. 5, 7. 3 sqq., V 3. 6, 5. 3 et 5, VI 31. 9, pan. 11. 1, 53. 4, 57. 2. **V. Drusus.**  
**Nerva** II 1. 3, IV 9. 2, 11. 14, 17. 8, 22. 4, V 3. 5, VII 31. 4, 33. 9, X 58. 3, pan. 6. 4, 7, 8, 10, 23. 4, 35. 4, 37. 6, 38, 45. 1, 46. 2, 47. 4, 51. 1 sqq., 56. 3, 61. 7, 88. 5, 89, 90. 6. **V. Acutius.**  
**Nicaea** X 31, 39, 67, 81. 4. **Nicaeenses** X 39. 4, 40, 83, 84.  
**Nicetes Sacerdos** VI 6. 3.  
**Nicomedia** X 25, 31, 33, 34, 74. **Nicomedenses** X 34, 37, 38, 41, 49, 74. **Nicomedensis civitas** X 38, **statio** X 74, **lacus** X 41, 42, 61, 62.  
**Nigrinus** V 13. 6, 20. 6, VII 6. **V. Avidius.**  
**Nilus** pan. 30. 2, 31. 3 sqq.  
**Nominatus v. Tuscilius.**  
**Nonianus, Servilius** I 13. 3.  
**Nonius** IX 30. 1. **Celer** VI 32. 1. **Maximus** IV 20, V 5.  
**Norbanus Licinianus** III 9. 29 sqq.  
**Numantini** VIII 6. 2.

Nymphidius Lupus X 87. Filius ib. 3.

Ocriculum VI 25. 1. Ocriculanum I 4. 1.

Octavius II 10. Avitus IX 33. 9. Rufus I 7.

Olympus X 81. 1.

Ostiensis colonia II 17. 26, via II 17. 2.

Pacorus X 74. 1 sq.

Padus VI 1. 1.

Pactus v. Caecina et Thræsea.

Pallas VII 29, VIII 6.

Pannonia VIII 23. 5, pan. 8. 2.

Paphlagonia X 27.

Papirii pan. 57. 5.

Parthia X 74. 1. Parthicum metallum X 74. 3, Parthicalaurus pan. 14. 1.

Passenus Paulus VI 15, IX 22.

Passienus Crispus VII 6. 11.

Pastor v. Iunius.

Patavinum municipium I 14. 6.

Paternus v. Plinius.

Paulinus II 2, IX 3, 37. V. Valerius.

Paulus v. Passenus et Velius.

Pergamum X 17. 1.

Pericles I 20. 17 sqq.

Perusinum I 4. 1.

Phosphorus v. Caesius.

Picenum VI 1. 1.

Piso, L. Calpurnius III 7. 12.

L. Calp. Piso Licinianus II 20. 2. Pigones pan. 88. 6.

C. Calp. Piso V 17. V. Iulius.

Planta IX 1. V. Pompeius.

Platonica sublimitas I 10. 5.

Plautus I 16. 6, VI 21. 4.

Plinius Paternus I 21, IV 14, VIII 16, IX 27. C. Plin. Secundus I 19. 1, III 5, V 8. 5, VI 16, 20.

Plotina IX 28. 1, pan. 83. 5 sqq.

Pollio v. Asinius et Claudius et Herennio.

Polyaenus VII 6. 6 et 14, 10. 1. V. Claudius.

Polyclitus I 20. 10. Neronis libertus VI 31. 9.

Pompeia Celerina I 4, socrus I 18. 3, III 19. 8, VI 10, X 51. 1.

Pompeius VIII 6. 2, pan. 29. 1. Lex Pompeia X 79. 1 et 4, 80, 112. 1, 114, 115. Collega

II 11. 20 sqq. Falco I 23, IV 27, VII 22, IX 15. Iulianus

I 10. 8. Planta X 7, 10. 2. Quintianus IX 9. Saturninus

I 8, V 21, VII 7, 15, IX 38; I 16, VII 8.

Pomponia Galla V 1. 1.

Pomponianus VI 16. 11 et 14.

Pomponius Bassus IV 23. Rufus III 9. 33, IV 9. 3, 14.

Secundus III 5. 3, IV 11. 7. Pontius Allifanus V 14, VI 28,

VII 4.

Pontus X 75. 1. Pontica ora X 21, 86, civitates X 108, 109, Pontici X 112.

Popilius Artemisius X 28. 2.

Postumius Marinus X 11. V. Fabius.

Praenestina praedia V 6. 45.

Praesens VII 3.

Prima v. Furia.

Priscus, L. Neratius II 13, ?

VI 8, VII 8, 19; 7. 1, 15. 3. V. Cornelius et Iavolenus et

Marius et Stilonius et Vettius.

Probus v. Baebius.

Procula v. Serrana.

Proculus v. Silius et Vettius.

Propertius VI 15. 1, IX 22. 1 sq.

Prusa X 70. Ad Olympum X 81. Prusiada X 58. 5. Prusias X 81. 6. Prusenses X

17. 3, 23, 24, 58. 3, 71.

Publicius Certus IX 13. 11 sqq.

Pudens v. Servilius.  
Pyrenaeus pan. 14. 2.

Quadratilla v. Ummidia.  
Quadratus v. Ummidius.  
Quietus v. Avidius.  
Quintianus v. Pompeius.  
Quintii pan. 57. 5.  
Quintilianus, M. Fabius VI 32;  
II 14. 9 sq., VI 6. 3.

Rectina VI 16. 8 sq.  
Regia villa IV 11. 6.  
M. Regulus I 5, 20. 14, II 11.  
22, 20, IV 2, 7, VI 2.  
Restitutus VI 17. V. Claudius.  
Rhenus pan. 14. 1, 63. 4, 82. 4.  
Rhodii II 3. 10, IV 5.  
Robustus VI 25.  
Romanus v. Vergilius et Vo-  
conius.  
Romatius Firmus I 19, IV 29.  
Rosianus v. Geminus.  
Rufinus VIII 18. V. Fadus et  
Trebonius.  
Rufus v. Acilius et Asinius et  
Calvisius et Caninius et Co-  
rellius et Curtius et Minicius  
et Octavius et Pomponius et  
Sempronius et Satrius et  
Varenus et Verginius.  
Ruso v. Cremutius.  
Rusticus IX 29. V. Arulenus.

Sabina IV 10.  
Sabinianus IX 21, 24.  
Sabinus VI 18, IX 2, 18. V.  
Stadius.  
Sacerdos v. Nicetes.  
Salinator v. Fuscus.  
Salvus Liberalis II 11. 17, III  
9. 33 et 36.  
Sardus IX 31.  
L. Satrius Abascantus X 11. 2.  
Satr. Rufus I 5. 11, IX 13. 17.  
*Saturius Firmus* IV 15. 3.

Saturnalia II 17. 24, IV 9. 7,  
VIII 7. 1.  
Saturni aerarium X 3. 1.  
Saturninus V 7. V. Pompeius.  
Sauromates rex X 63, 64, 67.  
Q. Scaevola V 3. 5.  
Scaurus v. Atilius et Terentius.  
Scipiones pan. 13. 4.  
Scribonianus III 16. 7 et 9.  
Secundus v. Pompeius.  
Sempronius Caelianus X 29, 30.  
Rufus IV 22, V 9, ? VI 30. 5,  
VII 25, IX 38. Senecio VI  
31. 8 sqq.  
Seneca v. Annaeus.  
Senecio v. Herennius et Sem-  
pronius et Sosius.  
C. Septicius Clarus I 1, 15,  
VII 28, VIII 1; II 9. 4.  
Serius Augurinus IX 8; IV 27.  
Serrana Procula I 14. 6.  
Sertorius III 9. 11. Sert. Se-  
verus V 1. 1.  
Servianus v. Iulius.  
P. Servilius Calvus X 56. 2,  
57. 1. Serv. Pudens X 25.  
Severus VI 27, IX 22. V. An-  
nius et Catilius et Herennius  
et Vibius.  
Sicilia IV 11. 1 et 14.  
L. Silanus I 17.  
Silius Italicus III 7. Proculus  
III 15.  
Silvanus v. Caesennius.  
Sinopenses X 90. Sin. colonia  
X 91.  
Socratici sermones III 12. 1.  
Sollers, Bellicius V 4. 1.  
Sosius Senecio I 13, IV 4.  
Sotadici V 3. 2.  
Soteris v. Ancharia.  
Sparsus, Iulius IV 5, VIII 3.  
Spurinna v. Vestricius.  
Stabiae IV 16. 12.  
Stadius Sabinus IV 10.  
Stilonius Priscus III 9. 18.

- Strabo, C. Caecilius IV 12. 4, 17. 1.  
 Stratonicæ X 11. 2.  
 Suburanus, Attius VII 6. 10 sq., ? VI 33. 6.  
 Suetonius Tranquillus I 18, III 8, V 10, IX 34; I 24, X 94, 95.  
 L. Sulla V 3. 5. Sullae VIII 6. 2.  
 Serv. Sulpicius V 3. 5.  
 Sura v. Accius et Licinius.  
 Susagus X 74. 1.  
 Syria I 10: 2, III 11. 5.  
 Tacitus v. Cornelius.  
 Terentius I 16. 6, VI 21. 4. Iunior VIII 15, IX 12; VII 25. 2 sqq. Maximus X 58. 5. Scaurus V 12.  
 Tertullus v. Cornutus.  
 Theon X 5. 2.  
 Theophanes IV 9. 3 sqq.  
 Thermitis X 5. 2.  
 Thræsa Paetus III 16. 10, VI 29. 1 et 7, VII 19. 3, VIII 22. 3.  
 Thucydides IV 7. 3, V 8. 11.  
 Tiani X 75. 2.  
 Tiberis IV 2. 5, V 6. 11, VIII 17.  
 Tiberius Caesar V 3. 5, pan. 11. 1.  
 Tiburtina praedia V 6. 45, via VII 29. 2.  
 Ticianus VII 16. 3.  
 Tifernum Tiberinum IV 1. 4 sqq.  
 Timo I 5. 5.  
 Tiro VII 4. 3 et 6. V. Caestrius et Iulius.  
 Titianus v. Cornelius.  
 Titinius Capito V 8; I 17, VIII 12.  
 Titius Aristo V 3, VIII 14; I 22. Homullus IV 9. 15. V 20. 6, VI 19. 3.  
 Titus IV 9. 2, X 65. 3, pan. 11. 1, 35. 4.  
 Torquatus V 3. 5.  
 Traianus pater pan. 89. 2. V. Caesar.  
 Tranquillus v. Suetonius.  
 Transpadana regio IV 6.  
 Trebonius Rufinus IV 22.  
 Triarius VI 23.  
 Tuccius Cerialis II 11. 9.  
 Tullius v. Cicero et Iustus.  
 Tullus v. Domitius.  
 Tuscanum IV 13. 1. Tusci III 4. 2, IV 1. 3, 6, V 6, 18. 2, IX 15, 36, 40.  
 Tusculana praedia V 6. 45.  
 Tuscilius Nominatus V 4, 13.  
 Tutilius VI 32. 1.  
 Vadimonis lacus VIII 20. 3 sqq.  
 Valens v. Fabius et Iulius.  
 Valerianus v. Iulius.  
 C. Valerius † Axer X 104 ex. Astraeus X 104 ex. Dionysius X 104 ex. Festus III 7. 12. Licinianus IV 11. Martialis III 21. Paulinus IV 16, V 19; IV 9. 20 sq., X 104, 105. Varus VI 8. 4.  
 Varenus, Rufus V 20, VI 5. 1, 13, 29. 11, VII 6, 10; I 20. 7.  
 Varisidius Nepos IV 4.  
 Varro V 3. 5.  
 Varus v. Valerius.  
 Veiento v. Fabricius.  
 Velius Cerialis IV 21. Paulus X 58. 3, 60.  
 Velleius Blaesus II 20. 7 sq.  
 Venator IX 20.  
 Venus VII 9. 11.  
 Verania II 20. 2 sqq.  
 Vergilius III 7. 8, V 3. 6, 6. 43, 8. 3, VI 20. 1, 33. 1, VII 20. 4. Romanus VI 21. 2.  
 Verginius Rufus II 1, V 3. 5, VI 10, IX 19.  
 Veronenses VI 34. 1.  
 Verres I 20. 10.

